





## გ ა მ მ ც ე მ ლ ო ბ ი ს ა გ ა ნ

ვარლამ დავითის ძე ძიძიგური დაიბადა 1889 წლის 15 მაისს ქუთაისის მაზრის სოფ. მათხოჯში. პირველდაწყებითი სწავლა მიიღო სოფ. ნახახულევში, საშუალო — ხონში (სამასწავლებლო სემინარია), უმაღლესი კი — თბილისში (უნივერსიტეტის სიბრძნისმეტყველების ფაკულტეტი).

ვ. ძიძიგური 1909 წლიდან 1918 წლამდე მუშაობდა იმერეთის, სამეგრელოს, აჭარის, ლეჩხუმის და ზემო სვანეთის სკოლებში, ხოლო 1918 წლიდან — თბილისის საშუალო სკოლებში, მუშუაკაებში, პედაგოგიურ ტექნიკუმებსა და მუშათა უნივერსიტეტში; აგრეთვე „სახალხო განათლების“ რედაქციაში, ცენტრალურ სალექციო ბიუროსა და ს.ა. სსრ განათლების სამინისტროში. პედაგოგიურ მოღვაწეობასთან ერთად ვ. ძიძიგური ეწეოდა საზოგადოებრივ-სასარგებლო საქმიანობასაც.

ვარლამ ძიძიგური სისტემატურად ბეჭდავდა ქართულ და რუსულ ჟურნალ-გაზეთებში სტატიებს, ნარკვევებსა და რეცენზიებს უმთავრესად სწავლა-აღზრდის საკითხებზე.

1926 გამოქვეყნდა ვ. ძიძიგურისა და ა. გვახარიას „პირველი წიგნი“ ორ ნაწილად, „ანბანი“ და „დედა ენა“; ეს სახელმძღვანელოები ოცი წლის მანძილზე ემსახურებოდნენ საბჭოთა სკოლას.

1947 წელს დაიბეჭდა ვ. ძიძიგურის „ქართული ენა“ — სახელმძღვანელო წიგნი სოფლის ასალგაზრდობისა და მუშა ასალგაზრდობის სკოლებისათვის.

ვ. ძიძიგურის კლასმს ეკუთვნის მეთოდური ხასიათის წიგნები: „ქართული ენის სწავლების მეთოდის დასაწყებით სკოლაში“, რამდენიმე კლასთან ერთდროულად მუშაობის პედაგოგიური პრინციპები“, „კლასკომპლექტში მუშაობის ორგანიზაცია და მეთოდები“ და „ქართული ენის სწავლების საკითხები“.

საბჭოთა მთავრობამ ღირსეულად დააფასა სახელოვანი მანწავლებლის მოღვაწეობა: ვარლამ ძიძიგურს მიანიჭეს საქართველოს სსრ სკოლის დამსახურებული მანწავლებლის წოდება, დააჯილდოვეს ღენინის ორდენითა და რამდენიმე პედალით, აგრეთვე სამკერდე ნიშნით „სასაღხო განათლების წარჩინებული“.

ვ. დ. ძიძიგური ხანმოკლე ავადმყოფობის შემდეგ გარდაიცვალა 1957 წ. 6 მაისს.

წინაშდებარე წიგნის სახით „საბლიტგამი“ ბეჭდავს ვარლამ ძიძიგურის ვრცელი შოგონებებიდან იმ ნაწილს, რომელიც სკოლის (როგორც ძველი, ისე საბჭოთა) ცხოვრებასთანაა დაკავშირებული და საინტერესო იქნება მოსწავლე ახალგაზრდებისათვის.



## I

# გავშვობის წლები. ნახახულევის ორკლასიანი სკოლა. მასწავლებლები. ხონის სასწავლებლები

## II

„ჯოხის ცხენზე“ ვიჯექი და „ცხენობანას“ ვთამაშობდი სოფლის ფართო ეზოში, როცა ზედიზედ გავარდა თოფები ჩვენი სახლის აივნებიდან და თან რაღაცნაირი ყიჟინა ატყდა. მოულოდნელობით შეშინებულმა უცებ „ცხენს“ ხელი გავუშვი და ავტირდი. დიდები მომვარდნენ და დამშვიდება დამიწყეს. ერთმა მითხრა: „ნუ ტირი, გენაცვალე, შენი პატარა ძამია დაიბადა, წამო, გაჩვენო, რა ბიჭიაო“. ჩანს, სამი წლის ვიყავი მაშინ, რადგან ამ ხნით უფროსი ვარ ჩემს მომყოლ ძმაზე, რომელიც იმ დღეს დაიბადა.

ამ შემთხვევაზე ადრინდელი არაფერი მახსოვს. მეტიც: ამის შემდგომი ამბებიც კი, ვიდრე სასკოლო ასაკისა გავხდებოდი, არ შერჩენია ჩემს მეხსიერებას, გარდა რამდენიმე სასიამოვნო მომენტისა, როცა ჩავუცუტქლებოდი ხოლმე ფეხებშუა ჩემს საყვარელ, ახოვან, წვერებიან სვიმონ ბაბუას, რომელიც ხშირად ეზოში დიდი ხის ქვეშ, ჩრდილში, დაბალ სკამზე იჯდა, და ვთხოვდი: „რამე-რამეები“ მიამბე-მეთქი. გატაცებით ვისმენდი მოხუცის პათოსით ნაამბობ მისსა და სხვათა თავგადასავლებს, ზღაპრებს, შაირებს.

ჩემს საყვარელ ბაბუას ყველაზე დიდ და ყველაფრის შემძლე კაცად ვთვლიდი; ცაში რომ ღრუბლებს დავინახავდი, ისიც კი მისი ყალიონიდან გამოსული და მალლა, ცაში ასული კვამლი მეგონა.

ექვსი წლის ვიყავი, ბაბუა რომ მოკვდა. მახსოვს, რა დიდძალი საწოგადოება დაესწრო მის დასაფლავებას, რამდენი ხალხი ირეოდა იმ დღეს ჩვენს ეზოში.

## 2

რვა წლის ვიყავი, სკოლაში რომ მიმაბარეს. დიდად გამახარეს მშობლებმა სკოლაში წაყვანის წინ. დედამ ახალი ტანისამოსი და ჭრელი ჩანთა შემიკერა. მამამ ვარდისფერი „დედენა“, რვეულები და ნაირნაირი ფანქრები მომიტანა...

ჩემს სოფელ მათხოჯში სკოლა არ იყო. ყოველდღიურად ვხედავდი ჩვენი ჭიშკრის წინ გამვლელ-გამომვლელ ჩანთებიან გოგო-ბიჭებს; ვიცოდი, რომ ისინი მეზობელ სოფელში, ნახახულევში დადიოდნენ; ისიც ვიცოდი, რომ იმ ბედნიერ სოფელში სკოლა იყო, მაგრამ მე თვითონ სკოლა არასოდეს მენახა, წარმოდგენა არ მქონდა, რა არის სკოლა. გაგონებით კი ვიცოდი, რომ სკოლა კარგი რამ არის. ალბათ ამიტომ იყო, რომ გულმა ბაგაბუგი დაჩიწყო, რაღაც გამოუთქმელი სიამოვნებით აძგერდა, როცა გამომიცხადეს, სკოლაში უნდა წაგიყვანოთო. ვაჩქარებდი დედას ჩანთის შეკერვას. გამომაწყვეს და სკოლაში მიმიყვანეს...

სოფ. ნახახულევში ორკლასიანი სასწავლებელი იყო. სკოლის ხუთ განყოფილებას ორი მასწავლებელი ასწავლიდა. ბესარიონ მიხეილის ძე დოქვირი პირველ, მეორე და მესამე განყოფილებებს ასწავლიდა ერთდროულად, ხოლო ლავრენტი ანტონის ძე ჩიმაკაძე — მეოთხე და მეხუთე განყოფილებებს. ორივე მასწავლებელი მათხოჯელი იყო. ბესარიონ დოქვირს ექვსკლასიანი საქალაქო სასწავლებელი ჰქონდა დამთავრებუ-

ლი, ლავრენტი ჩიმაკაძეს — ქუთაისის სამასწავლებლო სემინარია (დ. ხონში). ორივე კარგი მასწავლებელი იყო, განსაკუთრებით ლავრენტი ჩიმაკაძე — ნამდვილი ხელოვანი გახლდათ.

### 3

წერა-კითხვა ბესარიონ ლოკვირმა მასწავლა. მახსოვს, ერთხელ „ნუცას სკოლა“ წამაყიოთხა; გზადაგზა მეშლებოდა, ის კი მისწორებდა. მიკვირდა დიდად: მე წიგნი ხელში მიჭირავს, შიგვიცქირები, ასოებს ვხედავ და მაინც მეშლება, მას წიგნი ხელში არა აქვს, ასოებს ვერ ხედავს და მაინც მისწორებს. ნეტავ ვიციოდე, როგორ ახერხებს ამას? უთუოდ, შორიდან იცქირება ჩემს წიგნში-მეთქი. ამის შემდეგ დავიწყე დაკვირვება: აბა, ვნახო, სხვებს რომ გაუსწორებს, იქნებ შევაძინო, რა მანქანებით ჩაიხედავს სხვის წიგნში! ვხედავ, ხან კედელს მისჩერებია, ხან მალა იხედება, პერს უცქერის, ხან დაბლა იატაკისკენ დაუხრია თვალები და... მაინც უსწორებს ჩემს ამხანაგებს კითხვის დროს დაშვებულ შეცდომებს!.. დავრწმუნდი, რომ მასწავლებელს რაღაც ჯადო თვალები ჰქონდა, ის ჩვეულებრივი ადამიანი კი არა, ზეკაცი იყო.

ერთხელ გაკვეთილზე შემოსვლა დაავგიანდა, იქვე ქუჩაში ვიდაცამ ეტლი შეაჩერა და იმას ელაპარაკებოდა. კლასში რომ შემოვიდა, გვითხრა: ჩემი ყოფილი მასწავლებელი ვნახე და გამიხარდაო. ჩვენ ყველანი გავოცდით, ერთხმად ვკითხეთ: მასწავლებლო, შენი მასწავლებელი ცოცხალია?! გაიცინა: აი, ის არის, ახლა რომ ველაპარაკებოდიო. გული დაგვწყდა, რომ არ დაუპკვირდით იმ კაცს: მასწავლებელი ხომ დიდი კაცია და მასწავლებლის მასწავლებელი ვინდა უნდა ყოფილიყო?!

ერთ დღეს გაკვეთილი არ ვიცოდით. ბესარიონმა შემოწმების შემდეგ გვითხრა: „თქვენ არც ერთი არ ივარგებთ, გარდა ამ ერთისაო“ (მიგვითითა ერთ-ერთ ამხანაგზე). ყველანი შევშინდით: გვეგონა, ეს მართლაც ასე იქნებოდა. სკოლაში სიარული განვაგრძე, თუმცა ვიციოდი, რომ მე არ ვივარგებდი. მას შემდეგ დიდი დრო გავიდა, ამხანაგები დაკაცდნენ და ყველამ

დავინახეთ, რომ ჩვენი საყვარელი მასწავლებლის „წინასწარ-მეტყველება“ არათუ არ გამართლდა, პირიქით, თითქმის ყველა დაწუნებულმა გოგო-ბიჭმა ივარგა: ზოგი მეცნიერია, ზოგი ექი-მი, ზოგი ინჟინერი, ზოგი მასწავლებელი... უეჭველია, აჯობებდა ჩვენს მასწავლებელს ესარგებლა ბრძენის დარიგებით: «მოწყება სწრაფი უნდა, რისხვა — დ გვიანებული“...

პირადად განცდილიდან და საერთოდ ზემოთ ნათქვამიდან დასკვნა გამოვიტანე და მთელი ჩემი მასწავლებლობის ხანგრძლივ პერიოდში ვცდილობდი, ჩემი აღსაზრდელ-მოსწავლეების წინაშე რაიმე აზრის გამოთქმისა და დასკვნების გაკეთებაში არასოდეს არ ავჩქარებულიყავ. არფერი მეთქვა და არც ჩამედინა ისეთი, რაც არასწორი და უმართებულო იქნებოდა, რათა ამით არ შემელახა მასწავლებლის პრესტიჟი, სახელი, ავტორიტეტი. თუ მასწავლებელს ავტორიტეტი არა აქვს, ისეთავის მალაღნიშნულებს ვერ შეასრულებს.

კეთილშობილურია და სიმპათიური სახალხო მასწავლებლის სამუშაო, დღია და განუზომელი მისი როლი ახალი თაობის აღზრდისა და გათვითცნობიერების საქმეში, უსაზღვროა სიამოვნება პედაგოგიურ საიდუმლოებას დაუფლებული მასწავლებლისა, როცა ის „ადამიანობის სამკედლოში“ მუშაობს.

ბესარიონ მახვილის ძე დოკვირიც ერთი ასეთი მასწავლებელთაგანია. სამოცი წელი იმუშავა ბესარიონმა დიდი ენთუზიაზმითა და თავგამოდებით მოზარდი თაობის დაკაცებისა და გაადამიანებისათვის. რამდენი სასარგებლო ადამიანი გამოუზ-

რდია მას ჩვენი სამშობლოსათვის. მანვე აღუზარდა საზოგადოებას ათი სასარგებლო შვილი.



ბესარიონ დოკვირი 1873 წელს დაიბადა სოფ. მათხოჯში (ქუთაისის მაზრა). პირველდაწყებითი სწავლა ქალაქ ქუთაისში — ვასილ პეტრიაშვილის დაწყებით სკოლაში მიიღო. 1893 წელს დაამთავრა ქუთაისის საქალაქო სასწავლებლის კურსი და მას შემდეგ განუწყვეტლივ მუშაობს სკოლაში: სოფ. ქაგანსა, წყალტუბოსა და ნახახულევში 13 წელი იმსახურა, ხოლო სოფ. მათხოჯის სკოლაში კი თითქმის ნახევარი საუკუნე. ხუთ სოფელში მისი აქტიური მონაწილეობით დაარსდა დაწყებითი სკოლები. ნახახულევში ორკლასიანი სკოლის შენობა ორი ოთახით გააფართოვა. 1908 წელს, დიდი გვალვების პერიოდში, ბესარიონის თაოსნობით და მშრომელი მოსახლეობის ფართო დახმარებით გამოყვანილ იქნა დროებითი სარწყავი არხი მდინარე ცხენისწყლიდან. მთელი რიგი წლების მანძილზე იგი ენერგიულად მუშაობდა მათხოჯის უძველეს კოოპერატივსა და ნახახულევის სასოფლო ბანკში. დიდი მუშაობა გასწია მათხოჯის სახალხო სახლის მშენებლობისათვის. დღეს ამ შენობაში საშუალო სკოლაა, სადაც ვლემოხდილი ბესარიონი დიდხანს ხალისიანად და ნაყოფიერად მუშაობდა რუსული ენის მასწავლებლად. მსოლოდ სამიოდე წელია, რაც არ მუშაობს ღრმა მოხუცებულობის გამო (84 წლისაა).

ხანგრძლივი, ნაყოფიერი და უმწიკვლო მუშაობისათვის მასწავლებელი ბესარიონ დოკვირი დაჯილდოებულია ლენინის ორდენით, აგრეთვე მედლებითა და სამკერდე ნიშნით: „სახალხო განათლების წარჩინებული“.

#### 4

მეორე ჩემი მასწავლებელი ნახახულევის ორკლასიან სკოლაში, აწ განსვენებული ლავრენტი ანტონის ძე ჩიმაკაძე, საკმაოდ დიდი ერუდიციისა და დიაპაზონის კაცი იყო.

მათხოველ ინტელიგენტთა შორის ლავრენტი ჩიმაკაძე (1868 — 1937) ყველაზე უხუცესი და, იმავე დროს, ყველასათვის მისაბაძი, მაგალითის მიმცემი იყო: დინჯი, აუჩქარებელი, იშვიათი ტაქტის მქონე, მომზადებული, შინაარსიანი ადამიანი, გემრიელი სალამის მიმცემი, კარგი მოსაუბრე, ძვირფასი დამრიგებელი.



ეს შრომისმოყვარე და ნიჭიერი ადამიანი ისე გაწვრთნილიყო და დახელოვნებულიყო ხონის სამასწავლებლო სემინარიაში, რომ მას თავის პროფესიაში ბადალი არა ჰყავდა. ის იყო ნამდვილი ხელოვანი, იშვიათი ოსტატი, რომელსაც თავისი საქმის

„არტისტს“ ეძახდნენ. შესაწავლი თემით ისე დაინტერესებდა მოსწავლეებს, ისე ოსტატურად გამოჰყოფდა თემიდან ჯერ მთავარს, შემდეგ კი იმრავად ჩამოქნიდა და ჩამოასხამდა დეტალებსაც და გაკვეთილს ისე ყველასათვის გასაგებს, მიმზიდველს, შინაარსიანსა და სურათოვანს გახდიდა, მთელ მასალას ისე თვალსაჩინოდ გადმოშლიდა მოწაფეების თვალწინ, რომ მის კლასში „უვიცი“, „ზარმაცი“ და „უნიჰო“ არავინ იყო.

ლავრენტი ჩიმაკაძე გაკვეთილის გადაცემის ან გამოკითხვის დროს არასოდეს დატოვებდა რაიმე ხარვეზს იმ იმედით, რომ ოდესმე გაიმეორებდნენ ამ გაკვეთილს და მაშინ ამოავსებდნენ მას.

ამიტომ იყო, რომ რომელიმე თემის განმეორება ძირითადად ამ თემის შესწავლას და ხელმეორედ „დეჰვას“ კი არ წარმოადგენდა, არამედ მის გაფართოებასა და გაშლას.

ყოველ მოწაფეს უნარი აქვს შენიშნოს თავისი მასწავლებლის როგორც საგნის ცოდნისა და გადაცემის ოსტატობის, ისე

როგორც ადამიანის რაიმე ნაკლი; ხოლო მე ამ მასწავლებელ ადამიანში არასოდეს დამინახავს და შემემჩნევია მცირეოდენი სუსტი მხარეც კი. კარგა ხანი იმუშავა ლავრენტი ჩიმაკაძემ ნახახულევის ორკლასიან სასწავლებელში. ის საზოგადო მოღვაწე იყო. ნახახულევიში შემნახველ-გამსესხებელი ბანკი დააარსა, რომლის თავმჯდომარედაც დიდხანს იყო. მათხოჯში მისი თაოსნობით ჯერ კიდევ 1897 წელს გაიხსნა კოოპერატივი, რომელსაც ხალხი „ობი“ ღუქანს ეძახდა და რომლის გამგეობის შეუცვლელი თავმჯდომარეც ის იყო, ვიდრე მათხოჯში ცხოვრობდა. წამიკითხავს ილია ჭავჭავაძის „ივერიაშიც“ მისი მოწოდება, თუ როგორ უნდა იმუშაოს ქვეყნის გულშემატკივარმა მასწავლებელმა ხალხური საუნჯის (ზეპირსიტყვაობის) შეკრებისა და აღნუსხვისათვის.

1906 წელს გამოჩენილმა პედაგოგმა, ხონის სემინარიის დირექტორმა ალექსი ჭიჭინაძემ ლავრენტი ჩიმაკაძე, როგორც სამაგალითო მასწავლებელი, ხონის სამასწავლებლო სემინარიასთან არსებულ სანიმუშო ორკლასიან სკოლაში მიიწვია მასწავლებლად; შემდეგ, როცა ჭიჭინაძე ხონიდან თბილისში გადმოიყვანეს ქართული გიმნაზიის დირექტორად, მან ლავრენტიც გადმოიყვანა თავის გიმნაზიაში მასწავლებლად. სიცოცხლის უკანასკნელ ხანებში ლავრენტი ჩიმაკაძე ბათუმს გადავიდა საცხოვრებლად და სამუშაოდ; ასწავლიდა ბათუმის პედაგოგიურ სასწავლებელსა და პედაგოგიურ ინსტიტუტში; დაწერა რამდენიმე სახელმძღვანელო წიგნი, მათ შორის „ანბანის“ სახელმძღვანელო აჭარის სკოლებისათვის. საქართველოს სსრ განათლების სახალხო კომისარიატმა ერთხელ მე გამომიგზავნა ჩემი ყოფილი მასწავლებლის „ანბანი“ სარეცენზიოდ. მახსოვს, რა მონდომებით ვმუშაობდი მის გარჩევაზე, რამდენი „მეთოდისკა“ წავიკითხე. რარიგ არ დავიშურე ჩემი გამოცდილება — პრაქტიკა და ანბანის შედგენის ჩემი „საიდუმლოებანი“, რათა ყველაფერი გულწრფელად და მოკრძალებით ვადამეშალა ჩემს რეცენზიაში იმ მიზნით, რომ მის წიგნში ნაკლი არ ყოფილიყო. მახსოვს ისიც, თუ რა მადლობელი იყო იგი ჩემი რეცენზიისა და როგორ გამოიყენა ის.

ლავერენტი ჩიმაკაძე ბათუმში, ისე როგორც ყველგან, დიდი ავტორიტეტით სარგებლობდა. მთავრობამ სათანადოდ დააფასა ლ. ჩიმაკაძის ღვაწლი და „შრომის გმირის“ საპატიო წოდება მიანიჭა მას. სამწუხაროდ, ოპერაციის შედეგად არცთუ ისე მოხუცი გარდაიცვალა. თბილისიდან წავედი ბათუმში მის დასაფლავებაზე დასასწრებლად. დაკრძალვას დიდძალი საზოგადოება დაესწრო. გული მტკივა, რომ მისმა ცოლ-შვილმა, ძმებმა და ნათესავ-მეგობრებმა, მრავალი დაბრკოლების გამო, ვერ შეეუხსრულეთ ლავერენტის სურვილი — წაგვესვენებინა და დაგვესაფლავებინა მისსა და ჩემს საყვარელ მშობლიურ სოფ. მათხოჯში.

## 5

სოფლის შუა გულში, დიდი შარაგზის პირად, ამაყად დგას 1921—1930 წლებში აგებული ერთი პატარა აგურის შენობა და მეორე დიდი, სამკორპუსიანი, ორსართულიანი სახალხო სახლი, რომლებშიც დღეს მოთავსებულია საშუალო სკოლა, ბიბლიოთეკა-სამკითხველო, წიგნის მაღაზია, კლუბი, ფოსტა-ტელეგრაფი, აფთიაქი, საექიმო პუნქტი, კოოპერატივი, სოფლის საბჭო. იქვე ახლოს აბრეშუმის საშრობი ფარდული და ხე-ტყის სახერხი პატარა ქარხანაა. გზის მარჯვნივ და მარცხნივ სასოფლო-სამეურნეო იარაღების რამდენიმე სამკედლოა, მუშა-მოსამსახურეთა სასადილო, საპარიკმახერო და დუქნები: ბოსტნეულისა, ხილისა და ღვინის.

სამეგრელოს სოფლებთან მათხოჯელებს მიმოსვლა აქვთ, ერთი მხრივ, ორი ათასი წლის წინათ რომაელი სარდლის მიერ აგებული „ბუმბუას“ ხილით (პომპეის ხილით), მეორე მხრივ, ბორნით.

მათხოჯი პირველი სოფელია ხეობაში, სადაც ცხენისწყალი დაივაკებს და სადაც შეიძლება ლეჩხუმ-სვანეთიდან დაცურებული მორების დაჭერა-ამოღება; ამიტომ ხე-ტყის დაცურებისა და ექსპლოატაციის კანტორაც მათხოჯშია.



მათხოჯის საშუალო სკოლა და რიგი სხვა ორგანიზაციის დაწესებულებები მომსახურებას უწევენ არა მარტო მათხოჯს, არამედ სხვა მეზობელ სოფლებსაც.

მათხოჯი საკმაოდ დიდი სოფელია, შიგ შვიდასამდე ოჯახია სამი-ოთხი ათასი მცხოვრებით. დროთა ვითარებაში ცენის-წყალმა წალეკა და წაართვა მათხოჯს რამდენიმე ასეული ჰექტარი სახნავ-სათესი ნოყიერი მიწა. სათანადო დამბების უქონლობა, ყოველწლიურად დაცურებული 20-30 ათასი კუბური მეტრი ხე-ტყის დაჭერა და ამოღება ზიანს აყენებს სოფლის სახნავ-სათეს მიწებს. ყოველივე ამის გამო სოფელს სიმინდისა და პურის საკუთარი მოსავალი არ ჰყოფნის. მევენახეობა, მეზღაღეობა და მებოსტნეობა კი საკმაოდაა განვითარებული; საპატიო ადგილი უჭირავს ჩაის პლანტაციებს, ტუნგოს, ნაირ-ნაირ ხილსა და ციტრუსებს.

მათხოჯელები წიგნის მოყვარულნი არიან, ბევრს გამოწერილი აქვს ჟურნალ-გაზეთები, ზოგმა მოხუცმა „ვეფხისტყაოსანი“ ზეპირად იცის. ხშირად იმართება წარმოდგენები, საღამოები, კინო. ყველა ცდილობს შვილი ნასწავლი ჰყავდეს.

ბევრი მათხოჯელი მასწავლებელი, ექიმი, ინჟინერი, აგრონომი, მწერალი მუშაობს როგორც საქართველოს, ისე დიდი რუსეთის ამა თუ იმ კუთხეში.

სიამოვნებით ვიარე ოთხი წელიწადი ნახახულევის სკოლაში. იქ მყავდნენ კარგი ამხანაგები და კარგი მასწავლებლები. დიდად მახალისებდა და მიზიდავდა სკოლისაკენ ისიც, რომ ვიცოდი: ყოველდღე, სწორედ დიდი შესვენების დროს, ხონიდან ჩვენს სკოლაში მოვა კაცი, რომელსაც თავზე რგოლი აქვს, რგოლზე გობი უდგას, და დაიძახებს: „ცხელ-ცხელი, ცხელ-ცხელი. აბა, კარგი ცხელ-ცხელი პურები. კაპიკიანი, ორკაპიკიანი, სამკაპიკიანი“... კოხტად ჩამოიღებს მეპურე ორივე ხელით თავიდან ვეებერთელა გობს და დადგამს სკოლის ეზოში. ჩვენც ყველანი მას შემოვესევით, ვყიდულობთ და ვჭამთ ჯერ კიდევ თბილ-თბილ, თეთრ-თეთრ ლავაშებს, შოთებს, გომიჯებს...

ჯანსა და ხალისს გვმტებდა ჩვენ ეს და მეტი ხალისით მივიდო-  
დით შემდეგ გაკვეთილზე...

ახლა რომ შევდივარ ჩვენს სკოლებში და ვხედავ სასკოლო  
ბუფეტს, რომელთან შედარებით ნახსენები გობი პრიმიტივი  
იყო და მეტი არაფერი, ჩემი ბავშვობა გამახსენდება და მესმის  
საჭიროება და სარგებლიანობა, ვგრძნობ ძალას კარგად ორგა-  
ნიზებულ სასკოლო ბუფეტისა.

6

ხონს სკოლების ბუდეს ეძახდნენ. თითქმის ყველა სასწა-  
ვლების დამაარსებელი, შეფი და დაუღალავი მხრუნველი  
ივანე შარაშიძე (1860 — 1912)



იყო, — კაცი უცოლშვილო, ლა-  
მაზი, თეთრწვერა, ჩოხოსანი.  
არა მგონია იმ დროს საქართვე-  
ლოში ყოფილიყო მეორე პი-  
როვნება, რომელიც მეცენატო-  
ბაში ივანეს შეედრებოდა. ივანე  
შარაშიძემ ხონის კეთილმოწყ-  
ობისათვის ზრუნვაში (ნიკო  
ნიკოლაძესთან ერთად ცხენის-  
წყლიდან სარწყავი არხის გამო-  
ყვანა, დამბების გაკეთება, გზე-

ბისა და ბაღის გამშენიერება და სხვა) ბევრი შრომა და ენერ-  
გია დახარჯა. მაგრამ მთავარი და ივანე შარაშიძის დამახასია-  
თებელი ის არის, რომ ხონში სასწავლებლების დაარსებასა და  
მათს შეფობას შეაღია მთელი თავისი ხანგრძლივი სიცოცხლე  
და არა მცირედი საკუთარი ქონებაც. რა ტიპის სკოლა გნებავთ,  
რომ ამ ერთ ციციქნა ვაჭართა დაბაში არ ყოფილიყო: საოსტატო  
ანუ სამასწავლებლო სემინარია, სახელოსნო სასწავლებელი,

ქალთა და ვაჟთა გიმნაზიები, მარინეს სახელობის ოთხკლასიანი სასწავლებელი, საქალაქო სასწავლებელი, კრა-კერვის სასწავლებელი, ორკლასიანი და ერთკლასიანი სასწავლებლები, საკვირაო სკოლა და სხვა. ყოველ ამ სასწავლებელთან დაკავშირებული იყო შარაშიძის ნათელი სახელი. ყველა სასწავლებელს საკუთარი შენობა ჰქონდა და სხვადასხვა დროს ფრიად განათლებული მასწავლებლებიც ჰყავდა: სტრელეცი, მოხირი, პავლოვი, პეტროვი. პროკოფიევი, ბარაჩი, დამაშეესკი, იანოვიჩო, ჰიჰინაძე, უთურგაული, ჩხიკვიშვილი, ქუთათელაძე, აბდუშელიშვილი, ბურჭულაძე, თაბუკაშვილი, გაგუა, ნუცუბიძე და სხვა მრავალი ათეული. მათში იყო ბევრი სასარგებლო საზოგადო მოღვაწე (ჰიჰინაძე, უთურგაული, ქუთათელაძე, სტრელეცი...), ხოლო ზოგი, როგორც იტყვიან, „არც წყალი და არც ღვინო“. იყვნენ რეაქციონერებიც. მასწავლებელთა შორის იყო ბრძოლა და კიდილი, აშკარა და ფარული...

7

ნახაზულევის ორკლასიანი სკოლის სრული კურსის დამთავრებამდე გადამიყვანეს ხონში და საქალაქო ექვსკლასიან სასწავლებელში მიმბარეს. ხონში ჩვენ ყველანი (ძმები და ბიძაშვილები) ოქროპირ სანოძის ოჯახში ვცხოვრობდით; არ გვაკლდა სასმელი და საჭმელი. ოღონდ, რადგან მე ჯერ კიდევ პატარა ვიყავი, მამამ ხაჭაპურებიც დამინიშნა დესერტად; მიმიყვანა ხონის ერთ-ერთ ფურნეში და უთხრა მეფურნეს: ამან თუ ხაჭაპურები მოგთხოვოს, აძლიე რამდენიც უნდოდეს; ჩაიწერე დავთარში და, როცა აფხაზეთიდან დავბრუნდებო, გაგისტუმრებო (მამაჩემი სოხუმში მსახურობდა და დროგამოშვებით ჩამოდისოდა მათხოჯში). სკოლასთან ახლო იყო ის ფურნე, სადაც მამამ ხაჭაპურების კრედიტი გამიხსნა. დღეში ორ-სამჯერ შევდიოდი ფურნეში და გამომქონდა ხაჭაპურები. ხშირად სკოლის ამხანაგებიც მომყვებოდნენ და იმათაც ვუმასპინძლდებოდი. ფურნემდე გამცილებელი ამხანაგების რიცხვი თანდათან იზ-

რდებოდა. ბოლოს, საქმე იქამდე მივიდა, რომ ხშირად მთელი კლასი (25-30 ამხანაგი) მიმყვებოდა დიდ შესვენებაზე ფურნეში. ყველას ვაძლევდი თითო ხაჭაპურს. გვიან ვიფიქრე, მამა გაძიწყრება-მეთქი, და გადავწყვიტე: რამდენი ამხანაგიც უნდა მიმყოლოდა ფურნეში, ათზე მეტი ხაჭაპური არ მეყიდა დღეში. როცა ხაჭაპურის ჭამის მსურველი ათზე მეტი აღმოჩნდებოდა, ავაგდებდი მალა ხაჭაპურებს და ვინც დაიჭერდა, მისი იყო, ოღონდ ყურს ავუწევდით ხელმარდობით „გამარჯვებულ“ ამხანაგს. ამას ჩვენ მაშინ „ყურწიწიობას“ ვეძახდით. ასეთი „ყურწიწიობა“ ბევრჯერ მომიწევია სკოლის ეზოშიაც კი. ახლა მიკვირს, რატომ მაძლევდნენ ასე განუკითხავად იმდენ ხაჭაპურს? საქმე ისაა, რომ ფურნის პატრონი იშვიათად იყო ფურნეში. ის სხვა საქმეებითაც იყო დატვირთული და ნაბრძანები ჰქონდა თავისი ნოქრებისათვის: ძიძიგურს ხაჭაპურები აძლიეთ, როცა მოგთხოვოთ, და დავთარში ჩაწერეთო. იმათაც უნდოდათ უთუოდ „ყურწიწიობის“ ცქერა, სიცილი და ხარხარი!.. ორი თვე გავიდა და მამა ჩამოვიდა აფხაზეთიდან. ანგარიშის გასასწორებლად რომ წამიყვანა ფურნეში, დავთარი გადაუშალეს და, როცა გაიგო, რომ ნისიად წაღებული ხაჭაპურები 52 მანეთისაა, ძალიან გაცოცდა: ეს ერთი ციკქნა ბიჭი ყოველდღე ოც-ოც ხაჭაპურს როგორ შეჰკმდაო?! ნოქრებმა აუხსნეს, როგორც „შევეჰამე“... გაჯავრდა მამა! (მე ის გაჯავრებული მანამდე არ მენახა). მისცა მეფურნეს 52 მანეთი და უთხრა: „ამიერიდან არც ერთი ხაჭაპური არ მისცეთ!!!“ მე ტირილი დავიწყე. ჩანს, შევეცოდე, მამა მოლბა და თქვა: ხაჭაპურები არ მისცეთ, მაგრამ, თუ პური მოგთხოვოთ, რამდენიც უნდოდეს, მიეცითო. რად მინდოდა მე პური? ოქროპირ სანაძის „ოჯახში“ საქმელსასმელი, მათ შორის თეთრი პურიც, განა მაკლდა?!

წავიდა მამა აფხაზეთში. დავრჩი დაღონებული. მალე თვითონ ნოქრებმა მონახეს „გამოსავალი“: შენ ხაჭაპურს მოგცემთ, ჩვენ კი დავთარში პურს ჩავწერთო. მომცემდნენ ხან ერთ, ხან ორ ხაჭაპურს და დავთარში ოყა პურს ჩაწერდნენ. მალე იმატა ხაჭაპურების რიცხვმა, გადილდა ოყა პურების რაოდენობაც

დავთარში. მეორე „უტრწიწიობის“ მოწყობასაც დავუბრუნ-  
დი, ოღონდ ძველთან შედარებით მცირე მასშტაბით!.. გავიდა  
კიდევ ორი თუ სამი თვე და ჩამოვიდა აფხაზეთიდან მამაჩემი.  
როცა ანგარიში გაასწორა ფურნეში, აღმოჩნდა, რომ დღეში სა-  
შუალოდ ხუთი ოყა (15 გირვანქა) პური „მიქამია“. იქვე ჩემი  
ოინებიც გამოაშკარავდა და „პურიც“ ამეკრძალა.

## 8

სკოლაში კარგად ვსწავლობდი; ვაშაკიძე იყო ერთი ჩვენს  
სკოლაში, ის მჯობნიდა მხოლოდ. ჩემი უფროსი ძმა და ბიძა-  
შვილები სემინარიაში მიიღეს; პანსიონში ცხოვრობდნენ. კერ-  
ძო ოჯახში მარტო მე დავრჩი. ხშირად მომენატრებოდა ხოლ-  
მე დედა და გაცვეთილების შემდეგ პირდაპირ წავიდოდი  
მათხოჯში დედასთან, ექვს კილომეტრზე. დილით ადრე წამოვ-  
დგებოდი ლოგინიდან და მივდიოდი ხონში, სკოლაში არ დამა-  
გვიანდეს-მეთქი. წვიმა და ქარი არ მაშინებდა. მაგრამ მეტის-  
მეტი სითამამე არ გამომადგა, ჯანმა მილალატა, გავცივდი და  
ავად გავხდი. ექვსი თვე ვიწევი მათხოჯში ლოგინად. ხონიდან  
მოყავდათ ექიმები. ვერ გაიგეს, რა მქირდა. იმ ხანებში ხმა იყო  
გავარდნილი: სოფ. დიდ ჯიხაიშში ვილაც ახალგაზრდა ექიმი,  
პირდაპირ სასწაულებს ახდენსო. ჩვენებმა დაიქირავეს „რეზინ-  
ნიანი“ ეტლი (ბორბლებზე რეზინის შინების გაკეთება მაშინ  
შემოიღეს ხონის მეეტლეებმა), ავადმყოფი ჩამსვეს შიგ და მ-  
მიყვანეს დიდ ჯიხაიშში. იქ გამსინჯა და მიმკურნალა ექიმმა  
ივანე გომართელმა. პლევრიტი აღმომაჩნდა. ორი კვირა ვიწევი  
დიდ ჯიხაიშში. სამჯერ გამომიღო ექიმმა ნემსებით გვერდი-  
დან წყალი, განმკურნა და გამისტუმრა მათხოჯში. მარტი  
იყო. ექიმმა მის ნებართვამდე სკოლაში სიარული ამიკრძალა,  
მან უთხრა ჩვენებს: თვეში ერთხელ მომიყვანეთ და გავსინ-  
ჯავო. დავდიოდი, მსინჯავდა. წყალი ხელმეორედ არ ჩამდ-  
გარა ჩემს გვერდში. ამის გამო ერთხელ მივწერე ბ-ნ ივანეს  
მათხოჯიდან ჯიხაიშს: კარგად ვარ, ნება მომეცით სკოლაში  
ვიარო-მეთქი. ფოსტამ მომიტანა ი. გომართელის ღია ბარათი,

მწერდა: ვარლამ, სწავლა კარგია, მაგრამ სიცოცხლე სწავლაზე უკეთესია. ჯერ კიდევ დაისვენე და, როცა საბოლოოდ გამოჯანმრთელდები, მე თვითონ გირჩევ, სკოლაში იარო.

9

ზაფხულიც დადგა. დიდი სიცხეებიც დაიქირა. ბაბუა ივანე (ბებიაჩემის ძმა) აბასთუმანში მიდიოდა დასასვენებლად და სამკურნალოდ; მეც თან წამიყვანა. ივანე მღვდელი იყო, მეტად ლამაზი მოხუცი, დიდი მორწმუნე, მათხოჯის ეკლესიის ამაშენებელი, ორდენებით დაჯილდოებული, (ანა, სტანისლავი, ოქროს ჯვარი და რაღაცნაირი ლენტები გულ-მკერდს უმშვენიებდა ისედაც ლამაზს, სუფთად და ძვირფას ტანსაცმელში გამოწყობილ თეთრწვერა მოხუცს). დიდი კომფორტით ვიმგზავრეთ აბასთუმანმდე. ჩვენთან ერთად ბორჯომამდე ივანე გომართელიც მგზავრობდა; ის ბაკურიანში წავიდა ახალდაგებული რკინიგზით (ბორჯომ-ბაკურიანის რკინიგზა 1902 წელს აიგო) და ჩვენ აბასთუმანში — რეზინიანი ეტლით. აბასთუმანში ბაბუამ საუკეთესო აგარაკი დაიქირავა. კარგად ვცხოვრობდით. ქუჩაში რომ გამოვიდოდით, მეფის ჯარისკაცები და კაზაკები „ფრონტში“ ჩაუდგებოდნენ ხოლმე ორდენოსან მღვდელს და შუბლთან ხელის მიტანით ესალმებოდნენ. მოხუც ივანეს ახარებდა ეს პატივი, მოიხმობდა მათ და ყოველთვის ორ კითხვას აძლევდა. ერთი: „მოვერევით თუ ვერა იაპონიას?“ მეორე: „როგორ ბრძანდება ნიკოლოზ ხელმწიფე?“ კაზაკები უპასუხებდნენ: „იაპონიას მოვერევით“, „იმპერატორი კარგად ბრძანდება“. ივანე მღვდელი უსაჩუქროდ არ გაუშვებდა არც ერთს. თითოეულს ვერცხლის მანეთიანით ასაჩუქრებდა. დიდძალი ფული გასცა მოკლე დროში.

10

იმ ხანებში აბასთუმანში იყო ექიმი გოპაძე. მის ავტორიტეტს ყველა ცნობდა. ბაბუაჩემმა, სხვათა შორის, აჩვენა მას

ჩემი თავი, უთხრა: ამ ბავშვს პლევრიტი ჰქონდა. ცნობილმა ექიმმა გომართელმა მოარჩინა; ახლა კარგადაა, მაგრამ მაინც გთხოვთ გასინჯოთო. გამსინჯა. ცოტა უდიერად მოიხსენია გომართელი და ბაბუას უთხრა: გვერდები სავსე აქვს წყლით და დაუყოვნებლივ ოპერაცია უნდა გავუკეთოთ!

დავბრუნდით ბინაზე გულგახეთქილები. ბაბუამ დამიჩემა ოპერაციის გაკეთება. მე გავჩინიანდი: თუ ოპერაცია აუცილებელია, ისევ გომართელმა გამიკეთოს-მეთქი. წავამწარე ბაბუას აბასთუმანში ყოფნა. თვეზე მეტი უნდა დავრჩენილიყავით იქ და ჯერ ორი კვირაც არ გასულიყო, დაუუჩემე, გომართელთან წამიყვანე-მეთქი. რა გზა ჰქონდა? ნაადრევად გამოვემშვიდობებთ აბასთუმანს და წავედით ბაკურიანში. გომართელს ვუამბებთ, რისთვისაც ჩავედით მასთან. მან გულდასმით გაძსინჯა და თქვა: კარგად ხარ, არაფერი გქირსო. ვაგინეთ გოპაძე; ისიც კი უთხრა ბაბუამ, გოპაძემ თქვენ უდიერად მოგიხსენიათო. შევხედე გომართელს, ერთი ცუდი სიტყვა არ უთქვამს გოპაძის შესახებ; პირიქით, მოუბოდიშა კიდევ: გოპაძემ არ იცოდა ამის ორგანიზმის ისტორია და ასეთ შემთხვევაში ექიმი შეიძლება შეცდეს, რა ვუყოთ მერეო.

— კარგადა ხარ, კარგად! — მითხრა მე. — ამიერიდან ნებას გაძლევ სკოლაშიც იარო!

რა გვექნა, აბასთუმანში დაბრუნება აღარ ღირდა. ბაკურიანიდან წავედით პირდაპირ მათხოჯში. ეს იყო 1904 წლის ზაფხულში. მას შემდეგ ნახევარ საუკუნეზე მეტი გავიდა; დავრწმუნდი, რომ გომართელი მართალი იყო; ჩანს. არც მაშინ მქონია წყალი გვერდში და არც შემდგომ ჩამდგომია.

**ქუთაისის სამასწავლებლო სემინარიის  
ხონში დაფუძნების მიზეზები. სემინარიის  
რეჟიმი. პირველი ღირებუებები**

## 1

ავადმყოფობამ და განკურნების შემდეგ კიდევ რამდენიმე თვით სკოლაში სიარულის აკრძალვამ მთელი წელიწადი მომაცდინა სწავლას. საჭირო იყო ორი წლის კურსი ერთ წელიწადში გამეწყო, რომ ჩემს ტოლებს სწავლაში არ ჩამოვრჩენოდი; სკოლის პირობებში ამის გაკეთება შეუძლებელი იყო, ამიტომ მამამ კერძოდ მიმაბარა ჩემს ყოფილ მასწავლებელს ლავრენტი ჩიმაკაძეს. ეს კერძო მეცადინეობა ძვირი ჯდებოდა, მაგრამ ამოცანაც დიდი დავისახეთ, სახელდობრ: არათუ ორი წლის კურსის გავლა, არამედ მეტიც: ერთი წლის ენერგიული და ბეჯითი მეცადინეობით პირდაპირ დიდ სემინარიაში შესასვლელად მომზადება.

კარგად ვიცოდი, რომ სემინარიაში შესასვლელ საგამოცდო კონკურსზე რუსეთის იმპერიის მრავალი კუთხიდან ყოველწლიურად ცხადდებოდა რამდენიმე ასეული მსურველი. ვის ორკლასიანი სასწავლებელი ჰქონდა დამთავრებული და შემდეგ საგანგებოდ მომზადებულიყო, ვის ექვსკლასიანი საქალაქო სკოლა, ვინ რა ცოდნითა და მომზადებით მიდიოდა და ვინ რა. ვინც კონკურსში გაიმარჯვებდა, ყველაზე მაღალ ნიშნებს მიიღებდა, სემინარიაში მას ჩარიცხავდნენ. რამდენიმე ასეული კაცი — რუსი, უკრაინელი, ბელორუსი, ბერძენი, თათარი, ქართველი — ერთმანეთს ეჯიბრებოდა. ზღვა მსურ-



ველებიდან მხოლოდ 10-15 საუკეთესოდ მომზადებულს შეარჩევდნენ.

გამოცდილი და ხელოვანი მასწავლებლის ლავრენტი ანტონის ძის ხელმძღვანელობით შევუდექი ამ აღმართს<sup>1</sup>. არასოდეს მისწავლია ისეთი ხალისითა და მონდომებით, როგორითაც იმ წელიწადს. ღამე ძილსა და სიზმარშიაც ვიმეორებდი დღისით ნასწავლს. ჩანს, კარგად მოვემზადე. იმ წელს 9 კაცი მიიღეს სახელმწიფო ხარჯზე ხონის სემინარიაში, ბევრი ერთობ მომზადებული კი გარეთ დარჩა რამდენიმე ასეული მსურველიდან. რჩებოდნენ ისეთებიც, რომელთაც მხოლოდ ერთ ან ორ საგანში მიეღოთ შეფასება „3“, დანარჩენ საგნებში ჰქონდათ „4“ და „5“, ამათგან კიდევ 13 კაცი ჩარიცხეს სემინარიაში (ოღონდ ისინი თავის ხარჯზე, თითოეულს წელიწადში 230 მანეთი უნდა შეეტანა), ერთი კი ეგრეთწოდებულ „მომსვლელ მოწაფედ“ მიიღეს (რუსულად მას „პრიხოდიაშის“ ეძახდნენ). ის პანსიონში ვერ იცხოვრებდა, მაშასადამე, კვებასა და ტანსაცმელს ვერ მიიღებდა; კერძო ბინაზე ცხოვრობდა, იქიდან მოდიოდა სემინარიაში, გაკვეთილებს. მოისმენდა და ბრუნდებოდა უკან.

ქუთაისის სამასწავლებლო სემინარიის მეოთხედი საუკუნის ისტორიაში პირველი შემთხვევა იყო (1905 წელს), რომ სემინარიაში „მომსვლელი მოწაფე“ ჩარიცხეს და პანსიონში ცამეტი კაცი თავის ხარჯზე მიიღეს. ამგვარად, ერთ კლასში ოცდასამი კაცი იქნა მიღებული, მაშინ, როდესაც აქამდე, სემინარიის არსებობის 25 წლის მანძილზე, საშუალოდ თითოეულ კლასზე 14-15 მოწაფე მოდიოდა.

---

<sup>1</sup> აღნიშვნის ღირსია ერთი დეტალი: 1905 წლის მარტში გამოცხადდა ქუთაისის გუბერნიის მასწავლებელთა გაფიცვა. ხონის რაიონის მასწავლებლები აქტიურად ჩაებნენ ამ გაფიცვაში, ხონში სკოლები დაიხურა. ზოგმა გაფიცულმა დაიჩემა „არც კერძოდ მეცადინეობა შეიძლება“. ჩემმა მასწავლებელმა (ლ. ჩ.) შეწყვიტა ჩემთან მეცადინეობა, ვიდრე გაფიცულთა ბიუროს არ შეუთანხმა ეს საკითხი და არ მიიღო განმარტება, რომ კერძოდ მეცადინეობა დასაშვებია.

ქუთაისის სამასწავლებლო სემინარია 1881 წლის 13 ოქტომბერს გაიხსნა დაბა ხონში.

ამ სემინარიის გახსნის ნებართვა ჯერ კიდევ 1880 წლის 20 ოქტომბერს იყო, მაგრამ მოსამზადებელ მუშაობას (ადგილის გამოძებნა, შენობა, მოწყობილობა და სხვა) მთელი წელიწადი დასჭირდებოდა.

თუ რატომ გაიხსნა ეს სემინარია ხონში და არა ქალაქ ქუთაისში, რომლის სახელსაც ატარებდა, ამის შესახებ სემინარის არქივში შემდეგ მოსაზრებებს ვკითხულობთ: „დაწყებითი სასწავლებლების მასწავლებელთა მომზადება შეიძლება უფრო მიზანშეწონილად წარმოებდეს სოფელ ადგილას, სადაც მომავალი მასწავლებლები ვერ შეეჩვევიან ქალაქურ ცხოვრებას და შემდეგ მათ არ დაამძიმებს და არც გაექცევიან სოფლის პირობებში მუშაობას, რისთვისაც მზადდებიან კიდევ ისინი. გარდა ამისა, სოფლად აღზრდის დროს ისინი არაფრით არ გაერთობიან და ამიტომ უფრო მეტად მოჰკიდებენ ხელს შრომას, რაც განსაკუთრებით საჭიროა, რადგან სასწავლებელში მათი ყოფნის დრო მოკლეა (3—4 წელი) და დანიშნულება, რომლის სამსახურისთვისაც ისინი ემზადებიან, ძნელია. შემდეგ, სოფლად რომ იცხოვრებენ, მათ შეუძლიათ გაიცნონ ის პირობები, რომელშიაც მათ მოქმედება მოუხდებათ. ხონი სოფლის ტიპის საცხოვრებელი ადგილია; ამასთანავე იქ არის სავაჭრო სადგური, სადაც ყოველგვარ კორესპონდენციას დასწავლობენ, მნიშვნელოვანი რაოდენობით არის დუქნები, ყოველდღიური ბაზარი და ყოველდღიური დილიქანსები ქუთაისთან მიმოსვლისათვის, რომელსაც იგი დაშორებულია 25 ვერსი შარაგზით.

თვით ხონის მცხოვრებლებმა თანაგრძნობა გამოთქვეს სამასწავლებლო სემინარიის გახსნისადმი. საზოგადოებრივი გადაწყვეტილებით, დაბის მცხოვრებლებმა სამასწავლებლო სემინარიას შესწირეს 10 ქცევა მიწა და 10.000 მან. ფულად (ეს

ფული შეცვლილ იქნა 2000 მანეთით და დაახლოებით 8000 მანეთად შეფასებული ორი სახლით), რადგან ქუთაისის გუბერნიის სხვა ადგილებიდან არ შემოსულა სხვა წინადადება, რომელიც გასახსნელი სემინარიისათვის ესოდენ ხელსაყრელი იქნებოდა, ამიტომ ამ საკითხის ადგილზე გასაცნობად 1881 წლის მარტში მივლინებულ იქნა თბილისის გუბერნიის სახალხო სასწავლებლების დირექტორი სტრელეცკი და შემდეგ, კავკასიის სასწავლო ოლქის მზრუნველის მოხსენებისამებრ, კავკასიის მეფისნაცვლის თანამდებობის შემსრულებელმა თავადმა მელიქოვმა ნება დართო გაეხსნათ ქუთაისის გუბერნიის სამასწავლებლო სემინარია დაბა ხონში“.

### 3

ქუთაისის სამასწავლებლო სემინარიის მიზნებსა და ამოცანებს ამ ტიპის სასწავლებლების წესდება, ინსტრუქციები და კანონები განსაზღვრავდა, მაგრამ მათ შესრულებას ერთგვარი თავისებურება ახასიათებდა. ამ თავისებურებას ქმნიდნენ დირექტორი, რომელიც სათავეში ედგა სასწავლებელს, დამრიგებლები, მასწავლებლები, მოსწავლეები, გარემო და სხვა ფაქტორები.

პირველი დირექტორის—სტრელეცკის დროს (1881—1884 წწ.) ახლად დაბადებული სასწავლებლის ნორმალურ პირობებში ჩაყენებასა და საორგანიზაციო საკითხებს საგრძნობი დრო მონდომებია. იმ ხანებში მოსწავლეებსა და მასწავლებლებს შორის კარგი დამოკიდებულება ყოფილან. მოსწავლეები დიდი თავისუფლებით სარგებლობდნენ. მოსწავლეთა დაბალი ცოდნის ლიკვიდაციისათვის ოფიციალურ გაკვეთილებს გარდა დამატებითი მეცადინეობაც უწარმოებიათ მასწავლებლებს. სტრელეცკის ხონელი ქალი (ქუთათელაძე) შეურთავს ცოლად; ჩანს, ნაწილობრივ ამ გარემოებასაც განუსაზღვრავს სტრელეცკის დამოკიდებულება ქართველი მოსწავლეებისადმი. სტრელეცკის მოსწავლეებში კეთილი გრძნობების ჩანერგვის სურვილები და მათთან მამაშვილური დამოკიდებულება ახასიათებდა. ყოფილა შემთხვევები, როცა კარგი მოსწავლე-

ბი თავდებობდნენ სრტელეცკის წინაშე თავიანთ დამნაშავე ამხანაგს, რომელსაც ცუდი ყოფაქცევისა და ცუდად სწავლის გამო გამორიცხვა ელოდა, და ცდილობდნენ მის გამოსწორებას. ჩანს, ამ საშუალებით ბევრი ცუდი ზნის მოსწავლე გაძლსწორებულა. სარწმუნოებრივი მორალის გამომუშავების მიზნით სტრელეცკის დროს არის აგებული სემინარიის კარის ეკლესია, ფიზიკური ვარჯიშობისთვისაც დაუთმია მას საპატიო ადგილი: გიმნასტიკა, ნაირნაირი ხასიათის ვარჯიშობანი, შეშის ხერხვა და სხვა.

სტრელეცკის სხვაგან გადაყვანის გამო მის ადგილზე დაუნდინავთ სოკოლოვი, რომელიც ათი წელიწადი (1884—1894) მუშაობდა ხონის სემინარიის დირექტორის თანამდებობაზე. ეს ბობოლა „ჩინოვნიკი“ შეკამათებას ვერ იტანდა. სოკოლოვი თავიდანვე შეეცადა სემინარა „ურჩებისაგან“ გაეწმინდა; პირველ რიგში მან თავიდან მოიშორა პროგრესულად მოაზროვნე მასწავლებლები აბღუმელიშვილი და ქუთათელაძე. სოკოლოვს „დაბრკოლებების“ გადალახვა უყვარდა; მორჩილი პედაგოგიური საბჭოს დახმარებით მან გამოავლინა და სემინარიიდან გარიცხა თავისუფლად მოაზროვნე მოსწავლეები; საქმე იქამდეც მივიდა, რომ მოსწავლეებმა მდინარაძემ და ჩხენკელმა, რომელთაც სოკოლოვმა რიხით გამოუცხადა: „სემინარიიდან გარიცხული ხართ“, თავიანთი ამხანაგებისა და მასწავლებლების თვალწინ სცემეს სოკოლოვს; მაგრამ სოკოლოვი სემინარიიდან მაინც არ წავიდა.

სოკოლოვის დროს მოსწავლეები ვალდებული იყვნენ აქტიური მონაწილეობა მიეღოთ სემინარიის ეკლესიის მომსახურებაში—სახარების კითხვასა, ლოცვასა, პირჯერის წერასა, ლიტანიასა, ზიარებასა და წირვის ყველა წესის შესრულებაში. საღვთო რჯულის გაკვეთილებზე სახარების ტექსტების ზეპირად დასწავლა სავალდებულო იყო. ისტორიის გაკვეთილების მთავარი მიზანი იყო მეფისა, ეკლესიისა და მამულისადმი სიყვარულისა და თავდადების გრძნობის გამომუშავება. ფიზიკური შრომის გაკვეთილებში შედიოდა სახელოსნოში

განჯინების, მაგიდებისა და სკამების კეთება, ბალსა და ბოსტანში თოხითა და ბარით მუშაობა, შეშის ხერხვა, სემინარიის შენობის მიმდინარე რემონტზე მუშაობა, შენობისა და ეზოს დაგვა, საპირფარეშოს დასუფთავება და სხვ. მოსწავლეების დასჯას სოკოლოვის დროს საარაკო ხასიათი ჰქონდა: „უშაქროდ დატოვება“, „კარგი ტანისამოსისა და ფეხსაცმლის ჩამორთმევა“ და მისთანანი. სასტიკმა რეჟიმმა ზოგ მოწაფეს ცხოვრებაზე გული გაუტეხა, სწავლაზე გული აუცრუა, ზოგში კი აღძრა ძლიერი სურვილი მოეკლა სოკოლოვი, რის გამო, სიცოცხლის გადარჩენის მიზნით, 1894 წელს სოკოლოვი ხონიდან გაიქცა.

სოკოლოვი მოხირმა შეცვალა. მოხირმა ცხრა (1894—1903) წელიწადი იმუშავა ხონის სემინარიის დირექტორის თანამდებობაზე. მოხირი ფრიად განათლებული და ჰუმანიستي იყო. მაგრამ ის იძულებული იყო თავისი წინამოადგილის ხაზი გაეგრძელებინა; შეიძლება ითქვას, რომ ძირითადად ის სემინარიაში დამყარებულ რეჟიმს არ ანგრევდა, მაგრამ ყოველივე ამას დიდი ტაქტიკითა და შერბილებით აკეთებდა. მოხირი, სპეციალობით ბუნებისმეტყველი, დიდად გატაცებული იყო მოსწავლეებში საბუნებისმეტყველო, სასოფლო-სამეურნეო და ტექნიკური განათლების დანერგვით. მან გაათავოვა სემინარიის შენობა, ეზო, ბაღები, სემინარიის გარეთაც შეიძინა სემინარიისათვის მიწები; მოაშენა ხეხილი, ვენახი; აწარმოებდა მებოსტნეობას, მეაბრეშუმეობას და სხვა. დიდ სემინარიასთან არსებული სანიმუშო ერთკლასიანი დაწყებითი სკოლა, სადაც ტარდებოდა სემინარიელების დახელოვნება და პრაქტიკული მუშაობა (გაკვეთილების მოსმენა, გადაცემა), გადააკეთა ორკლასიან სასწავლებლად, სემინარიის სახელოსნოში დურგლების შტატთან ერთად სპეციალისტ-მასწავლებლების შტატიც შემოიღო და სხვ. მაგრამ სოკოლოვის მიერ შემოღებული და მთავრობისაგან დაკანონებული სემინარიის მკაცრი და აუტანელი რეჟიმი ძირითადად მოხირის დროსაც ძალაში რჩებოდა.

1901 წლის 25 ოქტომბერს, ნაშუადამევის პირველ საათზე, სემინარიის 50 მოსწავლიდან 28 მოსწავლემ დემონსტრაციულად დატოვა სემინარიის პანსიონი და ხონის გარეთ, სემინარიის მეორე ბაღში, გადაბარგდა. ამოდ ემუდარებოდნენ მეორე და მესამე დღეს ღირექტორი მოხირი და მასწავლებლები გაფიცულ მოსწავლეებს დაბრუნებულიყვნენ სემინარიაში. გაფიცულნი არც უკან დაბრუნდნენ და არც გაფიცვის მიზეზს ამბობდნენ; მოითხოვეს: თბილისიდან კავკასიის სასწავლო ოლქის მზრუნველი ან მისი რწმუნებული ჩამოვიდეს და მას ვეტყვით ყველაფერსო. მოხირი იძულებული გახდა შეპირებოდა გაფიცულებს: თქვენს აზრს ოლქის უფროსს შევატყობინებო. 28 ოქტომბერს (სამი დღე ბაღში ყოფნის შემდეგ) გაფიცულები დაბრუნდნენ სემინარიაში.

საქმის გამოსაძიებლად თბილისიდან ხონში ჩამოვიდა ოლქის ინსპექტორი სლავინსკი. გაფიცულებმა სლავინსკის წაუყენეს შემდეგი მოთხოვნები:

- 1) განთავისუფლებულ იქნენ მოსწავლეები საკლასო ოთახების, საწოლის, სასადილოს, დერეფნების და შენობის სხვა ფართობების დაგვა-დასუფთავებისაგან;
- 2) გაუქმდეს სადამოს მეცადინეობის სავალდებულო ცხრილი და მოსწავლეებს საშუალება ჰქონდეს პირადი შეხედულებითა და არჩევით იმუშაონ გაკვეთილებსა და სხვა საჭიროებასთან დაკავშირებით;
- 3) შემცირდეს სავალდებულო სამუშაოების რიცხვი;
- 4) ნუ გადახდებათ მოსწავლეებს სემინარიაში დაკარგული ან დამტვრეული ნივთის საფასური;
- 5) ნება დაერთოს მოსწავლეს ქართულ ენაში გადასაცემი გაკვეთილის კონსპექტი ქართულად შეადგინოს;
- 6) აყვანილ იქნეს ქართული ენის გაკვეთილების რიცხვი ნორმამდე და ნუ მოიშლება ქართული ენის სწავლება მოსამზადებელ კლასებშიც;
- 7) ნებადართულ იქნეს ყოველდღიური შევებულება პანსიონიდან დაბაში;
- 8) გადიდდეს შაქრის ნორმა, რადგან ერთ კაცზე ორ-ნახევარი გირვან-

ქა შაქარი თვეში არ კმარა; 9) გაუმჯობესდეს პალტოს ხარისხი; 10) გვეძლეოდეს არა მხოლოდ ერთი წყვილი ფეხსაცმელი წლიურად; 11) უარს ნუ გვეუბნებიან საზაფხულო კარგ ფეხსაცმელზე; 12) უარს ნუ გვეტყვიან ზაფხულში საზაფხულო პალტოს მოცემაზე; 13) უარს ნუ გვეუბნებიან წიგნების მოცემაზე ბიბლიოთეკიდან; 14) ზოგ მასწავლებელს კარგად არ ესმის თავისი საგანი და არ უვარგა გადაცემის მეთოდი; 15) მოზიდულ იქნენ მასწავლებლები უმაღლესი განათლებით, რადგან პედსაბჭოს ახლანდელი შემადგენლობა (ზოგი ინსტიტუტელია) ბევრად ვერ ამალაგებს სემინარიას საქალაქო სასწავლებელთან შედარებით<sup>1</sup>.

სლავინსკიმ „დაამშვიდა“ მოსწავლეები: ამ თქვენს პრეტენზიებს განიხილავს განათლების მინისტრი და უთუოდ დააკმაყოფილებსო. მეცადინეობა განახლდა. დრო გავიდა და სემინარიის დირექტორს მოუვიდა რუსეთის იმპერიის განათლების მინისტრის პასუხი (1902 წ. 5 იანვარი, № 179), საიდანაც ჩანდა, რომ მინისტრი „ვერ ხედავს საკმარის საბუთს სემინარიის წყობის, რეჟიმის შეცვლისა და მოსწავლეთა სურვილების შესრულებისათვის“. მინისტრი მოუწოდებდა სემინარიის დირექტორს „იყოს მტკიცე და ურყევე მოწაფეებისადმი წაყენებულ კანონიერ მოთხოვნილებებში“ და სხვ. გაფიცვამ მხოლოდ ის შედეგი გამოიღო, რომ მოსწავლეები განთავისუფლდნენ ოთახების დაგვა-დასუფთავებისაგან.

## 5

მოხირი ვ. ი. დევიციკიმ შეცვალა (1903—1905); დევიციკი იყო კაცი არა პედაგოგიური განათლებით (ყოფილი სააქციზო ზედამხედველი) და თან ისეთი მხეცი, რომ მისმა ხანმოკლე პარპაშმა არც მაინცდამაინც ხელგაშლით მიღებული მოხირი

<sup>1</sup> საქართველოს სსრ შინაგან საქმეთა სამინისტროს ცენტრალური არქივი, ფონდი 107, საქმე 307.


ბევრს მოანატრა. დევიცი პედაგოგიური სასწავლებლის ხელმძღვანელად და აღმზრდელ-პედაგოგად არ ვარგოდა და თან მეტად უდიერად ეპყრობოდა მომავალ მასწავლებლებს: სახეში აფურთხებდა და ფიზიკურ შეურაცხყოფასაც აყენებდა. მოთმინების ფიალაც აივსო და...

1904 წლის 7 დეკემბერს ხონის საოსტატო სემინარიის მოსწავლეებმა პანსიონის საწოლ დარბაზში უამრავი ქვები შეზიდეს და საბნებქვეშ დამალეს. საღამოს 9-10 საათზე კი იმავე დარბაზში ჩხუბის ინსცენირება მოაწყვეს და საშინელი ყვირილი ასტეხეს, რათა ამ საშუალებით სემინარიის შავრაზმელი ღირექტორი დევიცი შემოეტყუებინათ, ყველას ერთდროულად დაეშინა მისთვის ქვები და იქვე კოლექტიურად ჩაექოლათ მხეცი, რომელმაც უსასტიკესი რეჟიმი შემოიღო სემინარიაში, საღისტურად ეპყრობოდა და ხშირად ფიზიკურ შეურაცხყოფასაც აყენებდა სემინარიელთ.

უჩვეულო ხმაურობაზე შემოსულ მორიგე მასწავლებელს — სმირნოვს არავინ დაემორჩილა, რის გამოც ის იძულებული გახდა, თავისდა უნებლიეთ, დევიცი სასაკლაოზე მოეყვანა. გამოჩნდა თუ არა დევიცი, სემინარიელმა პეტრუშენკომ მას პირველი ქვა ესროლა და თანაც ამხანაგების გამხნეების მიზნით დაიყვარა: „არ შევშინდებით!“ დაიწყო ქვების სროლა... დევიცი არ დაიბნა, უცებ იგრძნო განსაცდელი და ელვის სისწრაფით გაბრუნდა უკან, თავს უშველა...

მაღე მეფის მოხელეებმა და „სტრაჟნიკებმა“ ალყა შემოარტყეს სემინარიის შენობას, ხოლო დევიცის, რომელიც სიკვდილს გადაურჩა, მცველები მიუჩინეს, კავკასიის სასწავლო ოლქის წარმომადგენელი ტელეგრაფით გამოიწვიეს (ოლქის ინსპექტორი სლავინსკი ჩამოვიდა), თოთხმეტი სემინარიელი სასწავლებლიდან გარიცხეს, სხვების საქციელი „კონდუიტებში“ შეიტანეს, დევიცი ხონიდან გააპარეს და რამდენიმე თვე სემინარია უღირექტოროდ დატოვეს. ამ ხანებში რევოლუციის სიომ ძლიერად დაქროლა. უთუოდ ამით უნდა ამოიხსნას ის გარემოება, რომ ხონის სემინარიას თავისი არსებო-





ბის 25 წლისთავზე დირექტორად ქართველი კაცი პირველად მაშინ გამოუგზავნეს.

6

1905 წლის ზაფხულში „სპარსეთის საზღვრებიდან“ ჩამოვიდა ხონის სემინარიის დირექტორად ახალი დანიშნული, ი. ჭავჭავაძის, ა. წერეთლისა და ი. გოგებაშვილის თანამედროვე და თანამებრძოლი ალექსი ბესარიონის ძე ჭიჭინაძე (1851 — 1917), რომელსაც „გულზე თეთრი წვერი ეყარა; თვალთაგან ცეცხლის ნაპერწკალი გამოსცვიოდა“.

ჯერ კიდევ სემინარიის მოსწავლე ვიყავი, როცა პრესას მივაწოდე (სათაურით „ქართველი საზოგადო მოღვაწენი“) ასეთი ბიოგრაფიული ხასიათის ცნობა:

„ალექსი ბესარიონის ძე ჭიჭინაძემ დაამთავრა სწავლა ჯერ ქუთაისის გიმნაზიაში და მერე 1875 წ. მოსკოვის უნივერსიტეტში იურიდიულ ფაკულტეტზე. ბუნებით პედაგოგი და ქართველთა სწავლა-აღზრდის მოტრფიალე იგი თავის სპეციალობას თავს ანებებს და ქუთაისში ჩამოსვლისთანავე თავის თანამოაზრეების დახმარებით ხსნის მოსამზადებელ სასწავლებელს ქართველ ყმაწვილთათვის. შემდეგ, როცა ქუთაისში გაიხსნა სათავადაზნაურო სასწავლებელი, ბ-ნი ალექსი მიიწვიეს ამ სასწავლებლის გამგედ და მის ხელში უამყარდა და დამთავრდა ეს სასწავლებელი იმ პრინციპებზე, რომელთაც იგი საუკეთესოდ სახავდა. 1884 წ. იმან შეირთო ცოლად პეტერბურგში საბუნებისმეტყველო კურსებზე ახლად კურსდამთავრებული ქ-ნი ეფროსინე, იაკობ ნიკოლაძის ასული. ქუთაისში თავ-აზნაურთა სასწავლებლის გაძგეობის დროს ის მონაწილეობას იღებდა ყოველ კულტურულ საქმესა და დაწესებულებაში და აგრეთვე მუდმივად თანამშრომლობდა გაზეთ „შრომაში“. შემდეგ ბ-ნი ალექსი არჩეულ იქმნა თბილისის სათავადაზნაურო სასწავლებლის გამგედ, სადაც თავისი ნაყოფიერი შრომით დიდი მადლობა და სიყვავ-

რული დაიმსახურა. როცა თბილისის ქართულ გიმნაზიას თავი დაანება, იგი დაინიშნა კავკავის სახალხო სკოლების ინსპექტორად. როცა კავკავში მსახურობდა, ოლქის მზრუნველმა მიანდო მას საქართველოში წასულიყო და დაეთვალა რებინა ის სასწავლებლები, სადაც რუსულის სწავლება მუნჯური მეთოდით სწარმოებდა. ამის შესახებ ა. ჭიჭინაძემ წარუდგინა მზრუნველს საფუძვლიანი მოხსენება, რომელშიაც მკაცრი კრიტიკის ქარცეცხლში გაატარა მუნჯური მეთოდი, როგორც პედაგოგიურის, ისე ზნეობრივი მხრით უვარგისი და მავნებელი, 1901 წ. ბ-ნი ალექსი დაინიშნა ერევნის გუბერნიის სახალხო სკოლების დირექტორად. იქიდან გადმოყვანილ იქნა ხონის სემინარიის დირექტორად 1905 წ., ამჟამად ალ. ჭიჭინაძე განაგებს არა მარტო ხონის სემინარიას, არამედ ხონის ვაჟთა პროგიმნაზიას და ქალთა კერძო გიმნაზიასაც სრულიად უსასყიდლოდ. ქართული ენის კარგად მცოდნე, ბ. ალექსი ჭიჭინაძე ქართულ ლიტერატურაშიაც იღებს მონაწილეობას. მან გადმოთარგმნა ქართულად გოგოლის ცნობილი კომედია „რევიზორი“, ოსტროვსკის „შემოსავლიანი ადგილი“ და სხვ. ამ ბოლო დროს გამოსცა თავის შედგენილი „სახელმძღვანელო გეოგრაფიისა“ და „საუბარი, თუ როგორ უნდა ისწავლებოდეს პირველდაწყებითი კურსი გეოგრაფიისა“, გაკვეთილის ნიმუშებით. ორივე წიგნი ფრიად სასარგებლოა მასწავლებელთათვის. ჯერ სრულიად ჯანსაღი და მხნე ა. ჭიჭინაძე 57 წლისაა და ნაყოფიერად მოღვაწეობს ჩვენში ოცდაათ წელიწადზე მეტი“ (ქურ. „საქართველო“, 1908 წ. № 10).

### III.

## მეფის საწინააღმდეგო მოძრაობა ხონსა და მის რაიონში

### 1

ხონის საოსტატო სემინარიის მოსწავლეთა გაფიცვები, კერძოდ 1901 წლის გაფიცვა, ერთ-ერთი შედეგი იყო იმ არალეგალური მუშაობისა, რასაც ხონსა და მის მიდამოებში აწარმოებდა ჯგუფი საშა წულუკიძის მეთაურობით.

მართალია, 1900—1902 წწ. უკვე ქლექით დაავადებული საშა წულუკიძე ექიმების რჩევით ბათუმში ცხოვრობდა და მსახურობდა (საურთიერთო საზოგადოების ბუხვალტრის თანამდებობაზე) და რევოლუციურ მუშაობასაც უმთავრესად იქ ეწეოდა, მაგრამ ხანდახან მთელი თვეობით ჩამოდოდა ხონში მამასთან და ხელმძღვანელობდა „ოტაკეკეშ“ მომუშავე ამხანაგებს.

ბათუმიდან, თბილისიდან. ბაქოდან და ხან საზღვარგარეთიდანაც ხონში უხვად შემოჰქონდათ არალეგალური ლიტერატურა (პროკლამაციები, ბროშურები, ეურნალ-გაზეთები — „ისკრა“, „ბრძოლა“, „საქართველო“) და ფარულად ავრცელებდნენ ნოქრებში, მუშებში, გლეხებში, მოსწავლე ახალგაზრდობაში...

1902-3-4 წლებში მეფის საწინააღმდეგო მოძრაობა თანდათან ძლიერდებოდა და პოპულარული ხდებოდა.

ჩემს სოფელში, მათხოჯში, იყო საქართველოში ერთ-ერთი ძველი (1897 წელს დაარსებულ) კოოპერატივი, რომელსაც ხალხი „ობჩი“ დუქანს ეძახდა. ამ კოოპერატივში ნოქრად განზრახ იყო მოწყობილი როტ-შილდის თუ მანთაშევის ქარხნის მუშა (ბათუმიდან), „კვალის“ თანამშრომელი კლასიონ მელაძე (1862 — 1917). ჯერ კიდევ ცხრაასიან და შემდგომ წლებში ამ ნიკიერი, სპეტაკი მუშა-გლეხის ხელმძღვანელობით „ობჩი“ დუქნიდან მათხოჯში, მის ახლომახლო და შორეულ მიდამოებში (იმერეთში, ლეჩხუმში, სამეგრელოში)



ფართოდ ვრცელდებოდა არალეგალური ლიტერატურა-პროკლამაციები, წიგნები.

ლეჩხუმიდან თუ სამეგრელოდან მათხოჯში გავლით ზონში მიმავალი გლეხები და მუშა-მოსამსახურეები შედროდნენ „ობჩი“ დუქანში „სავაჭროდ“ და ზოგი მათგანი ნოქარ კლასიონ მელაძისაგან ღებულობდა ლიტერატურას, კონსულტაციას... კოოპერატივის მეორე ნოქარიც — დათიკო კარსანიძე — „ახალთაობის კაცი“ იყო. „გარედან“ მათ ესტატე ბარაბაძე უწყობდა ხელს. დღითი დღე იზრდებოდა ახალთაობის ხალხი, ნიკოლოზის ტახტიდან გადმოგდების ენთუზიასტები. აშკარა და ფარულ წინააღმდეგობასაც ჰქონდა ადგილი. მთავრობის აგენტობაში ექვმიტანილი ერთ-ერთი ნოქარი (ბართლომე კინწურაშვილი) ბათუმიდან საგანგებოდ ჩამოსულმა როტშილდის და მანთაშევის ქარხნის მუშამ, მათხოჯელმა ენუქი მელაძემ, შუალამეზე გააღვიძა, გამოიხმო გარეთ, აქვე,

კოოპერატივის კარებთან, მოკლა ტყვიით და მიიმალა. საერთოდ, ბათუმისა და ფოთის ქარხნების, აგრეთვე ნავსადგურების გემების მტვირთავი მათხოჯელი მუშების გავლენა აშკარად იგრძნობოდა 1903—1904 წლების მათხოჯში. მეტიც: ბათუმის ერთ-ერთი ქარხნის მუშამ, მათხოჯელმა ვიქტორ ძიძიგურმა, ამხანაგების დავალებით ბათუმის მთავარ ქუჩაზე 1905 წლის 16 იანვარს მოკლა ბათუმის ცნობილი ჯალათი, ურიადნიკი ლევან გურიელი. მკვლელობის აქტის ჩადენის შემდეგ ვიქტორ ძიძიგურა მათხოჯში იმალებოდა და იძულებით დატოვებულ ქარხანაში თავის საშუალო გამომუშავებას (შვიდ აბაზს ღღეში) ბათუმის მუშებისაგან ღებულობდა.

სოციალ-დემოკრატიულ პარტიაში ფრაქციული უთანხმოების ჩამოვარდნის შემდეგ კლასიონ მელაძეს უშუალო კავშირი ჰქონდა კობა ჯულაშვილსა და საშა წულუკიძესთან, აგრეთვე — ხონში პოლიკო კიკალიშვილთან. მათხოჯის კოოპერატივის საქმიანობა, ჩანს, შეუმჩნეველი არ დარჩა მეფის მთავრობას და სწორედ ამიტომ იყო, რომ რეაქციის შავბნელ ღღეებში ალიხანოვის კანსაკებმა სასტიკად დაარბიეს ეს „ობჩი“ ღუქანი და, ვინც მაშინ ხელში მოხვდათ, დასაჯეს და გააცემბირეს.

### 3

ბაბუაჩემის ოჯახში ნიკოლოზ მეორის სურათი იყო, ვეებერთელა ოქროს ჩარჩოში ჩასმული. მამაჩემთან შეთანხმების შედეგად კლასიონ მელაძემ და ორმა მისმა მხლებელმა ზეწრებში გახვიეს „ხელმწიფე“ და წაიღეს.

ერთ ღღეს იღუმალი ხმა გავრცელდა — მათხოჯსა და ახალბედისოულს (მათხოჯის მოსაზღვრე სოფელია) შორის მდებარე მინდორ-ჩირგვებში ფარული მიტინგი იქნება, რომელზედაც დიდი რევოლუციონერი ილაპარაკებსო. ცნობილი იყო ისიც, რომ მიტინგის ადგილიდან ხონამდე, თოფის ხმის გაგონების მანძილებზე, დაყენებული იქნებიან სანდო პირები,

რომლებიც თოფის გასროლით შეატყობინებენ ხალხს საფრთხის მოახლოებასო.

ხონიდან მიტინგის ადგილამდე 7-ნ კილომეტრი გზა იქნებოდა. ხონიდან დაახლოებით ერთი კილომეტრის დაშორებით, „თოფის ხმაზე“ იღვა თოფიანი კაცი, ამ უკანასკნელიდან კიდევ ერთი კილომეტრის მოცილებით მეორე, შემდეგ მესამე და ასე—მიტინგის ადგილამდე. მიტინგის გაცემის შემთხვევაში, პოლიციისა და ჩაფრების მათხოჯისაკენ წამოსვლას თოფის გასროლით აცნობებდა პირველი მაცნე მეორეს; მეორეც, გაიგონებდა თუ არა თოფის ხმას, გაისროდა თოფს; ასე მოიქცეოდა მესამეც, მეოთხეც, მეხუთეც, მეექვსეც, მეშვიდეც, უკანასკნელიც... ამ საშუალებით მიტინგი ხუთ წუთში გაიკვებდა პოლიციის ხონიდან გამოსვლას, რის შემდეგ, ვიდრე პოლიცია 7-8 კილომეტრს გაივლიდა, თითოეული მოქალაქე ადვილად მოახერხებდა თუ თავის სახლში მისვლას ვერა, სადმე მიუვალ ჩირგვებში დამალვას.

მეც (თხუთმეტიორდე წლის ქაბუკი) ვიყავი იმ დაუვიწყარ მიტინგზე, რომელზეც დაახლოებით ათასზე მეტი ქალი და კაცი იქნებოდა. მიტინგი გვიან ღამე დაიწყო.

პროპაგანდისტი სიტყვას ამბობდა. ჩვენი ოჯახიდან წაღებული ხელმწიფის სურათი იქვე, ცოტა მოშორებით, მაღალ ხეზე იყო თავდაღმა ჩამოკიდებული. ილაპარაკეს სხვებმაც. თქვეს: „სპიჩქას“ ბანდეროლი რომ არ ჰქონდეს, ხუთი იქნებოდა კაპიკადო; მთავრობა ახრჩობს და აწვალებს ხალხსო; სასამართლოში ქართულად არ გვალაპარაკებენო, სკოლაში ქართულ ენას სდევნიანო; „სტრახნიკებმა“ აგვიკლესო; მეფის გადასახადებმა სული ამოგვაძვრესო; მღვდელი ჩვენგან წაღებული დრამის ფულით და ტაბლებით სუქდება, ჩვენ კი შშივრები ვართო; მიწას ჩვენ ვამუშავებთ და მოსავალი თავადებს მიაქვთო; მატერიებს მუშები აკეთებენ და თვითონ ძონძებში არიანო; მუშებისა და გლეხების ძმობას გაუმარჯოს, თავისუფლება ბრძოლით მოიპოვება, ძირს სულთამხუთავი მეფე, ხალხის თავისუფლებას გაუმარჯოსო და სხვ.

მიტინგი გათავდა. ერთბაშად გაისმა თოფების ხმა. რამდენიმე კაცი ტყვიებს უშენდა უკუღმა დაკიდებულ ნიკოლოზის სურათს. ზოგმა ქვებიც ესროლა. ხუთიოდე წუთში ტყვიებმა და ქვებმა სულ დაფლითეს ნიკოლოზის სურათი. ძმად-შეფიცული და მზიარული ხალხი დაიშალა...

#### 4

მახსოვს, 1904 წლის აღდგომის დღესასწაულზე ჩვეულებრივ უამრავი ხალხი იყო მათხოჯის ეკლესიაში. მეც იქ ვიყავი. მღვდელმა, სამსონ შენგელიამ, შეასრულა სახარების კითხვა და ღამის წირვა-ლოცვები. წირვა გათავდა, გათენდა კიდევ და ხალხი ეკლესიიდან გარეთ გამოეფინა. ვხედავთ: ეკლესიის ეზოში, ერთ მაღალ ხეზე ფრიალებს ვეებერთელა წითელი დროშა. იქვე გამოკიდებულია პლაკატი წარწერით: „გაუმარჯოს თავისუფლებას“ ხალხში ჩოჩქოლი ატყდა. ზოგს უხაროდა, ზოგი ბრაზობდა, ზოგს არც ეს ემჩნეოდა, არც ის...

ეკლესიიდან მღვდელი შენგელიაც გამოვიდა, დაინახა ეს სურათი და გაგიჟდა, პირდაპირ დორბლს ჰყრიდა პირიდან; შეხტა უცებ სასაფლაოს ერთ-ერთ ქვაზე და საშინელი სიტყვით მიმართა ხალხს; იმუქრებოდა, დაბეზლებასა და დაქერას უქადდა ყველას, თუ „დამნაშავეს“ არ აღმოაჩენთო.

თხუთმეტი წლის ვიყავი, მაგრამ კარგად მაინც არ მესმოდა, რა იყო აქ გასაბრაზებელი, „რა საშიშროებას“ წარმოადგენდა „წითელი დროშა“, ან რა „დანაშაული“ იყო სიტყვებში „გაუმარჯოს თავისუფლებას“, კარგად ვერ გამეგო აგრეთვე, ამ თავისუფლებით ვის რა უშავდებოდა...

#### 5

1905 წლის ნოემბრის ერთ მშვენიერ ღამეს ეკლესიის ზარების განუწყვეტელმა რეკვამ გაგვალვიძა ხონის სემინარიის პანსიონში; საწოლი ოთახიდან გადავიხედეთ — უამრავი ხალხია ქუჩაში.

— რა ამბავია? — ვკითხულობთ.



— ქუთაისში შეტაკებაა და მივდივართ, გვინდა მივეშველოთ მუშებს მთავრობის მომხრეებთან ბრძოლაში! — გვიპასუხა ვილაცამ.

— ჩვენც თქვენთან ვართ, მოვდივართ! — სიხარულით გადავძახეთ ქუჩას.

სასწრაფოდ ჩავიცვით და ქუჩაში გავედით... ქალი, კაცი, ახალგაზრდა, მოხუცი... წალდით, ნაჯახით, ჯოხით, სანადირო თოფით, ხანჯლით... ქვეითად, ცხენით, ურმით, ეტლით, დილიჩნით, მიდიან ქუთაისს. ჩვენც გავყევით ტალღას. გზაში დაგვათენდა.

ჯერ შუადღეც არ იყო, როცა სოფ. მალლაკს მივალწიეთ (18-20 კილომეტრი გავიარეთ ხონიდან), ეტლით წასულებს უკვე მოესწროთ ქუთაისს ჩასვლა და იქიდან დაბრუნება. ისინი სოფ. მალლაკის მიდამოებში შემოგვხვდნენ და გვითხრეს:

— დაბრუნდით უკან, შეტაკებას ადგილი არა ჰქონიაო.

ამ ცნობაზე ეს ზღვა ხალხი შებრუნდა ხონისაკენ. ჩვენც, სემინარიელებიც, დავბრუნდით. გზაში ალექსი კიკინაძე შემოგვხვდა. ურემს მოჰყვებოდა ქვეითად. როცა მხცოვან პედაგოგს გაეგო ჩვენი წამოსვლა, ეთქვა: შიმშილით დაიხოცებიაწო. ერთი ურემი პური, ყველი, კონსერვები და ძეხვები მოემზადებინა ჩვენთვის წამოსაღებად და თვითონაც წამოსულიყო. გზაში დაენაყრდით. ღამდებოდა, როცა სემინარიაში დავბრუნდით.

## 6

ერთხელ ხონის ბაღში მეფის საწინააღმდეგო დიდი მიტინგი იყო მოწვეული. ამ მიტინგს დაესწრო როგორც დაბა ხონის, ისე ახლომახლო სოფლების უამრავი მცხოვრები. მიტინგის დაწყებამდე ხონში ჩამოვიდა მაშინ ცნობილი ანარქისტი მიხაკო წერეთელი.

ის ჯერ პირდაპირ სემინარიაში შემოვიდა (ალბათ, კიკინაძემ სთხოვა) და სემინარიელებს წაგვიკითხა ლექცია, არ მახსოვს, რა თემაზე, ის კი მახსოვს, რომ შესავალში ბოდი-

ში მოიხადა: მე ჩამოვედი ხონის მიტინგზე დასასწრებლად. ამ ლექციისათვის არ მოვმზადებულვარ, ამიტომ უთუოდ სიტყვა გამიგრძელდება: საათზე მეტი დრო დასჭირდება იმის თქმას, რასაც ნახევარ საათში მოგახსენებდით, რომ მოვმზადებულიყავიო.

გათავდა ლექცია და მიტინგიც დაიწყო სემინარიის წინ, ხონის დიდ ბაღში. მიტინგზე მენშევიკები ბატონობდნენ; იყვნენ სხვა პარტიების წარმომადგენლებიც.

მიტინგზე სიტყვის სათქმელად გამოვიდა ანარქისტი მ. წერეთელი. მას გამოჰყვენ ა. კიკინაძე, მასწავლებლები და ჩვენც, სემინარიელები.

მის. წერეთელი ავიდა ტრიბუნაზე და მიტინგის თავმჯდომარეს, მენშევიკს, სთხოვა სიტყვა. თავმჯდომარემ იქვე მდგარ პარტიულ ამხანაგებს დაუწყო ჩურჩული, შემდეგ შეეკითხა ხალხს: „აფხანიკებო, ანარქისტი წერეთელი (დაცინვით აუწია ხმას) სიტყვას გვთხოვს და, მგონია, არ გვინდა!.. რას იტყვით თქვენ?“

— არ გვინდა... არ გვინდა... — გაისმა აქეთ-იქიდან.

— ამხანაგებო, მეზობლებო, მეგობრებო!.. — დაიყვირა იქვე ტრიბუნაზე მდგარმა ფედერალისტმა ს. მ-მა, — როცა მ. წერეთელი სიტყვას ამბობს ლონდონში, მოქალაქეები პარიზიდან ჩადიან ლონდონში მის მოსასმენად; როცა პარიზში ამბობს სიტყვას, ბერლინიდან ჩადიან პარიზში მის მოსასმენად... თქვენ კი უარს ეუბნებით მას მოსმენაზე. ვაი, სირცხვილო.. ვაი სირცხვილო...

— მოქალაქენო!.. — სჭექა ანარქისტმა და უნებართვოდ დაიწყო სიტყვა.

## 7

იმ ხანებში (1905 წ.) სამმა მათხოველმა (ვარლამ მელაძემ — პეტერბურგის უნივერსიტეტის სტუდენტმა, ნესტორ ძიძიგურმა — ჩემმა უფროსმა ძმამ, საოსტატო სემინარიის უკანასკნელი კურსის აღსაზრდელმა, და ლავრენტი მელაძემ —

შემდეგ შესანიშნავმა ექიმმა, უენევის უნივერსიტეტის მედიცინის დოქტორმა, წერილი გაუგზავნეს „იასნაია პოლიანაში“ ლევ ტოლსტოის, რომელსაც ემუდარებოდნენ მოეწერა მათთვის, თუ რა აზრის არის დიდი მწერალი რევოლუციაზე.

ტოლსტოიმ ახალგაზრდების თხოვნა დააკმაყოფილა და ვრცელი (მანქანაზე დაბეჭდილი ცხრაგვერდიანი) წერილი გამოგზავნა მათხოჯში. საპასუხო წერილის შინაარსის დეტალები კარგად არ შერჩენია ჩემს მეხსიერებას, მაგრამ მისი მთავარი დედააზრი ძირითადად მახსოვს: ტოლსტოი იწერებოდა, რომ ადამიანმა არ უნდა ჩაიდინოს რაიმე დანაშაული, ხალხმა უნდა იცხოვროს ისე, რომ საქმე არ გაუჩინოს პოლიცია-ქანდარმერიას, სასამართლოს... ამგვარად, დროთა ვითარებაში პოლიცია, ქანდარმერია, სასამართლო და მისთანანი, როგორც უფუნქციონი, ქვეყნის ხორცმეტნი და ზედმეტი ბარგნი, თავისთავად მოისპობიანო.

მათხოვლებს იმ ხანებში გულუბრყვილოდ სწამდათ, რომ მალე მსოფლიო რევოლუციის შედეგად თუ თავისთავადაც ყველგან დამყარდებოდა ძმობა, ერთობა, თანასწორობა და რომ დედამიწაზე ყოველ ადამიანს ეცოდინებოდა მარტო ორი ენა: ერთი მშობლიური, მეორე — „ესპერანტო“, ყველა ეროვნებისათვის საერთო ენა.

მშობლიური ენა იქნება საოჯახო და თავის ხალხთან სალაპარაკო ენა, „ესპერანტო“ კი — საერთაშორისო; ამ ენის ცოდნა საშუალებას მოგვცემს ყველას მთელი ქვეყანა შემოვიაროთ და ვისაც გვინდა ველაპარაკოთ (რუსს, ფრანგს, ამერიკელს, თათარს, არაბს... რადგან იმათაც ეცოდინებათ „ესპერანტო“).

მათხოვში გლეხების, ინტელიგენციისა და მოწაფეების ერთი ჯგუფი ზემონახსენები დიდი ფანტაზიორის ლავრენტი მელაძის ხელმძღვანელობით ვსწავლობდით „ესპერანტოს“. დღესაც მახსოვს იმ დროს ნასწავლი რამდენიმე სიტყვა ამ „საერთაშორისო“ ენიდან: „ინ მია ამიკო“ და მისთანანი.

#### IV.

### სემინარიის ახალი დირექტორი. რეჟიმი, მასწავლებლები

#### 1

ხონის სემინარიაში მისაღები გამოცდები მიმდინარეობდა, როცა ქუთაისიდან ხონში ჩამოასვენეს (1905 წლის 12 ივნისს) და დაკრძალეს ერთ-ერთი გამოჩენილი მარქსისტი, ნიჭიერი პროპაგანდისტი, მღვთათა კლასის საქმის ბოლომდე ერთგული საშა წულუკიძე. ცხედარს ჩამოჰყვა 25-26 წლის ი. სტალინი. მიტინგი, რომელსაც 10 ათასზე მეტი კაცი დაესწრო, გადაიქცა გრანდიოზულ პოლიტიკურ დემონსტრაციად თვითმპყრობელობის წინააღმდეგ.

იმ ფაქტით, რომ მეტად უდროოდ დაფერფლილი მგზნებარე რევოლუციონერის პატივსაცემად მოწყობილ დიდ მიტინგზე დასწრება ახალმა დირექტორმა ალექსი ჭიჭინაძემ არათუ არ დაგვიშალა მანამდე სულ პანსიონში ჩაკეტილ სემინარიელებს, არამედ თვითონაც დიდად სწუხდა დიდი რევოლუციონერის დაკარგვას, — ჩვენ ყველამ პირველად და ნათლად ვიგრძენით, თუ ვის მხარეზე იყო ალექსი ჭიჭინაძე.

სამართლიანობა მოითხოვს აღინიშნოს, რომ დევიცი იყო თავისი თანამდებობისათვის სრულიად შეუფერებელი და მოუმზადებელი, მიკერძებით დანიშნული (კავკასიის სასწავლო ოლქის ინსპექტორის სლავინსკის ახლო ნათესავი იყო)

შებრაზმელი ჯაშუში, თორემ მისი წინამორბედი დირექტორები ფრიად განსწავლულნიც იყვნენ და იშვიათი პედაგოგებიც. ასე რომ, ალექსი კიკინაძეს ადვილად როდი შეეძლო ისეთი განუზომელი პატივისცემა და ავტორიტეტი დაემსახურებინა სემინარიელებსა და ფართო საზოგადოებაში, როგორც მან ხონში ცხრა წლის მუშაობით დაიმსახურა. ალექსი კიკინაძე იყო შესანიშნავი პედაგოგი და სამაგალითო აღმზრდელი.

არცთუ ისე დიდი ხნის მოსული იყო ხონში კიკინაძე, როცა მთელ სემინარიაში სავსებით შეგნებულად და ძალდაუტანებლივ რაღაც ისეთი გარდუვალი რწმენა თუ შეგნება დამკვიდრდა, რომ თითოეული ჩვენგანი (ქართველი, რუსი, უკრაინელი, ბერძენი თუ უდი), ვიდრე რაიმეს ჩავიდენდით, ვიდრე ასე მოვიქცეოდით თუ ისე, აუცილებლად შევეკითხებოდით საკუთარ თავსა და სინდისს: მოიწონებს თუ არა ჩვენს საქციელს ალექსი ბესარიონის ძე? როგორ შეაფასებს ის ამას, დადებითად თუ უარყოფითად? „უარყოფითი“ პასუხის გაფიქრების შემთხვევაში უსათუოდ შევიკავებდით თავს, რაგინდ დიდი სტრვილიც არ გექნოდა სხვანაირად მოქცევისა. ეს შეგნება თუ გრძნობა თითოეულ ჩვენთაგანში იმდენად ძლიერი იყო მაშინ, რომ ვფიქრობ, აწ განსვენებული ალექსი ბესარიონის ძის ყოფილ მოწაფეთაგან ახლაც არა ერთი და ორი (ვიდრე რაიმე საქმეს შეუდგებოდეს) შეეკითხება თავის თავსა და სინდისს: რას იტყოდა ამის შესახებ ალექსი ბესარიონის ძე?

## 2

განა ყვირილითა და ცემა-ტყეობით აკეთებდა ალექსი კიკინაძე დიდ პედაგოგიურ საქმეს? განა დამუქრებით ზრდიდა ის მოსწავლეებს და, წარმოიდგინეთ, თავის კოლეგებსაც კი განა ერთსა და იმავეს ჩაგვიჩინებდა განუწყვეტილვ? პირიქით, ერთხელ ნათქვამს მეორედ იშვიათად გაიმეორებდა, მაგრამ ისეთნაირად მოიქცეოდა, რომ სირცხვილის აღმური

მოგვეკიდებოდა, სინდისის ქენჯნას გაგვაცდევინებდა. გავიხსენებ მხოლოდ ერთს, თითქოს უბრალო მაგალითს: ა. ჭიჭინაძის ხონში ჩასვლამდე მასწავლებლები მეტ შემთხვევაში კალოშებით შედიოდნენ სამასწავლებლო ოთახში, კალოშებს იქვე გაიხდიდნენ და კუთხეში მიყრიდნენ. ალექსი ბესარიონის ძემ ერთხელ უთხრა თავის კოლეგებს: „აჯობებდა კალოშების დერეფანში დატოვებაო“... ამის შემდეგ მასწავლებლები ერთ ხანს კალოშებს დერეფანში ტოვებდნენ. ერთი-ორი კვირის შემდეგ ზოგს დაავიწყდა ალექსი ბესარიონის ძის ნათქვამი, ძველი ჩვეულებისამებრ კალოშებით შევიდა სამასწავლებლო ოთახში, იქ გაიხადა კალოშები და ძველებურად იქვე მიჰყარა კუთხეში. ბედად დიდ შესვენებაზე, როცა სამასწავლებლო ოთახში ჩაის მიირთმევდნენ მასწავლებლები, შევიდა ალექსი ჭიჭინაძე და... დაინახა კუთხეში 2-3 წყვილი კალოში! ხმა არ ამოუღია, საყვედური არავისთვის უთქვამს, პირდაპირ კუთხისაკენ წავიდა ეს თეთრწვერა, მოხუცებული კაცი, დაუყოვნებლივ აკრიფა კალოშები, უხმოდ გაიტანა დერეფანში და თავის ადგილას დააწყო. ამ სანახაობაზე მასწავლებლებმა ჩაის სმა შეწყვიტეს, ადგილებიდან წამოცვიდნენ, ყველა სირცხვილით დაიწვა. ამის შემდეგ სამასწავლებლო ოთახში კალოშებით არავინ შესულა...

### 3

ჭიჭინაძე ბეჯითად ადევნებდა თვალყურს თითოეული სემინარიელის მოქმედებას. გვეიცხავდა, თუ შეგვამჩნევდა უსაქმობას და აქეთ-იქით ხეტიალს. ერთხელ შემამჩნია სემინარიის ეზოში უსაქმოდ მოხეტიალე და დამიძახა:

— ვარლამ დადიანო, აქეთ მობრძანდით!..

გამიკვირდა, რომ ჩემი გვარი შეეშალა; მით უფრო გავოცდი, რომ დადიანი არავინ სწავლობდა სემინარიაში. სწრაფად ვეახელ და მორიდებით მოვახსენე, რომ მე ძიძიგური ვარ.

— არა, ყმაწვილო, დადიანი ხარ, დადიანი: სულ დადი-

ხარ, სულ დადიხარ! — მიპასუხა ღიმილით. ეს შემთხვევა გულში ჩამებუქდა და მას შემდეგ ვცდილობდა: ძვირფასი დრო არ დამეკარგა უსაქმო სიარულში...

4

უფროსის თანდასწრებით რომ უმცროსს არ შეუძლია ვისმეს გაუწყრეს, რომ ასეთი საქციელი უმცროსის მხრივ თავხედობაა, უწესობაა, უზრდელობაა, — ეს პირველად სემინარიაში გავიგე.

ერთხელ ალექსი ჭიჭინაძე სემინარიის ეზოში ელაპარაკებოდა ერთ-ერთ დარაჯს. მათთან მივიდა სემინარიის ეკონომისტი ვასო თარგამაძე და ჭიჭინაძის თანდასწრებით გაუჯავრდა დარაჯს, ყვირილი დაუწყო (რადგან საქმე არ გაეკეთებინა ისე, როგორც ეს საჭირო იყო).

„მიბრძანდით აქედან! — საშინელი სიბრაზით უთხრა თარგამაძეს ა. ჭიჭინაძემ, — როგორ არა გრცხვენიათ და ბედავთ ჩემი თანდასწრებით გაჯავრებას? თავხედი ყოფილხართ, უწესო... (და მთელი ნატაცია წაუყითხა).

5

ალექსი ჭიჭინაძე ხანდახან საგანმანათლებლო მიზნით მოგვითხრობდა მის მიერ ნახულ და გაგონილ შემთხვევებს, ამბებს:

„ერთხელ „პირველი ნაბიჯის“ ავტორებთან, გიორგი წერეთელთან (გ. წერეთელი და ა. ჭიჭინაძე ქვისღები იყვნენ: ორივეს ცოლებად ჰყავდათ ნიკო ნიკოლაძის დები). რამდენიმე კაცი ვიყავით სტუმრად. მასპინძელმა თავისი 8-9 წლის ვაჟი მოიხმო და უთხრა: „შედექი სკამზე, ლექსები და მოთხრობები წაგვიკითხეო!“ პატარა ბავშვი შეხტა სკამზე და ხუთიოდე ლექსისა და მოთხრობის კარგი დეკლამაციით დაგვატკბო. ყველანი მოგვხიბლა იმ გარემოებამ, რომ ბავშვი

განცდიდა იმას, რასაც ამბობდა, მეტყველებდა მისი გული და არა მარტო ენა. მამამ შვილს ერთ-ორჯერ შეუსწორა მიმიკა, დიქცია. შემდეგ, როცა ბავშვი მეორე ოთახში გავიდა, მასპინძელმა გვითხრა სტუმრებს: „ვინ იცის, იქნებ ოდესმე ჩემი შვილი გამოჩენილი ორატორი დადგეს. ამთავითვე ვიჭერ თადარიგს, ბავშვს სწორმეტყველებასა და დეკლამაცი-აში ვავარჯიშებ, საქართველოს ორატორს ვუმზადებო“.

— ჩვენთვის ამჟამად ის არის საინტერესო და ყურადსა-ღები, — დასძინა ალექსი ჭიჭინაძემ თავის მოგონებას, — რომ ხანგრძლივი, მონდომებული და გონივრული ვარჯიშობა, ყო-ველთვის სასურველ ნაყოფს იძლევა, ამაში თქვენ მალე დარწ-მუნდებით.

ჩვენი დიდი პედაგოგის დებულების სისწორეში შემდეგ და შემდეგ დავრწმუნდით.

## 6

ილია ჭავჭავაძის ვერაგულად მოკვლის შესახებ ცნობის მიღების დღეს თვალცრემლიანმა ალექსი ჭიჭინაძემ დაგვიხა-სიათა „საქართველოს ეროვნულ-განმათავისუფლებელი მოძ-რაობის ლიდერი“ და, სხვათა შორის, ისიც თქვა, რომ „გან-სვენებული ჯერ კიდევ საშუალო სკოლაში, გიმნაზიაში, გამოირჩეოდა სხვებისაგან ქართული ენის კარგი ცოდნით, რისთვისაც თავის დროზე მიუქცევია ყურადღება პოეტ გრი-გოლ ორბელიანს, რომელიც შემთხვევით დასწრებია გამოც-დებზე პატარა ილიასო“.

თითქმის ორმოცი წელი იყო გასული მხცოვანი პოეტის მკვლელობის დღიდან, როცა ერთი ანალოგიის მიხედვით გამახსენდა ალექსი ჭიჭინაძის ნათქვამი იმის შესახებ, რომ ილია ჭავჭავაძე ჯერ კიდევ გიმნაზიაში გამოირჩეოდა სხვე-ბისაგან ქართული ენის კარგი ცოდნით; ამასთან დაკავშირე-ბით შევისწავლე ცოტა რამ (წელი, კლასი, ორბელიანი,



ილიას ნიშანი ქართულ ენაში, გიმნაზიის დირექტორის გვა-  
რი), ლიტერატურულად გავაფორმე გაგონილი და მოვათავსე  
ჩემ მიერ მოზრდილთათვის შედგენილ სახელმძღვანელო  
წიგნში („ქართული ენა“, 1946 წ. გვ. 340). აი ისიც.

## უოჩალი მოწაფე

(გაგონილი)

ერთხელ თურმე თბილისის პირველ ვაჟთა გიმნაზიაში  
გამოცდები მიმდინარეობდა ქართულ ენაში.

საგამოცდო მაგიდასთან გამოსულა 13-14 წლის ჩასკენი-  
ლი IV კლასის მოწაფე. ყველას ძალაუნებურად მიუქცევია  
ყურადღება ჭაბუკის ღრმა და ჭკვიანი თვალებისათვის.

— ვინ არის ეს ბავშვი? — ჩუმად უკითხავს გამოცდებზე  
დამსწრე სტუმარს, ცნობილ პოეტს გრიგოლ ორბელიანს.

— ეს ჩვენი საუკეთესო მოწაფეა, — სიამაყის გრძნობით  
უპასუხნია საგამოცდო კომისიის თავმჯდომარეს, სკოლის  
დირექტორს ნ. დემენტიევს.

ყმაწვილს ქართულის ღრმა ცოდნა გამოუმჟღავნებია. ყვე-  
ლა შეკითხვას ის თურმე თავისუფლად, დარწმუნებით,  
ჩქარა და, რაც მთავარია, არა სახელმძღვანელოდან თუთი-  
ყუშივით გაზეპირებული ფრაზებით, როგორც ეს ძველად  
მიღებული იყო, არამედ თავისი სიტყვებით უპასუხებდა.

გ. ორბელიანსაც მიუცია რამდენიმე ძნელი შეკითხვა.  
ბავშვი შეკითხვებს შეუფერხებლივ უპასუხებდა. დამსწრეებს  
სიხარულით თვალები გაბრწყინებიათ.

საგამოცდო კომისიას დაუწერია ნიშანი „5“.

გ. ორბელიანს ყმაწვილი მოუხშია, შუბლზე უკოცნია,  
მიულოცავს ბრწყინვალე გამარჯვება და წიგნი უჩუქებია.

ჭაბუკს ზრდილობიანი მადლობა მოუხსენებია და თავის  
ადგილას დამჯდარა.

— რა გვარია ეს ყოჩალი მოწაფე, რომელსაც მე ეხლა  
წიგნი ვაჩუქე, — უკითხავს სტუმარს.

— ჭავჭავაძე, — უპასუხნია საგნის მასწავლებელს; სახელიც კი არ უთქვამს.

აბა, ვინ იფიქრებდა მაშინ, რომ ეს „ბურთივით მრგვალი“ ჭაბუკი — ილია ჭავჭავაძე, რომელსაც „თვალთაგან ცეცხლის ნაპერწკალი გადმოსცივოდა“, ქართველი ხალხის საამაყო მწერალი იქნებოდა.

## 7

სემინარიაში თითქმის ყველა კარგად სწავლობდა. გამო-  
ნაკლისს შეადგენდა ზოგი შავრაზმელი, ისიც მხოლოდ ქარ-  
თული ენის მიმართ: ჩვენს დედაენას ძაღლის ენად თვლიდა  
და განზრახ არ სწავლობდა. არ ვიცი, რა მიზეზით, მაგრამ  
მათი ცოდნაც ქართულ ენაში ფასდებოდა ნიშნით „3“. ეს  
გვაწუხებდა ზოგს. ალექსი ჭიჭინაძემ წესად შემოიღო: სემი-  
ნარიელები, ეს მომავალი მასწავლებლები, დასწრებოდნენ  
საგნის მასწავლებლებს მოსწავლეებისათვის მეოთხედური  
ნიშნების გამოყვანის დროს და თავიანთი აზრიც მიეწოდები-  
ნათ ამა თუ იმ ნიშნის სამართლიანობის შესახებ. ერთხელ  
მეც ამირჩიეს ამხანაგებმა თავიანთ წარმომადგენლად მეოთხე-  
დური ნიშნების გამოყვანაში მონაწილეობის მისაღებად.  
ნიშნების გამოყვანის დროს მე მოვახსენე ქართული ენის  
ცნობილ მასწავლებელ ტრიფონ თაბუკაშვილს, რომ ჩემს  
კლასში ექვს რუსს ეკუთვნის ორიანები ქართულა ენის ცოდ-  
ნაში. ტრ. თაბუკაშვილმა გაიზიარა ეს აზრი და, პიუხედავად  
გარკვეული რისკისა, ექვს კაცს დაუწერა ქართულში „2“.  
ცხადია, პედაგოგიურ საბჭოს მოხსენდა ნიშნები. საბჭოს  
სხდომის შემდეგ ალექსი ჭიჭინაძემ დაიბარა ექვსივე მოწადე  
თავის კაბინეტში, რა ელაპარაკა მათ, არ ვიცი, მაგრამ ის კი  
კარგად ზახსოვს, რომ, დაბრუნდნენ თუ არა ისინი კლასში,  
მათგან ხუთმა მაშინვე ამოიღო წიგნები და გულმოდგინედ  
დაიწყო კითხვა: „მოდი, ვნახოთ ვენახი, რამ შექამა ვენახი“,  
„მოდი, ვნახოთ ვენახი, რამ შექამა ვენახი“... მეექვსემ კი,

ქარხალივით გაწითლებულმა და მეტად აღელვებულმა ოსტროუხოვმა, „დედა-ენის“ ნაცვლად ქალაღდი ამოიღო და რადაციის წერა დაიწყო. სულმა წაგეძლია, სანამ გავიგებდით შინაარსს, როცა ერთმა ამხანაგმა მიპარვით წაიკითხა მთელ თაბანზე გადაჭიმული დაბეზღება (სწერდა კავკასიის ოღქის მზრუნველს, რომ ღირექტორი კიჭინაძე რევიოლუციონერაა, შოვინისტია, რუსებს გვაწიოკებს, ჩვენგან ქართულის შესწავლას დაბეჯითებით მოითხოვსო და სხვ.) ერთი ჩვენგანი წინ დაუდგა ოსტროუხოვს და მოსთხოვა, მყისვე თავისი ხელით დაეხია დაბეზღების ქალაღდი, ხოლო, რადგან მან ეს არ შეასრულა, ქალაღდი ხელიდან გამოვტაცეთ და თავზე დავახიეთ. აყვირდა. ატყდა ჩოჩქოლი... ყველამ, მათ შორის პირველ რიგში რუსებმა (განსაკუთრებით პოპოვმა) ენერგიულად გაკიცხეს ოსტროუხოვი.

## მ

ერთხელ აღექსი კიჭინაძემ დამიბარა თავის ბინაზე (სემინარიის შენობაშივე ცხოვრობდა). ვეახელ საყვარელ ღირექტორს. ის თავის სამუშაო კაბინეტში იჯდა. მასთან იყო სტუმარი -- 20-25 წლის კაცი. შეხედვისთანავე ვიცანი, რომ ის იყო ჩემი სოფლის მღვდლის, რეაქციონერ სამსონ შენგელიას შვილი.

— გაიცანით. ეს ამხანაგი გოგელიაა, — მითხრა აღექსი კიჭინაძემ, — მას თბილისიდან დავალებული აქვს შეკრობოს ხონში შემოწირულებანი პოლიტექნიკური ინსტიტუტის სასარგებლოდ, რომელიც თბილისში უნდა გაიხსნას.

სტუმარმა ხელი გამომიწოდა ჩამოსართმევად და თან გაიმეორა „თავისი“ გვარი — გოგელია.

— უკაცრავად, თქვენ შენგელია არ ბრძანდებით? — ვკითხე გოგელიას.

— არა! გოგელია ვარ — ისე დაბეჯითებით და მრისხანედ მითხრა, რომ უცებ ეჭვი შემეპარა, ხომ არ ვცდებდემთქი, და ბოღიშით ვუთხარი:

— უკაცრავად, მე ერთ ჩემს შორეულ ნაცნობს მიგამს-  
გავსეთ!

— ვარლამ ჩემო! — მომმართა ისევე ალექსი ჭიჭინაძემ, —  
შენ ყოჩალი ყმაწვილი ხარ, ჩვენი სამშობლოსა და საზოგადო  
საქმის მოყვარული. საქართველოს სახელოვან შვილებს სურთ  
მოამზადონ ნიადაგი თბილისში უმაღლესი სასწავლებლის,  
პოლიტექნიკური ინსტიტუტის განხნისათვის... შეგნებულ  
ქართველებში კრეფენ ამ მიზნით შემოწირულებას. მე შევე-  
ცადე შემედგინა ვრცელი საორიენტაციო სია, თუ ვის შეიძ-  
ლება ამ მიზნით მივმართო ხონში. აი, ეს სიაც, — გამომიწოდა  
სია და განაგრძო: — ფთხოვთ არ დაიხაროთ, ამხანაგ გოგე-  
ლისთან ერთად ინახულოთ აქ აღნიშნული პირები და სთხო-  
ვით შემოწირულების გაღება ამ ფრიად მნიშვნელოვანი საქ-  
მის სასარგებლოდ...

— სიამოვნებით, ბატონო ალექსი... ოღონდ ჩვენ თბილის-  
ში გვეღირსოს უმაღლესი სასწავლებელი და მაგისათვის ძალ-  
ღონეს აბა როგორ დავიშურებ? ჩემ მხრივაც გავიღებ,  
რაც კი შემიძლია...

— კეთილი აბა, ახლავე შეუდექით საქმეს... ამ ამხანაგს  
ჩქარება და ყოველი წუთი კარგად გამოიყენეთ!.. — მითხრა  
ალექსიმ და გამოგვისტუმრა ორივენი...

გამოვედით თუ არა ჭიჭინაძის ბინიდან, სტუმარმა საყვე-  
დურით მომმართა: — რა იყო, რომ დამიჩემეთ „შენგელია“  
ხართო?...

— მე ახლაც დარწმუნებული ვარ, რომ თქვენ შენგელია  
ბრძანდებით: მამათქვენი, სამსონ შენგელია, რამდენიმე წე-  
ლიწადი მღვდლად იყო ჩემს სოფელში, მათხოჯში, თქვენ და  
სხვა მისი შვილები დროგამოშვებით თქვენი სოფელ კაგნი-  
დან ჩამოდიოდით მამათქვენთან ჩემს სოფელში და იქიდან  
მახსოვხართ, — ვუპასუხე მე.

როცა დარწმუნდა, რომ კარგად ვიცნობ, მითხრა:

— მართალი ხართ თქვენ, ჩემი ნამდვილი გვარი შენგე-  
ლიაა, მაგრამ მთავრობისათვის პოლიტიკურად არასაიმედო

კაცი ვარ, უანდარმები მეძებენ და ამიტომ სხვისი პასპორტი მაქვს, გოგელიას გვარით ვცხოვრობ. თქვენ უნდა გქონდეთ იმდენი შეგნება. რომ პოლიტიკურად დევნილი პიროვნება არ გასცეთ...

— ეგრე მეტყოდით თავიდანვე! — ვუპასუხე მე.

— ჭიჭინაძემაც კი არ იცის, რომ მე გოგელია არა ვარ, --- მითხრა მან.

— ჭიჭინაძე დირექტორია, მაგრამ სანდო კაცია! — მივუბნე.

— ეგ მართალია, მაგრამ რა საჭიროა ყველა სანდომ იცოდეს, რომ მე მთავრობა მდევნის. თქვენ კი, რადგან შემთხვევით მიცნობთ, გთხოვთ ეგ საიდუმლოება შეინახოთ... არავის უთხრათ, ვინცა ვარ! — მთხოვა მან.

— ბატონი ბრძანდებით... თუ ეს ასეა საჭირო, არავის ვეტყვი! --- შეეპირდი მე.

სამოცზე მეტი მუშა-მოსამსახურე და ვაჭარი ვინახულეთ. ყველამ გაიღო თავისი წვლილი, თითოეულმა 5-10-15 მანეთი. ზუთ მანეთზე ნაკლები არავის მოუცია. დაღლილ-დაქანცულები დავბრუნდით საღამოს სემინარიაში. ალექსი ჭიჭინაძეს მოვახსენეთ ჩვენი „ექსპედიციის“ შედეგები. ერთობ ნასიამოვნები ვიყავით ზონელების შეგნებითა და გულუხვობით...

სტუმარი გამოგვემწვიდობა და დაბრუნდა თბილისს...

მას შემდეგ არ გასულა ათიორდე დღე, რომ გაზეთში თუ იმპორისტულ ჟურნალში, არ მახსოვს, დაიბეჭდა დაახლოებით ასეთი ცნობა: ახალმოდის ზღესტაკოვი, ვილაც აფერისტი შენგელია, ჩასულა ზონში და ზონელები დაუტყავებია; ვითომდა პოლიტექნიკური ინსტიტუტის სასარგებლოდ შეუკრებია დიდძალი ფული და ჩაუჯიბავსო...

მახსოვს, რარიგ შეაწუხა ალექსი ჭიჭინაძე ნაძირალა შენგელიას მდაბალმა საქციელმა!

ზონის სამასწავლებლო (ანუ საოსტატო) სემინარია, დაახლოებით, საქალაქო ექვსკლასიანი სასწავლებლის კურსის

ბაზაზე იყო აგებული. სემინარიის კურსი კი ოთხწლიანი იყო: მოსამზადებელი კლასი, პირველი კლასი, მეორე კლასი, მესამე კლასი.

სემინარიაში ისწავლებოდა თითქმის ყველა დისციპლინა; ყველა საგნის სწავლება რუსულ ენაზე წარმოებდა.

ყოველ დღე ექვსი გაკვეთილი გეჰქონდა.

მეორე კლასიდან იწყებოდა დამკვირებლობითი პედაგოგიური პრაქტიკა: მეორეკლასელი მოსწავლეები მორიგეობით ისხდნენ სემინარიასთან არსებული ორკლასიანი სასწავლებლის მასწავლებლის გაკვეთილებზე, უკვირდებოდნენ, ისმენდნენ და იწერდნენ თავისთვის გაკვეთილის მიმდინარეობას.

მესამე კლასიდან იწყებოდა გაკვეთილების გადაცემა. მესამე, გამოსაშვები, კლასის ყველა მოსწავლე პირველ გაკვეთილზე დაწყებით სკოლაში სანიმუშო გაკვეთილს აძლევდა.

გარდა მესამეკლასელი მოსწავლეებისა, პრაქტიკანტის გაკვეთილს ესწრებოდნენ დაწყებითი სკოლის მასწავლებელი, აგრეთვე სემინარიის იმ დისციპლინის მასწავლებელი, რა საგანშიაც პრაქტიკანტის მიერ გაკვეთილის გადაცემა მიმდინარეობდა, და სემინარიის დირექტორი.

მეორე, მესამე, მეოთხე და მეხუთე გაკვეთილები ჩვეულებრივი ცხრილით მიმდინარეობდა და მოსწავლეები განაგრძობდნენ ამა თუ იმ დისციპლინის დაუფლებას. მეექვსე გაკვეთილზე კი წარმოებდა პრაქტიკანტის მიერ დაწყებით სკოლაში ჩატარებული პირველი გაკვეთილის გარჩევა.

გაკვეთილის გარჩევას, როგორც წესი, ესწრებოდა ყველა, ვინც მის გადაცემას დაესწრო.

პირველი სიტყვა ყოველთვის ეძლეოდა პრაქტიკანტს, რომელიც მუდამ ცდილობდა თვითონვე აღენიშნა თავისი გაკვეთილის ყველა ნაკლი, რათა სხვებს არაფერი დარჩენოდათ სათქმელი, და ამით დაემტკიცებინა, რომ ის თავისი გაკვეთილის ავკარგიანობაში ერკვევა; მით უფრო, რომ მან გაკვეთილის მასალა 3-7 დღით ადრე მიიღო, დროზე დაწერა გაკვეთილის ვრცელი კონსპექტი (რომელშიაც გათვალისწინე-

ბული იყო: გადასაცემი გაკვეთილის მასალა, მიზანი, გეგმა და მსვლელობა); კონსპექტი მან ჯერ დაწყებითი სკოლის მასწავლებელს უჩვენა, მისგან მითითებები მიიღო; მერე საგნის მასწავლებელმა გადახედა. შემდეგ რამდენიმე დღე თავისთვის ვარჯიშობდა: ცარიელი კლასის ამა თუ იმ მერხიდან „წარმოდგენით იძახებდა მოწაფეს“, ეჩიჩინებოდა, უხსნიდა, ახსნილს „მას“ და „სხვებსაც“ გაამეორებინებდა და სხი პრაქტიკანტმა წინასწარ მოიფიქრა, შეარჩია და მოამზადა გაკვეთილის გათვალსაზრისათვის საჭირო მასალა და სხვა, ერთი სიტყვით, მოემზადა გაკვეთილის გადაცემისათვის. ცხადია, თავისი გაკვეთილის ყველა დეტალი სხვაზე უკეთ მას უნდა სცოდნოდა და, თუ ყველაფერი ის, რაც გათვალისწინებული ჰქონდა გაკვეთილის გადაცემის ვრცელ კონსპექტში ისე, როგორც ეს საჭირო იყო გაკვეთილის უნაკლოდ გადაცემისათვის, პრაქტიკულად ვერ განახორციელა, — ეს იმიტომ, რომ დელავდა, ან დაიბნა. ხოლო ახლა მინც, გარჩევის დროს, თუ თავისი გაკვეთილის ყველა ნაკლს თვითონვე აღნიშნავდა, მას ერთგვარი შეღავათი მიეცემოდა, რაც აგრეთვე გავლენას მოახდენდა გაკვეთილის შეფასებაზე.

პრაქტიკანტის შემდეგ სიტყვა ეძლეოდათ ჯერ მისი კლასის ამხანაგებს; ყველა მოსწავლე ცდილობდა, ისე ამომწურავად გაეკრიტიკებინა გაკვეთილი (მათ შორის გაკვეთილის კონსპექტიც), რომ მის შემდეგ არაფერი დარჩენილიყო სათქმელი (უკვე ნათქვამის განმეორება, რა თქმა უნდა, არ შეიძლებოდა). საერთოდ კი მოსწავლეები ცდილობდნენ გამოეთქვათ ისეთი ამომწურავი შენიშვნები, რომ მასწავლებლებს სათქმელი არაფერი დარჩენოდათ, თუმცა ეს ასე არ ხერხდებოდა. მოსწავლეების შემდეგ ჯერი დაწყებითი სკოლის მასწავლებელზე მიდგებოდა. ამ უკანასკნელის შენიშვნების მოსმენის შემდეგ სემინარიის მასწავლებელი — იმ საგნის სპეციალისტი, რომელშიც გაკვეთილის გადაცემა ჩატარდა, — გადმოალაგებდა თავის შენიშვნებს.

პრაქტიკანტი მოსწავლე კი ვალდებული იყო ყველასთვის ეპასუხა: მიეღო შენიშვნა, ხოლო, თუ არ ლებულობდა, დაესაბუთებინა, რატომ? მასაც, ისე როგორც სხვებს, შეეძლო სათანადო ლიტერატურაც მოეშველიებინა თავისი აზრის განსამტკიცებლად.

ბოლოს ილაპარაკებდა დირექტორი ა. ჭიჭინაძე. ის ჯერ გამოთქვამდა თავის შენიშვნებს პრაქტიკანტის გაკვეთილის გამო, ნერე ანალიზს გაუკეთებდა, შეაჯამებდა ყველას ნათქვამს და ბოლოს დასვამდა კითხვას: — რა ნიშანზე გნებავთ შევაფასოთ გაკვეთილი: ა) არადამაკმაყოფილებელ, ბ) დამაკმაყოფილებელ თუ გ) ფრიად დამაკმაყოფილებელ ნიშანზე? თუ ფრიად დამაკმაყოფილებელზე — „4“ ეკუთვნის თუ „5“?

სათანადო წინადადებაც შემოვიდოდა და პრაქტიკანტის გაკვეთილი შეფასდებოდა ზუსტად, მიუდგომლად; ყველამ იცოდა, რომ ტენდენციურობა, სულ ერთია, არავის გაუვიდოდა, მას შეარცხვენდა მხოლოდ.

ამ სახით მოისმენდა და გაარჩევდა გამოსაშვები კლასი იმდენ გაკვეთილს, რამდენიც სამუშაო ღლე იყო სასწავლო წელში.

გამოსაშვებ კლასში დაახლოებით 20 მოწაფე იყო, მაშასადამე, თითოეულს დაახლოებით 10-12 გაკვეთილის გადაცემა უნდებოდა ყველა დისციპლინაში, მათ შორის სიმღერაშიც. დაწყებითი სკოლის მასწავლებელს უნდა შეეძლებოდა ეს წავლებინა ბავშვებისათვის ყველა დისციპლინა, მათ შორის სიმღერაც და ხატვაც.

პირადად მე ხმა და სმენა ძალიან ცუდი მქონდა. ამ მიზეზის გამო მოვინდომე სიმღერის გაკვეთილის გადაცემისაგან გავეთავისუფლებინე პედაგოგიურ საბჭოს. საბჭოს წევრები გაოცდნენ ასეთი უპრეცედენტო განცხადებით, მით უფრო. რომ სემინარიაში შესვლის დროს. როგორც წესი, ჩემი საყ-



რთო ჯანმრთელობაც იყო გასინჯულ-შემოწმებული, კერძოდ სმენა და ხმა. პედაგოგიურმა საბჭომ უარი მითხრა თხოვნაზე; მაშასადამე, წესისამებრ მეც უნდა გადამეცა სიმღერის გაკვეთილი.

ვწუხდი ძ.ლიან, რადგან წინასწარ ვიცოდი, რომ გაკვეთილი ჩამივარდებოდა; მანამდე გადაცემული ყველა ჩემი გაკვეთილი ფრთხილად დამაკმაყოფილებელ ნიშანზე იყო შეფასებული.

ვიოლინოს დ.კვრას, როგორც სხვები, მეც ვსწავლობდა (საუკეთესო პედაგოგი გვყავდა — ვიაჩესლავ ვიაჩესლავის ძე გაუდეკი), მაშასადამე, ვიოლინოს მოშველება სიმღერის გაკვეთილის გადაცემის დროს, ჩემი ამხანაგების მსგავსად, მეც თამამად შემეძლო, მაგრამ გაკვეთილის გადაცემის სირთულე ჩემთვის ის იყო, რომ სიმღერის გაკვეთილზე, დადგენილი წესის მიხედვით, ჯერ მე სოლოდ უნდა მემღერა შესასწავლი მოტივი, შემდეგ კი დაფაზე დამეწერა ნოტები, ვიოლინოზე ამელო ხმები და ნაწილ-ნაწილ, მუსლობრივად შემესწავლებინა ბავშვებისათვის.

სიმღერის გაკვეთილის გადაცემის ყველა დეტალი თეორიულად .ცნობილი იყო. მაგრამ მე, როგორც პრაქტიკანტ მასწავლებელს. მევალებოდა სოლოდ მემღერა მთელი შესწავლილი ტექსტი და ამით ნიმუში მიმეცა მოსწავლეთათვის, თუ როგორ იმღერებდა შესასწავლი მოტივი. აი, ეს იყო მთელი ჩემი ტრაგედია, სმენისა და ხმის უქონლობით გამოწვეული.

მთელი კვირა ვემზადე სიმღერის გაკვეთილის გადასაცემად. დაწყებითი სკოლის მე-4 და მე-5 განყოფილებებს მოწაფეებისათვის უნდა შემესწავლებინა სიმღერა: „ვანტანგ მეფე ღმერთს უყვარდა, ციდან შემოესმა რეკა“... ვერ დავივიწყებ, რარიგ მესმარებოდა სანიმუშო სკოლის ცნობილი მასწავლებელი, აწ განსვენებული გიორგი ბოკერია... მთელი კვირა მასწავლიდა ამ სიმღერას... მახსოვს, არაიშვიათად იყო ზოლმე მომენტი, როცა მე, თურმე, სწორად ვიმღერებდი, და მეტყობდა:

— ჰო, აი ასე კარგია! აბა, გაიმეორე ასევე, გაიმეორე!...  
გავიმეორებდი და ის სასოწარკვეთილი ხელს ჩაიქნევდა:

— ასე კი არა, წელან რომ იმღერე... — მეტყოდა ხოლმე.

მე კი ვერ ვარჩევდი, როდის ვმღეროდი კარგად და როდის ცუდად. ბ-ნ გიორგის ხან მოვწონდი, უფრო ხშირად კი — არა...

ასე ვაწვალე და ვიწვალე მთელი კვირა.

განკითხვის დროც დადგა. ზარი დაირეკა და გაკვეთილის გადასაცემად კლასში შევედი.

მერბებს უკან ჩამწკრივებულყო ყველა ჩემი ოცდაერთი<sup>1</sup> ამხანაგი. (მე ისინი აღრე მყავდა გაფრთხილებული: არ მოვეკალით და სიცილი არ აეტეხათ ჩემი სიმღერის დროს).

ჩემთან ერთად გაკვეთილზე შემოვიდნენ ბოკერია, გაუდგეი, ჭიჭინაძე; ყველამ თავისი ადგილი დაიკავა.

მე კათედრაზე ავედო. სიმწრის ოფლი წამომივიდა... კათედრას მოვჭიდე ორივე ხელი და... ვიმღერე: „ვახტანგ მეფე ღმერთს უყვარდა, ციდან შემოესმა რეკა, იალბუზზე ფეხა შესდგა, დიდმა მთებმა იწყეს დრეკა“...

ვერავისა და ვერაფერს ვხედავდი!... ისეთი სიმწარე მე არც მანამ და არც შემდეგ განმიცდია!

სოლოს შემდეგ ჩამოველ კათედრიდან, მოვაბრუნე მოწაფეებისაკენ დაფის ის მხარე, რომელზედაც დაწერილი მქონდა ნოტები.

მცირე პაუზის შემდეგ სიმღერის პირველი მუხლი ავიღე ვიოლინოზე, ხოლო მეორეჯერ იმავე მუხლის ვიოლინოზე დაკვრის წინ გავაფრთხილე მოწაფეები აყოლოდნენ ვიოლინოს ხმას...

ასევე მოვიქეცი სხვა სასიმღერო მუხლების მიმართაც...

შემდეგ თავიდან ბოლომდე ავიღე მთელი სიმღერა ვიო-

---

<sup>1</sup> ერთი მოსამზადებელ კლასში დარჩა.

ლინოზე და მოსწავლეებიც ვამღერე ვიოლინოთი ერთხელ, ორხელ...

დასასრულს ვიოლინოც განზე გადავდე და ღირიქორის პოზა მივიღე... მოსწავლეებმა ყურები ცქციტეს; ავათამაშე ხელები. ყველა მოსწავლემ ერთხმად დაიწყო სიმღერა და... თავიდან ბოლომდე კარგად შეასრულა...

ვამღერე მეორედ, მესამედაც და... გაკვეთილის გათავების ზარიც გაისმა...

წესისამებრ გამოვისტუმრე ყველა და მე. უკანასკნელი გამოვედი კლასიდან...

მეორე, მესამე, მეოთხე, მეხუთე ჩვეულებრივ გაკვეთილებზე გაბრუებული ვიჯექი სემინარიაში...

დადგა მეექვსე გაკვეთილი. კლასში შემოვიდნენ ალექსი ჭიჭინაძე, ვიაჩესლავ გაუდეკი, გიორგი ბოკერია; გაკვეთილის გარჩევაც დაიწყო...

— პრაქტიკანტო ძიძიგურო, რას იტყვით თქვენი გაკვეთილის ღირსება-ნაკლოვანებების შესახებ? — მკითხა სხლომის თავმჯდომარემ, ღირექტორმა ალექსი ჭიჭინაძემ.

— არაფერს, ბ-ნო თავმჯდომარე! — მოვახსენე პასუხად.

— თქვენ რას იტყვით? — შეეკითხა ჩემს ამხანაგებს.

ყველამ თავისი აზრი გამოთქვა. ზოგმა ესა თქვა, ზოგმა ის.

— თქვენ რას იტყვით? — მიმართა ალექსიმ გიორგი ბოკერიას.

გიორგი ბოკერიამ ჯერ ჩემი ერთი კვირის წვალემა გადმოლშალა „მოსამართლეებს“ და შემდეგ გაკვეთილის ღირსება-ნაკლოვანებაზედაც გამოთქვა თავისი აზრი.

— თქვენ რასა ბრძანებთ? — შეეკითხა ალექსი ჭიჭინაძე მუსიკის ჩვენს მოხუც მასწავლებელს, კაპელმეისტერ ვეჩესლავ გაუდეკს.

— Несмотря на старания практиканта Дзидзигури перетянуть детей на свой плохой голос, дети все же хорошо пели!.. Но... методическая сторона урока была настолько

правильна и воспитательна, что я согласен признать урок хорошим, — თქვა გაუდევმა. ყველას გაეღიმა. გაკვეთილი შეჯამებულ იქნა ხიშნით: „1“.

მომავალ მასწავლებელთათვის საჩვენებელ გაკვეთილს, გარდა სანიმუშო ორკლასიანი მასწავლებლის მასწავლებლებისა, ხანდახან სხვა მასწავლებლებიც გადასცემდნენ ხოლმე.

ერთხელ თვითონ ალექსი ჭიჭინაძემ გადასცა დაწყებით სკოლაში ჩვენთვის საჩვენებელი გაკვეთილი. ალექსის გაკვეთილი ბრწყინვალე იყო, მაგრამ ცნობილია, რომ ნაკლის აღმოჩენა ყველა გაკვეთილშია შესაძლებელი. მით უმეტეს ჩვენ შეგვეძლო ეს, რადგან ერთობ კარგად დავხელოვნდით გაკვეთილის გაკრიტიკებასა და მისი ავკარგიანობის დანახვაში, დასაბუთებაში.

წამოვესიეთ ეს ამბავი იმდენი ბიჭები ალექსი ბესარიონის ძეს მისი გაკვეთილის გარჩევის დროს და ერთი სუსტი ძაფიც არ დავტოვეთ აღმოუჩინელი მია მიერ გადაცემულ საჩვენებელ გაკვეთილში.

თვალწინ მიდგას ალექსის გამოხმაურება ჩვენს გამოსვლებზე. მას არათუ არ სწყენოდა ჩვენი მოურიდებლობა, მკაცრი და სამართლიანი კრიტიკა, არამედ ქალიან უხაროდა ჩვენი დახელოვნება, განვითარება, გაკვეთილის ყველა დეტალის ეგზომ შეგნებულად ცოდნა.

ჰიგიენის, ანატომიისა და ფიზიოლოგიის ჩვენი მასწავლებელი, იშვიათი დიაგნოსტიკოსი და ცნობილი ექიმი პოლიკარპე ივანეს ძე ჩხიკვიშვილი, საერთოდ მეტად განვითარებული და დიდი ნაკითხი კაცი იყო. მას ენციკლოპედისტს ეძახდნენ. ყველა საგანში, განსაკუთრებით ჰუმანიტარულ საგნებში, კარგად ერკვეოდა.

ეკოდოდ ის საგანი, რომელსაც ჩვენ გვააწვდიდა, ხელ-  
მიწევნით იცოდა, მაგრამ იმავე დროს მეტად ორიგინალური  
და იშვიათად ასირებული კაცი იყო როგორც თავის ოჯახურ,  
ასე საზოგადოებრივ ცხოვრებაში.

პ. ჩხიკვიშვილის გაკვეთილები  
სენსაციებით იყო სავსე.  
გაკვეთილზე ხშირად თავის სა-  
განს კი არ გვასწავლიდა, არა-  
მედ ააღებდა სხვა საგნიდან  
რომელიმე თემას და ბრწყინვა-  
ლედ ლექციას ჩაგვიტარებდა, ან-  
და ასირებულ საკითხებზე გვე-  
ბაძებოდა.

— თქვენ გგონიათ, იე რატო-  
მაცა თქვენს მასწავლებელ  
„ტრიშკაზე“ (ტრიფონი) ნაკ-  
ლებად ვიცით. — გვითხრა ერთ-



ხელ მოულოდნელად მუცა გაკვეთილზე. — გინდათ გებაასოთ  
თუნდაც აი, ასეთ თემაზე: „Ледниковый период Европы!“

შეწყვიტა ჰიკენის მშვენიერი გაკვეთილი და შინაარსი-  
ანი ლექცია წაგვიკითხა ზემოდასახელებულ თემაზე. გატაცე-  
ბით ვუძახუნდით. ტაშიც კი დავუკარით...

ტ. შის ხმაზე ჩვენი საკლასო ოთახის ფანჯრებიან კარებს  
მოსცივდნენ, ვინც კი იმ წუთს დერეფანში იყო, მაგრამ  
დაინახეს ოო არა კლასში პოლიკარპე ჩხიკვიშვილი, ტყვიანა-  
კრავივით მოსცილდნენ კარებს: ჩხიკვიშვილმა არ დაგვიანახოს,  
თორემ გაგვლანძღავსო.

პოლიკარპე ივანეს ძემ ჩვენს ტაშზე „ულვაშებში ჩაიცი-  
ნა“ და გვითხრა:

— Тоже брак!.. (ეს გამოთქმა მას ძალიან უყვარდა და  
დღეში ასჯერ გაიმეორებდა). Дураки! что вы аплюдируете?  
Здесь не театр!.

იყო შემთხვევები, როცა მის „გაკვეთილს“ გაფაციცებით ეუსმენდით და ამ დროს შემოგვესმოდა სემინარიის ეკონომის — ვასო თარგამაძის ხმა, როცა იგი დარაჯს, ან ვისმე სხვას უჯავრდებოდა სემინარიის ეზოში.

— Тоже брат!.. Что он кричит там, как ерихонская труба!.. — იტყოდა პოლიკარპე, შეწყვეტდა გაკვეთილის ახსნას და ვასო თარგამაძის დახასიათებას შეუდგებოდა.

— Тоже брат! თქვენსავით წამხდარი კი არ ვიყავით ძველად ჩვენ, სტუდენტები... — გვითხრა ერთხელ გაკვეთილზე და განაგრძო. — ერთხელ მე, კიევში, სტუდენტობის დროს, ქუჩაში მივდიოდი. დავინახე, ერთ კოხტად გამოწყობილ ქალს რაღაც დაუვარდა... სამკუთხა პატარა ბალიში იყო, აქეთ-იქით ზორტები ჰქონდა მიკერებული. წამოვავლე ხელი, დავეწიე იმ ქალს, რომელსაც სხვები მიჰყვებოდნენ, და გავუწოდე მის მიერ დაკარგული ნივთი, ვუთხარი: — ინებეთ, თქვენ დაგივარდათ-მეთქი!...

— ქალმა შემომიბღვირა: ეს ჩემი არაა!.. убирайся к черту-ო — მითხრა. მე მტკიცება დავუწყე, რომ მისი იყო... არ ვშორდებოდი, სანამ სხვებმა არ მომაშორეს და მითხრეს: „წამო აქეთ, სირცხვილია, რად არცხვენ იმ ქალს? ზისია, მაგრამ, აბა, სირცხვილით, როგორ აიღებს, საჯდომის გასასქელებლად ჰქონდა შემოკრული, მაგრამ ჩამოუვარდა, მაგ ნივთს „ტურნე“ ჰქვიანო!.. სამედიცინო ინსტიტუტს ვათავებდი და არც კი ვიცოდი, როგორ და რას იცვამდნენ ქალები... თქვენ კი წამხდრები ხართ, წამხდრები!.. თუმცა პო, თქვენ პანსიონში ხართ ჩაკეტილი. თქვენ კიდევ არა გიშავთ; ეს „გიმნაზისტები“ და „რეალისტები“ სულ გაფუჭდნენ, ხელიდან წავიდნენ...“

პ. ი. ჩხიკვიშვილმა რომ ხანდახან ასეთი „გაკვეთილის“ ჩატარება იცოდა, ჩანს, ეს ალექსი ჭიჭინაძემაც გაიგო.

ერთხელ, როცა პ. ჩხიკვიშვილი გაცხარებით გვიამბობდა თავის ნადირობაზე: ჯომერმა (მეტი სახელი იყო მიხეილ

ქვეყნადისა) დააცილა ტყვია ნადირს, მე კი შიგ გულში გა-  
ვარტყიო, გაიღო კარები და ალექსი კიქინაძე შემობრძან-  
და...

— Головной мозг, мозжечек... — სწრაფად დაიწყო გაკ-  
ვეთილი ჩხიკვიშვილმა და ბრწყინვალედ განაგრძო... ბ-ნი  
ალექსი იქვე დაბრძანდა სკამზე და უსმენდა, თან ცალი ხე-  
ლით ლღვაშს იწიწკნიდა. ბოლოს ადგა და კლასიდან გავიდა.  
პოლიკარპემ გააცილა კარებამდე დირექტორი, შემდეგ  
კარები მიხურა და ჩვენ მოგვიბრუნდა:

— Тоже брат! ჰო, იმას ვიამბობდით, ჯომერმა რომ და-  
ცილა ნადირს, მე ვესროლე, პირდაპირ გულში მოვახვედრე...  
და განაგრძო ამბის თხრობა...

სიცილი ძლივს შევიკავეთ! მოგვეკლავდა, რომ გაგვეცინე-  
ბოდა! ასეთი თავისებური კაცი მე არასოდეს მინახავს.

ამას გარდა, ისეთი ზნეც სკირდა, რომ ყველა სხვისი  
ნათქვამი უნდა გაეკრიტიკებინა, უეჭველად საწინააღმდეგო  
აზრი უნდა გამოეთქვა.

ერთხელ განვიზრახეთ მისივე ნათქვამი, როგორც ახალი  
ამბავი, ჩვენ გაგვემეორებინა მისთვის. გვაინტერესებდა —  
დაგვეთანხმებოდა თუ იქაც წინააღმდეგი წავიდოდა!...

ერთმა ჩვენგანმა თქვა: ახლა პოლიკარპემ უამბო ერთ  
ჯგუფს, ჩვენს წითელრაზმელებს შეტაკება ჰქონდა ქუთაის-  
ში პოლიციელებთან და მილიციელები დახოცესო.

მეორე დღეს იგივე, იმავე სიტყვებით, ვუამბეთ მას, რო-  
გორც ახალი ამბავი:

— არ გცოდნიათ თქვენ!.. ის კი არა, თოფის ნიშანში გას-  
როლა არ იციან მაგ გლახებმა! უნებლიეთ ერთმანეთი დაუ-  
ხოციათ!.. — გვიპასუხა.

1924 წელს ეს ლომივით კაცი ლოგინად ჩაწვა. დაიჩემა:  
ოთხი თვის შემდეგ მოგვედებო; არ ემჩნეოდა, რომ რაიმე  
სტკიებოდა. არ უჯერებდა არავის, ლოგინში ღრინავდა...  
იმდენი იღრინა, მართლაც მოკვდა 4-5 თვის შემდეგ. ამბობ-  
დნენ, თვითშთაგონებით მოკვდაო.

ამ ორიგინალურ კაცზე ნეკროლოგი დაებეჭდა ჟურნალ „თეატრსა და ცხოვრებაში“ (1924 წ. № 20/23). აი ისიც:

„დაბა-სოფლის მოღვაწენი. ექ. პ. ი. ჩხიკვიშვილი (1855—1924).“

დიდი ორიგინალი, არაჩვეულებრივი პიროვნება, განსაკუთრებული ხასიათის მქონე, ჯანმრთელი, ლამაზი, ახოვანი, ფრიად განათლებული. თავის ხელობის ჩინებული ოსტატი, მონადირე, დაუცხრომელი ენერგიის პატრონო, ენამწარე, ნამდვილი ოთარაანთ ქერივი, სცენისმოყვარე, საზოგადო მოღვაწე, მედიცინის მასწავლებელი, ავადმყოფის უკანასკნელი იმედი, — აი ვინ იყო აწ გარდაცვალებული, ყველასგან საყვარელი ექიმი პოლიკარპე ივანეს ძე ჩხიკვიშვილი.

დაიბადა 1855 წელს. საშუალო სასწავლებლის დამთავრების შემდეგ უმაღლესი სასწავლებლის სიბრძნისმეტყველების ფაკულტეტზე სწავლობდა. შემდეგ გადავიდა და დამთავრდა საექიმო ფაკულტეტი. სტუდენტობის დროს მოუსვენარმა. ხალხის მოყვარემ იმპერატორ ალექსანდრე მეორის მკვლელობაში (1881) მიიღო პირადი მონაწილეობა. უნივერსიტეტის დამთავრების შემდეგ (1884) დაბრუნდა სამშობლოში და სამუშაო ასპარეზად აირჩია ხონი, სადაც მარჩიელობას, მკითხაობას, კუდიანობას, სიბნელეს ფართოდ გაეშალა ფრთები.


ლაპარაკი იმაზე, რომ თუ ვინმეს, პირველს პოლიკარპე ივანეს ძე ჩხიკვიშვილს ჰქონდა მეტი შესაძლებლობა დაბინავებულიყო სატახტო ან რომელიმე დიდ ქალაქში და იქ ერთი საუკეთესო ექიმთაგანი ყოფილიყო, ზედმეტად მიგვაჩინა. იშვიათი ნიჭის პატრონს, სათანადოდ მომზადებულს, დიდი გაქანების კაცს, რა თქმა უნდა, ამის შესაძლებლობა ჰქონდა, მაგრამ პირადი კეთილდღეობა და თავისი თავი შესწირა უმეცრებასთან ბრძოლას. ორმოცი წლის განმავლობაში მედგრად იღვა თავის პოსტზე. ხონი, მისი რაიონი, იმერეთის სხვა კუთხეები, შორეული ლეჩხუმი და სამეგრელო — აი მისი სამუშაო რაიონი. ყოველ კრიტიკულ მომენტში ქუთაი-



სის ცნობილი ექიმები: თოფურია, ხეჩინოვი და სხვები პოლიკარპეს მიმართავდნენ ხოლმე. იშვიათად, თითქმის არასოდეს შემცდარა დიაგნოზის დასმამდე, რაიც ასე იშვიათია ჩვენსა და ძველს დროში. ხელ-დან წიგნი არ გაუგდია. მეცნიერების უკანასკნელი სიტყვა იცოდა, ფულთ არასოდეს დაინტერესებულა: ღარიბებს არაფერს ართმევდა, უღარიბესს თავისი დღიური ლუკმისათვის ნაშოვნით თანხიდან წამლის ფულს აძლევდა. სახლი არ შეუძენია და კარი. ბევრი ვალი ემართა. არაჩვეულებრივი კაცი იყო. ყველას უყვარდა. ყველა პატივს სცემდა. ბავშვმაც იცოდა მისი სახელი. ხონის საოსტატო სემინარიის მედიცინის მასწავლებელი იყო. სემინარიელებში რევოლუციური სულის აღზრდაში საკმაოდ დიდი როლი ჰქონდა. მანვე დააარსა ხონში დრამატული წრე. აქაკი წერეთელმა ჯერ კიდევ 1901 წელს „ივერიაში“ მთელი ფელეტონი დაწერა ამ იშვიათი ენციკლოპედიური პიროვნების შესახებ. იყო სოფლად და სოფელს არგო. გარდაიცვალა 6 ივლისს. გარდაცვალების მეორე დღეს მივიდა ხონში დასავლეთ საქართველოს ექიმთა და ბუნებისმეტყველთა საზოგადოების დადგენილება, რომ პოლიკარპე ივანეს ძე ჩხიკვიშვილს ორმოცი წლის ფრიად ნაყოფიერ მუშაობისათვის ბრწყინვალე იუბილე, დღესასწაული უნდა გადაეუხადოთო. უღმობელია ცხოვრება. იუბილე დასავლეთით შეიცვალა. ზღვა ხალხი დაესწრო მის უკანასკნელად გამოთხოვების დღეს. სიტყვები თქვეს: ხონის აღმასკომის სახელით ამხ. გიორგი ბახტაძემ (აღმასკომის დადგენილებით უღარიბესისთვის ჩხიკვიშვილის საქურობის ერთი უფასო საწოლი დაარსდა საავადმყოფოში), დასავლეთ საქართველოს ექიმთა და ბუნებისმეტყველთა სახელით ექ. მათე ბახტაძემ. დასავლეთს ეკლესიის გალავანში (სჯობდა ბაღში).

ტიროდა ხალხი, როგორც შვილი იტირებს მამაზე მამას. დავკარგეთ ერთი საუკეთესო ექიმი საქართველოს მასწავლებლობით“.

გრიგოლ ბურჭულაძე (1861 — 1941 წწ.) 1906 წელს დაინიშნა მთემეტიკის მასწავლებლად ხონის სემინარიაში. ეს



დინჯი, აუჩქარებელი ადამიანი სრულიად არ ამქლავნებდა, რომ ის გურჯული იყო. მისი ავტობიოგრაფიიდან ჩანს, რომ ის მეტად ღარიბი ოჯახიდან იყო.

პატარა გრიგოლს დიდი ვაივაგლახით და წვალებით თვითონ გაუკაფავს გზა სწავლისაკენ და საშუალოზე მაღალი განათლება მიუღია, თბილისის სამასწავლებლო ინსტიტუტის

სრული კურსი დაუმთავრებია. რიგი წლების მანძილზე მასწავლებლად უმუშავია თელავში, ზაქათალაში, ახალციხეში, ერევანში, ხონში, ბოლოს თბილისში.

გრიგოლ იესეს ძე ყოველ, პატარა თუ დიდ საქმეს დიდი ენთუზიაზმითა და გატაცებით აკეთებდა: სამკითხველო-ბიბლიოთეკების დაარსებისათვის ზრუნვა, დილა-საღამოებისა და წარმოდგენების მოწყობაში მონაწილეობის მიღება, საკვირაო სკოლებში მუშებთან და ნოქრებთან უსასყიდლოდ მეცადინეობა, კრა-კერვის ქალთა სკოლების ორგანიზაცია, ქართველთა შორის წერა-კითხვის გამავრცელებელი საზოგადოების საქმიანობაში მხურვალე მონაწილეობის მიღება, უკანასკნელ ხანებში ამავე საზოგადოების ცენტრალური გამგეობის მდივნობა. ხალასი პატრიოტიზმი ქართული ენის უფლებებისათვის ბრძოლაში და სხვადასხვა საქვეყნო საქმეებში თავისი გულთბილი და უანგარო წვლილის შეტანა გრიგოლ იესეს ძის

ნათელი ცხოვრების მიზანი, ვიტყვდი „ალფა და ომეგა“ იყო.

სამწუხაროდ, ვერ ვიტყვი, რომ გრიგოლი მათემატიკის დიდი მცოდნე და ბრწყინვალე მასწავლებელი იყო. საქალაქო და სხვა სასწავლებლებში ყველა საგნის სწავლებამ, ყველა საგნის „ენციკლოპედისტობამ“ ინსტიტუტის კურსდამთავრებულს არ მისცა საშუალება რომელიმე ერთ საგანს ღრმად, ძირფესვიანად დაეფლებოდა.

ერევნის საქალაქო სასწავლებლებიდან, სადაც გრიგოლ ბურჭულაძე ერთ-ერთი კლასში ყველა საგანს ასწავლიდა, ალექსი ქიქოძის ნაცნობობით გადმოიყვანეს ხონის სემინარიის მათემატიკის მასწავლებლად (მეც ამ საგანს მასწავლიდა), და ახლაც ვამახსენდება ხოლმე, როცა დაუახე დაწერილი მათემატიკური ფორმულების ლაბირინთიდან მოსწავლე ვერ გამოვიდოდა და მასწავლებლის მიშველება გახდებოდა საჭირო, — ხანდახან ვერც ჩვენი საყვარელი მასწავლებელი გრიგოლი მოაძებნიებდა მოსწავლეს გზას და „გორდიოსის კვანძს“ ვაკვეთილის გათავების ზარი გადაჭრიდა ხოლმე.

### 13

იშვიათად მაგრამ ცხოვრებაში მაინც ვხვდებით ხოლმე ისეთ გამონაკლის შემთხვევებს, როცა, ვთქვათ, საშუალო სკოლის კურსდამთავრებული ამა თუ იმ დისციპლინის დაუფლებითა და თავისი საერთო ერუდუციით არათუ უტოლდება უმაღლესი სასწავლებლის კურსდამთავრებულს, არამედ, რიგ შემთხვევებში, ბევრად სჯობს კიდევ და მასზე მაღლა დგას თვით იმ საგნის ცოდნაშიაც კი, რომლის სპეციალისტად ის ითვლება და სათანადო დიპლომიცა აქვს.

რადგან ასეთი გამონაკლისი გვხვდება, ამას თავისი ახსნაც ექნება. ახსნაც, ალბათ, უნდა ვეძიოთ ნიკში. უნარში, ბეჯითობაში, შრომისმოყვარეობაში, აკურატობაში, გარემოში, ოჯახში... და ვინ იცის, კიდევ სად და რაში!..

ტრიფონ რომანოზის ძე თაბუკაშვილი (1866 — 1926) ასეთ იშვიათ აღამიანთა რიცხვს ეკუთვნოდა. კავკასიის ფარგლებ-



ში მდებარე ყველა ოთხი (კავკასიის, ერევნის, გორისა და ხონის) სამასწავლებლო სემინარიების პრაქტიკაში ერთადერთი შემთხვევა იყო, რომ სემინარიის კურსდამთავრებული სემინარიისავე მასწავლებლად ყოფილიყო და იმავე დროს თავისი ერუდიციით არც ერთი უმაღლესი სასწავლებლის კურსდამთავრებულს არ ჩამოუვარდებოდა.

1896 წელს უკვე სახელგანთქმული მასწავლებელი ტრიფონ თაბუკაშვილი ხონის საოსტატო სემინარიაში მიიწვიეს მოსამზადებელი კლასის მასწავლებლად და საცდელი გაკვეთილების ხელმძღვანელად, მაგრამ სულ მალე მას ქართული ენისა და ისტორიის გაკვეთილები სემინარიის ძირითად კლასებშიც ჩააბარეს.

თხუთმეტი წელიწადი იმუშავა ტრიფონ თაბუკაშვილმა ხონის საოსტატო სემინარიის ღირსეული მასწავლებლის მაღალ პოსტზე, თხუთმეტი წელიწადი ასწავლიდა მომავალ მასწავლებლებს ქართულ ენასა და ისტორიას. იგი იყო პროგრესული მოსწავლეების სული და გული, მოწაფეთა ფარულ ჟურნალის აზრისა და სტილის გამსწორებელი, საინტერესო საუბრებისა და ცოცხალი, შინაარსიანი, მიმზიდველი გაკვეთილების ორგანიზატორი. არასოდეს უგმოდარგულა ტრიფონი სახელმძღვანელო წიგნთა და ვიწრო პროგრამული, ოფიციალური საკითხებით. ის თითქოს ვერ ეტეოდა გალიაში, მის ნისკარტსა და ფრთებს დაინახავდით გალიის ბანდულების გარეთაც...

რამდენჯერმე გადარჩა ტრიფონ თაბუკაშვილი სიუხათს. შავრაშმელი დარეპტორის დევიციას საკითხთან დაკავშირებით, 1904 წელს თავის საყვარელ სემინარიელებს მოაცილეს და ახალქალაქში გადაისროლეს; 1905 წლის მოქარობამ ისევ დააბრუნა ტრიფონ თაბუკაშვილი ხონის სემინარიაში... რამდენიმე საფრთხეს კიდევ სხვა დროს გადაურჩა, მაგრამ „ყოველთვის კოკამ წყალი არ მოიტანა“ და 1911 წელს ხულიგანი მასწავლებლის ნიკოლაევის (რომელმაც გლეხი მოკლავის გამო, რომ მას და მარინეს, სასწავლებლის გამგე ქალს, ტყეში წაადგა თავზე უნებლიეთ) საქმესთან დაკავშირებით, კავკასიის სასწავლო ოლქის მზრუნველმა რუდოლფმა პირდაპირ განუცხადა: „თქვენი მუშაობა ქართველთა შორის შეუძლებელია!“ რუდოლფმა საბოლოოდ მოხსნა ვარტუოზი პედაგოგი სემინარიიდან და განჯაში გადაისროლა რუსული ენისა და ისტორიის მასწავლებლად.

მეფის ტახტიდან გადმოგდებამ (1917 წ.) ტრიფონ თაბუკაშვილს საშუალება მისცა ჯერ ხარაგოულს დაბრუნებოდა (სწავლა-განათლების საქმეს ისევ თავის საყვარელ სოფელში ჩასდგომოდა სათაფეში) და შემდეგ, სიცოცხლის უკანასკნელ ხანებში, თბილისში გადმოსულიყო უკვე ქართული სკოლების მოწაფეთათვის დედაენაზე სახელმძღვანელოების შესადგენად, ხოლო მასწავლებელთათვის თავისი მდიდარი გამოცდილების გასაზიარებლად, მეთოდოლოგიური ხასიათის სტატიებს, ბროშურებისა და წიგნების დასაწერად და პარალელურად მეტად ნაყოფიერი პრაქტიკული მუშაობის გასაგრძელებლად.

რა მშვენიერად შეასრულა მან ეს საქმე! რამდენი საგულისხმო, ერთობ ძვირფასი პედაგოგიური აზრები და რჩევანი დასტამბა ჩვენდა სახელმძღვანელოდ თავის მეთოდოლოგიური მითითებებსა და შრომებში! რამდენი საჩვენებელი და სანიმუშო გაკვეთილი გადასცა თავისი სიცოცხლის უკანასკნელ წლებში! რამდენ ახალგაზრდა მასწავლებელს გაუნათა წინსვლის გზა!..

ტრიფონ თაბუჯაშვილმა ახალგაზრდა საბჭოთა ქართული სკოლების III და IV განყოფილებებისათვის დაწერა და დაბეჭდა ქართული ენის სახელმძღვანელოები: „განთიადი“, I და II ნაწილი (გამოიცა 1923 და 1924 წლებში), „აისი“, I და II ნაწილი (გამოიცა 1924 და 1925 წწ). და სხვ.

1923 წელს დაიბეჭდა ტ. თაბუჯაშვილის სასარგებლო ნაშრომი — „მეთოდოლოგიური შენიშვნები გრამატიკის სწავლების შესახებ“. 1925 წელს გამოაქვეყნა საჭირო შრომა სათაურით — „სასვენის ნიშნების ხმარება“.

1926 წლის 11 იანვარს ტრიფონ თაბუჯაშვილი გარდაიცვალა 60 წლის ასაკში.

სამოცი წელი!.. რა საკმარისად მეჩვენებოდა სიცოცხლისათვის, როცა 20-25 წლის ჭაბუკი ვიყავი, და რა ცოტად მეჩვენება ახლა, როცა სამოც წელს რახანია გადავცილდი!..

#### 14

ჯერ კიდევ ხონის სემინარიის მოწაფე ვიყავი, როცა საგაზაფხულო არდადეგებზე მოსწავლეების რეპეტიტორობა და მომზადება დავიწყე. ჩემი გამბედაობა ისე შორს წავიდა, რომ მე, სემინარიის პირველი თუ მეორე კლასის მოსწავლე, სემინარიაში შესასვლელად გამოცდებზე დასაშვებ ჭაბუკებსაც კი ვამზადებდი. რადგან უცნობი და უცხო თავის შვილს მე საექსპერიმენტოდ არ მანდობდა, — საჯირითო მოედნად ჩემი ახლო ჯათესავეები (დეიდაშვილები და ბიძაშვილები) გავიხადე. მონდომებითა და სიყვარულით ვასწავლიდი მათ, ისინიც მონდომებული იყვნენ, კარგად სწავლობდნენ და სემინარიაში მისაღები გამოცდების დიდ კონკურსში იმარჯვებდნენ. შემდეგ, რა თქმა უნდა, დახელოვნებულ მასწავლებელთა ხელში კიდევ უფრო უკეთ სწავლობდნენ და შემდეგ ისინი ცნობილი და სახელმწიფო მასწავლებლები გახდნენ, როგორც, მაგალითად, დოროთე ფირცხალავა, ალექსანდრე გვახარია, ვანო ხელაია და სხვები; ჩემი ყრმობის მოწაფეები აქრითუ ჩემზე ბევრად ახალგაზრდები არიან.

## რეაქციის წლები

### 1

ხონის სემინარიაში დღეულში გამოწვევა არ იცოდნენ, მაგრამ შეურაცხყოფელთან ანგარიშის გასწორება კეტისა და ჯოხის მაგრად თავზე დარტყმით ზოგს კარგად ეხერხებოდა.

ერთხელ (1908 წლის მარტში) სემინარიელმა ესტატე მონიავამ სიტყვიერი შეურაცხყოფა მიაყენა სემინარიელ გიორგი ფარულავას (ამ უკანასკნელს ერთ-ერთი მასწავლებლისათვის რაღაც ეამბა და ამის გამო მას „ჯაშუში“ უწოდა). ფარულავამ „არც აცივა, არც აცხელა“, წამოაელო ხელი კუთხეში მიყუდებული იატაკის საწმენდი „ჩოთქის“ ვეებერთელა ტარს, შეუბრალებლად დაარტყა მონიავას და თავი გაუტეხა. კაცი წაიქცა, სისხლი წამოუვიდა. შეიქმნა ჩოჩქოლი და აურზაური.

ალექსი ჭიჭინაძე დიდად შეაწუხა ამ შემთხვევამ. ვიდრე პედაგოგიური საბჭო იმსჯელებდა ამ სამწუხარო მოვლენაზე, ჭიჭინაძემ სემინარიის მოწაფეთა საერთო კრებას (მოსამზადებელი კლასის გამოკლებით) მიანდო საქმის გარჩევა, დადგენილების გამოტანა და საბჭოსთვის წარდგენა.

მოსწავლეთა საერთო კრებამ კრების თავმჯდომარედ ამირჩია. ერთი კვირა გასტანა ჩვენმა სხდომებმა, რომლებსაც გაკვეთილების შემდეგ ვაწყობდით სემინარიის დიდ დარბაზ-

ში. დაკითხული იყვნენ როგორც მოწმეები, ისე დამნაშავენი. ვინ ფარულავას უქერდა მხარს, ვინ — მონიავას. მონიავა კი იმუქრებოდა — ფარულავას უეჭველად მოვკლავო; ფარულავა არათუ ბოდიშს არ იხდიდა მონიავას წინაშე, არამედ გულწრფელად წუხდა, რომ მხოლოდ თავი გაუტეხა და მთლად არ მოკლა მისი ასე დიდად შეურაცხყოფელი სიტყვებისათვის, მაგრამ იმავე დროს იმედოვნებდა, დროს ვიწოვი და მონიავას სიცოცხლეს გამოვასალმებო.

მოსალოდნელი იყო, მართლაც დაეხოცათ ერთმანეთი.

სემინარიის მოსწავლეთა საერთო კრებამ გაითვალისწინა შექმნილი მდგომარეობა და გამოიტანა დადგენილება:

ა) დათხოვნილ იქნენ სემინარიიდან როგორც ფარულავა, ისე მონიავა. გაიგზავნონ ისინი თავიანთ საცხოვრებელ ადგილებში: ფარულავა — სოხუმში, მონიავა — სენაკის მაზრის სოფ. ხუნწში.

ბ) ნება მიეცეს მონიავას (რომელიც იმ წელს ამთავრებდა სემინარიის კურსს) გამოცხადდეს სემინარიაში ამავე წლის ივლისში და მის კლასელებთან ერთად დაშვებულ იქნეს სემინარიის სრული კურსის დამთავრების გამოცდებზე; გამოცდების დასაკმაყოფილებლად ჩაბარების შემთხვევაში მიეცეს ატესტატი.

გ) ნება დაერთოს ფარულავას (რომელიც იმ წელს მე-3 კლასში უნდა გადასულიყო) გამოცხადდეს სემინარიაში ამავე წლის სექტემბერში და ვავიდეს შემდეგ კლასში გადასასვლელ გამოცდებზე. გამოცდების ჩაბარების შემთხვევაში დარჩეს სემინარიაში სწავლის გასაგრძელებლად.

საერთო კრების მიერ ერთხმად მიღებული ეს დადგენილება გადაეცით ალექსი ჭიჭინაძეს. პედაგოგიურმა საბჭომ მოისმინა ჩვენი ოქმი, დადგენილება დაამტკიცა და სისრულეში მოიყვანა.

როგორ მოხდა ეს, არ ვიცი, მაგრამ ფაქტია, რომ ჩვენი ოქმი თუ მისი ასლი ხელთ ჩაუვარდა კავკასიის სასწავლო



ოლქის უფროსს რუდოლფს, რომელმაც ასეთი რეზოლუციით გამოუგზავნა ალექსი კიკინაძეს:

Даїте объяснение: на каком основании это дело разбиралось воспитанниками семинарии и председательствовал здесь какой-то Дзидзигури, а не педагогическим советом, под Вашим председательством...

ალექსი კიკინაძის განმარტების შინაარსი არ ვიცი, ვერც არქივში ვნახე, მაგრამ ფაქტია, რომ დადგენილება არ დარღვეულა: მონიავა გამოცხადდა სემინარიაში 1908 წლის ივნისში, გამოცდები ჩააბარა და ატესტატი მიიღო; ფარულავა კი გამოცხადდა იმავე წლის სექტემბერში, ჩააბარა შემდგომ კლასში გადასასვლელი გამოცდები, განაგრძო სემინარიაში მეცადინეობა და ჩემთან ერთად დაამთავრა სემინარიის სრული კურსი 1909 წელს.

იმის ნათელსაყოფად, თუ რამდენად ზუსტად ჰქონდა აღრიცხული ყველა „წერილმანი“ კავკასიის სასწავლო ოლქს (ან იქნებ მის მზარუნველ რუდოლფს ჰქონდა დიდი მეხსიერება), ვიტყვი, რომ მონიავა-ფარულავას საქმის განსაზღვრული კრებები სემინარიაში, როგორც ვთქვი, 1908 წლის მარტში აყო, ხოლო თითქმის ერთი წლის შემდეგ (1909 წლის თებერვალში), როცა მე ქუთაისის ჟანდარმერიამ გამჩხრიკა სემინარიაში და წესისამებრ დირექტორმა ოლქის უფროსს რუდოლფს აცნობა ეს შემთხვევა. (სემინარიის უფროსი კლასის მოსწავლე ძიძიგური ჟანდარმერიამ გაჩხრიკა და ვერაფერი მაჩილებელი ვერ უპოვაო), — ალექსი კიკინაძეს რუდოლფის ხელმოწერით მოუვიდა შეკითხვა: ეს ის ძიძიგურია, რომელიც კრებებზე თავმჯდომარეობდა?

კიდევ მეტი: ეს ამბავი რუდოლფს არ დაავიწყდა კიდევ ერთი წლის შემდეგაც. როცა მე უკვე მასწავლებელი ვიყავი და ჩემს გაკვეთილს დაესწრო, მაგრამ ამაზე ქვევით ვიტყვი.

როგორც შემდეგ გამოირკვა, მეფის მთავრობას სემინარიაში ჰყავდა თავისი აგენტები, რომლებიც ა. კიკინაძეს თვალყურს ადევნებდნენ. ამ აგენტების საშუალებით მთავრობამ

კარგად იცოდა, რომ ა. ჭიჭინაძე არათუ ნებას რთავდა პოლიტიკური პარტიების წარმომადგენლებს პანსიონში ლექციები წაეკითხათ, მოსხენებები გაეკეთებინათ, კამათი მოეწყობოთ და სხვა, არამედ, თვითონ ა. ჭიჭინაძე „კრამოლების“ აუდიტორიის წინა რიგებში იჯდა და მეფის საწინააღმდეგო აზრებს ისმენდა. მთავრობას აცნობეს აგრეთვე, რომ ალექსი ჭიჭინაძემ არალეგალურ ორგანიზაციას გადასცა იმ გრანდიოზული საღამოს შემოსავალი, რომელიც სემინარიაში მოეწყო და რომელშიც მონაწილეობა მიიღეს პართენ გოთუამ, სერიოჟა ქავთარაძემ, კოტე ფოცხვერაშვილმა თავისი გუნდით და სხვებმა. მთავრობისათვის უცნობი არ დარჩენილა ის ფაქტიც, რომ თავხედსა და გოროზ შავრაშმელ მასწავლებელნიკოლაევს, რომელმაც ტყუილ-უბრალოდ მოკლა ტყეში გლეხი, ალექსი ჭიჭინაძემ და რამდენიმე მასწავლებელმა (პ. ჩხიკვიშვილმა, ტ. თაბუკაშვილმა, გ. ბურჭულაძემ...) ბოიკოტი გამოუცხადეს. მთავრობას აცნობეს აგრეთვე, რომ მოსწავლეები დემონსტრაციებში მონაწილეობენ, პირველ მაისობას იფიცებიან, ხოლო ა. ჭიჭინაძე ყოველივე ამას ხელს უწყობს; რომ ჭიჭინაძემ ქართველთა შორის წერა-კითხვის გამავრცელებელი საზოგადოების განყოფილება დააარსა ხონშიო, რომ დრამატული საზოგადოება ჩამოაყალიბა, ჭიჭინაძე გოგოლის „რევიზორისა“ და მისთანა პიესების მთარგმნელია, ბევრი ქართული წიგნისა და სტატიის ავტორიაო და სხვ.

### 3

დაბლა რეაქციის წლები. ალიხანოვის დამსჯელი რაზმები ხონის რაიონის დასარბევად ჩამოვიდნენ. ისინი სემინარიის წინ, ბახტაძის კერძო პროგიმნაზიის შენობაში, დაბანაკდნენ და იქიდან კაზაკები სემინარიელის დანახვაზე რუსულად შეგვიგინებდნენ ხოლმე საყვარელ ღირექტორს. მეტიც: ერთ ღამეს კაზაკები სემინარიაში შემოიჭრნენ და მხცოვანი პედაგოგი ალექსი ჭიჭინაძე დიდი მუქართა და ყვირილით წაიყ-

ვანეს თავიანთ ადგილობრივ უფროსთან; რამდენიმე საათის შემდეგ გამოუშვეს შეგინებული და შეურაცხყოფილი... მეორე დღეს ალექსი ბესარიონის ძე ქუთაისის ჩავიდა, რათა წრეგადასული კაზაკების თავხედობის გამო ალიხანოვისათვის პროტესტი განეცხადებინა. ალიხანოვმა არ მიიღო ჭიკინაძე.

ალიხანოვის დამსჯელი რაზმები ჯერ ისევ ხონში იყვნენ, როცა სემინარიელებმა (ქართველებმა, რუსებმა, ბერძნებმა, რიცხვით 30-40 კაცმა) ქაშრები შემოიხსნეს, მხარზე გადაიკიდეს, გაკვეთილები დატოვეს და საპირველმაისოდ გარეთ გამოვიდნენ.

ქალაქგარეთ მინდვრად დაბანაკებულ პროტესტანტებთან ზედიზედ მოდიოდნენ მასწავლებლები და გვთხოვდნენ: — დაბრუნდით სემინარიაში, შედით გაკვეთილებზე, სადაც სხვა თქვენი ამხანაგები მეცადინეობენ; ნუთუ ვერ ხედავთ, რომ რეაქცია მძვინვარებს, მეფის მთავრობისა და მისი მოხელეების წინააღმდეგ საბრძოლველად ახლა სხვა მეთოდი საჭიროა და სხვა. მაგრამ ჩვენ არც ერთი მათგანის რჩევა-მულარას არ ვუსმენდით.

მახსოვს, ბოლოს მოვიდა ექიმი პოლიკარპე ჩხიკვიშვილიც; დაჯდა ჩვენს ახლოს და თავისთვის ნაწყვეტ-ნაწყვეტად ბუტბუტებდა ქართულად:

— ვაი, თქვენს პატრონს! სადა გაქვთ თქვენ ჭკუა?! თქვენ გგონიათ კარგ საქმეს აკეთებთ!.. სულელებო, თქვენთან არა ერთი და ორია ისეთი, რომელსაც ალექსი ჭიკინაძის მოშორება უნდა თავიდან!.. თქვენ იმათ საქმეს აკეთებთ... თქვენისთანა უჭკუოსა და ოხრებზე ხელსაც არ გაისვრის მთავრობა... ალექსი ჭიკინაძეს კი მოხსნიან სამსახურიდან და შეიძლება დაიჭირონ კიდევცო.

— ალექსი ჭიკინაძეს მოხსნიანო?! აბა, ბიჭებო, — ვუთხარით ქართველებმა ერთმანეთს, — შემოიკარით ქაშრები!.. მოვკურცხლოთ სემინარიისაკენ, კაზაკებმა არ დაგვინახონ!

სხვა ეროვნების წარმომადგენლებიც გამოგვყვნენ და მალე ყველანი სემინარიაში გავჩნდით. ფეხაკრეფით შევედით კლა-

სებში, რომლებშიც ჩვენს ამხანაგებს, „შტრეიკბრეხერებს“ ასწავლიდნენ მასწავლებლები, და ჩვენც მათ შევეუერთდით.

4

მახსოვს, იმ ხანებში თბილისიდან სლავინსკიც ჩამოვიდა. გაკვეთილები მიმდინარეობდა, როცა სემინარიის წინ გაჩერებული ეტლიდან გადმოხტა ოლქის ეს ცნობილი ინსპექტორი. მან, მიღებული წესის წინააღმდეგ, დირექტორი წინასწარ არ ინახულა და არც ახალი გაკვეთილის დაწყებას დაუცადა, ისე პირდაპირ შევიდა კლასში შუა გაკვეთილზე. ეს უცნაური და, ამავე დროს, სასწავლებლის უფროსის შეურაცხყოფელი ფაქტი იმ წუთშივე აცნობეს კიკინაძეს, რომელიც ამ დროს თავის კაბინეტში მუშაობდა... ალექსი ბესარიონის ძეც შევიდა იმ კლასში, რომელშიც სლავინსკი იყო. სემინარიელებმა კარგად იცოდნენ დაკანონებული წესი (თუ მდგომარეობით უფროსი მოხელეა კლასში და მისი ხელქვეითი შემდეგ შედის, მოსწავლეებს უფლება არა აქვთ ფეხზე ადგნენ უმცროსის მისასალმებლად და პატივსაცემად), მაგრამ, დაინახეს თუ არა თავიანთი საყვარელი დირექტორი, ყველა სწრაფად წამოდგა ფეხზე!.. ბრაზისაგან გაფითრდა რევიზორი სლავინსკი, მოულოდნელად და მელასებურად მიესალმა ალექსი კიკინაძეს...

სლავინსკი ორი დღე არკვევდა სემინარიას და, როცა მეშამე დღეს გიმნაზიის დათვალრეგებაც მოისურვა და წინადადება მისცა კიკინაძეს — მეახელიო, ალექსი ბესარიონის ძემ პოიმიზეზა, „შეუძლოდ ვარო“ და მარტო გაუშვა. ხოლო მეოთხე და მეხუთე დღეს, როცა სლავინსკი ხონიდან ქუთაისისაკენ მიემგზავრებოდა და მისთვის მოყვანილი ხონის საუკეთესო ეტლი (ჟორჟოლიანისა) უკვე სემინარიის კიშკართან იდგა, სემინარიელებმა თუნუქის ვედროს საკმაოდ გრძელი თოკი მოაბეს, ეტლს უკანა ღერძზე მიასკვნეს და ვედრო დათოკილი ბაწრით ეტლის ქვეშ შეაგდეს. მალე „ოლქის თვალი“ სლავინსკიც გამობრძანდა კიკინაძის ბინიდან და ჩაბრძანდა

ეტლში. დაიძრა თუ არა ეტლი, ბაწარიც გაიჭიმა და თუნუქის ვედრო ხრიგინ-ხრიგინითა და გამაყრუებელი რახრახით გაპყვა... ბაზრის ბიკებმა ყიფინა ატეხეს სასაცილო სანახაობაზე. ღუქნებიდან ხალხი გამოცვივდა და ხარხარებდა, ნოქრები სტვენდნენ დ გაპყვიროდნენ: „ეშტი!.. ეშტი!..“ სლავინსკი გიჟვით ცქმუტავდა ეტლში, საბეშემშლილი აქეთ-იქით იხედებოდა, ვერ გაეგო, რისთვის სტვენდა და ხარხარებდა ასე ისტერიულად ეს ხალხი, რატომ მისჩერებოდა ყველა მას, რამ დარაზმა მის წინააღმდეგ ასე მწარედ მთელი ხონი... წინასწარ გაფრთხილებული და შესყიდული მეეტლე კი, თითქოსდა აქ არაფერიყო, უკან მოუხედავად მიაჭროლებდა ექსტგამობმულ ეტლს...

1909 წლის 13 თებერვალს, სამი გაკვეთილის შემდეგ. ეგრეთწოდებულ დიდ შესვენებაზე, სემინარიელები ვიდუქით სემინარიის შენობის წინ და ვმუსაიფობდით, როცა შევნიშნეთ, რომ რამდენიმე ჟანდარმი და დაბა ხონის ბოქაული ოქროპირიძე სემინარიისაკენ მოდიოდნენ.

იმ დროს ჩვენთან შემთხვევით იყო ვიქტორ ავალიანი (რევოლუციურად განწყობილი, საკმაოდ განვითარებული ახალგაზრდა). ვიქტორმა თქვა: ისინი კარგი საქმისთვის არ ჩაზოვიდოდნენ (ხონში ჟანდარმები არ იყვნენ, როგორც შემდეგ გაზოიკვა. ქუთაისიდან ჩამოსულიყვნენ), ალბათ, ვისმეს დაქერა ან გაჩხრეკა უნდათ. ახლა თქვენ ადგილიდან არ დაიძრათ. არ შეშინდეთ და პანიკას არ მიეცეთ, თორემ უარესიაო. ვიქტორ ავალიანი და სხვა რამდენიმე ამხანაგმა კარგად იცოდნენ. რომ ცოტა რამ არალეგალური მასალა მეც მქონდა. იქვე მდგომ ორ ამხანაგს შევატყობინე. თუ სად რა იყო შენახული!

მალე „სტუმრებიც“ მოგვიახლოვდნენ. დაბის ბოქაულმა ოქროპირიძემ მხარზე დამადო ხელი და ჟანდარმებს უთხრა:

„Вот этот господин Дзидзигური“.

— Идите с нами, — მითხრა ერთ-ერთმა ჟანდარმმა. მე მათ გავყევი და ყველანი (ბოქაული, ჟანდარმები და მე) სემინარიის სამასწავლებლო ოთახში შევედით. მასწავლებლები სა-

მასწავლებლო ოთახში ჩაის მიირთმევდნენ. დაუპატიჟებელი სტუმრების დანახვაზე ზოგი ზეზე წამოდგა, ზოგიც ადგილიდან არ დაძრულა.

— დირექტორი სად არის? — იკითხა რუსულად ბოქაულმა ოქროპირიძემ.

— დირექტორი ახლა წავიდა გიმნაზიაში! — ერთად უპასუხა რამდენიმე მასწავლებელმა. ა. ჭიჭინაძე იმ ხანებში შეთავსებით ხონის გიმნაზიის დირექტორიც იყო დროებით).

— Воспитанника старшего класса Дзидзигური надо обыскать! — თქვა ერთ-ერთმა ქანდარმმა.

— Нельзя ли вам чайку предложить! — უთხრა უსიამოვნო სტუმრებს მასწავლებელმა გრიგოლ ბურკულაძემ (უთუოდ, დროის მოგების მიზნით. მართლაც, იმ მცირე დროითაც კარგად ისარგებლეს ამხანაგებმა).

— Какое время чай пить, надо приступить к обыску! — არასასიამოვნო ტონით უპასუხა ქანდარმმა ბურკულაძეს.

— Сейчас пошлем человека за директором, без его ведома Вы не имеете право обыскать! — ყველას განსაცვიფრებლად უთხრა ქანდარმებს მონარქისტად (შეიძლება შეცდომით) ცნობილმა მასწავლებელმა დამაშვესკიმ.

— Знать не хотим Вашего директора! — უპასუხა ქანდარმმა.

დაიწყო ჩემი გაჩხრეკა (საკლასო ოთახში — ჩემი მაგიდის, გარდერობში — ჩემი განჯინის, საწოლ ოთახში — ჩემი ლოჯინის).

რადგან ჩემი სოფელი მათხოჯი ახლო იყო ხონთან, მასწავლებლებს გ. ბურკულაძეს, ტ. თაბუჯაშვილს და პ. ჩხიკვიშვილს უფიქრიათ, იქნებ ძიძიგურის გასაჩხრეკად სოფელშიაც წავიდნენო, და ამიტომ მიუღიათ სასწრაფო ზომები: ჩემს დეი დაშვილ სემინარიელ დოროთე ფირცხალავასთვის ჩაუცმეჟიათ დარაჯის ჩოხა-ახალუხი, ჩაუსვამთ ეტლში და სასწრაფოდ უფრენიათ მათხოჯში სათანადო ზომების მისაღებად.

გაჩხრეკის შემდეგ ქანდარმებმა წამიყვანეს ბოქაულის კან-

ცელარიაში; თან წაიღეს ხელნაწერები, წერილები და სურათები, რაც კი იპოვეს ჩხრეკის დროს.

დაბლს ბოჭაულის კანცელარიაში დაგვხვდა ჟანდარმების როტმისტრი. მისი პირველი კითხვა იყო: ბომბები თუ ნახეთო?

— ვერ ვნახეთ! — უპასუხეს!

— არც „პეტარდები“? — იკითხა მრისხანედ.

— მე ვუპასუხე: — როდის იყო შემთხვევა, ხონში ბომბები ან პეტარდები ესროლა ვისმეს? მე ისინი საიდან მექნებამეთქი?

— Вы знаете Дадешкелиани? — მკითხა როტმისტრმა მოულოდნელად.

იმ წუთში მივხვდი, რომ იმ ხანებში კარგად ცნობილ სოციალ-დემოკრატ ლევან დადეშქელიანის შესახებ მეკითხებოდა.

— Знаю Дадешкелиани, уездного начальника, приезжал в Хони, приезжал в Матходжи! — ვუპასუხე უტიფრად.

— Вы, молодой человек, к какой противоправительственной партии принадлежите? — მკითხა როტმისტრმა.

— К какой партии? — გავიმეორე კითხვა პასუხის მოფიქრებისათვის დროის მოგების მიზნით.

— Да, к какой противоправительственной партии? — დაყვავებით და ისეთი საალერსო ტონით მკითხა, რომ ერთ წუთს გავიფიქრე, ალბათ, შესაძლებელია, სიმართლე ვუთხრა. მით უფრო, რომ სწრაფად გამახსენდა: სახელმწიფო სათათბიროში არიან დეპუტატები: სოციალ-დემოკრატები, სოციალ-რევოლუციონერები, სოციალ-ფედერალისტები... და ამას ისინი არც მალავენ-მეთქი. მაგრამ უცებ გადავიფიქრე და ვუთხარი: — Вы хотите, чтоб я ответил словом «партии»?

— Да, к какой противоправительственной партии?.. — მითხრა მელასებურად.

— Я принадлежу к «партии» воспитанников старшего класса Учительской Семинарии, кончаю Семинарию, вот моя партия! — ვუპასუხე მტკიცედ.

— Жулик! — წამოიძახა გაბრაზებით.

ამ დროს მისმა თარჯიმანმა, რომელსაც ჩემგან წამოღებული მასალა მისცა როტმისტრმა გასასინჯავად, შოფრთვა ჩემი ხელნაწერებიდან სია ორმოციოდე კაცისა, რომელთა სახელ-გვარის გასწვრივ ეწერა ზოგს — 1 მან., ზოგს — 2 მან., ვის მეტი, ვის ნაკლები.

— ძიძიგური თურმე პოეტია, მისი ლექსები და წერილები გავსინჯე. საიმისო ვერაფერი ვნახე; ოღონდ მის ნაწერებში ნაპოვნი აი ეს სია კი საეჭვოა; ალბათ, არალეგალური ორგანიზაციისათვის შეკრიბა ფულიო, — მოახსენა თარჯიმანმა როტმისტრს და სია გადასცა.

— თქო! — გაუხარდა როტმისტრს.

ღარიბ სტუდენტ რეკავას სასარგებლოდ შემოწირულება მქონდა შეკრებილი. გამახსენდა ისიც, რომ ერთი მანეთი თვითონ ამ ბოქაულმა ოქროპირიძემაც მომცა, და წელგამართულად მოვახსენე:

— ეს ფული ღარიბ სტუდენტს გავუგზავნეთ ოდესაში, ბატონმა ბოქაულმაც კი გაიღო 1 მანეთი!

როტმისტრმა წარბი შეიქმუხნა: — ფულის შეკრების ნებართვა გქონდათო? — იკითხა მწყურალად.

— ჰქონდა, ჰქონდა! — დამასწრო მახეში გაბმულმა ბოქაულმა.

ამ დროს ბოქაულის კანცელარიის მინებიან კარებს მოადგა სემინარიის დირექტორი ალექსი ჭიკინაძე.

— Можно? — იქახის იქიდან.

— Кто он? — იკითხა როტმისტრმა.

— Деректор Семинарии! — უპასუხა დამტვრეული რუსულით ბოქაულმა.

— Пусть войдет! — ბრძანა როტმისტრმა.

შემოვიდა, როტმისტრთან მივიდა და ხელი გაუწოდა.

— Здравствуйте! — უპასუხა როტმისტრმა და უცებ თავი ჩაღუნა საბუთებისაკენ: თითქოს ვერც დაინახა გამოწვდილი ხელი.



ბ-ნ ალექსის ხელი ჰაერში დარჩა. უცებ უკანვე წაიღო და იქვე ახლოს სკამზე დაეშვა.

სისხლი მომებჯინა ყელში! ერთი ვიფიქრე: ვეცემი ამ მხეცს ჩემი საღმერთებელი დირექტორის შეურაცხყოფისთვის-მეთქი, მაგრამ იღბლად თავი შევიკავე.

— გაიხადეთ პალტო! — უთხრა ალექსი კიკინაძეს ბოქაულმა ქართულ ენაზე.

— Пет, боюсь! — რუსულად უპასუხა ალექსი ბესარიონის ძემ.

— Чего боитесь, 13-го числа боитесь? — შეეკითხა როტმისტრი კიკინაძეს (იმ დღეს 13 რიცხვი იყო).

— Пет! мне на грузинском языке сказали—снять пальто, а я простуды боюсь!.. Да, впрочем, и 13 числа боюсь!.. განაგრძო კიკინაძემ, — Скажите, что служит причиной обыска?

— У одного подозрительного лица нашли его адрес! — უპასუხა როტმისტრმა ჩემს დირექტორს.

— Молодой человек! — მომმართა ისევ მე: — Скажите у кого мог быть Ваш адрес?

— Не могу знать! — ვუპასუხე მე. — Мой адрес может иметь и такой человек, которого я вовсе не знаю!

— Как? — გადამიტრიალა თვალები.

მე გაუუმეორე, რომ ჩემი მისამართი შეიძლება ჰქონდეს ისეთ კაცს, რომელსაც მე არ ვიცნობ-მეთქი, და ჩემი აზრის დასამტკიცებლად ვუთხარი, რომ არის ქვეყანაზე ერთი კაცი, რომელიც წერს ლექსებს და ქვეშ აწერს „ა. შ-ლი“. მე დავინტერესდი გამეგო, ვინ არის ეს ა. შ-ლი. ვიღაცამ მითხრა: ეს არის ალექსანდრე შანშიაშვილი, თბილისის სათავადაზნაურო გიმნაზიის მოწაფეო.

მე ჩავიწერე ჩემი უბის წიგნაკში: „თბილისი. სათავადაზნაურო გიმნაზია. ალექსანდრე შანშიაშვილი“. მე მას არ ვიცნობ; ის მე არ მიცნობს! ასევე შეიძლება ვინმე უცნობს ჰქონდეს ჩემი მისამართი; ეს შესაძლებელია იმიტომაც, რომ,

როგორც ახლა თქვენმა თარჯიმანმა მოგახსენათ, მეც ლექსებსა ვწერ და ვბეჭდავ. ფსევდონიმად მაქვს „ვარლამ“, ხან „ვარლამ იმერელი“. შეიძლება ვინმე დაინტერესდა გაეგო, ვინ არის „ვარლამ“ („ვარლამ იმერელი“). მას უთხრეს, ვინცა ვარ; მოხსენებულის ანალოგიის მსგავსად იმანაც ჩაიწერა ჩემი მისამართი: „ხონი, სამასწავლებლო სემინარია. ვარლამ ძიძიგური“. მე შეიძლება საექვო კაცი ვიყო, მაგრამ ამის გამო, რომ ალექსანდრე შანშიაშვილი, რომლის მისამართსაც ჩემთან ნახავთ, დაიჭიროთ, უსამართლობა იქნება, ისევე, როგორც ჩემზე ექვის მიტანა იმის გამო, რომ ვილაც ჩემთვის უცნობს ჩემი მისამართი აღმოაჩნდა...

— Обстрелянный воробей, — ჩაილაპარაკა თავისთვის. — Пока свободный, уходите!

— მე არ მომცემთ ცნობას, რომ ჩემი მოწაფე გაჩხრიკეთ და ვერაფერი აღმოაჩინეთ? — ჰკითხა როტმისტრს ჰიკინაძემ და განაგრძო: — ეს შემთხვევა ხომ უნდა ვაცნობო სასწავლო ოლქის უფროსს?

— ჩვენ ვაცნობებთ უთქვენოლაც, — უპასუხა როტმისტრმა დირექტორს, — თუმცა, ჰო, აცნობეთ, თქვენც აცნობეთ! — თქვა უკმეხად, აგდებულად და გამოგვისტუმრა.

ცხადი იყო, რომ ჟანდარმერიას ალექსი ჰიკინაძის მოხსნა და დასჯა აინტერესებდა. ის საამისო საბუთებს ეძებდა. თუ ალექსი ჰიკინაძის მოწაფეს რაიმე აღმოაჩნდებოდა, ექვს გარეშეა, პირველ რიგში მას, როგორც ისედაც შემჩნეულ დირექტორს, სტაცებდნენ ხელს. ამიტომ იყო, რომ ხონის პროგრესული ნაწილი ალექსი ჰიკინაძეს ულოცავდა გადაარჩენას. წარმოიდგინეთ, ხონის რაიონის ბოქაულმა, ლიბერალად ცნობილმა აქვსენტი ფალავამაც კი, როგორც მაშინ ამბობდნენ, „გულწრფელად მოულოცა ჰიკინაძეს გადაარჩენა“.

აქვე მომყავს ასლი იმ პატაკისა, რომელიც იმავე დღეს გაუგზავნია ალექსი ჰიკინაძეს კავკასიის სასწავლო ოლქის მზრუნველისათვის.

М. Н. П.  
Кавказский  
Учебный Округ  
Директор  
Кутаисской Учительской  
Семинарии

Его превосходительству,  
Господину Попечителю  
Кавказского Учебного  
Округа

Почтительнейше докладываю Вашему Превосходительству, что сего числа в двенадцать часов дня, у воспитанника вверенной мне семинарии Варлама Дзидзигури, произведен обыск помощником начальника Кутаисского губернского жандармского управления. Самым тщательным обыском ничего предусмотрительного у Дзидзигури не обнаружено, и он на свободе. По словам производившего обыск последний вызван тем, что у какого-то политически заподозренного лица найден адрес Дзидзигури.

• Директор А. Чининадзе.  
За письмоводителя В. Абашидзе».

კავკასიის სასწავლო ოლქმა მოითხოვა ამ საკითხის უფრო ვრცლად გაშუქება, თუ აღექსი ჭიჭინაძეს სურდა ყველა დეტალი სცოდნოდა გაჩხრეკის გამომწვევი მიზეზებისა, არ ვიცი, მაგრამ არქივში დაცულია ასეთი მიწერილობაც (თარიღი: 1909 წლის 18 თებერვალი, № 115):

Секретно.

Господину Начальнику Кутаисского Губернского  
жандармского управления

13-го числа сего февраля произведен помощником Вашим обыск у воспитанника вверенной мне семинарии Варлама Дзидзигури. Лично мне результаты обыска известны: ничего предосудительного не найдено, но при переписке с Господином Попечителем Кавказского учеб-

იყო ოკრუგა მნე ნადობნა კოპნია ს სოსთვლენნოგო მოშოშ-  
ნიკომ ვაშინ პროტოკოლა ობ ობყსკე ი რეზულტატაჲ ოგო. ვ  
ვიდუ სეგო პოკორნეიშე პროშუ ვაშე ვყსოკობლადგოდნე  
ვყსლათ მნე კოპნო სო სკაზანნოგო პროტოკოლა ვ ვოზმოჟნო  
ნეპროდოლჟიტელნომ ვრემენი ი ნე ოტკაზათ სოობშოჩო, ჸემ  
ინენო ვყვან ბყლ ობყსკ.

დირეკტორ სემინარიი, სტატსკიი სოვეტნიკა, ჭიჩინადზე.

გაზეთი „ივერია“ (№ 8, 1909 წ.) ასე აღწერდა ამ  
ამბავს: „დ. ზონი. 13 იანვარს აქ ჩამოვიდა ჟანდარმი, მისი  
აფიცური და პოლკოვნიკი. ჩამოსვლისთანავე გაჩხრიკა  
სამოსწავლო სემინარიის მოწაფის ვ. ძიძიგურას მაგიდა  
და საწოლი დივანი სასწავლებელში. საწინააღმდეგო ვე-  
რაფერი აღმოაჩინეს. შემდეგ თვით ვ. ძიძიგური წაიყვან-  
ნეს პოლიციაში და ჩამოართვეს ჩვენება. ჟანდარმის  
პოლკოვნიკი ჩვენების ჩამორთმევის დროს სხვათა შორის  
შეეკითხა, თუ რომელ პარტიას ეკუთვნოდა. ძიძიგურმა  
უპასუხა, მოწაფე ვარ, მე ჩემი საქმე მაქვს, — რა მე-  
პარტიებო. როგორც პოლიციას უთქვამს, მიზეზი ვ. ძი-  
ძიგურის გაჩხრეკისა ყოფილა ის, რომ თბილისში პო-  
ლიტიკურ ტუსაღისათვის აღმოუჩენიათ ვ. ძიძიგურის წე-  
რილი. ეს კი ცხადია, რომ ზონში დღითი დღე მრავლდება  
ენაგრძელი მამუზღარები, რომელნიც პირადი ინტერესე-  
ბის გამო საზიზღარი ხელობის მორევში იფლობიან.  
ჟანდარმის პოლკოვნიკი მოვიდა შემდეგ სასწავლებლის  
გამგესთან და მასაც ჩამოართვა ჩვენება“.

იმავე წლის იუმორისტულ აღმანახ „სალამურში“  
(№ 2) „ზონელი ეშმაკი“ ასე ოხუნჯობდა:

„ონი. ამ დღეებში გაჩხრიკეს სამასწავლებლო სემი-  
ნარია და აღმოუჩინეს მოსწავლე ძიძიგურს შვიდი ზარ-  
ბაზანი, ხუთი პულემიოტი და აგრეთვე ათი ტომი თავი-  
სი ნაწარმოები (ჯერ კიდევ დაუბეჭდავი)“.

ამ ოხუნჯობამ გამახსენა მასწავლებელ, ლუცია ივანეს ასულ ქუთათელაძის ნაამბობი, ისიც ჟანდარმების ხონში ჩამოსვლასთან დაკავშირებული: 1903 თუ 1904 წელს საშა წულუკიძე ცოლით ხონში ლუციას დედ-მამის ოჯახში ცხოვრობდა. ერთ დღეს ხონს ჟანდარმერია ეწვია. საშა წულუკიძე ლუციას ბიძის, პოლკოვნიკ ვიქტორ ქუთათელაძის ოჯახში გადამალეს, მისი ხელნაწერები, არალეგალური ჟურნალები, ბროშურები ლუციას მამამ ქვაბით ვენახში დამარხა. შემდეგ ეს ქვაბი ილია ქუთათელაძემ ველარ იპოვა და დარღობდა არა ლიტერატურისა და ხელნაწერების დაკარგვას, არამედ იმ ქვაბისას.

## 7

1909 წლის ივნისს დავამთავრე ხონის საოსტატო სემინარია. იმ (1909) წლის გამოშვება იყო რიცხვით ოცდამეხუთე დღიდან ხონში სემინარიის დაარსებისა და პირველი ქართველი კაცის, ალექსი ჭიჭინაძის, დირექტორობის დროისა.

1909 წელს ქუთაისის სამასწავლებლო სემინარიის (დაბა ხონში) სრული კურსი დაამთავრა და დაწყებითი სკოლის მასწავლებლის წოდება მიიღო 22 კაცმა, მათ შორის იყვნენ: 1 უდი, 1 აფხაზი, 1 ყირიმელი თათარი, 2 უკრაინელი, 3 რუსი, 14 ქართველი.

სემინარიაშივე მოგვივიდა მასწავლებლად დანიშვნის ბრძანებები. პირადად მე დავინიშნე სოფ. კულაშის ნორმალური ორკლასიანი სასწავლებლის მასწავლებლად, მაგრამ, სანამ ჩემს მასწავლებლობაზე ვიტყოდე რასმე, აქვე უნდა აღვნიშნო ის დიდებული დღე, რომელიც ჩემი ხსოვნიდან არასოდეს არ ამოიშლება. ეს არის ჩვენი საყვარელი მგოსნის — აკაკი წერეთლის იუბილე და მისი სტუმრობა სემინარიაში.

## აკაკი წერეთელიან

## 1

აკაკი წერეთელი (1840-1915) პირველად მის იუბილეზე ვნახე. ილია ჭავჭავაძის ვერაგული მკვლელობის საპასუხოდ საქართველომ აკაკის მოღვაწეობის 50 წლის იუბილე მოაწყო და აკაკის ხომ თავისი მიუზლო, — ილიას პატივისცემა და სიყვარულიც მას დაუმატა.

იუბილე 1908 წლის 7 დეკემბერს გაიმართა თბილისში, ხოლო ერთი კვირის შემდეგ, 14 დეკემბერს, ქუთაისში განმეორდა. შემდეგ კი არ დარჩა საქართველოში არც ერთი ასე თუ ისე ცნობილი კუთხე, სადაც აკაკის იუბილე მისივე თანდასწრებით არ მოწყობილიყო. მსცოვანმა პოეტმა, აკაკიმ, საქართველოს ზოგი კუთხე პირველად თავისი იუბილის დღეს ნახა, მაგალითად, რაჭა. როცა რაჭველებმა უსაყვედურეს: „ჩვენო საამაყო აკაკი, რატომ აქამდე არ მობრძანდით ჩვენ-შიო“, აკაკიმ თავისებურად იოხუნჯა: „ადამიანი ტკბილეულს სადილის ბოლოსათვის შემოინახავს და მეც ჩვენი საქართველოს ულამაზესი კუთხის, რაჭის, ნახვა მოხუცებულობის დროისათვის შემოვინახეო“.

თბილისში მოწყობილი პირველი იუბილის დროს გამოიჩინა, რომ მეფის მთავრობა მოწაფეებს უფლებას არ გვაძლევდა აკაკისათვის გამართულ საჯარო იუბილეში მონაწილეობა მიგველო. ამის მიუხედავად, ხონის საოსტატო სემინარიის



მოწაფეები შევიკრიბებით და გადავწყვიტეთ, რაც უნდა მოგვსვლოდა, იუბილეზე დელეგატი გაგვეგზავნა. კრებამ დელეგატად მე ამირჩია. იმ დღეს-



ვე დავწერე აკაკისადმი მისასალმებელი ლექსი. სემინარიის მაშინდელი დირექტორის, ალექსი კიკინაძის, რჩევით სემინარიის ფორმა გავიხადე, ერთ-ერთ პარიკმახერს (სერაფიონ ბარაბაძეს) ჩოხა გამოვართვი, ჩავიცვი და „მათხოველი გლების“ სახელით ქუთაისში აკაკის იუბილეზე გამოვცხადდი.

ძთელი ქალაქი ფეხზე იდგა. ქუთაისის პატარა თეატრი პატარძალივით იყო მორთული, საზეიმოდ გამოწყობილი ოთხმოცი დელეგატი სცენაზე ვიყავით. თეატრი მაყურებლებით იყო გაჰვდილი. ქუჩებში ხალხი არ ეტეოდა. ცნობილ მეეტლე მელიას ეტლით, რომელსაც ერთხელ უფულო აკაკიმ უთხრა:

„შენ რომ გინდა მელიაო  
იგი შემომელიაო“<sup>1</sup>. —

აკაკი თეატრში მოჰყავდათ. დიდწვერა მელია და მისი ეტლი საგანგებოდ იყო მორთული, ცხენები ნელი ნაბიჯით

<sup>1</sup> იონა მეუნარგიას ცნობით, ეს სიტყვები ეკუთვნის მამია გურიელს; თითქოს ამ უკანასკნელს უნდა ეთქვას ეს ლექსი მეეტლე მელიასთვის მამია, როცა მელია მივიდა მამია გურიელთან პოეტზე დარჩენილი ნისიის მოსათხოვნად. დაუჯერებელია: მელია არასოდეს დაიმკირებდა თავს, რომ ხუთი შაურისთვის (ერთი „კანეცის“ ფულისათვის, თუნდაც ბევრად მეტიც ყოფილიყო) მიეკითხა პოეტისათვის. ცნობილია, რომ მელია დიდად აფასებდა ჩვენს საზოგადო მოღვაწეებს და არა იშვიათად ფულსაც არ ახდევინებდა მათ.

მე კი ეს ამბავი ასე ვიცი. ერთხელ აკაკი წერეთელი კიათურიდან ჩამოვიდა ქუთაისში. სადგურიდან პოეტი ფეხით მიდიოდა ქალაქისაკენ, რო-



ბოდიოდნენ. ეტლში აკაკი იჯდა, წინ მუხურნეები მოუძლოდ-  
ნენ და საამურად უკრავდნენ. „ვაშას“ ძახილი მთელ ქუთაისს  
აყრუებდა. აკაკი სცენასე ამოიყვანეს და ყვავილებით მორ-  
თულ სავარძელში ჩასვეს. დაიწყო დელეგატების გამოსვლა.  
ზოგს ენა პირველად მაშინ აედგა, ზოგს ნავარჯიშები ენა და-  
ება. ბევრი ორატორი გაფუქდა, ბევრი მუნჯი ამეტყველდა.  
მე ჩემი ლექსი „მათხოველი გლეხის“ სახელით ვუთხარი.  
ლექსი თავდებოდა სიტყვებით:

„კურთხეულ იყავ... უკუნისამდე  
სადიდებელო და სასახელო...  
აწ უკვდავი ხარ, შენი ძეგლია  
ქართველთა გული და საქართველო“.

მგოსანს იქვე ჩასჩურჩულეს, სემინარიის წარმომადგენელი  
არისო. აკაკი იცინოდა, ოხუნჯობდა, ყველას ეხვეოდა და  
კოცნიდა. ბოლოს იუბილარმა სამადლობელი სიტყვა თქვა და  
ყველა დაშაქრა...

## 2

მეორედ აკაკი ხონში ვნახე, როცა ხონელებმა იუბილე  
გაუმართეს. იუბილის შემდეგ ხონის მაშინდელი მეცენატის.  
მოხუც ივანე შარაშენიძის ეზოში ვახშამი მოუწყვეს. ვახშამზე  
მთხოვეს მივსალმებოდი აკაკის. სახელდახელოდ შევადგინე  
აკაკისადმი მიძღვნილი ლექსი და მივესალმე. რადგან ამ ჩემი

---

ეს მას ცარიელი ეტლით მელია წამოეწია; ის გაუსწორდა აკაკის, შე-  
ჩერა ცარიელი ეტლი და დაუძახა: ბატონო აკაკი, გთხოვთ ჩაბრძანდეთ!  
ენამოსწრებულმა აკაკიმ ღიმილით და ხუმრობით უთხრა მეეტლე:

„შენ რომ გინდა, მელაო,  
იგი შემომგელიაო“ 1.

— როგორ გეკადრებათ, ბატონო აკაკი, ფულს ხომ არა გთხოვთ!—  
ღიმილით უპასუხა მელიამ.

— ბახტაძისას მივდივარ! — ჩაილაპარაკა ნასიამოვნებმა აკაკიმ და  
ეტლში ჩაჯდა. ბახტაძე — ილია ხონელის ძმა — მეგობარი იყო აკაკისა, რაც  
მელიამაც კარგად იცოდა (აკაკი ხშირი სტუმარი იყო ბახტაძისა).

უბრალო ლექსის დაბეჭდვის გამო ვალერიან გუნიას ჟურნალს  
კონფისკაცია უყვეს და მას, როგორც რედაქტორს, ექვესი  
თვის ციხე გადაუწყვიტეს, — ნებას მივცემ თავს მთლიანად  
მოვიტანო ის აქ:

### აპაპის

დიდო ვარსკვლავო საქართველოსი,  
მწამს, რომ შენა ხარ ნამდვილი „გივი“...  
მრავალს დაღაღებს ერის ყიჟინი:  
„ჩვენი აკაკი, ჩვენი არწივი!“  
ბევრი გატირა შენმა სამშობლომ,  
მთლად დანგრეულმა, დაძინებულმა;  
მის გასათურჩქნად, გასაღვიძებლად  
ბევრი იძგერა მაგ წრფელმა გულმა..  
სასიქადულოვი ხედავ — „ავადმყოფს“.  
აღარ მომკვდარა, ზე წამომდგარა:  
მის დამიწებას ვინაც ნატრობდა,  
აღარ მოესწრო, ხომ ხედავ, არა!  
დროა გამოსვლის, დიდო სარდალო,  
პატარა კახი ტოკავს, არ სცხრება!  
ბრმაც ხალხს მოუხმობს, როცა შენ გრგვინით  
ქართველთ შეგვძახებ: „კმარა მონება!“  
ღმერთს ვევედრებით, კიდევ გაცოცხლოს,  
შენვე მოგასწროს, რაც გენატრება,  
რომ ჩვენს სამშობლოს, მრავალტანჯულსა,  
შიეცეს შვება და განახლება..  
შამ, გაიხარე, წინ გაგვიძეხი!  
აწ აღარა ვართ ღონემიხდილი,  
და შენებურად კვლავ შემოგვძახე:  
„ან გამარჯვება და ან სიკვდილი!“

(ჟურნ. „ბურჯი“, 1909 წ. № 4).

---

<sup>1</sup> წიგნის პალატაში დატულია ამ ჟურნალის ორი ეგზემპლარი: ერთში  
ეს ლექსი მთლიანად იკითხება, მეორეში — ამ ლექსის მესამე და მეხუთე  
(უკანასკნელი) სტროფები შავი ლაქით არის დაფარული.

გსარგებლობ შემთხვევით და მადლობას მოვახსენებ პოეტ-აკადემიკოს  
იოსებ გრიშაშვილს, რომელიც იმ ხანებში რედაქციაში მუშაობდა, კონ-  
ფისკებული ჟურნალის რამდენიმე ცალი შეენახა და ერთი მე გადმომცა.

მეორე დღეს ალექსი ჭიჭინაძემ აკაკი წერეთელი სემინარიის მოიყვანა; მე და ერთ ჩემს ამხანაგს, ილია გოგიას, წინადადებით მოგვმართა — აკაკის თანდასწრებით მიგვეცა გაკვეთილები (მაშინ სემინარიის უფროსი კლასის მოსწავლეებს გვაპარჯიშებდნენ გაკვეთილის გადაცემაში). სწრაფად მოვემზადეთ გაკვეთილის გადასაცემად. გაკვეთილები უნდა მიგვეცა სემინარიასთან არსებულ ორკლასიან სასწავლებელში. ორ ჯგუფთან (4 და 5) ერთდროულად უნდა გვემეცადინა. გაკვეთილის პირველი ნახევარი ორივე ჯგუფთან მე ჩავატარე, მეორე ნახევარი იმავე ორ ჯგუფთან ამხ. ილია გოგიამ იმეცადინა.

ერთ ჯგუფს ვასწავლიდი აკაკის ლექსს „გაზაფხული“ („დღეს მერცხალი შემოფრინდა, ჭიკჭიკითა შემომძახა“...), მეორეს — ილია ჭავჭავაძის ლექსს „აყვავებული მდელო, აყვავებული მთები“...

ზარი დაირეკა... ჩემი გულიც ზარივით სცემდა. შევედი კლასში. მალე შემოვიდნენ: აკაკი, ივანე შარაშიძე, ალექსი ჭიჭინაძე და აკაკის მთელი ამალა. რადგან საკლასო ოთახი ამდენი სტუმრის გარდა ჩემს კლასის ამხანაგებსაც, რიცხვით 21 კაცს, არ დაიტევდა (ჩვენ ერთმანეთის გაკვეთილს, როგორც წესი, ყოველთვის ვესწრებოდით), ისინი კლასის გარეთ, გაღებული ფანჯრების გასწვრივ დადგნენ.

გაკვეთილი დავიწყე. მაგრამ პირველი 3-5 წუთის განმავლობაში მოწაფეების ყურადღება ვერ დავიპყარი, ყველა აკაკის მისჩერებოდა, ზოგს ჩუმიად ამოელო წიგნები, გადაეშალა ის გვერდი, სადაც აკაკის სურათი იყო, და წამდაუწყებლად ხან აკაკის უცქეროდა, ხან მის სურათს. დამჭირდა „ცხელი თვალის“ ჩვენება, რომ მოწაფეები თავიანთ სიამოვნებას გამოთხოვებოდნენ და იმ წუთში მათთვის ნაკლებად სასიამოვნო საქმეს — გაკვეთილის მოსმენას და საჭირო პასუხის მოცემას შესდგომოდნენ. გაკვეთილი ჩატარდა. მოსწავლეებმა მასში ცხოველი მონაწილეობა მიიღეს. ჩემმა ამხანაგმაც ჩაატარა გაკვეთილი.

აკაკი გადაგვიხვია ორივეს, დაგვეკოცნა და გვითხრა: „გული დამწყვიტეთ, ყმაწვილებო! ჩემს დროში სად იყო ასეთი გაკვეთილები“, — შემდეგ ალექსი ჭიჭინაძეს მადლობა უთხრა და გარეთ გავიდა. ძას გაჰყვა ჩემი გული და სიყვარული.

მეორე დღეს აკაკი გავაცილეთ ქუთაისამდე. მას უამრავი ეტლით მიჰყვებოდა დიდძალი პატივისმცემელი. გზაში (გუბში) აკაკისთან ერთად სურათი გადავიღეთ.

მახსოვს, მაშინ ჩვენთან, სხვათა შორის, ხონის რაიონის ბოქაული, იმ ხანებში „ლიბერალად“ ცნობილი აქვსენტი ფაღვაჯ იყო. სურათის გადაღების დროს ის აკაკის გვერდით დაჯდა. აკაკიმ ბოქაულის გვერდით ჯდომასზე უარი თქვა. დარცხვენილი ბოქაული იძულებული გახდა უკან დამდგარიყო, ეპოლეტები მიემალა.

აკაკის გაცილების შემდეგ სემინარიაში დავბრუნდით. სემინარიელების უმრავლესობა მაშინ რევოლუციონერობდა, მაგრამ თითო-ოროლა შავრაზმელი სემინარიაში მუდამ იყო. მახსოვს ასეთი შემთხვევა: ერთხელ ქართველი სემინარიელები ჩვენს არაქართველ ამხანაგებს (რუსებს, ბერძნებს, თათრებს) ვაცნობდით აკაკის ვინაობას... ხელთ გვექონდა ა. ხახანაშვილის წინასიტყვაობით გამოცემული ბროშურა — აკაკის ლექსების თარგმანები. ჩვენ წავუკითხეთ ეს ბროშურა ამხანაგებს და ყდაზე მოთავსებული აკაკის სურათიც ვაჩვენეთ. ერთმა შავრაზმელმა, მოწაფე ოსტროუსოვმა გესლიანად წამოიძახა: „პრანკია და მკვეხარა ყოფილა თქვენი აკაკი, რაა თავზე რომ შემოუდვია ხელი და სურათი ისე გადაუღია! ვითომ რაო და შემომხედეთ, რა დიდი ჰკუა და თავი მაქვსო“. ამ სიტყვებმა ისე გაგვაბრაზა, რომ ვეცით ოსტროუსოვს, მაგრამ გაგვაშველეს და მორიგე მასწავლებელმა დაგვტუქსა.

ამის შემდეგ, როცა იმავე ხანებში (1909 წლის მარტში) რუსეთის დიდებული მწერლის, გოგოლის ასი წლის თავი სემინარიას ოფიციალურად უნდა გადაეხადა და მე იუბილეში მონაწილეობის მიღებაზე უარი განვაცხადე, რუსებმა მიჩივი-



ლეს დირექტორთან. ალექსი ჭიჭინაძემ დამიძახა თავის კაბინეტში და „განდგომის“ მიზეზი მკითხა, ვუპასუხე: მთავრობამ აკაკი წერეთლის იუბილემში მონაწილეობის უფლება არ მოგვცა, გოგოლის იუბილეს კი გვაძალღებს-მეთქი.<sup>1</sup>

ა. ჭიჭინაძემ გაიცინა და მითხრა: ასეთი შემთხვევის გამო იტყვიან: „ცხენს ვერ მოერიდა და უნაგირს ამტვრევსო“. რუსეთის მთავრობა და ჩინოვნიკები არიან ცუდი, თორემ გოგოლი და რუსი ხალხი კარგიაო, თან წინადადება მომცა, იუბილემში მონაწილეობა მიმეღო. შეეპირდი, იუბილემში მონაწილეობას მივიღებ იმ პირობით, თუ ნება მექნება გოგოლი ვაქო, ხოლო რუსეთის ჩინოვნიკები ვაგინო-მეთქი. ალექსი ბესარიონის ძემ ამის ნება მომცა. მეც ასტრიქონიანი ლექსი დავწერე, რომელსაც ასე ვიწყებდი:

#### ნ. ვ. გოგოლს

მგოსანო, როცა შენი ქვეყანა  
სულ მთლად გაიხრწნა ბილწ ჩინოსნებით,  
ჩიჩიკოვებმა, გოროდნიჩებმა  
თავი გამოუყვეს თვის ამაღლებით, —  
მაშინ გამოჩნდი, შორს ხარხარებდი  
ზნედაცემულთა გასასწორებლად...  
მთელი სიცოცხლე იშრომ-იღვაწე  
და ეს ნაღვაწი დაიდგი ძეგლად!..

შემდეგ ვახასიათებდი ამ შესანიშნავი სატირიკოსის ღვაწლს კაცობრიობის წინაშე და ბოლოს ვამბობდი: შენს წინაშე ქედს იხრის მთელი რუსი ხალხი, მას უერთდება კავკასია, პოლონეთი, ციმბირი, ფინეთი, შენი სახელი წმინდაა და დიდი ყველასათვის! შენ არა მარტო შენი ერის სიამაყე ხარ, შენ ყველასათვის მზე ხარ!..

---

<sup>1</sup>. ამის ასე თქმა უთუოდ აღელვებისა და წუთიერი აფექტის გავლენით მომიხდა, თორემ 19-20 წლის ყმაწვილმა, ცნობილი პედაგოგის იანოვიჩის მოწაფემ, კარგად ვიცოდი რუსი კლასიკოსების წონა-ფასი. კერძოდ, ჩემი თარგმანი მაქსიმ გორკის გახმაურებული ლექსისა — „ტუსალის სიძღვრა“ (მზე ამოდის, ისევ ჩადის, ჩემს საკანში მუდამ ბნელა...) იმ დროს უკვე დაბეჭდილი იყო (იხ. ჟურნ. „ნიშადური“, 1908 წ. № 50).

გოგოლისადმი მიძღვნილი ჩემი ლექსის პროზაული თარ-  
გმანი დაიბეჭდა მწერლის საიუბილეო კრებულში (თბილისი,  
1909 წ.).

3

მესამედ აკაკი თბილისში ვნახე — ქართველთა შორის  
წერა-კითხვის გამავრცელებელ საზოგადოებაში. იმ დროსაც  
ქუთაისის საოსტატო (საძმასწავლებლო) სემინარიის მოწაფე  
ვიყავი. ხონში ვცხოვრობდი, პანსიონში, კარჩაკეტილად.

ერთხელ სეძინარიელები საექსკურსიოდ ბაქოში წაგვიყ-  
ვანეს. ბაქოდან რომ დავბრუნდით, ორიოდ დღე თბილისში  
გავვაჩერეს. თბილისში ყოფნით ვისარგებლე და წერა-კითხვის  
გამავრცელებელ საზოგადოებაში შევედი, სადაც ერთი ჩემი  
მეზობელი მუშაობდა (სამსონ ფირცხალავა).

იქ ვნახე აკაკი. მასთან ისხდნენ შიო არაგვისპირელი, შიო  
მღვიმელი და კიდევ სხვები. მე იმ დროს შევედი, როცა მღვი-  
მელს შეგობრულად მხარზე ხელი დაადო და უთხრა:

„უსამართლობის გულისთვის  
შევებრძოლები ქვეყანას,  
რას მომცემს, ან რას წამართმევს,  
გული რომ დამწყდეს, მისთანას“...

აკაკი იმ დღეს კარგ ხასიათზე იყო და ოხუნჯობდა. ჩემმა  
მეზობელმა აკაკის მოაგონა მის იუბილეზე გამოსული „მათ-  
ხოჯელი გლეხი“. მგოსანმა გაიღიმა, სემინარიის ამბავი გა-  
მომკითხა. ვუამბე სემინარიელების გაფიცებისა და, კერძოდ,  
სემინარიის პირველი ქართველი დირექტორის, ალექსი  
ჭიჭინაძის გამბედაობის შესახებ (სემინარიაში შავრაზმელ  
ალიხანოვის თარეშის დროსაც კი ვაწყობდით არალეგალურ  
საღამოებს, გაფიცვებს, მოგვყავდა და ვუსმენდით პროპაგან-  
დისტებს და სხვ. ყოველივე ამაში ხელს გვიწყობდა მხცოვანი  
პედაგოგი ა. ჭიჭინაძე). ეტყობოდა, აკაკი დიდად დაინტერესე-  
ბული იყო მომავალ პედაგოგთა სწავლა-აღზრდით.

მაღე ისევ ოხუნჯობა დაიწყო, რამდენიმე ახალგაზრდა მწერალი ახსენა და ერთი მათგანის შესახებ თქვა: „მისგან რა პოეტი გაძოვა, დღეში თორმეტ ლექსს წერსო“. ყველა უსმენდა, იცინოდა. ამ დროს „ვილაც“ ერთი კაცი დაგლეჯილი ჩოხით, რომელსაც ჩოხის ჩიბუხებს ზევით კი არა, ზედ ჩიბუხებზე ჰქონდა ქამარი შემორტყმული, მხრებზე ყაბალახით, ცალთვალჩამოხეული, წვერგაპარსული, ოთახში ბოლთასა სცემდა, აკაკის ყურს არ უგდებდა, თითქოს რალაცაზე ფიქრობდა... მე ვკითხე ჩემს მეზობელს: ნეტა ვინ არის ეს კაცი-მეთქი. მეზობელმა მითხრა: ნუთუ არ იცნობ. გაგაცნობ. ეს ვაჟა-ფშაველა არისო. ვაჟა უნახავად მიყვარდა, ზეზე წამოვხტი, მთის არწივი გავიცანი...

გაცნობის უმაღ ვაჟას მივაყარე კითხვები: სურათში თქვენ სხვანაირი ხართ, წვერები რად მოგიპარსავეთ-მეთქი. შემრცხვა, თვალის ტკივილის მიზეზი მეკითხა, მაგრამ ეს კი ვკითხე: თქვენ ხომ დიდი მწერალი ხართ, ასე ღარიბად რად გაცვიათ-მეთქი. მან მიპასუხა: აბა, საიდან ვიყიდი ფარჩებს, განა მწერლობა მაძლევს დიდ ფულს? აი, ეხლახან გამოვიდა ჩემი წიგნი „ტრემლები“, გამოსცა ის „სორაპანმა“; გამირიგდა, სამოც მანეთს მოგცემო, წიგნები გაყიდა, ფული მოიგო და მთელ წიგნში ოცი მანეთის მეტი არ მომცაო.

მეწყინა... მართალია, არც მთლად პატარა ბავშვი ვიყავი, მაგრამ მაინც არ ვიცოდი, თუ მწერალი მაშინ ასე მცირედ ფასდებოდა.

აკაკი წამოდგა. „ტრამვაის ფული არა მაქვს, მასესხეთ ერთი შაურიო“, — წარმოთქვა ხმამაღლა. უცებ დავიბენი; მინდოდა, მაგრამ ვერ გავბედე ფული მიმეწოდებინა. სამსონ ფირცხალავამ ვერცხლის ორშაურიანი ამოიღო ჯიბიდან, პიაწოდა აკაკის და უთხრა: „ჩემს „ფასკუნჯში“ (ყურნალი იყო) რომ გასულ კვირას შენი ლექსი დაიბეჭდა, იმის სათაურის ფასი იყოსო“. აკაკიმ იოხუნჯა: „მე შაური მინდა, მეორე შაური ვინმე მათხოვარს უნდა მივცე, მაგრამ ჩემზე მეტ მათხოვარს



ვისლა ვნახავო“. თან სიცილით გამოართვა ორშაურჩიანი და გავიდა...

4

კიდევ რამდენჯერმე ვნახე აკაკი ხან რკინიგზის სადგურზე სადმე მიმავალი, ხან სცენაზე ლექსების თქმის დროს, მახსოვს, ერთხელ აკაკის სცენაზე თავისი ლექსი დაავიწყდა და ბავშვებმა პარტერიდან სიცილ-კისკისით უკარნახეს. აკაკი ხშირად მინახავს ქუთაისის ბაღში, თავის საყვარელ პატარა ბავშვებში ჩამდგარი, მოლიმარი და მოცინარი.

უკანასკნელად აკაკი ვნახე 1915 წლის 5-6 თებერვალს (ძველი სტილით) უკვე გარდაცვალებული. მე ამ დროს მასწავლებლად ვიყავი ლეჩხუმის მაზრაში, საიდანაც დელეგატად გამომგზავნეს აკაკის დასაფლავებაზე დასასწრებლად.

აკაკი თავის სოფელ საჩხერეში (სხვიტორში) გარდაიცვალა. იქიდან გამოვასვენეთ თბილისში დასაფლავებლად. სადგურ შორაპნიდან თბილისამდე მოზავალი მთელი მატარებელი აკაკის ბალზამგაკეთებულ ცხედარს და მისი დასაფლავებისათვის საქართველოს სხვადასხვა კუთხიდან გამოგზავნილ უამრავ დელეგატს ეკავა. მატარებელი მორთული იყო ყვავილებით, დელეგატებს მკლავებზე შავი ლენტები ჰქონდათ გაკეთებული.

შორაპნიდან თბილისამდე მატარებელს ყოველ სადგურზე აუარებელი ხალხი ხვდებოდა. მახსოვს, გამოჩნდებოდა თუ არა ხალხით სავსე სადგური. მატარებელი სვლას შეანელებდა. ხალხი დაინახავდა თუ არა მატარებელს, ყველა, როგორც ერთი კაცი, ერთბაშად დაიჩოქებდა. მუხლებზე დამდგარ ხალხს მატარებელი ნელი სვლით მიუახლოვდებოდა და გაჩერდებოდა. ხალხი ფეხზე წამოდგებოდა. ერთი ჩვენგანი სიტყვას იტყოდა, დამხდურებიც სიტყვას ამბობდნენ; შემდეგ მატარებელი ნელა დაიძროდა, ხალხი ისევ დაიჩოქებდა და ამით დიდ პოეტს უკანასკნელ ვალს უხდიდა. ასე ხდებოდა ყოველ სადგურზე, შორაპნიდან მცხეთამდე, თითქოს ვილაყას განგებ მოუწყვიანო. მცხეთიდან თბილისამდე კი, არა მარტო

სადგურში, არამედ მთელ ხაზზე, გზის ორივე მხარეს, ზღვა ხალხი ჩამწკრივებულიყო. მახსოვს, მატარებელი მცხეთიდან თბილისამდე სულ ნელა მიდიოდა. ყოველ ჩვენგანს ტანში რაღაცნაირი ჟრუანტელი უვლიდა. ჩამოვედით თბილისში. სადგურზე დაგვხვდნენ აკაკის მეუღლე და აკაკის შვილი ალექსი (მაღალი, ჭაღარა), სადგური გაჰყვდილი იყო დამხდური დელეგატებით. სადგურის უკან, მოედანზე, ტრიბუნა ამართულიყო და მთელი თბილისი იქ მოსულიყო. ტრიბუნიდან თქმული ორიოდ სიტყვის შემდეგ აკაკის ცხედარი ქაშვეთის ეკლესიაში მოვასვენეთ. ეს იყო 5 თებერვალი (ძველი სტილით).

სალამოს დელეგატები დეპუტატთა საკრებულოში შევიკრიბენით აკაკის დასაფლავების (8 თებერვალი) დღის წესრიგის შესამუშავებლად.

გადაწყდა: ყოფილ ერეცნის მოედანზე მხოლოდ ოთხ ქართველს მისცემოდა სიტყვა, დანარჩენი დრო უცხოელებისათვის დაგვეთმო. მამადავითზე კი ყველას ელაპარაკა, ვიდრე სულ არ დაბნელდებოდა.

დადგა 8 თებერვალი. დილის 12 საათზე აკაკის ცხედარი ქაშვეთის ეკლესიიდან გამოასვენეს. ხალხი თბილისში ფეხად არ ერეოდა. ასე გეგონებოდათ, მთელი საქართველო თბილისში ჩამოსულიყო. პოლიცია თითქოს არ ჩანდა, ხალხი თვითონ იცავდა წესრიგს.

ერეცნის მოედანზე პირველი სიტყვა მაშინდელმა ქალაქის თავმა, ხატისოვმა, ასე დაიწყო: „Сыны Грузии, граждане Тифлиса!..“

მენშევიკების წარმომადგენელმა ევგენი გეგეჭკორმა შოთა რუსთაველი და აკაკი წერეთელი დაუპირისპირა ერთმანეთს, ილია ჭავჭავაძეს გვერდი აუარა, ერთი სიტყვითაც არ უხსენებია; ილიას ღვაწლის მიჩქმალვამ ყველას გული ატკინა.

კრიტიკოსმა კიტა აბაშიძემ თავისი მშვენიერი სიტყვა ასე დაიწყო: „აჰა, დაიმსხვრა სასმისი, რომელშიაც საუკეთესო სასმელი ესხა. მაგრამ ნექტარი კი არ დაღვრილა, არამედ წვეთწვეთად გაიფანტა ყოველი ქართველის გულში“.

ნიკო ნიკოლაძემ სიტყვა ასე დაიწყო: „ხედავთ, ამ მაღლიანი ადამიანის მაღლიანმა სიკვდილმა როგორ მაღლიანად გააერთიანა საქართველო. ხედავთ, რამდენი ჯარი გვყოლია, რამდენი ჯარი... მაგრამ შტაბი არა გვყავს, შტაბი“.

აჭარელმა მოხუცმა კაიკაციშვილმა არაკით დაიწყო: ორი ძმა ომში იბრძოდა. ერთი მტერმა დაჭრა და იქვე დავარდა. მეორე გადაარჩა და შინ დაბრუნდა. ბრძოლის ველი მტერმა დაიპყრო. დაჭრილი ძმა არ მომკვდარა, გადაარჩა. მტრისვე ხელში გადავიდა ჩვენი ტერიტორიის ნაწილი. დაჭრილი ძმის შთამომავლობა მტრის ტერიტორიასა და ბანაკში გაიზარდა. სხვადასხვა სახელმწიფოს ქვეშ მოქცეულ ძმებს ერთმანეთი დაავიწყდათ. შემდეგ ტერიტორიულად ისევ გაერთიანდნენ ძმები და მათი შვილთა შვილები, მაგრამ, სამწუხაროდ, ძმები ერთმანეთს ვეღარა სცნობენო... და შემდეგ დაასრულა: ბრძოლის ველზე დაჭრილი ძმისშვილები ჩვენა ვართ, აჭარლები, ბრძოლიდან სახლში დაბრუნებული ძმისშვილები თქვენა ხართ — დანარჩენი ქართველები. სატირალია და სავალალო, რომ ძმები ერთმანეთს ვეღარა ვცნობთ. დაე, ჩვენი საერთო შვილის — მაღლიანი აკაკის სიკვდილმა ყველას აგვიხილოს თვალი და ძმებს ძმები გვაცნობინოსო...

მის შემდეგ ილაპარაკეს უკრაინელების, თათრების, სომხებისა და სხვადასხვა ეროვნებისა და კუთხის წარმომადგენლებმა.

ლამდებოდა, როცა აკაკი მამადავითზე მივასვენეთ, მივიყვანეთ იმ ადამიანთან, რომლის ცხედარს აკაკიმ 1907 წელს გულდამწველად უთხრა: „ნახევარი საუკუნეა მე და შენ საქართველოს ვემსახურებით... და თუ საქართველოს სიკვდილი უწერია, ბედნიერი ხარ შენ, რომ მასზე აღრე მოკვდი, და უბედური მე, თუ ჩემის თვალით ვნახე მისი სიკვდილი.“

მამადავითზე ბევრი სიტყვა ითქვა მის შემდეგაც, რაც კარგად დაღამდა და „ცა-ფირუზ, ხმელეთ-ზურმუხტ სამშობლოს“ ცივმა სამარემ თავისი აკაკი სამუდამოდ ღიბარა...

## VII

### მასწავლებლობის პირველი წლები

#### 1

1909 წლის ზაფხულზე შემთხვევით დავესწარი ხონის სემინარიაში მისაღებ კონკურსზე დაშვებულ მოსწავლეთა გამოცდების შედეგების გამოცხადებას. შეჩვეული ვიყავი, რომ ყოველ ასეთ დროს კმაყოფილია მხოლოდ 15-20 კაცი (კონკურსში გამარჯვებული), ხოლო ასეულები (კონკურსს გარე დარჩენილები) უკმაყოფილონი არიან, მწუხარებას ეძლევიან, ცრემლი ერევათ, ტირიან, იმუქრებიან... ასე რომ, ასეთი „სცენა“ არავისათვის და კერძოდ ჩემთვისაც მოულოდნელი არ იყო. მაგრამ იმ დღეს ერთი „დაჩაგრულთაგანი“ ისე გიჟივით იქცეოდა, რომ ყველას ყურადღება ერთბაშად მიიპყრო: აშკარა იყო, რომ ის არ ხუმრობდა და ნამდვილად თავის მოკვლა უნდოდა. ყველა მას მისცვივდა, მეც მას მივაშურე. საკუთარ გულში ჩასაცემი დანა რომ წაართვეს, იქვე კედელს ურტყამდა თავს, იმედის გაცრუებას ისე გაემხეცებინა, რომ თვალები ამღვრეოდა, სიკვდილს ეძებდა...

დიდი დრო გახდა საჭირო იმის გასაგებად, რომ ის ყუბანის ოლქში მცხოვრები კაზაკია, რომ წელს მეორეჯერ ჩამოსულა ხონში გამოცდების ჩასაბარებლად, რომ ძლივს დაუთანხ-

მებია მამა სამგზავრო ფული მიეცა. რომ ორი წელიწადია ასე წვალობს, „მისით“ სწავლობს დღე და ღამ და მიზანს მაინც ვერ მიაღწია: მეორეჯერ ჩაქრამ სამუდამო ჯვარი გადაუსვა მის სურვილს — სწავლა მიეღო, ამის გამო თავი არ უნდოდა ცოცხალი...

ისე გულშემზარავად ზმუოდა ეს 17-18 წლის ქაბუკი, რომ ქვის გული უნდა ჰქონოდა ადამიანს, არ შეცოდებოდა. ყველა ანუგეშებდა მას...

მე ვუთხარი: ეს სემინარია ერთი თვეა, რაც დავამთავრე. დანიშნულიც ვარ მასწავლებლად ერთ-ერთ მახლობელ სოფელში. წამოდი ჩემთან. მე გაქმევ და გასმევ უფასოდ და, რაც მთავარია, მოვამზადებ ამავე სემინარიისათვის; მომავალ წელს, აი ამ დროს. მოგიყვან აქ, გამოცდას დაგაქერინებ და შემდეგ სახელმწიფო ხარჯზე ისწავლი. ახლა კი გავუგზავნოთ მამაშენს დეპეშა, რომ შენ ვითომ გამოცდა უკვე ჩააბარე და რჩები ხონის სემინარიაში. ალბათ, მშობლები წერილებს გამოგიგზავნიან და ის წერილები რომ უკან არ დაბრუნდეს, მე ვთხოვ სემინარიის ჩემს ამხანაგებს და ფოსტასაც, შენი წერილები მე გამომიგზავნონ სოფელში შენთვისვე გადმოსაცემად-მეთქი.

ჯერ ყველაფერი ეს სიზმარი ეგონა, ანდა იფიქრა: მამ-შვიდებსო, მაგრამ შეპირებულის სისწორეში დარწმუნდა მას შემდეგ, როცა ეს „უცხო მოყმე“, ყუბანის ოლქის „სტანიცა“ ბატალაშინსკაიას მცხოვრები, ბრგე კაზაკი ნიკიტა ავანეს ძე ბურლიაევი შინ წავიყვანე, მთელი წელიწადი ჩემი მცირე ჯამაგირით ვარჩინე, ერთგულად და მონდომებულად ვასწავლე, სათანადოდ მოვამზადე, ხონის სემინარიაში გამოცდები დავაქერინე, სამი მანეთი მშობლებისათვის საგზავნი წერილების მარკების ფული მივეცი და სემინარიაში დავტოვე.

1914 წელს დაამთავრა ხონის სემინარიის კურსი ჩემმა ნიკიტამ. იმ წელსვე დაინიშნა მასწავლებლად თავის მშობლიურ ყუბანის ოლქში. კარგი მუსიკი და საზოგადო მოღვაწე დადგა. ყოველთვიურად მწერდა წერილებს: თავის ამბავს მატყობინებდა და სიყვარულით მომიკითხავდა. ასე გრძელდებოდა ეს, ვიდრე სამამულო ომი (1941—1945 წ.წ.) არ გაჩაღდა. 1942 წლის შემდეგ ბევრი ვეცადე, მაგრამ მისი ვერა გავიგე რა. უთუოდ ომის მსხვერპლი გახდა.



## 2

სოფ. კულაში. სადაც მე პირველად დაინიშნე მასწავლებლად (1909 წ.). მდებარეობს დასავლეთ საქართველოში, სამტრედიის რაიონში. სადგურ სამტრედიიდან დაცილებულია 4-5 კილომეტრით. ხონიდან სამტრედიაში მიმავალი შარაგზა შუაში ჰრის სოფელ კულაშს. გზის პირას ებრაელები ცხოვრობენ. ჩემს დროს მათ ბევრი დუქანი ჰქონდათ და სოფლის ცენტრში ვაჭრობა გაეჩაღებინათ: ფართალი, რკინეულობა, ბაკალეა სულ ებრაელების ხელში იყო. ქართველებს ფურნეები და სამიკიტნოები გაეხსნათ. იქვე ახლოს (მგონი კვირაობით) დიდი ბაზრობა იცოდნენ. სოფლის პერიფერიაში ცხოვრობდნენ გლეხები — ნინუები, ახობაძეები, ჯღამაძეები, შენგელიები, სტურუები... დიდი ეზოები ეჭირათ კულამის თავადებს, მიქელაძეებს, რომელთა ოჯახების რიცხვი ორმოცდაათამდე აღწევდა. ზიზილ-პიპილიანი და სირმებიანი ჩოხები ოფიცრის სამხრეებით, ხმლები, დეზები, გიმნაზიისა და რეა-

ლური სასწავლებლის ფორმები და კაქარდები, კადეტთა კორპუსის იუნკრების მოწყობილობა. ძველი ქართული ქულაჯები, ჩოხა-კოპები, დარაია-აბრეშუმის კაბეზა, ბრასლეტები, ვეერები, ბეკდები, ტროსტები და სხვა სამკაულები თავადებს აკობდა. კულაშელი პოლკოვნიკი ფარსადან მიქელაძე ქუთაისის გუბერნიის თავადაზნაურთა წინამძღოლი იყო.

ზოგიერთი თავადი მარტო თავის სხეულში იყდაცა „ცისფერ სისხლს“ და იშვიათად თუ რომელიმე გლახს იკადრებდა და გაუცინებდა თუნდაც მასზე ლარიბი თავადი. ეკლესიაში წირვაზე თუ კრებაზე ნამყოფი ზოგი თავადისათვის რომ გეკითხა, ვინ იყო წირვაზეო (კრებაზეო). გიპასუხებდა: ორი სამი თავადი! დანარჩენი „კაძახები“ იყვნენო. ერთხელ სკოლაში გაკვეთილებზე მიმავალ მასწავლებელ კ.ბ-ს დაუძახა ერთმა თავადმა, რომელიც იქვე დუქანში დახლთან ღვინოს ავამდა, და რაღაცნაირი ბრძანებას კილოთი უთხრა: დალიე ერთი ჭიქა და აქ იყავო! მასწავლებელი კ. ბ. შევიდა დუქანში და ბოდვის მოხდით უპასუხა: გაკვეთილზე მივეჩქარები და დარჩენა არ შემიძლიაო. თავადმა არც აცივა და არც აციელა, სტკლიცა ლოყაში, პანლურიც ამოჰკრა და ძაღლივით გამოაგდო გარეთ მასწავლებელი. მასწავლებელმა ეს შეურაცხყოფა ვერ აიტანა და გაასაჩივრა სამტრედიის სასამართლოში, სასამართლომ კი მანეთით დააჯარიმა თავადი და ამით გათავდა ეს საქმე. თავადმა სამი მანეთი გადაიხადა, მაგრამ მას შემდეგ სულ ხარხარით და ტრახახით ამბობდა: „კვლავაც, როცა მომეხასიათება. ერთ სილას გავარტყამ, პანლურსაც მაგრად ამოვკრავ და სამ მანეთსაც სიამოვნებით გადავიხდიო!“

მიქელაძეებში ცოტანი როდი იყვნენ ისეთები, რომელთაც გარდა ქონებისა, ჰქონდათ ჰკუა და გონება, ან ხარისხი, ასეთები, ცხადია, ყოველთვის ზომიერნი იყვნენ დაბალი წოდების წარმომადგენლებთან ურთიერთობის საკითხში, თავის თავს (თუ საზოგადოებას) მუდამ ანგარიშს უწევდნენ, მიწაზე დინჯად და მძიმედ დადიოდნენ, მათთან კულტურული ურთიერთობის დამყარება უთუოდ სასარგებლო იყო, დამთმობი და

თავაზიანი იყვნენ. ასეთი, პროგრესულად განწყობილი, განათ-  
ლებული თავადი მიქელაძეები, რა თქმა უნდა, ოდნავადაც არ  
ჰგავდნენ თავის გვარის ზოგიერთ ხორცმეტ ადამიანს, რომელ-  
თაც არ ჰქონდათ არც ქონება, არც ჭკუა, არც სწავლა და არც  
რაიმე თანამდებობა. მათში ვერ ნახავდით ისეთ მოქალაქეს,  
რომელსაც დაბალი წოდების წარმომადგენლებთან არასაკად-  
რისად ეჭირა თავი. ნაკლებად შეხვდებოდით ზნეობრივად  
აღვირახსნილ ადამიანს, ქარაფშუტას, ანტისაზოგადოებრივი  
ინსტინქტების მქონეს. მაგალითად, სანიმუშო ოჯახები ჰქონ-  
დათ ლევან, ალექსანდრე, სოლომონ, ვახტანგ, კასიან, მელქი-  
სედეგ, ვარლამ, ნიკოლოზ, ბიქტორ, აპოლონ მიქელაძეებს.  
ამ ოჯახებში იზრდებოდნენ კარგი შვილები, — ბევრი მათგან-  
ი დღეს ჩვენი კულტურული ცხოვრების თვალსაჩინო და სა-  
სარგებლო მუშაკია. მიქელაძეებში ბევრი იყო სამხედრო პი-  
რი (ოფიცრები, პოლკოვნიკები...). უქმე დღეებში ისინი გამო-  
ეფინებოდნენ „ჯვარცმის მოედანზე“. კულაშში ხშირად იმარ-  
თებოდა საღამო-წარმოდგენები, რაც ხელს უწყობდა საზოგა-  
დოების გათვითცნობიერების საქმეს.

მიქელაძეებში იყვნენ ისეთებიც, რომლებიც მხურვალედ  
თანაუგრძნობდნენ სოციალისტებს და ხელს უწყობდნენ მუ-  
შაობაში (ვარლამ მიქელაძე, ანაპოდისკე მიქელაძე...).

ჩემს მშობელ სოფელში (მათხოჯში) სხვადასხვა წოდების  
ადამიანები არ ცხოვრობდნენ და ამიტომ აქამდე არ განმეცა-  
და წოდებათა შორის ასეთი განხეთქილება: არც ის გამეგონა  
და არც სადმე წამეკითხა, რომ სოფელს ბოქაული (პრისტავი)  
ჰყოლოდა. სოფელში ჩვეულებრივ მამასახლისები იყვნენ  
მთავრობის წარმომადგენლები, სოფელ კულაშში კი მთავრო-  
ბის მიერ დანიშნული ბოქაული იყო ასეთი ტიტულით „При-  
став селения Кулаши“. ასეთად ჩემს დროს ერასტი ფხაკაძე  
იყო. ღვინის ყლაპვა უყვარდა და მასწავლებლებთან „მეგობ-  
რობდა“. ერთხელ მასწავლებლების პურმარილითა და ღვინით  
შეზარხოშებულმა შეკითხვაზე: ჩვენთან რომ ასე მეგობრობ,  
ნეტავ თუ გაგვაფრთხილებ მაინც, რომელიმე ჩვენგანს და-  
ქერა რომ მოელოდესო, გარკვევით უპასუხა: აი, ახლაც,



აქვენი პურმარილით სავსე ვარ, მაგრამ ჯიბეში რომ თქვენი დასაქერი ქალაღდი მქონდეს, გავალთ თუ არა გარეთ, „სტრანკიებს“ დაეუძახებ და უსათუოდ დაგიკერო, ამას მე კანონი მავალებსო.

### 3

კულაშის ბოქაულისა და მისი შტატის შენახვისათვის თანხებს არ ზოგავდა მეფის მთავრობა, ხოლო სახელმწიფო, როგორც წესი, თავის საქმედ არ თვლიდა წიგნსაცავ-სამკითხველოს შენახვას, რა მიზეზითაც, ერთი მხრივ, და წოდებათა შორის განხეთქილებათა გამო, მეორე მხრივ, სოფელს სამკითხველო არ ჰქონდა.

ყურ. „განათლების“ რედაქტორმა, ცნობილმა პედაგოგმა ლუარსაბ ბოცვაძემ კერძო წერილით მისაყვედურა—კულაშში ხარ და სოფლის ბიბლიოთეკის საქმე ვერ მოგიგვარებიაო, ამან გამოიწვია ჩემი—„წერილი რედაქციის მიმართ“, რომელსაც „განათლების“ რედაქციამ თავის მხრივ ქვემოთ მოტანილი შენიშვნა დაურთო!

1 ვბეჭდავთ ამ წერილს და თან მწუხარებით აღვნიშნავთ, რომ კულაშში—ეს ოდესღაც ერთადერთი დაწინაურებული სოფელი ქვემო იმერეთში—დღეს ისე დაკნინებულა, დაცემულა, რომ ვერ შეუგნია სახალხო სამკითხველოს მნიშვნელობა, რომელიც ყველა წოდებას აერთებს და ერთგვარად ემსახურება გლეხს, თავადს, აზნაურს, ერს და ბერს, დიდს და პატარას. როცა ასეთი განხეთქილებაა წოდებათა შორის, ადგილობრივი ინტელიგენციის ვალია ჩააგონოს ძლიერის სიტყვით ყველას, ვინც საზოგადო საქმეს ღალატობს, ძირს უთხრის და მით გარშემო სიბნელეს აერცელებს და წოდებათა შორისაც შურის ძიებას და მტრობას ნერგავს. თუ სოფლის მოღვაწის ინტელიგენციის სიტყვას ხალხში გასაავალი და ნდობა არა აქვს, იქ ვერც რამ გაკეთდება. სამართლიანია სამტრედიის განყოფილების წინადადება 30 წევრის შოვნის შესახებ. თუ კულაშის ინტელიგენცია ხალხში ვერ იშოვის თავის რჩევა-შთაგონებით წერა-კითხვის საზოგადოებისათვის 30 წევრს, მაშინ მას არავითარი გავლენა არ ჰქონია, მაშინ ის სოფლის მარილად კი არა, შავ-ქვადაც სახსენებელი არ იქნება. კულაშში 30-ზე მეტი ინტელიგენტიც იქნება, რომლებიც თავის თავს მაინც ინტელიგენტს უწოდებენ. აბა პირველად ისინი უნდა ჩაეწერნენ საზოგადოების წევრებად და მათ მიმბაძველებიც ბლომად გაუჩნდებიან. სამტრედიის განყოფილება იგივე წერა-კითხვის საზოგადოებაა და მის უწყებაში არსებული ბიბლიოთეკის ფულის გამფლანგველები ისე ვერ იპარპაშებენ, როგორც დღეს დაბრძანდებიან ეს ვაჟბატონები არხეინად და ქვეყნის საქმე ფეხებზეც კიღიათ.

„ბ. რედაქტორო! თქვენ ღია წერილში, რომელიც ამას წინათ მივიღე, სხვათა შორის ეწერა: „სირცხვილი არ არის, კულაში (ქუთ. მაზ.) ერთი სამკითხველო გქონდათ და ისე გაგიქრათ, რომ მისი ხსენებაც არ არის დღეს“. ამის პასუხს ქვევით მოგახსენებთ და, თუ ეს საკითხი საზოგადო ინტერესს მოკლებული არ არის, გთხოვთ, დასტამბოთ თქვენს ჟურნალში.

პასუხად იმასვე გავიმეორებ, რასაც ვამბობდი „დროებაში“, „სახალხო გაზეთში“ და „Bat. Bec.“-ში. საერთოდ ქართველების დაუდევრობა ყველამ უწყის. გარდა ამისა, ამ სოფელში ყველა წოდების ხალხი ცხოვრობს: თავადი, გლეხი, აზნაური, ებრაელი... ერთობ მიუყოლედი და ერთიმეორეზე მტრულად მაქცერალდი, მათ შორის ჯერ კიდევ „ხიღია ჩატეხილი“, რაც სატირალია და სხვა არაფერი. მიუხედავად იმისა, რომ ნებართვა წერა-კითხვის საზოგადოებიდანაა აღებული „სახალხო უფასო სამკითხველოს“ სახელით და არა რომელიმე წოდებისათვის. ეს სამკითხველო თავიდან თავდაზნაურობას ჩავარდნია ხელში, ფული სამკითხველოს სახელით ორი ათასამდე შეკრებილია. სამკითხველოსთვის 800 მანეთიანი შენობა აუგიათ, მაგრამ, საუბედუროთ, თვით წოდებაში განხეთქილება მომხდარა: „ის შენობა არა აქ უნდა აგვეგო და არა იქო“. ამ განხეთქილებას შედეგად მოყოლია 800 მანეთიანი შენობის თორმეტ თუმნად გაყიდვა. ანალები ფულით და სხვა საშუალებით ერთ ხანს კერძო შენობის ქირავება და შემდეგ დასაფლავება. ბევრ პატივცემულ პირზე კიდევ საკმაოდ ყოფილა დარჩენილი ბიბლიოთეკის ფული, არა მანეთობით, არამედ თუმნობით და, წარმოიდგინეთ, ასობითაც ჩამობოჭილი ბათუმში, თბილისში, ბაქოში და სხვა ქალაქებში. საჩივრები აღიძრა, მაგრამ ბოლოს პირში წადგომა „ფულის გადამსანსვლელებისათვის“ არავინ მოისურვა. ზურგს უკან ყველა ძალზე ვიბღურებით. ამგვარად, საჩივრები მიყუჩდა. გამოვიგონეთ ბარათების ბეჭდვა და დაგზავნა ხარბინპეტერბურგ-მოსკოვში მცხორებებ გულშემატკივართათვის. იქნებ რითიმე დაგვეხმაროთ. მართლაც, ზოგმა კიდევ გამოგ-

ზავნა თითო თუმანი, იმ იმედით, რომ ახალი გამგეობა შემდგარა და იქნებ რაიმე უშველონო. თქვენც არ მომიკედეთ, ამ ცოტამ ვერ გვიშველა და სხვა წყარო კი არსად იყო, გლახობა ვერ შემოვიყვანეთ — „თავადები ტუჩს აგვიბზუებენ“. დავრჩით მშრალზე. წერა-კითხვის გამავრცელებელი საზოგადოების სამტრედიის განყოფილებამ წინადადება მოგვცა — „30-მდე წევრი გვიშოვეთ მაგ სოფლიდან და ბიბლიოთეკის შენახვას თავს ვიდებთო“. შესაძლო იყო, მაგრამ ეს ზოგმა იუკადრისა: „ჩვენ ამაყები ვართ, სხვის ოპეკის ქვეშ არ შეგვიძლია ვიყოთ, ვაცოცხლებთ — ვაცოცხლებთ, არა და დაიკეტებაო“... და დაიკეტა!

„გენერლები, პოლკოვნიკები, პოდპოლკოვნიკები, ინტელიგენცია, ნაცია, ბეცია დარჩა უბიბლიოთეკოდ... ყაყლიყოო!..“ — დაგვეცინის ღლებკაცობა და ლირსნიც ვართ, ერთხელაც არის დავრწმუნდებით (თუ გავტყდებით), რომ მათ გარეშე არ ვარგვართ და არა!

ვარლამ იმერელი

ჟურნ. „განათლება“, 1911 წ. № 6).

ამ ჩემმა უბრალო წერილმა თავის დროზე მოთმინებიდან გამოიყვანა ზოგი კუდაბზიკა აზნაური და დიდი უსაამოვნება გამოიწვია, მაგრამ მისი დადებითი მხარე ის იყო, რომ რამდენიმე ათეული კაცი ჩაეწერა წერა-კითხვის საზოგადოების სამტრედიის განყოფილებაში და კულაშში ბიბლიოთეკა გაიხსნა.

#### 4

კულაშში მასწავლებლობის უმრავლესობა პროგრესულად მოაზროვნე იყო, ზოგი მათგანი კი რევოლუციურ მოღვაწეობასაც ეწეოდა — არალეგალური წრეების ჩამოყალიბებით, პროპაგანდით, ცარიზმის საწინააღმდეგო ლიტერატურისა და პროკლამაციების გავრცელებით და სხვ. არაიშვიათად ქართულ და რუსულ პროგრესული მიმართულების გაზეთებს ვუგზავნიდით ხოლმე წერილებს, კორესპონდენციებსა და ლექსებს ნაირნაირი ფსევდონიმებით.

ჯერ კიდევ ახალი დანიშნული ვიყავი კულაშის ნორმალური ორკლასიანი სასწავლებლის მასწავლებლად და სულ ოთხიოდე თვის ნამუშევარი მქონდა, როცა ხმა გავარდა, დასავლეთ საქართველოს სკოლების დასათვალიერებლად კავკასიის სასწავლო ოლქის მზრუნველი (უფროსი) რუდოლფი მობრძანდებო.

მართლაცდა, რუდოლფმა გუბერნატორის, მაზრის უფროსის, გუბერნიის სახალხო სკოლის დირექტორის, თავადაზნაურთა წინამძღოლისა და სხვა ბობოლა მოხელეთა თანხლებით პირადად იწეა დაეთვალიერებინა დასავლეთ საქართველოს ზოგი სკოლა, მათ შორის კულაშის ორკლასიანი ნორმალური სასწავლებელიც.

ჩვენი სკოლის ზედამხედველი ისაკ ნუცუბიძე (ისე როგორც სხვა სკოლის დირექტორ-გამგეები) ერთი თვით აღრე შეუდგა „უმაღლესი“ სტუმრის მიღების სამზადისს. დღეში ორჯერ შემოივლიდა სასწავლებლის ხუთივე განყოფილებას სკოლის ვამგე, ოლქის მზრუნველის „როლს“ გაითამაშებდა და შესათერისი პასუხისათვის ამზადებდა მოსწავლეებს:

— Здравствуйте, дети, — მიესალმებოდა ნუცუბიძე-რუდოლფი.

— Здравья желаем, Ваше Превосходительство! — მწყობრად და გუნდურად უპასუხებდნენ ბავშვები.

შემდეგ „სტუმარი“ გამოჰკითხავდა საგნებს და, მოწონების შემთხვევაში, ეტყოდა:

— Хорошо, хорошо!

— Рады стараться, Ваше Превосходительство! — მხიარული გამომეტყველებით უპასუხებდა ერთ-ერთი მოწაფე ან მთელი კლასი (ვისაც „ხოროშო“ უთხრა მზრუნველის მაგივრად ნუცუბიძემ).

До свидания, дети!

— Счастливого пути Вашему Превосходительству! ასე ამზადებდნენ მთელ თვეს.

მე და კიდევ ერთ მასწავლებელს (კ. ბ.) ხალათები და კოს-

ტუმები კი გვექონდა, მაგრამ „მუნდირები“ არა. კულაშში რუდოლფის ჩამოსვლის წინა დღეს ინათხოვრა ნუცუბიძემ (მგონი სამტრედიაში) ჩვენთვის მუნდირები და ჩაგვაცვა (ნორმალური სასწავლებლის მასწავლებლები მუნდირებში უნდა ყოფილიყვნენ).

რუდოლფი ჩამობრძანდა კულაშში დიდი და ერთობ „ბრწყინვალე“ ამალით. კულაშის სკოლის შენობის ქვედა სართულში ნორმალური ორკლასიანი სასწავლებელი იყო, იმავე შენობის მეორე სართულში — საქალაქო ექვსკლასიანი სასწავლებელი. ჩვენს ეზოში რუდოლფის შემოსვლის მომენტში მოსწავლეები კლასებში იყვნენ. კლასების კარებთან მასწავლებლები იდგნენ მუნდირებში გამოკიმულნი. რუდოლფი შემოვიდა დერეფანში. მასწავლებლები, როცა მათ კლასებს რუდოლფი მიუახლოვდებოდა, გადადგამდნენ ხოლმე წინ ერთ-ორ ნაბიჯს, თავიანთ სახელ-გვარსა და განყოფილებას მოახსენებდნენ რუდოლფს, ეს უკანასკნელი კი ხელს ჩამოართმევდა და განაგრძობდა გზას.

— Дзидзигури, Варлам Давидович, учитель 4-го отделения, — წარუდგეკი მეც, როცა ჩემკენ წამოვიდა.

— Как? Как? Как Ваша Фамилия? მკითხა რუდოლფმა.

— Дзидзигури! — გაუუმეორე მე.

— Где Вы учились?

— В Кутаисской Учительской Семинарии, в м. Хони!

— При Чичинадзе, при Чичинадзе? в этом году окончили?

— Да!

— Интересно послушать Ваших учеников! — თქვა და გამშორდა.

ყველას გაუკვირდა. მე კი მივხვდი, რაშიაც იყო საქმე რუდოლფს ჩემი გვარი ეცნო. გაახსენდა, რომ მე არასასიამოვნო პიროვნება ვიყავი, ჟანდარმერიის მიერ განაჩხრეკი და ერთ ხანს დაპატიმრებულიც.

საქალაქო სასწავლებლის კლასებში შესვლით დაიწყო მან

რევიზია, შემდეგ ნორმალური სასწავლებელი შემოიარა და უკანასკნელად ჩემს განყოფილებაში შემოვიდა. შემოჰყვნენ მხოლოდ გუბერნიის სახალხო სკოლის დირექტორი სემიონოვი, მაზრის უფროსი ლინსტრომი და სკოლის გამგე ნუცუბიძე. დანარჩენი ამაღა გარეთ დარჩა.

წამოხტნენ ზეზე ჩემი მკვირცხლი მოწაფეები!

— Здр...—დაიწყეს აქეთ-იქიდან... ბავშვებს ეგონათ, „დიდი სტუმარი“ შემოსვლისთანავე ეტყოდა მათ: „Здравствуйте“,— და პასუხი რომ არ დაგვიანებოდათ, ზოგმა დროზე ადრე დაიწყო: Здр... მაგრამ, რადგან სიჩუმე იყო, ხმები შეჩერდა ტუჩებზე. მზრუნველი მიუხვდა და უთხრა კლასს: — Ах... Вы хотите, чтобы я с Вами поздоровался... Нет, садитесь!..

გაუკვირდათ ეს ჩემს ბავშვებს (ისე არ გამოვიდა, როგორც ნუცუბიძე ამბობდა), ერთმანეთს გადახედეს; გაკვირვების ნიშნად ბავშვურად ტუჩები აიბუზეს კიდეც და დასხდნენ...

— Спросите одно из пройденных стихотворений! — მითხრა მე.

— В лицах? — ვკითხე.

— Хорошо будет! — მიპასუხა.

პლეშჩევის ვრცელი ლექსი „Из школы“ რამდენიმე ბავშვმა როლებით წაიკითხა.

— Проведите катехизацию! Одновременно логический и вещественный разбор стихотворения!..

მე დავიწყე კითხვების დასმა. ზოგი კითხვის შემდეგ ხანდახან ნაბიჯს ვაკეთებდი წინ ამა თუ იმ რიგთან თუ მოწაფესთან მიახლოების მიზნით. მზრუნველი უკან მომდევდა. მოხდა ისე, რომ მე მერხების რიგებშუა მოვექეცი და უკან დასახევი გზა არ დამრჩა, რადგან ჩემს უკან მზრუნველი იდგა.

— Ваше Превосходительство, Вы меня загнали между партами! — ვუთხარი მე.

— Пожалуйста, пожалуйста! — დამითმო გზა და გამოველი.

ყველა ჩემ მიერ დასმულ კითხვაზე განყოფილების ყველა

28 მოწაფე იწევდა ხელს და, ვისაც არ გამოვიძახებდი, სწორ პასუხს მაძლევდა.

ფიქრობ, რალაცაში ექვი შეეპარა მზრუნველს (ხომ არ ჰყვანან გაფრთხილებული ბავშვები, ყოველ კითხვაზე ასწიონ ხელი, და ხომ არ ვიძახებ ძლიერებს), რადგან მითხრა:

— Вы спрашиваете, а я буду вызывать!

— Пожалуй! — უპასუხე მე სანახევროდ გამომწვევე ტონით და განვაგრძე კითხვების დასმა; პასუხის მისაცემად თვითონ იძახებდა ამა თუ იმ მოსწავლეს. (ერთი-ორი შედარებით სუსტი გამოიძახა, მაგრამ შემთხვევით იმათაც მშვენიერად უპასუხეს).

— Спросите другое стихотворение!

კკითხე.

— Спросите басню!

კკითხე.

— Спросите про великого баснописца Крылова!

კკითხე.

ნახევარ საათზე მეტი გავიდა. ყველა ცოცხლად და შეგნებულად უპასუხებდა, მაგრამ კმაყოფილების გამოტქმის ნაცვლად, პირიქით, შემომიბრია:

— Вы, молодой человек, все время употребили на русский язык? — მკითხა მოულოდნელად და თითქოს „საყვედურის“ კილოთი.

მეოთხე კლასში, როგორც წესი, ყველა საგანს მე ვასწავლიდი, მაგრამ ჯერ ხომ არ იცოდა, სხვა საგანი როგორ იცოდნენ ბავშვებმა? გავიფიქრე: შარს მღებს, არ უნდა მაპატიოს სემინარიის „ცოდვები“. სულ ერთია, მაინც დამითხოვს, მე კი თავი მომაქვს ახალთაობის კაცობით, მოვიპოვებ კიდევ, ამიტომ საზოგადოებას არ ვათქმევინებ: შეეშინდა, წახლავო. და... დონკიხოტურად მივახალე:

— Нет, Ваше Превосходительство, на все предметы, но большее время уделял грузинскому языку! (ქართული ენა ნორმალურ სასწავლებელში სულ მიჩქმალუ-

ლი იყო, სასწავლო გეგმით ქართულს ყველა საგანზე ნაკლები დრო. მგონი, კვირაში 2 საათი, ეთმობოდა).

უნდა გავეგლიჯე ასეთი თავხედური პასუხისათვის, ან ისე მოქცეულიყო, როგორც მოიქცა: „საყვედურის“ თქმის დროს გამოშვებული მარჯვენა ხელი კიდევ უფრო მალლა ასწია და წამოიძახა.

— Спросите по географии!

— Берега каких стран омывают океаны: Северный ледовитый, Южный ледовитый, Тихий и Атлантический?— ვკითხე მოწაფეებს და მივუშვირე თითი გლობუსსა და კედელზე დაკიდებულ ნახევარსფეროების რუკაზე.

ყველამ ერთბაშად აიშვირა ხელი. მზრუნველმა გამოიძახა ერთი მათგანი, მგონი, კოლია ჯღამაძე (დღეს რომ რკინიგზის ქალაქის სადგურის უფროსია თბილისში). 11-12 წლის პატარა ტანის ბავშვმა იქვე მიყუდებულ ჯოხს წამოაწყო ხელი, მოხდენილად „აცაცუნებდა“ ჯოხს რუკაზე, თან მზრუნველისაკენ იცქირებოდა და სხაპასხუპით, სწორად უპასუხებდა...

— Ну, дети, вы уверенно, хорошо отвечаете! — კმაყოფილებით უთხრა კლასს რუდოლფმა.

— Рады стараться, Ваше Превосходительство! — უპასუხა კლასმა.

— Молодой человек! — მომიბრუნდა მე. — Вы, видно, стали на правильный путь, так, идите по этому пути! — მითხრა მან და ხელი ჩამომართვა. ჯერ კიდევ ჩემი ხელიდან ხელი არ წაეღო ისე, მარცხენა ხელის საჩვენებელი თითით მიიხმო სკოლის გამგე ნუცუბიძე და უთხრა:

— Берегите и жалуйте этого молодого учителя!..

— Слушаюсь, ваше Превосходительство! — უპასუხა ცნობილმა მასწავლებელმა, ქლაროსანმა ისაქ იუსეს ძე ნუცუბიძემ.

— До свидания, дети!

— Счастливого пути Вашему Превосходительству!.. (გამოადგათ ნუცუბიძის ნასწავლები).



კლასიდან გამოვიდა. გამოვეყვით. სკოლის აივანზე, სამასწავლებლო ოთახსა და ეზოში აზლა უცდიდა. იქვე ტრიალებდა საზოგადოებაში მაშინ კარგად ცნობილი ფაომაცეცტი, ადგილობრივი აფთიაქის გამგე, ჭადაროსანი, მაჯალი, ზმელი კაცი — იუსტინე კანდელაკი, რომლის ოჯახში სადილი უნდა მიერთმია რუდოლფსა და მის ანაღას. იუსტინეს ორი-სამი დღით ადრე იმ სადილზე დაპატიჟებული ჰყავდა რამდენიმე ადგილობრივი თავადი, განთქმული მომღერლები და სკოლების (საქალაქო და ნორმალური სასწავლებლების) გამგეები. ახლა მე მომეარდა და მითხრა: შენც უნდა დაგვეპატიჟო. ალბათ, როგორც გვიან დაპატიჟებულმა, ვიუკადრისე და უარი ვუთხარი. მაგრამ არ გამივიდა. უხერხულ მდგომარეობაში ჩამაყენეს და წამიყვანეს.

კანდელაკის გრძელ სუფრას შემოეხვივნენ სტუმრები. ვიდრე დასხდებოდნენ, რუდოლფმა გაავსო ჭიქა, ასწია მაღლა და, თქვა:

— Господа, прежде чем сесть, предлагаю выпить за здоровье Воронцова-Дашкова!

ყველამ გაავსო თავისი ჭიქა და ასწია მაღლა...

— Да здравствует Воронцов-Дашков! ура!.. — დაიძახა მაზრის უფროსმა ლინსტრომმა.

— Урааа!.. — გააგრძელა ყველამ და გამოსცალეს ჭიქა.

მომღერალთა გუნდმა „მრავალუამიერი“ შეასრულა. დაგსხედით. დაიწყო ჭამა და სმა. საამურად გუგუნებდა გუნდი. გაისმოდა სადღეგრძელოები, ალავერდები. ნაირ-ნაირი ყანწები გადადიოდა ჩინიდან ჩინზე; ჩემამდე ან სულ ბოლოს, ან სრულიად არ მოდიოდა. სუფრაზე რუდოლფის თითქმის პირდაპირ მოვხვდი, ცოტა განზე. ერთხელ გადმოიხარა ჩემკენ და შეეცადა უწყინარი და კანტიკუნტი კითხვებით გამოუტყუებინა ჩემთვის რაიმე, მაგრამ მეც მივხვდი; ბოლოს მითხრა: კარგი კაცია ჭიჭინაძე, რალაცეები მთხოვა, გავუკეთე, კურსების გახსნის ნებაც დაერთო და სხვ.

სადღეგრძელოები, სიმღერები გრძელდებოდა. იყო ცეკვა-თამაშიც... დაღამდა კიდეც, როცა დიასახლისმა სადღეგრძელოს თქმის ნება ითხოვა თამადისაგან და ახალი ყანწი აავსო.

— გრაფ ვარანცოვ-დაშკოვის მეუღლის, გრაფინიას სადღეგრძელოს მოგახსენებთ! — წარმოთქვა მან, ყანწიც გამოსცალა და რუდოლფთან გადავიდა ალავერდი. რუდოლფმაც სიამოვნებით დალია ეს სადღეგრძელო. და... შოულოდნელად ჩემთან გადმოვიდა ალავერდი, მე ყანწის გამოსართმევად მისი გამოშვერილი ხელისაქენ ხელი გავიწოდე და თანაც ვუთხარი:

— Благодарю!.. Только разрешите последовать Вашему примеру! (მას საესე ყანწი არ დაუღევია, არ შემძლიაო, თქვა, პატარა ქიქა ღვინო ჩაასხა ყანწში და ისე დალია. მეც ამას ვგულისხმობდი).

— Нет, нет, молодой человек! Вы, видно, во всем хороши, — так докажите, что и в этом годны! — მიპასუხა შეზარხოშებულმა რუდოლფმა.

ამ დროს მის გვერდით (მარცხნივ დიასახლისი უჯდა, მარჯვნივ — მაზრის უფროსი) წამოდგა ლინსტრომი, ხელში სავსე ბოთლი დაიკავა, ჩემკენ წამოვიდა სიმღერით: „Нико, Никко разбойнико, шени чириме...“ და გამივსო ყანწი.

მგონი, მთლად გამოცლილიც არ მქონდა ყანწი, წამოდგა რუდოლფი და ამით სუფრაც დაიშალა.

ეზოში ეტლები იდგნენ რუდოლფის მატარებლამდე — სამტრედიაზე წასაყვანად, გასაცილებლად.

რუდოლფი და ყველა სტუმარი ჩალაგდნენ ეტლებში. ბნელოდა. ბეუტავდა ეტლების ფარნები. ასე გამოვედით სამტრედია-ხონის შარაგზამდე. „ქარავანის“ წინა ეტლი მიუახლოვდა თუ არა შარაგზას, ერთბაშად განათდა „მთელი კვეყანა“ და საშინელი, დაუწყობელი და დაუსრულებელი ყვირილი გაისმა...

— Стойте! — ბაყბაყ დევისებური ხმით დაიყვირა შეხედულებით და აგებულებით თითქოს სუსტმა ლინსტრომმა და ხმალამოღებული ერთბაშად გადმოხტა რუდოლფის ეტლიდან.

თვალს დახამხამებაში მის წინ გაჩნდა კულაშის ბოქაული ფხაკაძე; წარუდგა საპატაკოდ, მაგრამ უკვე პატაკი საჭირო არ იყო, რადგან ერთბაშდ გაჩენილმა სინათლემ ყველას დაანახა, რომ ბოქაულს მეტისმეტად უერთგულებია: ყველა გლუხი და ებრაელი გამოუყვანია ოჯახებიდან, ჩაუმწკრივებია ისინი კულაშიდან სამტრედიაში (ოთხი კილომეტრის მანძილზე) შარაგზის ორივე მხარეზე, ჯოხებზე წამოცმული და ნავთში აწოვლებული სიმინდის „ნაქურჩალები“ დაუჭერინებია ხელში ამ „საპატიო ყარაულებისათვის“, თითოეული მათგანის გვერდით დაუყენებია ასანთიანი კაცი, რომელსაც ეტლების გამოჩენისათვის ასანთი უნდა გაეკრა, ანთო ნავთით გაქონთილი ნაქურჩალა და სხვებთან ერთად ეყვირა და ეყვირა: „ურაა“, „ურააა“, „ურააა“!

როცა გაერკვა საქმის ვითარებაში, საკმაოდ მთვრალმა მაზრის უფროსმა ლინსტრომმა „ხოროშოს“ თქმითა და ხარხარით ხმალი ქარქაშში ჩააგო, ისევ რუდოლოფთან ჩაჯდა ეტლში და „პროცესიატ“ დაიძრა... გიჟივით გარბოდნენ ეტლები უჩვეულოდ განათებულ გზაზე... კულაშიდან სამტრედიაში „ურას“ ძახილი არ შეწყვეტილა.

## 5

მეთოდურ-პედაგოგიური შინაარსის ლიტერატურის ინდივიდუალური და კოლექტიური კითხვა, წაკითხვის გარშემო აზრის გაცვლა-გამოცვლა, კამათი; სასწავლო თუ საღმრდლო ხასიათის საკითხების შესახებ მოხსენება-რეფერატების მოწყობა, ღია გაკვეთილების ორგანიზაცია, გაკვეთილის გარჩევაში მონაწილეობის მიღება და სხვა ღონისძიებანი სისტემატურად ტარდებოდა კულაშსა და სამტრედიაში.

თითოეული ჩვენგანი ემზადებოდა ხან მოხსენებისათვის, ხან კამათში მონაწილეობის მისაღებად. ხან ღია გაკვეთილის გადასაცემად და მუდამ მოძრაობასა და მუშაობაში იყო ტვინი. პასწავლებლის პირველ მცნებად და უპირველეს ღირსებად ვთვლიდით საგნისა და მისი გადაცემის ნაირნაირი ხერხების

ზედმიწევნით ცოდნას. ამას ემატებოდა სიყვარული, პასუხისმგებლობის გრძნობა, თავმოყვარეობა და სხვა ისეთი რამ, რაც სითბოსა და ცეცხლს აჩენდა მასწავლებლის გულში, მოსწავლეებში, თითოეულ ჯგუფში, კლასში, მთელ სასწავლებელში. მეტად ამით აიხსნებოდა უთუოდ ის დამაკმაყოფილებელი შედეგები, რასაც იძლეოდა ხოლმე ესოდენი მონდომება, სიყვარული და შეუწელებელი შრომა.

ორკლასიანი სასწავლებლის კურსდამთავრებული წერდა არა მარტო გარკვეული, ლამაზი ხელით, არამედ, იმავე დროს, თითქმის უშეცდომოდაც, ცხადია, მისი ასაკის შესაფერის მასალებს (როგორც მშობლიურ ენაზე, ისე რუსულად).

მე არ მოგახსენებთ გიმნაზიებისა და რეალური სასწავლებლების თუ სემინარიელი მოსწავლეების შესახებ, რომლებიც ჩინებულად ფლობდნენ ორ-სამ ენას, არამედ პირველდაწყებითი — ერთ და ორკლასიანი სკოლის მოსწავლეებზე, რომლებმაც თავისი ასაკის შესაფერისად საფუძვლიანად იცოდნენ ანგარიშიც, გეოგრაფიაც, ქართული ენაც და რუსულიც. რუსულის კარგად ცოდნის ახსნას თუ ვინმე შეეცდებოდა მარტო იმ გარემოებით, რომ ყველა საგანს რუსულად სწავლობდნენო, არითმეტიკის ცოდნას რითღა ავხსნიო?..

მთელი გულისყური სწავლისაკენ, მონდომება, სიყვარული, პასუხისმგებლობა, საგნისა და გადაცემის წესების საფუძვლიანად ცოდნა, ერთი სიტყვით, მასწავლებლის „ფორმაში“ ყოფნა, უეჭველია, მოსწავლეებს უხვ ცოდნასაც აძლევს და ბეჯით შრომასაც აჩვენებს.

გაკვეთილის გადაცემაში, ესე იგი სწავლებაში დახელოვნებისათვის „დიდი“ „პატარას“ ესწრებოდა გაკვეთილზე, „პატარა“ კი „დიდს“. ამ მხრივ როდი იგრძნობოდა უკადრისობა და კუდაბზიკობა იმათ შორის, ვინც გულწრფელად იყო დაინტერესებული საქმით. მრავალთაგან ერთ მაგალითს მოვიტან: ბესტუჟევის უმაღლეს კურსებზე სწავლობდა და ცხოვრობდა პეტერბურგში ლიდა ნესტორის ასული ჯაფარიძისა — მიქელაძის ქალი. თითქოს ყველაფერი უწყობდა მას ხელს იმისა-

თვის, რომ მალა-მალა ეფრინა ცაში და მიწაზე არ დაშვებულყო, მაგრამ, რადგან ის პედაგოგიური მოღვაწეობისათვის ემზადებოდა, პეტერბურგიდან დასასვენებლად ჩამოსული თავის სოფელ კულაშში, დროს არ ფლანგავდა, ნებართვას იღებდა ქუთაისის გუბერნიის სახალხო სკოლის დირექტორისაგან, რომ სისტემატურად დასწრებოდა დაწყებითი სკოლის მასწავლებლებს გაკვეთილებზე, და ცდილობდა, ცოტა რამ მაინც ესწავლა მათგან. ჯაფარიძე რამდენიმე მასწავლებელს ესტუმრა, კერძოდ ჩემს გაკვეთილზე თითქმის ყოველდღე იჯდა და რამდენიმე კვირა თავისთვის იწერდა ჩემ მიერ კლასისათვის დასმულ კითხვებსა და მოსწავლეთა პასუხებს. ეს გარემოება მეც მზრდიდა, როგორც მასწავლებელს, პასუხისმგებლობის გრძნობას მიორკეცებდა და მასაც, მეფის სატახტო ქალაქის მცხოვრებს, ბესტუჟევის ქალთა უმაღლესი კურსების სტუდენტს საჭირო ცოდნასა და პრაქტიკას აძლევდა; ბევრ რამეში თვალს უხელდა, ახელოვნებდა; „მწვერვალებიდან“ დაბლა, მიწაზე ჩამოფრენილი თავადის ქალი „კაძახებში“ იყო, სოფლის მოსწავლე გოგო-ბიჭებსა და მათ მასწავლებლებს აკვირდებოდა, საზრდოს ღებულობდა და იწაფებოდა. ამიტომაცაა დღეს ის (ლ. ნ. ჯაფარიძე) წელმაგარი მეთოდისტი საქართველოს სსრ პედაგოგიკურ მეცნიერებათა ინსტიტუტისა და ავტორი ბევრი საგულისხმო მეთოდურ-პედაგოგიური შინაარსის სტატიისა, ბროშურებისა და წიგნებისა. ცნობილია, რომ, ვისაც უნდა კარგი სარდალი იყოს, მან ჯერ ჯარისკაცის მძიმე გზა უნდა გაიაროს.

კულაშში ჩემს დროს ბევრი კარგი მასწავლებელი იყო; ყარამან ჩხეიძე (ხუთიოდე წლის წინათ გარდაიცვალა 101 წლის ასაკში), მარია იურასოვა, პესა რამიშვილი, ივანე კაციტაძე, ისაკ ნუცუბაძე, ივანე სანებლიძე, ვასო მამაგვიშვილი, მელიტონ კუხალიშვილი, ვერა შენგელია, მიხეილ პატარიძე, სტეფანე ჩხენკელი, აპოლონ მიქელაძე, პაპავა და სხვები, დაახლოებით 25-30 კაცი. ხშირი იყო ღია გაკვეთილების გადაცემა-გარჩევა, უნარისა და გამოცდილების ურთიერთგაზიარება.

პედაგოგიურ მუშაობასა და ჟურნალ-გაზეთებში მონაწილეობასთან ერთად, საქველმოქმედო მიზნით ემონაწილეობდი წარმოდგენებში, რომელთაც ვდგამდით ხონში, ნაოღალევეში, კულაშში, სამტრედიისში, მათხოჯში და სხვადასხვა დაბასოფელში.

სიამაყის გრძნობით უნდა გავიხსენო, რომ ზოგჯერ თამაში მიხდებოდა ჩვენი სცენის ისეთ ჯადოქართან ერთად, როგორიც იყო ლადო მესხიშვილი. ხშირად როლები მომიმზადებია ნიჭიერი რეჟისორისა და დრამატურგის ვალერიან შალიკაშვილისა და ნიკო გვარამის ხელმძღვანელობით.

იმ დროს ქართველი კაცი, რომელიც კულტურის ამა თუ იმ ფრონტზე მუშაობდა, მორალურად ვალდებული იყო სხვა დარგებშიც, მათ შორის თეატრშიც, ემუშავა, ერთი აგური მიეტანა, რადგან მეფის ხელისუფლება სრულიადაც არ ზრუნავდა, რომ ხელი შეეწყო ქართული კულტურული ცხოვრების აღორძინება-განვითარებისათვის. თეატრი, ჟურნალ-გაზეთები და სხვა კერძო ინიციატივით თუ იარსებებდა! ვინც დაინტერესდება და შეადარებს თეატრში მუშაობის ახლანდელ პირობებს იმას, რაც იყო ცარიზმის დროს, განცვიფრდება, — გაუკვირდება, როგორ ახერხებდნენ ქართული სცენისმოყვარულნი თავისი საყვარელი საქმე მიწაზე არ დაეგდოთ.

ბიბლოთეკის დასახმარებლად თუ ღარიბი მოწაფის სასარგებლოდ ხშირად ვაწყობდით ხოლმე წარმოდგენას, საღამოს, ალეგრა-ლატარიას, ფინჯან-ჩაის, სეირნობას. კერძოდ, სოფ. კულაშში, სადაც ოცი წლისამ დავიწყე მუშაობა, ჩემი რეჟისორობით დადგმულ აკაკი წერეთლის „პატარა კახში“ (პირადად „პატარა კახს“ ვთამაშობდი) პროფესიული მსახიობებიც იღებდნენ მონაწილეობას (მაგალითად, გელას როლს მსახიობი გრ. ჩარკვიანი ასრულებდა, დეკორაცია და კოსტუმები ქუთაისის თეატრიდან ჩამოვიტანეთ).

1910 წლის ზაფხულში კულაშის ჯვარცმის ეკლესიაში ჯვარი დავიწერე ცობო (იგივე მარიაშ) ვიქტორის ასულ მიქელაძის ქალზე. მაშინ ის 16 წლისა იყო, მე — 21 წლისა. მას შემდეგ თითქმის ნახევარი საუკუნე გავიდა, ლამისაა მალე ჩვენი შვილიშვილები გახდებიან იმ ხნისანი, რომლისაც ჩვენ მაშინ ვიყავით, მაგრამ მაინც გუშინდელ დღესავით მახსოვს იმ დღეების სცენები:

— ბევრი შვილი რომ მყავდეს, მაშინ თავს დავინუგეშებდი; ვატყოდი, მართალია, ეს ერთი შვილი გელუბება, მაგრამ დანარჩენებს იქნებ კარგი ბედი შეხვდეს და თავს ნუ მოიკლავ-მეთქი! როგორც მოგეხსენებათ, ამ 16 წლის გვრიტას მეტი მე არც ქალი მყავს და არც ვაჟი! და იმას მიჩვევთ, რომ ჩემი ერთადერთი ცობო, დედითაც თავადი და მამითაც თავადი, „კაძახს“ გავატანო ცოლად? მომკალით, ბარელამც, მომკალით!“ — იფოფრებოდა ჩემი სასიღედრო, კნენა ელისაბედ მიქელაძისა, ბახვა ჩიჩუას ასული.

— ჩემი ვარლამისთანა ნასწავლი და ჭკვიანი დედამიწაზე მეორე არ დაიარება. მე ვფიქრობდი, ნიკოლოზ ხელმწიფეს შევეუთვლი, შენი ქალიშვილი (ოღლა ჰქვია თუ ქსენია) რძლად გამომატანე, ვარლამის საცოლედ მინდა-მეთქი; ის არ მეტყოდა უარს, ახლა კი ვილაცა ჩიჩია თავადიშვილი უკავებს ქალს ჩემს ვარლამს?! — ცხარობდა დედაჩემი ფოტინე ძიძიგურისა, ივანე ხელაიას ასული.

— ძიძიგურს რას ვერჩი! ჩემს ქალიშვილს უნდა ვკითხო: „მიფსებს“ თვალს თუ არა?! — სასოწარკვეთილებით წამოიძახა თურმე ჩემმა სასიამაშრომ, თავადმა ვიქტორ როსტომის-ძე მიქელაძემ.

— თუ გავთხოვდები — ვარლამს წავყვები, თუ არა და არასოდეს არ გავთხოვდები და სულ სახლში ვიჯდები, — ცრემლებით უთქვამს თავისი მშობლებისათვის მოკეთებებისაგან წინასწარ დარიგებულ ცობოს.

— კარგად რომ დაუკვირდეს კაცი, მასწავლებელი ზოგერთ თავადზე მეტია და არა ნაკლები! რამდენი თავადი ვიცი ისეთი, რომ უქნარაა, ზნედაცემული, საპყარია და გლახა! არავითარი პირადი ღირსება მათ არ გააჩნიათ, ორ ბატს არ მიაბარებ! ოდესღაც მათ ერთ-ერთ წინაპარს მიუღია თავადობა, (შეიძლება ის მართლა კარგი კაცი იყო) და მას შემდეგ მის შთამომავლობას კარგი დაებადება თუ გლახა, „ფარსადანი“ იქნება ის თუ „რაქდენი“ (ამას არ არჩევს), ყველა თავადია! მასწავლებელი სულ სხვაა: იმას თუ პირადი ღირსება არ ჰქონოდა, იმას თუ ნიჭი არ ჰქონოდა და ბეჯითიც არ ყოფილიყო, იმდენ ცოდნას ვერ შეიძენდა, რომ მასწავლებელი გამხდარიყო. მასწავლებელი შემკობილია პირადი ღირსებით, თვითონ ხომ ნასწავლია, სხვებსაც აძლევს ცოდნას და ანათლებს, ზრდის მომავალ თაობას! მასწავლებელი თავისი პირადი ღირსებებით თავადსა და აზნაურზე მაღლა დგას, ჰაი გიდი, დროს რა ვუთხრა თუ არა, ამ თავადების ხელწამოსაკრავია ვარლამ მასწავლებელი?! — ანალიზს უკეთებდნენ ვითარებას და აკრიტიკებდნენ რეჟიმს სტურუა და ახობაძე.

— მაგ საქმე რომ მოხდეს, შიგ ეკლესიაში, შუა ჯვრის წერის დროს გავლახავ იმ მამაძალ ძიძიგურს, — იჭაჭებოდნენ ანდრია და რაქდენ მიქელაძეები.

— ვენაცვალე იმ „უჩიტელს“! ქე არ გააჩერა ეს არამკითხეები და ქე არ გაასწორა მთა და ბარი? — ყურში ეუბნებოდა მასწავლებელს დანიელა ურია (კულაშელი ებრაელი) ქორწილის მეორე დღეს.

ქორწილის მეორე დღეს თოფებისა და რევოლვერების სროლაც იყო ვიქტორ მიქელაძის ეზოში, მაგრამ არა მტერ-მოყვარეთა, ან წოდებათა შორის. — არა! ეკლესიამ, საკმელ-სასმელმა და ქეიფმა ყველა გააერთიანა. გუშინდელ მოწინააღმდეგეთა და გუშინდელ მომხრეთა პოზიცია დღეს ერთი იყო: „შესაფერისი არიან ერთმანეთისაო“.

მასპინძლის შუა ეზოში მდგარ ხეს შაურჩიანისოდენა ქერ-ქი ამოქრეს და სახლის აივნოდან დაიწყეს იმ ნიშანში თოფე-



ბითა და რევოლუციებით სროლა, მაგრამ ამოდ: ოფიცერი, განთქმული მონადირე, უბრალო გიმნაზიელი, ქალი და კაცი ერთმანეთს ეჯიბრებოდნენ, სანაძლეოსაც სდებდნენ, მაგრამ ნიშანში ვერავინ მოარტყა.

— სიძე, სიძე! აბა, სიძემ სცადოს ბედი! — დაიძახა ვი-  
დაცამ. ყველამ მას მისცა ბანი და მომცვივდნენ: „ძალიან  
გთხოვთ, ნიშანში ისროლოთ“. (ახლა უნდა გამოვტყუდე,  
რომ ჩემს სიცოცხლეში რევოლვერი და თოფი ხელში ერთ-  
ხელ მეტად არ მქერია: 11-12 წლისა ვიქნებოდი, როცა  
ქალაში ერთმა დიდმა ბიჭმა მომცა ხელში რევოლვერი და  
მითხრა: „ასწიე მალლა, აი აქ თითი გამოკარი და გავარდე-  
ბაო!“ მეც ავწიე მალლა, თითიც გამოკარი, მაგრამ, რადგან  
არ გავარდა, ხელი დაბლა დავუშვი. მთლად ძირს არ მქონდა  
დაშვებული ხელი, როცა რევოლვერი მოულოდნელად გა-  
ვარდა და მეც შიშისაგან მიწაზე გავითხლაშე. მას შემდეგ  
და არც მანამდე მე სასროლი იარაღი ხელში არ მქერია).  
„სიძე, სიძეო“, — არ მეშვებოდნენ მაყრები და დამხდურები.  
მე წინასწარ ვიცოდი, რა თქმა უნდა, რომ ნიშანში ვერ მო-  
ვარტყამდი; მაგრამ ეს სასირცხვოდაც არ მიმაჩნდა, რადგან  
საუკეთესო მსროლელებმაც კი ვერ მოარტყეს; მე იმიტომ ვი-  
ნაზებოდი, რომ მეშინოდა: ვაითუ წავეიქცე, ან ცუდად გავხდე,  
როცა თითს გამოვკრავ-მეთქი, მაგრამ, რადგან გამოსავალი არ  
იყო, მოვიკრიბე ძალ-ლონე, ხელში მოჩეჩებულ რევოლვერს  
აივნის მოაჯირზე დავუდღევი თავი, ვითომ დავუმიზნე კიდეც  
და თითიც გამოვკარი (თითის გამოკვრის დროს უნებლიეთ სა-  
ხე უკნისაკენ მოვიბრუნე). გავარდა!.. ნიშნისაკენ გაიქცნენ შე-  
სამოწმებლად. და, ჰოი, საკვირველებავ: ჩემი გასროლილი  
ტყვია ნიშანს შიგ უშაგულში მოხვედროდა!

9

1911 წლის 1 სექტემბრიდან მომაცილეს ჩემს პირველ  
სამუშაო ადგილს, კულაშს, და გადამიყვანეს იმ დროს სენა-  
კის მაზრის სოფ. გორდის ორკლასიანი სასწავლებლის გამ-  
გედ. ნორმალურ ორკლასიანსა და ჩვეულებრივ ორკლასიან

სასწავლებელს შორის განსხვავება იყო სასწავლო გეგმებსა და პროგრამებშიც. ეგრეთწოდებული ნორმალური ორკლასიანი სასწავლებელი მეტ ცოდნას აძლევდა ბავშვებს, ვიდრე ჩვეულებრივი ორკლასიანი სასწავლებელი, და ეს, მიუხედავად იმისა, რომ ორივე სკოლაში ხუთ-ხუთ წელიწადს სწავლობდნენ. ეს არც გასაკვირველი იყო, რადგან ნორმალურ სასწავლებელს ხუთი მასწავლებელი ჰყავდა (მასწავლებელი ერთ განყოფილებას ასწავლიდა), ხოლო ჩვეულებრივ ორკლასიან სასწავლებელს — ორი მასწავლებელი: ერთი ასწავლიდა სამ განყოფილებას (1 — 2 — 3), მეორე — ორ განყოფილებას (4—5).

კულაში უფრო შორს იყო ჩემი მშობლიური სოფლიდან, ვიდრე გორდი, მაგრამ კულაშისაკენ მიმავალ ტრანსპორტი უფრო ადვილი საშოვარი იყო, ვიდრე გორდისაკენ. ამ უკანასკნელში დილიყანი და ეტლი, გარდა ცხენისა, ვერც კი შედიოდა. მათხოჯიდან გორდამდე გასავლელი გზის (სულ 12 კმ) ნახევარი, „ბუმბუას“ ხილამდე, შეგეძლოთ გემგზავრათ დილიყნით ან ეტლით, ხოლო მეორე ნახევარი, ბუმბუას“ ხილიდან გორდამდე, — ცხენით ან ფეხით.

1911 წლის 25 აგვისტოს ახალშერთული მეუღლითა და ერთი თვის ბავშვით — შოთათი — „ბუმბუას“ ხიდის გავლით გორდში ჩავბარგდი.

## 10

მშვენიერი რამ იყო გორდში დადიანის სასახლე, ფიჭვნაძენართ დაბურული უზარმაზარი ეზო. კიშკრიდან სასახლემდე მიმავალი გრძელი გზა-ხეივანი, გზის მარჯვნივ და მარცხნივ ჩამწყრივებული ერთი ზომის ნაძვის ხეები. ეზოში ბაღები, საყვავილეები, მოსამსახურეთა საცხოვრებელი ბინები, საჯინიბოები, სამზარეულოები, სასახლის ეკლესია და სხვ. სასახლე დიდი გემოვნებით იყო გაკეთებული, ერთი ოთახი მეორეს ეჯობებოდა სიკოხტავესა და სილამაზეში, ერთ-ერთი დარბაზის (საეშმაკო თუ გასართობი დარბაზის) ყველა

კედელი სარკე იყო. ბევრი რამ მომისმენია დადიანის აღვირახსნილი ცხოვრებისა და, კერძოდ, ამ დარბაზში ქალებთან მის მიერ გატარებული დროისა და იმის შესახებ, თუ რამდენ აზნაურისა და გლეხის ლამაზ ქალს დაუტოვებია იქ თავისი სიქალწულე.

ვინ უჩივლებდა დადიანს? ვინ მოსთხოვდა მას პასუხს? უმდაბლესი მოხელე ჩაფარი („სტრაჟნიკი“) მისი იყო და „უმალლესი“ ზბრძანებელი — იმპერატორიც მას მეგობრობდა.

ერთხელ (1889 თუ 1890 წ.) იმპერატორ ალექსანდრე III-ის ახლო ნათესაეები, დიდი მთავრები, რომანოვები სტუმრებია პეტერბურგიდან გორდში დადიანს. ერთი კვირა თუ ათი დღე გაუტარებიათ „უმალლეს“ სტუმრებს „მალალ“ მასპინძელთან ნადირობასა და ნადიმებში. და როცა დამტკბარნი და ნასიამოვნები სტუმრები გორდიდან ბრუნდებოდნენ პეტერბურგს, გზად გავლისას სოფელ მათხოჯში იმ დროს მდიდარ გიგო ფირცხალავას ოჯახში მიუერთმევიათ „ჩაი“ დიდ მთავრებს. გამდიდრებულ „გააზნაურებულ“ მდაბიოს გიგო ფირცხალავას მშვენიერი სასახლის მშენებლობა ახალი დამთავრებული ყოფილა მაშინ. მდიდარ კაცს არაფერი აკლდა და რა გასაკვირველია, რომ მის სახლში იმპერატორის ძმისშვილებმა თუ ბიძაშვილებმა ისაუზმეს. სასაცილოდ მხოლოდ ისღა დარჩენიათ ჩემს სოფლელებს, რომ სტუმრების საჩვენებლად ფირცხალავას „რამდენიმე საათით ცოლი გამოუცვლია“ (მათხოჯის ულამაზესი ქალი, მალალა, ახოვანი, იშვიათი შეხედულების, კლასიკური ქართული სახის მქონე, ჩიხტა-კოპში და მდიდრულ ქართულ კაბაში გამოწყობილი, ელისაბედ ჩიმაკაძისა-მოგელაძის ქალი „უნათხოვრებია“ ცოტა ხნით: თავის მეუღლედ გაუსაღებია „უმალლეს სტუმრებში“ მასპინძელზე კარგი შთაბეჭდილების შექმნის მიზნით).

„დიასახლისმა“ ელისაბედმა მიიღო „თავის“ სახლში უმალლესი სტუმრები, ხელმწიფის ოჯახის წევრები და „ჩა-

ით“ გაუმასპინძლდა. სტუმრები მოხიბლულან გლეხის ესოდენი სიმდიდრით, მისი კარ-მიდამოს სილამაზით, ვეებერთელა სასახლით, სიუხვით და, რაც მთავარია, დიასახლისის ესოდენი სიღარბაისლით, კოხტა ჩაცმულობით, კლასიკური სილამაზით, მომხიბლავი ქცევითა და ქებული ქართული სტუმართმოყვარეობით.

11

გორდის სასწავლებლისათვის შენობა გლეხებს აეგოთ თავიანთი ოფლით, შრომითა და ფულით, ამიტომ გლეხები თავიანთი შენობისათვის სწავლის ფულს ახდევინებდნენ აზნაურებსა და სასულიერო წოდების პირებს (ჩიქოვანებს, კუხალეიშვილებსა და სხვ.), რომლებიც კი მოისურვებდნენ თავიანთი შვილები გორდის ორკლასიან სასწავლებელში მიეზარებინათ სწავლის მისაღებად (სხვა გზა არც ჰქონდათ). აზნაურთაგან შემოსული სწავლის ფული სასწავლებელსავე ზმარდებოდა შენობის შეკეთებისა, გაფართოებისა თუ სხვა სამეურნეო ხარჯებისათვის.

სკოლის დარაჯ-დამლაგებლის ჯამაგირს კი გორდის საზოგადოება იხდიდა. დარაჯსაც საზოგადოება ქირაობდა საჯარო შეჯიბრებით (ვაქრობით), სახელდობრ ასე: გორდის მამასახლისი გამოაცხადებდა საზოგადოების კრებაზე: — დასაქირავებელია სკოლისათვის დარაჯ-დამლაგებელი ერთი წლით. ვის სურს იმუშაოს ამ თანამდებობაზე და რა თანხას თხოულობს წლის განმავლობაში?

— მე ვიმუშავებ სამას მანეთად წელიწადში! — დაიძახებდა ერთი დამსწრეთაგანი.

— მე 290 მანეთად დავდგები! — დაიძახებდა მეორე.

— მე 280 მანეთად! — ეჯიბრებოდა მესამე

— 200 მანეთად! — ერთბაშად ჩამოხტებოდა მეოთხე.

— მე 150 მანეთად! — უკლებდა მეხუთე.

— მე 100 მანეთად! — დაიძახებდა გაკირვებული.

— მე 80 მანეთად!.. წამოიძახებდა გლახაკი!..

— იყავი, იყავი, შენ იყავი! — შესძახებდა ყველა, რადგან

შემცილებელი არსაიდან ჩანდა. ამგვარად, ასეთი საჯარო ფასდაკლების გამო სკოლას ყველაზე უფრო უზნარო, გლახა და დავრდომილი კაცი ჰყავდა დარაჯ-დამლაგებლად. ვინც ცოტას სჯერდებოდა, საზოგადოებაც იმას აიყვანდა, რადგან გადასახადი ცოტა ექნებოდა.

გორდის ორკლასიან სკოლაში ორი მასწავლებელი იყო — საერთო წესის მიხედვით.

ორ განყოფილებასთან ერთდროულად მეცადინეობა ძნელია, სამ განყოფილებასთან ხომ კიდევ უფრო ძნელი, შედეგიც შედარებით დაბალი. შევეცადე, მასწავლებელთა რიცხვი გამედიდებინა გორდის ორკლასიან სკოლაში. მართალია, ჩვეულებრივ ორკლასიან სასწავლებელს, როგორც წესი, სულ ორი მასწავლებელი ჰყავდა, მაგრამ გამონაკლის შემთხვევებსაც ჰქონდა ადგილი, როცა მოსწავლეთა რიცხვი ნორმაზე ბევრად მეტი იყო ამა თუ იმ დასახლებულ პუნქტში, ანდა, თუ მოსახლეობა კისრულობდა ზედმეტი მასწავლებლის მოწვევით გამოწვეული ხარჯების მთლიანად ან ნაწილობრივ გადახდას. გორდში მისვლისთანავე ორივე მიმართულებით დავიწყე მუშაობა. სწავლის მსურველი ბევრი აღმოჩნდა, მაგრამ მასწავლებლის მთელი ჯამაგირის ან მისი ნაწილის გადახდის მსურველი ერთობ მცირე იყო. ამიტომ მივმართე სხვა საშუალებას. დავითანხმე ორივე დაინტერესებული მხარე (გლეხობა და აზნაურობა), რათა ისინი გაერთიანებულიყვნენ სკოლის შენობის მფლობელობის საქმეში. ამისათვის კი ყოველ აზნაურსა და სასულიერო პირს ერთდროულად უნდა გადაეხადა იმდენი თანხა, რამდენიც თითოეულ გლეხს დაუჯდა (შრომით და ფულით) სასკოლო შენობის აგება; სამაგიეროდ, იმ სკოლაში სწავლის უფლებისათვის გადასახადისაგან თავისუფალი იქნებოდა მათი ძე და მომავალი.

პარალელურად დავითანხმე სკოლების საგუბერნიო და სამაზრო დირექცია, რომ მთავრობა გორდის ორკლასიანი სასწავლებლის ყოველ განყოფილებას დაუნიშნავდა თითო მასწავლებელს, თუ აზნაურებისა და სასულიერო წოდების

პირთაგან შემოტანილი სკოლის შენობის საფასური თანხა მთლიანად ხაზინის „დეპოზიტში“ შევიდოდა. ფული შეიკრიბა, ნაწილი თამასუქების ხაზით, სამაგიეროდ, ჩიქოვანებსა და კუხალეიშვილებს მიეცათ სახალხო სკოლის სამაზრო ინსპექტორისა და ჩემი (როგორც გორდის ორკლასიანი სკოლის გამგისა და, იმავე დროს, საზოგადოების რწმუნებულის) ხელმოწერილი და ბეჭედდასმული, საგანგებოდ დაბეჭდილი „სიგელ-გურჯები“, მოწმობები, რომელშიც აღნიშნული იყო, რომ ესა და ეს აზნაური თუ სასულიერო პირი, რომელმაც სათანადო თანხა ფულით, ნატურით თუ თამასუქით გადაიხადა, გათანაბრებულია გლეხებთან გორდის ორკლასიანი სასწავლებლის შენობის პატრონობის საქმეში და ამიერიდან მისი „ძე და მომავალიც“ განთავისუფლებულია ამ სკოლაში სწავლის დროს შენობის ქირის გადასახადისაგან.

დაგვინიშნეს მასწავლებელი. ასე რომ, ნაცვლად ორი კაცისა, 1911-1912 სასწავლო წელს, როცა მე გორდის ორკლასიანი სასწავლებლის გამგე-მასწავლებელი ვიყავი, ჩემს გარდა მასწავლებლობდნენ: გრიგოლ უგულავა, გუგული (ანა) ევანია, ნესტორ თოდუა და რომანოზ ჩიხლაძე.

## VIII

### **მუშაობა ზემო სვანეთში (მულახი), ლეჩხუმში (ცაგერი), იმერეთსა (ხონი, კულაში) აჭარაში (ქალაქი ართვინი)**

#### 1

ხანმოკლე შეიქნა ჩემი მუშაობა გორდში, — სულ ერთი სასწავლო წელი (1911 წლის სექტემბრიდან 1912 წლის სექტემბრამდე), მაგრამ ნერვული, საქმიანი და შინაარსიანი. გავკადნიერდები და მეტსაც ვიტყვი, რადგან ახლა ამას ტრახახად არავინ ჩამომართმევს: ვშფოთავდი, მოუსვენარი ვიყავი, ვმუშაობდი ახალგაზრდული გატაცებით, ყველა მიყვარდა; ყველა მასწავლებელი, როგორც ერთი დედ-მამის შვილები, ისე ვიყავით, იღუპა გვიტაცებდა. ანგარებასა და შურიანობას ადგილი არ ჰქონია. გვიყვარდა საქმე, ერთმანეთი და საზოგადოება... ამიტომ შეიძლება იმათაც (ბავშვებს, კოლეგებს, საზოგადოებას), მაგრამ მე ჩემს თავზე მოგახსენებთ, რომ ძლიერ დამწყდა გული გორდიდან მალე წამოსვლის გამო. დღესაც ტკბილად ვიგონებ იქ ყოფნას. ასეა თურმე: „რაც ერთხელ ცხოვლად გულს დააჩნდების, საშვილი-შვილოდ გარდაიცემის“...

გორდიდან მე სხვაგან ძალით არავის გადაუყვანივარ, პირიქით: ერთგვარი იღუპებითა და მისწრაფებებით გატაცე-

ბულმა, რომ მემსახურა იმ კუთხეში, სადაც ხალხს ყველაზე უფრო უჭირდა, — თვითონ შევიტანე განცხადება, რომ სამუშაოდ სვანეთის ერთ-ერთ სკოლაში გავეგზავნეთ. ასეთი ნაბიჯის გადადგმისათვის ბიძგს მაძლევდა ის გარემოებაც, რომ გაგონილი მქონდა: არა ერთმა და ორმა ნიჭიერმა და გამოჩენილმა მასწავლებელმა და მოღვაწემ (ყიფშიძემ, კვაჭაძემ, ჩიმაკაძემ, ჯუღელმა, ძიმისტარაშვილმა და სხვებმა) რკინიგზის სადგურების ახლომახლო და სასეირო თუ სასიამოვნო ადგილებში ადვილად და იოლად ცხოვრება-მუშაობას, მივარდნილ კუთხეში, უგზო-უკვლო ადგილას, მთებში ჩაჭვდილ სვანეთის სოფლებში მუშაობა არჩიესო; ჩვენს ქვეყანას სწორედ ეს სჭირდებაო და სხვა მისთანანი.

გადიოდა დრო. ახალი (1912 — 1913) სასწავლო წლის დასაწყისი ახლოვდებოდა; პირველი სექტემბერი, რომ იტყვიან, კარზე მოგვადგა და მე ჯერ კიდევ არ ვიცოდი: ისევ გორდში ვიმუშავებდი, ძველს სენაკში თუ ზედა სვანეთში. მგონი, 25 თუ 26 აგვისტოს ჩავედი ქუთაისს ამ საკითხის გასარკვევად და იქ გავიგე, რომ კავკასიის სასწავლო ოლქის უფროსმა რუდოლფმა არ დაამტკიცა სასკოლო კომიტეტის დადგენილების საფუძველზე ქართველთა შორის წერა-კითხვის გამავრცელებელი საზოგადოების მიერ წარდგენილი ჩემი კანდიდატურა ძველი სენაკის სათავადაზნაურო (ქართული) სკოლის გამგე-ინსპექტორის თანამდებობაზე. დაუმტკიცებლობის ოფიციალურ მიზეზად დამისახელეს ის, რომ მე, როგორც სემინარიელს, შესრულებული არ მქონდა სამინისტრო სკოლებში სავალდებულო სამსახურის ოთხი წელი. იქვე მითხრეს აგრეთვე, რომ მე, თანახმად ჩემი აღრინდელი განცხადებისა, გადაყვანილი ვარ სამუშაოდ ზემო სვანეთში.

2

1912 წლის 1 სექტემბრისათვის მე უკვე ზემო სვანეთში ვიყავი და ჩემდამი რწმუნებული სკოლის გამგის მოვალეობას შეეკუდეთი. იმისათვის, რომ შედარებით ზუსტი და ნათელი წარმოდგენა შეექმნეს წინამდებარე „მოგონებების“ პატივცემულ მკითხველს იმდროინდელ სვანეთზე, აქვე მოვი-



ტან ჩემს შთაბეჭდილებებს, რომელნიც სვანეთში ყოფნის დროს დავწერე და „ვარლამ იმერელის“ ფსევდონიმით გამოვაქვეყნე გაზეთში:

„სვანეთი!.. ჩვენში ვის არ გაუგონია ამ ზღაპრული ქვეყნის სახელი, ყოფნით კი საზღვარგარეთიდან ბევრი და ქართლ-კახეთ-იმერეთ-გურია-ოდისიდან კი ძლიერ ცოტა ყოფილა ამ დევ-გმირთა ქვეყანაში... უცხოელთა პრესაში ბევრი რამ დაწერილა ამ ველურ, მაგრამ ტურფა მხარის შესახებ... ქართული ჟურნალ-გაზეთები კი იშვიათად მოიცლიან სვანეთისათვის... და თუ სვანები ქართველთა ტომისანი არიან, მაშინ ხომ ქართველს დანაშაულად უნდა ჩაეთვალოს ამ უმშვენიერესი, არწივთა საბუდარი კუთხის უნახაობა. როგორ გაუძლოს ქართველსა გულმა და არ ნახოს მიუვალ ტიტველ კლდეზე მომხიბვლელი ტაძარი, რომლის წიადში სვანის რწმენით დიდი თამარ მეფე განისვენებსო. ეს მიუკარები ადგილი კარგად აქვს აწერილი აკაკი სვანს: <sup>1</sup>

.....ობოლ სოფლებში თეთრ კოშკთა რაზმი  
გასცქერის არეს მარად მწუხარი,  
იქ ერთ მიუვალ პიტალო კლდეზე  
ამართულია ტურფა ტაძარი,

სად ვერ ასულა ღღეს ვერა კაცო  
და მღუმარება მეფობს საზარი...

ხალხის თქმულებით მის ზღუდეთ შორის  
აწ განისვენებს დიდი თამარი“.

შემდეგ ავტორი აღწერს ღამეს, „ოდეს საზარლად ცა დაიქექებს, ღამის წყვდიადი გაშლის თავის ფრთებს“, იგრი-

---

<sup>1</sup> „აკაკი სვანი“ ფსევდონიმი იყო აკაკი დარისპანის ძე მარგიანის — პოეტ რევაზ მარგიანის მამისა.

ლებს მეხი, გაანათებს „ცამდი ამართულს თოვლით მოსილ მთებს“ და, როცა ბღავილს მორთავს გაცოფებული ენგური, —

მაშინ საფლავით ადგება თამარ,  
თვალს აელებს თავის საქართველოსა,  
მარგალიტ ცრემლით ზეცას ავედრებს  
მის სისხლით მორწყულ ტურფა მდელოსა“!..

მაშინ კი, როცა:

„თამარი ისევ საფლავს ესწრაფვის.  
ცაში ზარს დაკვირენ შუა ღამისასა“...  
...ხალხს სწამს: რომ ოდეს თამარ არ შთავა  
ბნელ სამარეში შუა ღამისას  
და ხელთ აპყრობილ მოუცთვის ვარსკვლავს  
მახარობელსა განთიადისას, —  
მაშინ დადგება დრო სანეტარო,  
კვლავ განთიადი გაშლის სხივთა ფრთებს,  
ახალ ცხოვრების შუქი მოხვდება  
სვანეთის მწუხარ და მღუმარე მთებს...!“

სვანეთი ორ უმთავრეს ნაწილად იყოფა: ქვედა, ანუ სადა-  
დიანო, და ზედა სვანეთი... უკანასკნელი იყოფა სადადეშქე-  
ლიანო და თავისუფალ სვანეთად... საერთოდ სვანეთი თვალ-  
უწვდენელი მთების ქვეყანაა. ჩრდილოეთით მას საზღვრავს  
კავკასიონის ქედი, რომელიც მთელი თავისი სიმაღლით აქ  
გადმოწოლილა, თითქო აქაურ მთებს ეჩემებოდეს სიმაღლე-  
ში... როგორც გამორკვეულია, ზოგან აქ ოთხი ვერსის სიმაღ-  
ლის მთებია. ლატფარიდან (9000 ფუტია) კარგად მოჩანს  
იალბუზი, ანუ, როგორც ადგილობრივი ეძახიან, მინგი-ტაუ-  
(18.525 ფუტ.), დიხ-ტაუ (16.925 ფუტ.), კაშტან-ტაუ —  
(17.091 ფუტ.) და ფასის მთა... ამ მთების საუცხოო სანა-  
ხაობა შორიდან ხიბლავს კაცს.. მყინვარიც რომ აქ იყოს,

მაშინ ხომ რალა შეედრება! კავკასიის ქედის ბუმბერაზ ოჯახის ყველა წევრის ერთად ხილვა ხომ წარმტაცი სანახაობა იქნება!.. ფიჭვ-ნაძვნართ დაბურული ბუმბერაზი მთები და თოვლით ფენილი უზარმაზარი კლდეები, რასაკვირველია, კარგ ჰაერს აყენებენ მთელ სვანეთში... ამას რომ მივუმატოთ ხშირი ანკარა წყაროები და მკურნავი მკავე წყლები, ადვილად დარწმუნდებით, რომ ზაფხულში სვანეთი ელემია ამქვეყნიური...



თვალ-ტანად სვანი კარგი შესახედავია. ძალაც ერჩის, იარაღის მოხმარების ღმერთია... ზოგი მათგანი ჩვენს ზღარულ გმირებს მოგაგონებს... სურათებით თუ მსგავსების აღმოჩენა შეიძლება სვანებში, განსაკუთრებით თავადებში. ბევრს ნახავთ რუსთველის ტიპურ ავთანდილს, ტარიელს, თინათინს, ნესტანს... უხერხულია მათი დასახელება და, ვისაც თავისი თვალთ უნახავს ისინი, ვისაც მე ვგულისხმობ, უეჭველია, ესიამოვნებოდა ძველი ლომ-გული ქართველის ტიპის შენარჩუნება... თუმცა ვილაც ტეპკოვი ამტკიცებს (იხ. Сборник материалов для описания местностей и племен Кавказа, стр. 42) — „უშუკულელი (საზოგადოების სახელია) შავ თვალ-წარბა, წვრილი, მოყვანილი, მარდი და პოეტიკა სულით; მესტიელი ნამდვილ იაროსლავის გუბერნიის მცხოვრებს მოგაგონებს: ისეთივე ოქროს ფერი ფართე წვერი, მუდამ მოცინარი და ცოცხალი თვალები; მულახელი — ნამდვილი მოლოროსია, არათუ შეხედულობით, არამედ ზნე-ჩვეულებით, ხასიათითაც; ლახამულეები — ებრაელთა ტიპის არიან; ჩუბეხეველი — ნაწილი ჩაჩნისა და ნაწილი თათრის ტიპისაა. ეწერლებს შეუნახავთ ნამდვილი ქართველების ტიპი.. ასე რომ სვანის ორიგინალური ტიპი მითიაო, იგივე

ტეპცოვი ამბობს (იხ. იქვე 49 გვ.) „სვანების გვარი იძლევა საბუთს ვიფიქროთ, რომ ისინი ქართველების შთამომავლობისანი არიანო“.



ზედა სვანეთსა და იმერეთს შორის ისეთი უზარმაზარი ლატფარის მთებია დაწოლილი, რომ კაცს ქრუანტელს გვრის... გადასვლა ლატფარზე შეიძლება მხოლოდ მაშინ, როცა იგი კარგ გუნებაზეა: მაშინ კარგი სანახავიცაა, მომხიბვლელაა... ასეთი დროა მხოლოდ ზაფხულის ორი-სამი თვე, დანარჩენ დროს კი ლატფარი მოლუშულია, — სასტიკი... თეთრ საბანში გახვეული იგი არ გადაგიშვებს გადაღმა, რაგინდ სატრფოც გეგულებოდეს იქ და რა გასაჭირიც არ უნდა გქონდეს. თუ ურჩობას გაუწევ და გაბედავ გადასვლას, — აგიცრემლიანებს სატრფოს, სამუდამოდ დაუკარგავს მას შენს ნახვას... ასეთია ლატფარი, საშიშია მასთან ხუმრობა. არის სხვა გზებიც — მუშური, ლენტეხი, ლასილი, მაგრამ ყველა საშიში და სახიფათო!.. ოსეთ-რუსეთში მიმავალი გზებიც არის, რომელზეც მიმოსვლა ხშირად თვით ზაფხულის ორ-სამ თვეშიც საფრთხილოა; ზამთარში ხომ სულ არაა გზა და ისაა!.. მაგრამ სვანი მაინც არ სცხრება... მაინც მიდის... და... რამდენი უგზო-უკვლოდ გადაცვივდა უფსკრულში, რამდენი მოიტანია და გასრისა ზვავმა, რამდენმა ბუნების ურჩმა სვანმა აატირა მშობელი! ილუპებიან ლატფარის მთით, ტეიბერიით, მუშურით, ლასილით წასულნი და წამოსულნი გამბედავი სვანები. სვანეთის ზოგ მთებში კვირკობ-მარიამობის-თვეში თოვს. არ გადვიდეს და რა ქნას სვანმა?! სვანეთში გზის გამოყვანის საკითხი მივიწყებაშია მიცემული. და ეს კუთხე, კუთხე მომხიბვლელი და შეუღარებელი, უყურადღებოდაა მიტოვებული... მიუხედავობით ილუპებიან გასალკლდევებული, ყოველი გაჭივრების ამტანი სვანები... ნუთუ

გულგრილად უცქიროს ამას კაცმა. „მოგვხედეთ, მთლად მივიწყებულნი ვართ“... გულსაკლავად კლდეღრეებში გაი-  
დახიან სევანები... ხმა სევანისა რჩება „ხმათ მლაღადებელისა  
უღაბნოსა შინა“, თუმცა სევანეთსა და უღაბნოს შორის საგრ-  
ძნობელი განსხვავებაა.

სანამ სევანეთში გზა არ გამოვა, გზა ხეირიანი, რომელიც  
არადროს არ დაკავდება, სანამ ამ გზაზე მიმოსვლა არ გაჩაღ-  
დება, ხალხი ხალხში არ გაერევა, — სევანების ამ ველურ  
მდგომარეობიდან გამოყვანა ყოველად შეუძლებელია!.. ტყუი-  
ლად ჩაივლის ყოველი ცდა — რაიმე კულტურულმა დაწესე-  
ბულებამ ან ჰუმანიურმა აზრმა მათ შორის მოიდგას ფეხი.

მაშ, პირველ ყოვლისა გზაა საჭირო, გზა!..

\*  
\* \*

ცხადია, თუ რამდენად გასაჭირი იქნება ზედა სევანეთში  
ფოსტის მიღება. მართალია, აქ ბოქაულის ბინაა, პოლიციის  
მოხელენი ცხოვრობენ, ფოსტაც დარაჯებს დააქვთ, მაგრამ  
რას გაბედავს მთებზე გადასვლას დარაჯი, როცა თვით გამ-  
ბედავი სვანიც ვერ ბედავს... და მერე, ვალდებულიც არაა,  
როგორც კერძო პირს, ისე სასწავლებელსაც ფოსტა მიუტა-  
ნოს... მართალია, აქაური ბოქაული ბ-ნი ეგნატე გაბლიანი  
ხელს გვიწყობს, სასწავლებლების ფოსტას ყოველთვის აზიდ-  
ვინებს დარაჯებს, — ბ-ნი ეგ. გაბლიანი ყოფილი მასწავლე-  
ბელია და ესმის, უბრალო წერილიც რაც ნიშნავს გადაჯარ-  
გული ადამიანისთვის, მაგრამ როდემდი უნდა იყოს სასწავ-  
ლებლის ფოსტა „ხათრსა და გულკეთილობაზე“ დამყარებუ-  
ლი! ამის შესახებ კითხვა აქაური მასწავლებლის მხრით აქამ-  
დი უნდა აღძრულიყო, მაგრამ საერთო საქმეში უენერგიო  
და მიუყოლე მასწავლებლებმა აქაც უსაქმობა გამოიჩინეს...  
საკმარისია, რომ სევანეთის ყველა სასწავლებელმა მთავრო-  
ბის ნებართვით ფული გამოიღოს წლიურად, იქირაონ კაც

და თვეში ორხელ მაინც ცაგერიდან ზედა სვანეთის ყველა სასწავლებელს ფოსტა მიუტანოს... პატარა ენერჯია და ფხაა საკირო, რომ სასწავლებლების ფოსტის საქმე ასე მაინც დამთავრდეს, სანამ ის დიდი და ტკბილი ზღაპრული დაპირება არ შესრულდება, რომლითაც მთავრობა ზედა სვანეთში ფოსტის კანტორის დაარსებას ფიქრობს... ხვალინდელ ქათამს, — დღევანდელი კვერცხი იყოს...

\*  
\*

შედიხართ სასწავლებელში და ყურს უგდებთ მასწავლებელს...

— ქართული არ იცით? — ეკითხება ახლად მოსული მასწავლებელი მოწაფეებს... სამარისებური სიჩუმეა... ხმას არავინ იღებს...

— ყმაწვილებო! — იმეორებს განცვიფრებული მასწავლებელი, — ქართული არ იცით?

— „არ იცით“, — მიხვდა ერთ-ერთი ბოლოს და უპასუხა კადეც...

— ქართულს არ გასწავლიდენ? — რუსულად ეკითხება მასწავლებელი მოწაფეებს.

— არა, — რუსულადვე უპასუხებენ ყმაწვილები.

— მაშ რას აკეთებდით, ვინ იყო, რა კაცი თქვენი მასწავლებელი?

— ის ვირი იყო, ვირი! — უპასუხებს მოსწავლე. (ფაქტია!)

— როგორ შეიძლება ასე უზრდელად მოიხსენიო მასწავლებელი? — ცხარობს პედაგოგი.

— ის ღირსია ამისა! — ქედმოუხრელად, დანგრეული რუსულით უპასუხებს მოსწავლე.

— ხოჩავე ლადელ ჯაარ! (დილამშვიდობისა), — მიესალმა მეორე დღეს მასწავლებელს მოწაფის მშობელი.

— ხოჩავე ჯარ (გაგიმარჯოსთ)! — უპასუხებს ახლად

მოსული მასწავლებელი, რომელსაც ჯერ მარტო ეს ერთი სიტყვა უსწავლია სვანურად.

— მიეციხ ჩემს ბალანას ახალი წიგნი, თვარა ქე წევიყვან სახლში! — ემუქრება მოწაფის მშობელი მასწავლებელს.

— გუშინ მივეცი სულ ახალი წიგნი! — უპასუხებს მასწავლებელი სვანს და თან თვალს არ აშორებს პაპიროსს, რომელსაც სვანი აბოლებს... ამას მისი შვილის წიგნიდან ამოუხვევია ფურცლები და შიგ თუთუნი გაუხვევია... თითქოს გუშინ პაპიროსის ქალაღდი დაერიგებოღ მასწავლებელს და არა წიგნი... აგერ, ნათლად ხედავს მასწავლებელი, როგორ იწვის „თხა და გიგო“, თუ „მოდღ ვნახოთ ვენახი“, მაგრამ რას იზამს...

— მივეცემ, მივეცემ, — ამშვიდებს სვანს მასწავლებელი და გამოაქვს ახალი წიგნი (ყველა სასწავლო ნივთი სვანეთში მოწაფეებს უფასოდ ეძლევათ).

„სვანეთში ქართუღის სწავლება სავალდებულო არაა“, — ბრძანებს სამოსწავლო მთავრობა, — „ამისათვის ქართუღი სახელმძღვანელოები სახელმწიფო ხარჯით არ იყიდოთ და, თუ სვანს მაინც ენდომება ქართუღი ისწავლოს, თვითონ იყიდოს საჭირო სახელმძღვანელოებით“...

იყიდოღ კი სვანები? არა, ვერა! — ეგ კარგად იცის სამოსწავლო მთავრობამ და მიტომ მიმართა ამ „საუყუეთესო“ გზით სვანეთის სკოლებიდან ქართუღი ენის ექსოროღს... რა დააშავა მრავალტანჯულმა ქართულმა ენამ?!

— გამიგონეთ, — თარჯიმანით ეღაპარაკება მასწავლებელი შეკრებიღ ხალხს, — რათ გქირიოთ, რომ ბოქაულმა, მამასახღისმა, სტრაენიკებმა ჩამოგიაროთ (როგორც ეგ გჩვევათ), გეხვეწონ, თქვენი შვილები სასწავლებელში გაუშვიოთ თუ არა ოქმს შეგიყენებოთ, დაგაჯარიმებოთ. ეგ რომ გადღღმელ კაცს უთხრათ, ჩვენში ასე ხდებოღ, არ დღიჯერებს, მისთვის ეს წარმოუღდგენელია... ნუთუ ღღემღღ ვერ შეგიგინოთ, რომ სწავლა კარგია, სიცოცხლეა, სინათლეა... ამას ისიც ღღუმატეთ, რომ თქვენთვის უფასოა, უხარჯოა... მე არ

გახვეწებით. მით უმეტეს, რომ სწავლა ეს ისეთი რამაა, რომ ძალით ან ხევწნით არაფერი გაკეთდება, აქ უნდა იყოს შეგნება და მეც სწორედ შინდა დაგარწმუნოთ, რომ თქვენი მხეცური მდგომარეობიდან გამოყვანა მხოლოდ და მხოლოდ სწავლა-განათლებით შეიძლება... ყველა იმ ბერდანიკაზე და ხმალ-ხანჯალზე, თქვენ რომ აგისხამთ, მეტს კრის და მოქმედობს უბრალო სკოლა.

— თუ ტანისამოსს ხელმწიფე უყიდის, არ ვჩივი, გამოვეუშვებ ჩემს სევერიას, — ამბობს ვილაცა.

— „უჩიტელი“ მაინც ვერ გამოვა და რა ეშმაკად მინდა მაგის კლასი, — ბურღლულობს მეორე.

— აქ თუ კარგად ისწავლის, კარგი ყმაწვილი იქნება, იმერეთში სახელმწიფო ხარჯით გაზრდიან და მასწავლებელი გამოვა, — უპასუხებს მასწავლებელი.

— აქანე რომ გამოვიდოდეს, ბატონო „უჩიტელო“, „უჩიტელი“, კარგია, და იქეთ სად ვზღაო მე (ვინც იმერეთში ნამყოფია, იცის დამტკრეული ქართული).

სევანეთის მასწავლებლებს გული აქვს გატეხილი... სასწავლებელში, სადაც ოთხი-ხუთი მასწავლებელია, ოცს-ოცდაათს მაინც არ აღემატება მოწაფეთა რიცხვი. და სადაც ერთკლასიანი სასწავლებელია და ერთი მასწავლებელი, იქ ხომ ხუთიდან შვიდამდეა მოსწავლე. გულავარდნილი მასწავლებელი ფიქრობს: ხალხი არ მიმადლის, მთავრობა იქნება წელს ვერც მოვიდეს, გზა არ არის და კვალი... ასეთ პირობებში გულს იცრუებს თავის ხელობაზე...

მთელს ზედა-სევანეთში ოცდახუთამდე სამინისტრო და სამრევლო სკოლაა. მათ შორის ორი: მუქალის ნორმალური და ბეჩოს სახელოსნო განყოფილებით და პანსიონით. სკოლები სწორედ რომ კარგად მოწყობილია. მაგრამ რა... უხვი სამოსწავლო მთავრობა წელსაც ექვს სკოლას უმატებს ზედა სევანეთს და რამდენსამე მანეთს კი „ქართული სახელმძღვანელოებისთვის“ იშურებს და უკრძალავს მასწავლებელს მათ შექენახ...





ზემო სვანეთში არსებობს „პრიომნი პაკოი“, ერთი ექიმით, ბებია ქალით, ფერწლით და უფასო აფთიაქით; აქიმი ბ-ნი ს. გაბიანი ერთობ გულკეთილი და თავის ხელობის კარგი მცოდნე ადამიანია. საავადმყოფოს აქ დაარსების დღიდან (მეოთხე წელია) აქ არის ექიმად და სამართლიანად დაუმსახურებია კეთილი ადამიანისა და კარგი ექიმის სახელი.

ის ერთადერთი ინტელიგენცია (ამ სიტყვის სრული მნიშვნელობით) მთელს სვანეთში.

აუარებელია სვანეთში დაქრილთა და ნადირობის დროს კლდიდან გადმოჩეხილ-დასახიჩრებულთა რიცხვი. მუდამ სავსეა საავადმყოფო, სავსეა საავადმყოფოს ეზო საექიმოდ მოსულების ცხენებით. მაგრამ ისიც ხშირად მოხდება ხოლმე, რომ მოდის სვანი წამლისთვის იმიტომ, რომ შუშა სქირია... გააწყალეს საავადმყოფო შუშებიდან. წაღებულ შუშას რომელი სვანია რომ დააბრუნებს... ერთის მხრით ამიტომაც ერიდება ექიმი წამლების გატნევის, ნამეტნავადა, თუ წამლები წვეთებით მისაღებია, რომ ხშირად მომხდარა, წვეთობით სასმელი წამალი, რაიც ექიმმა გაატანა და დაუბარა, ამდენ წვეთზე მეტი არ შეცდე და არ დალიო, თუ იმ დღეზე არ მოურჩენია ავადმყოფი, ერთიანად გადაუყლუნწავს წამალი, მაგრამ როგორღაც მომხდარა სასწაული და გადარჩენილა...

როგორც ზევით ვთქვით, შუშა ძალიან უყვარს სვანს. შუშა რო ხელთ იგდოს, მოსული ავადმყოფობას იგონებს თვითონ და ან „შინ გამხდარი ავადმყოფის“ ამბავი მოაქვს ექიმთან.

ერთი ჯანმრთელი კაცი, რომელმაც ექიმის კითხვაზე: შენ ხომ არაფერი გტკივაო, — უპასუხა, არა, ისე მოვედი: საყურებლადო, — დგას კარებში და საღამომდი იცდის... ხედავს, ერთს მისცა ექიმმა შუშისანი წამალი, მეორეს, მესამეს, მეოთხეს... ეჰ, შეშურდა სვანს და მოიგონა: „მეც მტკივა

თავი და მომეცი შუშინი წამალიო“. არა თუ ექიმმა, ვინც იქ იდგა, ყველამ შეატყო სვანს შუშის შეძენის სურვილი და ამისათვის ფეხმოკლე და აშკარა ტყუილი. ექიმმა შუბლზე ხელი დაადვა სვანს, გასინჯა და უთხრა: „კეთილი, დაიცადე და მოგცემ წამალს. შენ ორი შუშა წამალი გჭირია, ერთს აქ დაგაღვეიებ და მეორეს შინ გაგატნევო“. ექიმმა ფერშალს რუსულად გადაულაპარაკა: ერთი ამას ზეთი გადააკვრევიან, ცოტა, ისე... ფერშალმა სვანს ზეთი მიაწოდა... ჯანმრთელმა სვანმა გადაყლუნწა ზეთი. იცდის... უცდის შუშინი წამალს... იცდის... იცდის... ვეე, ცუდადაა საქმე, მეტი ცდა არ შეიძლება, გაქრა წამალმა... სვანი მუცლის არევის ატყობს... და... გარბის თავქუდნოგლეჯილი... „მოიცადე, შუშინი წამალი წაიღეო“, უძახიან... სვანი გარბის და გაიძახის: „არ მინდა, არა, არაფერი მტკივა“-ო.

მიცვალებულის გასვენება აღარიბებს შეძლებულ სვანის ოჯახსაც კი. დასაფლავების დღეს საკურთხი, ორმოცი, წლის თავი ერთობ ძვირად უჯდება სვანს... ორიგინალურია მიცვალებულის ტირილის და გამოსვენების დღე... მიცვალებულის ცხედრის გარშემო მწყობრად დგანან ქალები... მათ ირგვლივ კაცებია დარაზმული... საგანგებოდ მოწვეული მოტირალი, რომელიც განთქმულია მთელს საზოგადოებაში კარგის ხმით და გამოთქმით ჩამოთვლის ყველა ღირსებებს ახლად მიცვალებულისა... ყოველი მკათიო და გარკვეული წინადადების შემდეგ ქალები ხელებს გაშლიან, სახეზე ჩამოისვამენ და ქვითინებენ... ასევე იქცევიან კაცები, იმ განსხვავებით, რომ ისინი ქვითინის მაგივრად ხელების გაშლის და სახეზე ჩამოსობის დროს მწყობრად იძახიან: „ივაი, ივაი, ვააი“. მოტირალი ქალი ახლად მიცვალებულის ღირსებათა გათავების შემდეგ ჩამოთვლის იმ საზოგადოების გულსაწევ მიცვალებულებს... ჩააბარებს იმათ ახლად განსვენებულს. ყველა იქ დამსწრეზე მწვავე სიტყვები მოქმედობს და აქვითინებს ყველას... შემდეგ გამოვლენ რიგიდან ერთი, სამი,

შვიდა, ცხრა... ჯერ ქალები, შემდეგ კაცები... მწარე ქვითი-  
ნით და მოთქმით გარს უვლიან დარაზმულ საზოგადოებას...  
ესენი არიან ახლობლები ახლად განსვენებულისა... უბრალო  
კუბოში ჩასვენებულს ჩქარის ნაბიჯით მიასვენებენ ეკლესი-  
ისაკენ... ერთსელ შამოარონინებენ ტაძრის შენობას და შიგ არ  
შეასვენებენ, ისე ჩაუშვებენ სამარეში... ზომაზე მეტი გულ-  
მომწვავი და ახლობელი ახალი მიცვალებულისა ცდილობს.  
სანამ მიცვალებულს საფლავში ჩაასვენებენ, პირველად თი-  
თონ გადაეარდეს სამარეში; რასაკვირველია, ამოიყვანებენ  
და გავარდება ხალხში ხმა: — „საბრალოს რა ძლიერ ყვარე-  
ბია“... და სხვ. ყველა ცრემლებით იხრჩვება... ქალები წაუ-  
ლენ. დარჩებიან კაცები საფლავის ირგვლივ. ყველა მწყობრად  
დაეწყობა და ეთხოვებიან მიცვალებულს... ხელგაშლილი  
ექვსჯერ ზეზე და სამჯერ დაჩოქილი იძახიან: „ივია მიშ-  
გვა ქვინე ლიგნაალს“ (ვაი, ჩემს გაჩენას)... შემდეგ: „ვაი  
მიშგვა ლადი ლადელს ვაააი“... (ვაი, ჩემს დღევანდელ დღის  
მოსწრებას)... არ იფიქროთ, აღნიშნული ცერემონიები მშრა-  
ლი, სიბრალულს მოკლებული და უცრემლო იყოს... საკმა-  
რისია ერთხელ დაესწროთ სვანეთში ტირილს, რომ დარწმუნ-  
დეთ წინააღმდეგში. ერთგვარ გულწვაობას და სილამაზეს არ  
არის მოკლებული სვანების ტირილი, ამიტომაცაა, რომ ზო-  
გი შეძლებული, უდარდელი და მოხუცებული სვანი მოი-  
სურვებს მოისმინოს, თუ როგორ იტირებენ მას, როცა მოკვ-  
დება... და თუ ვინ რამდენ გულწვაობას გამოიჩინეს... ცოცხ-  
ლად ჩაწვება კუბოში და გაიმართება მოთქმა-ტირილი... დაბა-  
ღუბით მიადის ცრემლი რძლებს. ასეთ შემთხვევაში რძლები  
ეჩემებიან ერთმანეთს...

საკურთხის დღეც ორიგინალურია... გააკეთებენ მიცვალე-  
ბულის დოდოჩოს... ჩააცმევენ იმ დღისთვის შეკერილ ახალ  
ტანისამოსს და გამოწყობილ მიცვალებულს მიაჯენენ იმ  
დღისთვის საგანგებოდ გაკეთებულ სუფრას, რომელიც სავსეა  
სხვადასხვა სანოვავით. დანარჩენები სხვა სუფრას უსხედან  
და მღვდლიანად შეექცევიან საკურთხის... ბლომად იხარჯება

არაყი და ხორცი... ზომაზე მეტი მაძლარნი და შეზარხოშებულნი წაველენ შინ. მიცვალებულისთვის საკურთხის დღეს შეკერილი ტანისამოსი, მისი სუფრა მთელის მოწყობილობით და სასმელ-საჭმელით მღვდელს გაეგზავნება შინ.

თუ ქალი მოეწონება სვანს, გათავდა, უნდა ითხოვოს, თვარა სირცხვილია... თუ ძაან მოეწონა, გათხოვილიც იყოს, წაართმევს ქმარს... თვარა გაუთხოვარს რა დაუდგება წინ; ვინიცობაა ქალი ან მისი მშობელი არაა თანახმა, ეგ არაფერია, მოიტაცებს... მართალია, ციხე ყველა ოჯახს აქვს, მაგრამ არაფერია, ადრე იქნება თუ გვიან, მაინც მოიტაცებს... ქალის დანიშვნა, წაყვანა, ჯვარის წერა ორიგინალურია. ცოლს და ქმარს ჯვარის წერის შემდეგ კი არ ეძლევათ უფლება ერთად იცხოვრონ, როგორც ჩვენშია, არამედ მხოლოდ თავის სახლიდან საქმარულოში წაყვანის შემდეგ, რაც ხშირად, დღიდან ჯვარის წერისა, ერთი წლის განმავლობაშიც არ ხდება...

დანიშვნის დღეს გასათხოვარი ქალი პირახვეული ზის საქეიფო სუფრის გარეშე და მანამ არ ჩამოიხდის პირს, სანამ ვინმე სასიძოს მხრიდან ცალ ხელში არაყით საცხე კათხით და მეორე ხელში ფულით არ შივა და არ აღღეგრძელებს სარძლოს, რომელიც პირბადეს ჩამოიხდის, მადლობას გადუხდის, არაყს დალევს და ფულს ჩამოართმევს, რითაც თანხმობას აცხადებს... ქალი, როგორც პატრიარქალურ ოჯახის წევრი, ხშირად თავისი სურვილის წინააღმდეგ თანხმდება უფროსების სურვილს... ხშირად გათხოვების დროს ქალის თანხმობა ნაძალადეგია... სასიძომ იქით უნდა ჩაიტანოს სასიძამროსას 150 მან., ეს ფული მზითვის სახით უკანვე უბრუნდება სიძეს...

შურის ძიება, სისხლის აღება ზომ სვანის საქმეა... გადაკიდებულია ერთი გვარეულობა ან სოფელი მეორე გვარეულობაზე ან სოფელზე... პირველი სისხლი მათ შორის შეიძ-

ლება რამდენიმე საუკუნით ადრე დაღვრილა, მას შემდეგ რამდენიმე მსხვერპლი იყო ორივე მხრივ. მაგრამ სისხლის აღება-ღვრა დღესაცაა. მოხდება ხანდისხან, რომ გადაკიდებულ მოსისხლე მტრებს შეარიგებენ... ამ შემთხვევაში მკვლე-ლი იხდის მოკლულის ნათესავთა სასარგებლოდ ადგილ-მამუ-ლით სამ-ოთხ ათას მანეთს, იმისღა მიხედვით, თუ რამდენად შეაფასა სამედიცინო სამართალმა მოკლული. შეფიცებს ორივე მხარე ერთმანეთს ერთგულებას, რის შემდეგაც თოქ-მის ყოველთვის შემწყდარა სისხლის ღვრა... სავსებით სე-ანის გულის მოგება არც ამით შეიძლება, თუმცა მას ფიცი ძლიერ სწამს... სევანის უბრალო წკიპარტიც უნდა დამთავრ-დეს შერიგებით... რის შემდეგ შეურაცხყოფილს მიუსჯიან ძროხას, ხარს, ცხენს, — იმის მიხედვით, თუ რამდენად შეუ-რაცხყოფილია, რასაც ყოველთვის სამედიცინო სასამართლო ვაარჩევს...

თუმცა, როგორც ზევით ვთქვი, არც ასეთი შერიგება აკმაყოფილებს სევანს სავსებით... შერიგებულს ხშირად უთ-ქვამს: „ძროხაზე ძროხას დაევმატებ და ერთი სამაგიეროდ რომ არ ვთხრიშო სიბრტყით ბეჭებში ხანჯალი, ისე ვული არ მისვენებსო“... და ადრე თუ გვიან აასრულებს ამას...

ორშაბათს, ხუთშაბათს და შაბათს თავის ოჯახიდან არა-ფერს გასცემს სევანი. თვითონაც სკიროდეს, გადაღმა შანც ვერაფერს გადაიტანს. დღესასწაულზე, რომელიც სენათში ეგზომ ხშირია, სევანი დაკლავს ხარს ან ძროხას, რომლის ბეჭი უეჭველად მღვდელს უნდა გაუგზავნოს. გარდა კვირი-სა, შაბათს და პარასკევს არ მუშაობს სევანი, რომ ჰკოთხო, რა უქმეა-თქო, გიპასუხებს: „ჩვენი მამები უქმობდენ და ჩვენ რად ვაწყენინებთ ღმერთსო“... სევანი მეტად ღვთის-მოყვარული ადამიანია... ფიცი მას ძლიერ სწამს.

გადასახადი თითქმის ყველა სევანს ერთი აქვს, არ აღემა-

ტება წლიურად მანეთ-ნახევარს. მხოლოდ ორი საზოგადოების მცხოვრებნი, სახელდობრ, ჩუბიხევისა და ფარისა, წლიურად ხუთ მანეთს იხდიან. ეს მას შემდეგ, რაც აღნიშნული მამულები ხაზინამ მიითვისა, მისი მეპატრონე კი თ-დი კონსტანტინე დადემქელიანი სიკვდილით დაისაჯა ქუთაისის გუბერნატორის გაგარინის მოკვლის ვამო...

სახნავ-სათესი ადვილ-მამული სვანეთში ძლიერ ცოტაა. ამით აიხსნება ის გარემოება, რომ მიწა ძლიერ ძვირად ფასდება სვანეთში, ერთი ღესეტინა სახნავ-სათესი მიწისა სამოთხ ათას მანეთად. აქ თესავენ პურს, ქერს, კარტოფილს, ცერცვს... ზოგ ადვილს სიმიდსაც. საკმაო პური სვანეთში, რასაკვირველია, არ მოდის... მცხოვრებლები იძულებული არიან საკვები სხვა ქვეყნებიდან მოზიდონ და ცოლშვილი ნაყილით არჩინონ.

მეფუტკრეობა სვანეთში ძლიერ გახშირებულია. თითქმის ყოველ ოჯახში შეხვდებით რამდენსამე სკა ფუტკარს... გამოკვლეულია, რომ აქაურ ფუტკარს თითქმის ყველა სხვა ქვეყნის ფუტკარზე უფრო გრძელი ენა "შაშარი აქვს, და ამიტომ სვანეთის ფუტკარი უფრო ადვილად და მეტი სიღრმიდან ამოწუწნის ყვავილს წვენს და თაფლიც კარგი იცის. მულახის საზოგადოებაში, სადაც 198 მოსახლეა, 141 სკა ფუტკარია, მაგრამ მცოდნე ხელის უქონლობის გამო სასურველ წერტილამდე სვანეთში მეფუტკრეობას ვერ მიულწევია.

ვაჭრობა-მრეწველობა სვანეთში თითქმის ფეხმოკიდებულია, თუ არ მივიღებთ მხედველობაში იმ გარემოებას, რომ

ზოგ მეოჯახეს შინ რამდენიმე თოფი ფართალი აქვს ქუთაისიდან ჩამოტანილი და, ვისაც დაქირდება, ორკეც ფასს გადაახდევინებს. გარდა ამისა, სვანები ოსეთიდან მორეკავენ ოთხფეხ საქონელს და შემდეგ თავის მეზობლებში ყიდიან. მთელ სვანეთში ერთი ხეირიანი დუქანი არაა... სამსახურში მყოფი პირი იძულებულია მთელი წლის სანოვაგე ქუთაისიდან წამოიღოს, როცა აქეთ მოდის... ეს, გარდა იმისა, რომ უხერხულია, შეუძლებელიცაა სოფლის მასწავლებლისთვის, რომელიც მცირე თვიური ჯამაგირით ცხოვრობს. მთავრობამ განიზრახა ზედა სვანეთში ერთი მომხმარებელთა საზოგადოების დაარსება, მაგრამ ჯერ-ჯერობით მივიწყებაშია ეს აზრი.

\* \* \*

საშინელ დიდ სარგებელს იხდიან იქაურები ტულში. ბედნიერ კაცს აქვს აქ 100-200 მანეთი და ასესხებს 70%, 60%, 50% — ეს ჩვეულებრივი სარგებელია. შეზღვევით მაგალითს — 80% იხდიდეს მოვალე. ამ გარემოებას ყურადღება მიაქცია ლეჩხუმის მაზრის უფროსმა ბ-ნმა ენკელმა, რომელიც დიდად ცდილობს ხალხის მორჯულება-მოქრისტიანებას, მათში ჰუმანიური აზრების გავრცელებას, ყოველ უთავბოლო ხარჯების შემოკლებას და სხვადასხვა. ბ-ნი ენკელი განაჩენს აყენებს საზოგადოებებში; ერთი მუხლი ამბობს — არავინ გაბედოს 30% მეტიც აღება გასესხებულ ფულშიო. ცხადია, ეს 30%-იც უკანონოა, მაგრამ ამას ვინღა ჩივდა, რომ თავისებურ თავაშვებულებას პროცენტების აღებაში არ განაგრძობდნენ აქაური ჩარჩები. რადგან სვანეთში ასე ძვირია ფული, სვანს ის დიდად უყვარს, ახალგაზრდა სვანები დადიან სამღშვევრად უმეტეს შემთხვევაში ოსეთს, ოდიშსა და იმერეთში...

სვანურ ზღაპრებში უმეტეს შემთხვევაში რაინდობაზე, მართლმსაჯულობაზე, ღმერთთან შემცოდე ადამიანის დასჯაზე, ამა თუ იმ მთა-კლდეებში დაბუდებულ მავნესა და მკაცრ პირებზეა ლაპარაკი...

ლენტეხის დაბლა (ქვედა სვანეთში) ფართო ქვაა, რომელზეც აჩნია კაცისა და საქონლის ფეხის ნაბიჯი... ამ ქვის შესახებ სვანეთში ამგვარი ლეგენდაა. ქრისტე ღმერთი აშენებდა ვენახს. ამ მიზნით ის ცხენის წყლის<sup>1</sup> ნაპირებით წამოვიდა სვანეთში, მაგრამ ამ დროს ქრისტეს მტერს, ეშმაკს, რომელსაც სახელად სამალი ერქვა, უკვე მოესწრო მოეშენებინა სვანეთში ძალღ-ყურძენა... სვანეთში მიმავალ ქრისტეს შეხვდა სამალი — ეშმაკი და რწმუნება დაუწყო — სვანეთში ვენახი უკვე მოშენებულიაო... ქრისტემ გადასწყვიტა დაბრუნება, მაგრამ მოისურვა დაეტოვებია ხსოვნა ხალხში იმის შესახებ, რომ ის ქვემო ანუ სადადიანო სვანეთში ბძანდებოდა. ამ მიზნით ქრისტემ უბრძანა თავის ჯორს შედგომოდა ფეხით იქვე მდებარე ფართო ქვას, თითონაც ინება ცალი ფეხი დაედგა მასზე... აი, ეს ნაკვალეხია — ქრისტესი და მისი ჯორისა — რომელიც აჩნია იმ ბრტყელ ქვას.

„ქრისტეს ფეხის ნაბიჯი“ (ასე ეძახიან ამ ადგილს) შემოკალებულია ირგვლივ ყორით და დაცულია საქონლისაგან... შიგ ასვია სვეტი. სვეტზე ჯვარი და ხატია... ღვთის მორწმუნე სვანი მოწიწებით უახლოვდება აღნიშნულ ქვას... წყევლაკრულვით იხსენიებს ქრისტეს მომტყუებელს, შემაცდენელს ეშმაკს, — დატოვებს ხატთან, თუ აქვს, სანთელს, ან გროშს

<sup>1</sup> უნდა იყოს „ცენის წყალი“ და არა „ცხენის წყალი“, რადგან აღნიშნული მდინარე სვანეთში „ცენი“-დან იწყება. ვ. ი.



და ნაღვლიანად, მოწიწებით გაცილდება „ქრისტეს ფეხის ნაბიჯს“.

ზედა სვანეთი.

(გაზ. „იმერეთი“, 1912 წ. № 73, გაგრძელება 1913 წ.)

ჩემს სკოლას, როგორც ნორმალურს, ხუთი მასწავლებელი ჰყავდა. 1912 — 1913 სასწ. წელს მოსწავლეთა რიცხვი არცთუ ისე ბევრად აღემატებოდა მასწავლებელთა რიცხვს. თითოეულ მასწავლებელს განყოფილებაში 4-5 მოსწავლე ჰყავდა და მახსოვს კიდევ ისეთი დღეები, როცა მოსწავლეთაგან გაკვეთილების გაცდენა სულ უაუდიტორიოდ, ანდა ერთი მოსწავლის ამარა დატოვებდა მასწავლებელს. ძნელი იყო ასეთ პირობებთან შეგუება: ქვეყანას მოწყვეტილი ჩამოსულხარ სვანეთში ახალთაობის გასანათლებლად, ჩამოსულხარ იდეთ, რწმენით, სიყვარულით, გინდა იმუშაო და — სკოლა ცარიელია მაშინ, როცა ორასზე მეტი სასკოლო ასაკის ბავშვი სკოლის გარეა, არ სწავლობს.

ხვეწნა, მუდარა, პროპაგანდა არ გადის. რაღაც სხვა ზომების მიღებაა საჭირო, მაგრამ არ იცი, რა ზომებისა: სულ დაანებო თავი სვანეთში მუშაობას, დაბრუნდე უკან და იმუშაო იქ, — სადაც მეტი სარგებლობის მოტანა შეგიძლია, თუ სვანეთშიც არის შესაძლებელი შექმნა პირობები სარგებლობის მოტანისათვის? ჩემი ასეთი განწყობილება ავუწერე სვანეთის „მახვშს“ ეგნ. გაბლიანს, ყოფილ მასწავლებელს, რომელიც იმ დროს სვანეთის ბოქაული იყო. მან მითხრა, რომ არსებობს კანონი, რომლის მიხედვითაც სასწავლებლის გამგეს უფლება აქვს ორმოც მანეთამდე დააჯარიმოს სვანეთში მყოფი, რომელიც სასკოლო ასაკის ჯანსაღ ბავშვს სკოლაში არ უშვებს; აღმითქვა ყოველგვარი დახმარების აღმოჩე-

ნაც, თუ მე ვიკისრებდი ამ, შეიძლება ჩემთვის სახიფათო ღონისძიების გატარებას.

ბევრი ვიფიქრე და ვიმუშავე ამ საშუალების გამოყენებისათვის. ხალხის სურვილის წინააღმდეგ ძალით, პოლიციისა და ჩაფრების („სტრაენიკების“) დახმარებით სწავლა არასაკადრის საქმედ მიმაჩნდა, ვიფიქრე: ბევრს ავიმხედრებ, არა ერთი და ორი უსამართლოდ ალაპარაკდება ჩემს წინააღმდეგ, გამლანძღვას, დაუმსახურებლად ჩირქს მომცხებს: „სოციალისტად“ მოაქვს თავი და ხალხის „დასამორჩილებლად“ „სტრაენიკების“ ძალას მიმართავსო“. მაგრამ გამახსენდა აკაკი წერეთლისაგან პირადად ჩემ მიერ მოსმენილი:

ქვეყნად ორი ტიპის საზოგადო მოღვაწეა: ერთს შეგვიძლია „პუწკია“ ვუწოდოთ, მეორეს — „წუმპია“. ერთიც და მეორეც საზოგადო მოღვაწეა; ერთსაც და მეორესაც გულწრფელად სურს ემსახუროს ხალხს და ემსახურებიან კიდევ, მაგრამ განსხვავება ამ ორ საზოგადო მოღვაწეს შორის ისაა, რომ ერთს უნდა ისე ემსახუროს ხალხს, რომ ფეხი არ დაისველოს, არ დაიწუმოს, არ გაილანძლოს, ვინმესაგან საყვედური არ მიიღოს; მეორე არ ჩივის საკუთარ დასველებას, გალანძვას, ოღონდ კი ხალხისათვის სასარგებლო საქმე გააკეთოს, ხალხს ტკივილები შეუმსუბუქოს. მაგალითად, ვთქვათ, ხალხისთვის სასარგებლო გზის გაყვანა თუ გაფართოებაა სოფლად საჭირო. თუ ამ გზის გაყვანა-გაფართოება ისეა შესაძლებელი, რომ არავინ შეწუხდეს, არავის ეზო არ ჩამოეკრას, არ აყაყანდეს და მისი გამყვანი არ გალანძლოს, — ასეთი გზის გაკეთებას „პუწკია“ საზოგადო მოღვაწე მოჰკიდებს ხელს, კარგ საქმესაც გააკეთებს და არც თვითონ დასველდება, არ გაილანძლება; ხოლო თუ იმავე გზის გაყვანას ვისიმე აყაყანება, მეთაურის გალანძლვა და ფეხის დასველება მოჰყვება, თუნდაც მისი გაყვანა მთელი ხალხის სიცოცხლეს უღრიდეს, — „პუწკია“ მოღვაწე ამ კარგი საქმის გაკე-

აებას ხელს არ მოკიდებს, საზოგადოების კეთილდღეობისათვის საკუთარ ფეხებს არ დაისველებს, თავს არ გაილანძღავს. „წუმპია“ საზოგადო მოღვაწე კი, თუკი დარწმუნებულია, რომ ამ გზის გაყვანა ხალხს ტანჯვას შეუძსუბუქებს, თავს გასწირავს, საკუთარ სულის სიმშვიდეს მსხვერპლად მიუტანს საზოგადოების კეთილდღეობას და ქვეყნისათვის სასარგებლო საქმის გაკეთებას მტლად დაედება, თავს შესწირავს, შეებრძოლება ვისაც საჭიროა, თვითონ იქნებ გაილანძლოს, მაგრამ საქმეს გააკეთებს.

საზოგადოებრივი მოღვაწეობა მძიმეა საერთოდ, მეტადრე კი ისეთი ადამიანისათვის, რომელიც საკუთარი ხელთათმანის სითეთრეს სწირავს ქვეყნის კეთილდღეობას, და ჩვენი ვალია მას გვერდით ამოვუდგეთო, — დააბოლოვა სიტყვა ქვეყნისათვის თავდადებულმა მგოსანმა.

მულახის საზოგადოებაში რამდენიმე სოფელი შედიოდა; მუქალის ნორმალური ორკლასიანი სასწავლებლის მომსახურების მასშტაბი დიდი იყო. მღვდლებს ოფიციალური მიმართვები დავუგზავნე სკოლის სახელით. ვთხოვდი: გამოეგზავნათ სკოლისათვის სია მათ სოფლებში მცხოვრები სასკოლო ასაკის (8-9-10 წლის) ბავშვებისა. პირადადაც დავედიოდი და მასწავლებლებსაც ვგზავნიდი სოფლებში ამ საკითხის მოსაგვარებლად, ხალხის მოსამზადებლად, ზოგიერთების დასამოყვრებლად; ორ-სამ ოჯახს პირადად მოვუნათლე შვილი. ქუთაისიდან რამდენიმე ასეული „დედა-ენა“, რვეული, ფანქარი, საწერ-კალამი და სხვა სასწავლო ნივთები ჩამოვიტანეთ ზაფხულში მომავალი (1913 — 1914) სასწავლო წლისათვის. როცა ყოველმხრივ მომზადებული ვიყავით და ხელთ გვქონდა როგორც სასწავლო ნივთები, ისე სასკოლო ასაკის ბავშვთა სია, რომელშიც ორასზე მეტი ბავშვი ეწერა (ზოგი ოჯა-

ხიდან 2-5 ბავშვი), დავაჯარიმეთ ორმოც-ორმოცი მანეთით ყოველი ბავშვის მშობელი და ცალ-ცალკე სოფლების მიხედვით გამოვეუცხადეთ საზოგადოებას: გამოგზავნეთ ბავშვები სკოლაში, ჩვენ მათთვის მზადა გვაქვს უსასყიდლოდ დასარიგებლად წითელყდიანი „დედა-ენა“, რვეულები და სხვა სასწავლო ნივთები, მასწავლებლები მოწყურებულნი არიან ასწავლონ მათ წერა-კითხვა, ლექსები, მოთხრობები, ამბები... ვინც ჩვენს თხოვნა-რჩევას შეიგნებს, ჩვენც მათ ვემსახურებით, ვინც ბავშვს არ გამოგზავნის სკოლაში, ის ჯარიმას გადაიხდის ორმოცი მანეთის რაოდენობით. ვადაც მივეცი თ სამი დღე, რის შემდეგ, ვისიც ბავშვი არ აღმოჩნდება სკოლის ეურნალში, მას ძალით გადაახდევინებენ ჯარიმას.

სამი დღე გავიდა. თითქოს ერთი პირი აქვთ შეკრულიო, არც ერთმა არ გამოგზავნა სკოლაში თავისი ბავშვი. დათქმულ ვადაზე ბეჩოდან (ზედა სვანეთის მაშინდელი ცენტრი იყო) ჩამოვიდა ბოქაული გაბლიანი თავისი „სტრაენიკებით“ და ჯარიმის საფასურში ოჯახებიდან მორეკეს სკოლის ეზოში ცხენები, ჯორები, ხარები, ძროხები, თხები, ცხვრები... სკოლის ეზო გაივსო საქონლით. იყო ყვირილი, გინება, მუქარა, აურზაური...

მე იმ დროისთვის სვანების ხასიათს ასე თუ ისე ვიცნობდი: თუ ზოგ მათგანს თავს დაუხრიდი — კისერზე დაგაჯდებოდა, თუ მალლა აწვევდი ცხვირს — იმ ცხვირს წაგაჭრიდა. საჭირო იყო თავაზიანი და წესიერი ყოფილიყავი, მაგრამ იმავე დროს გეგრძნობინებინა, რომ, თუ დაგჭირდა, ვაჟკაცობაც შეგიძლია.

მომხრეები მეტი გვყავდა, ვიდრე ეს გარეგნულად ჩანდა; ზოგი მეზობლის ხათრით არ გამოდიოდა აშკარად სკოლის მომხრედ, თორემ ასე თუ ისე ჩვენ თანავგიგრძნობდა.

გინება და მუქარა არ ცხრებოდა. სკოლის ეზოში და ეზოს გარეთაც, სოფლებში ჩვენი პროპაგანდისტები ქადაგებდნენ... აი, ვილაცამ სკოლის ეზოში ჩამოიყვანა თავისი შვილიშვილი; ის პატარა ბავშვით მოვიდა ჩემთან და მხნედ მომესალმა:

— ხოჩავ ლადელ ჯარ! (გამარჯობა, კარგი დღე გქონდეს!)

— ხოჩავ ჯარ, ისკუ მაზიგ მი (გაგიმარჯოს, შენი ჭირიმე!) — ვუპასუხე მე.

— ჩემი ცხენი დამიბრუნე და ბავშვს კითხვა ასწავლე, — მითხრა მან.

ჩვენს სიხარულს საზღვარი არ ჰქონდა. მოხუცი თავის ბავშვიანად შევიყვანე ჩემს კაბინეტში, ბავშვს „ღეღა-ენა“ და სასწავლო ნივთები მივეცი, მასწავლებელს მივევარე კლასში. მოხუცი ეზოში გამოვიყვანე, მისი ცხენი მოვანახვინე უამრავ საქონელში და დიდი სიხარულით გავატანე შინ. მერე მეორე მოვიდა თავისი ბავშვის ძროხაზე „გადასაცვლელად“, მეორეს მესამე მოჰყვა. მესამეს — მეოთხე და ასე შემდეგ მალე დადგა დრო, როდესაც გამიჭირდა კიდევ „გაცვლა-გამოცვლის“ პირადად წარმოება, ამაში მასწავლებლები და სხვა ჩვენი მოკეთენი დამეხმარნენ. ისინი წერდნენ მოყვანილი ბავშვების სიებს, ურიგებდნენ მათ წიგნებსა და რვეულებს, შეჰყავდათ კლასში, პირუტყვს პატრონს უბრუნებდნენ. აღრიცხვაზე აყვანილთა ნახევარმა მოიყვანა ბავშვი და დაბრუნა თავისი საქონელი. შემდეგ თითქოს შეწყდა „გაცვლა-გამოცვლა“. გავიდა საათი, ერთი, ორი, — „აღებ-მიცემობა“ მორჩა. „გეყოფათ, ვინც მოატყვილეთ“, ფიქრობდნენ გაკერებულნი. დადამდა კიდევ. საშინელი იყო ის ღამე!.. შეგობრებმა გამაფრთხილეს, რომ გაბოროტებულნი და გულზვიადნი ღამე უსათუოდ მოგკლავენო.

ვერ ვიტყვი, ისეთი ვაუკაცი ვყოფილიყავ, რომ ამ ცნობას არ შევეშინებინე. ეს მით უფრო, რომ სიბნელეს არნახული ყვირილ-მუქარა და აურზაური მოჰყვა. კარგად მუშაობდნენ ჩემი მოადგილე სვანი ივანე გუჯეჯიანი, მისი მეუღლე სონია ბახტაძე და მასწავლებელი დარისპან მარგიანი, აგრეთვე ეგნატე გაბლიანი თავისი რაზმით და სკოლის სხვა ერთგულ-მოყვარულნი. თოფიც არა ერთხელ გავარდა ეზოში, ეზოს გარეთ; ტყვიები მიდიოდა მალლა, ჰაერში. ვერ გაიგებდი, ვინ ვის აზინებდა. ცხადია, მე ჩემს ოთახში არ შევსულვარ. ძილზე

ლაპარაკი ხომ ზედმეტი იყო! სკოლის ეზოში „სტრატეგიები“ დარაჯობდნენ საქონელს. გათენდა. დილით გუშინ მიღებული ბავშვების უმრავლესობა გამოცხადდა სკოლაში „დედენითა“ და რვეულ-ფანქრებით. ბავშვები კლასებში შევიდნენ და მასწავლებლებმა მეცადინეობა დაიწყეს. ეზოში დარჩენილი საქონლის პატრონებიც კანტი-კუნტად ცხადდებოდნენ. ზოგს ბავშვი მოჰყავდა და პირუტყვი მიჰყავდა შინ, ზოგიც გინებასა და მუქარას განაგრძობდა.

შუადღისას 15-20 პროცენტი საქონელი დარჩა წაუყვანელი, სხვების პატრონებმა ბავშვები მოიყვანეს.

ჩვენ კმაყოფილნი ვიყავით შედეგით. სკოლაში 200-მდე ბავშვის მეცადინეობა და ჟრიაბული ისმოდა, მაგრამ, გაკერპებულთათვის რომ დაგვეთმო და უბავშვებოდ გაგვეტანებინა უკან მათი საქონელი, მოპოვებულსაც დავკარგავდი, დიდი უმრავლესობა უკანვე წაიყვანდა თავის ბავშვს. არადა, ვერას-გზით ვერ დავითანხმეთ დარჩენილები მოეყვანათ ბავშვები სკოლაში.

გაბლიანმა, ჩემმა მოადგილე ივანე გუჯეჯიანმა, ს. ბახტაძემ, მარგიანმა, მე და რამდენიმე კაცმა მოვითათბირეთ და გადავწყვიტეთ გაგვერეკა დარჩენილი საქონელი ბეჩოში (ზედა სვანეთის ადმინისტრაციული ცენტრი იყო) საჯაროდ გასაყიდლად. გაბლიანმა სათანადო განკარგულება მისცა ჩაფრებს, რომლებმაც სკოლის ეზოდან გადაარეკეს საქონელი და ბეჩოში მიმავალ გზას გაუდგნენ. მეტად გამწარდნენ საქონლის პატრონები. უკანასკნელად გაიბრძოლეს, მაგრამ არაფერი გამოუვიდათ. სკოლის ეზო დაცალიერდა... არ გასულა ერთი თუ ორი საათი და მოვიდა გასაყიდლად გარეკილი საქონლის პატრონების დელეგაცია: საქონელი დაგვიბრუნეთ, ბავშვები წაიყვანეთო. დავადევნეთ მღევარი საქონელს; მღევარი მესტიაში (ზედა სვანეთის დღევანდელ ცენტრში) დაეწია ბეჩოსაკენ მიმავალთ. საქონელი პატრონებს დაუბრუნეთ, ბავშვებს წიგნებ-რვეულები დაუბრუნეთ და მოსწავლეები ჟურნალებში ჩავწერეთ. ასე დამთავრდა ეს ამბავი.

მართალია, ბევრ კურიოზსა და სასაცილო ამბებსაც ჰქონდა ადგილი, მაგრამ შიში და უსიამოვნებაც ბევრი ვნახეთ. ზოგ მშობელს უნღოდა მისი შვილი ცუდად მოქცეულიყო, ეცელქა სკოლაში, არ ესწავლა გაკვეთილები, ამის გამო იქნებ ის გაგვეგდო სკოლიდან და უჯარიმოდ გადარჩენილიყო, მაგრამ მასწავლებლების კარგი მუშაობა ამის საშუალებას არ აძლევდა მათ. ზოგი ფანქრებსა და საწერ-კალამს „კარგავდა“ წამდაუწუმ და სამაგიეროს თხოულობდა, ზოგი — რვეულს და ზოგი — წიგნს.

დრო გადიოდა და სკოლის ცხოვრებაც, მართალია, მეტად მძიმედ, მტკივნეულად და ნელ-ნელა ნორმალურ პირობებში დგებოდა.

სვანეთის სხვა სკოლებში, რამდენადაც მახსოვს, ანალოგიური ღონისძიებანი, ე. ი. მშობლების დაჯარიმებით მოსწავლეთა მოზიდვა სკოლებში, არ ჩატარებულა, მაგრამ, ბუნებრივია, რომ ზედა სვანეთის ყველა სკოლაში მოსწავლეთა რიცხვის გაზრდას ხელი შეუწყო მუქალის ნორმალურ ორკლასიან სასწავლებელში გატარებულმა ღონისძიებებმა.

ბევრი თვალსაჩინო მასწავლებელი წასულა თავისი სურვილით სვანეთის სკოლებში სამღშაოდ. ბევრ მასწავლებელს გულწრფელად მოუნდომებია გაენათლებინა სვანეთის ახალგაზრდობა, მაგრამ ძველი სვანები ხშირად წინ უდგებოდნენ ასეთ სურვილს. საუკუნეობით მთებში ჩაქედილებს მაინცდამაინც არ ეპრიანებოდათ „უმწყემსოდ დარჩენა“, თავიანთი ბავშვების მოცილება თხებისთვის და „უმიზნო“ სწავლა. — ერთკლასიანი თუ ორკლასიანი სკოლის კურსის დასრულება ჩვენს ბავშვებს ნასწავლებად ვერ გახდის, ხოლო, სწავლის გასაგრძელებლად ისინი რომ ქალაქებში ვაგზავნოთ, ამის საშუალება არა გვაქვს, ამიტომ სჯობს თავიდანვე არ მოვაცდინოთ ოჯახურ საქმეს ჩვენი ბალებიო.

1913 წლის ზაფხულში ლეჩხუმის მაზრის მასწავლებელთა გადასამზადებელი კურსები ჩატარდა მუქალის ნორმალური ორკლასიანი სკოლის შენობაში. რამდენადაც მახსოვს, კურსებზე 22 მასწავლებელი იყო როგორც სვანეთიდან, ისე ლეჩხუმის მაზრის სხვა კუთხეებიდან. კურსებზე ლექციებს კითხულობდნენ ქუთაისის გუბერნიის სახალხო სკოლების ინსპექტორი მოხუცი კირეევი (თუ კარპოვი, გვარი კარგად არ მახსოვს), ფილოლოგი მერეჟკოვსკი და სხვები. მოხსენებები გაგვაკეთებინეს ჩვენც, რამდენიმე მასწავლებელს, გადაგვაცემინეს სანიმუშო გაკვეთილებიც. კურსების მუშაობა გაგრძელდა ერთი თვე და, შეიძლება ითქვას, საკმაოდ ნაყოფიერადაც.

დამუშავებული იყო საკვანძო საკითხები დიდაქტიკიდან, ჰედაგოგიკიდან, მეთოდოლოგიებიდან. კარგად იყო მოწყობილი აზრთა გაცვლა-გამოცვლა, თათბირები, ლექციები, გამოცდები. ყველაფერი ეს ტარდებოდა ჩემს სკოლაში, საერთო საცხოვრებელიც იქვე იყო მოწყობილი და მე ერთგვარად მასპინძლის როლშიაც ვიყავი, რამაც საკმაოდ დამქანცა. სტუმრები კარგად გრძნობდნენ თავს მულახის მშვენიერ ჰაერზე.

კურსების მუშაობის დამთავრების შემდეგ მსმენელ-ხელმძღვანელები, თითქმის ყველანი ერთად, ჯორებითა და ცხენებით წამოვედით ცაგერისაკენ. ჯერ სოფ. კალაში უნდა ჩამოვსულიყავით, შემდეგ ლატფარის მთა გადმოგვევლო, ცხენისწყლის ხეობით ქვედა სვანეთი გადაგველახა და ცაგერში ჩავსულიყავით.

როცა სოფ. კალას მოვეუახლოვედით, მოხუცმა კირეევმა თქვა: — ჩვენ ახლა ყველანი წმინდა კვირიკესა და ივლიტეს ეკლესიისაკენ წავიდეთ, იქ დაგვხვდება სვანეთის ბლალოჩინა



ბესარიონ ნიქარაძე (მწერლობაში „თავისუფალი სვანი“) და შალიანის ხატს გვაჩვენებს.

მე შევესიტყვე: — ეს შეუძლებელია, კალელებმა შალიანის ხატი ეპისკოპოს ლეონიდეს არ აჩვენეს და ჩვენ იქამდე ვინ მიგვიშვებს-მეთქი!

არ დამიჯერა: — ბლალოჩინმა ნიქარაძემ აღმითქვა, რომ უქველად გვაჩვენებს, ახლა ის იქ გვიცდისო.

გავოცდი, თან მეამა, თუკი შესაძლებლობა მომეცემოდა, მენახა შალიანის ხატი, რომელიც, აკად. ნ. მარის თქმით, ორი მილიონი მანეთი ღირდა ოქროთი და იშვიათი ხელობის ნიმუში იყო.

ლეგენდაც მქონდა გაგონილი შალიანის ხატის შესახებ: ვინმე სვანმა, სახელად შალიანმა, იმდენად ისახელა თავი თამარ მეფის დროს, რომ თამარმა უთხრა შალიანს: რაც ვინდა მთხოვე, თუგინდ ნახევარი ჩემი სამეფოსი, უარს არ გეტყვიო. შალიანმა მეფეს სთხოვა: ეს ხატი მაჩუქეო. თამარმა აჩუქა. შალიანმა თამარ მეფის მიერ ნაჩუქარი ხატი, რომელსაც შემდეგ სახელად „შალიანის ხატი“ დაერქვა, წაასვენა ზედა სვანეთში და ერთ ადგილას დაასვენა.

ამ ადგილიდან ხატი „აფრინდა“ მალა და დაჯდა სოფ. კალის მთის მწვერვალზე, სადაც მას დაუყოვნებლივ აუგეს ეკლესია და შიგ მოათავსეს.

ამ ხატის ძალა განსაკუთრებით სწამდათ სვანებს და, თუ მასზე სვანს (ერთს ან მთელ გვარს) დააფიცებდნენ, — არათუ ის, — მთელი მისი მოდგმა ამ ფიცის გამტეხი არ შეიძლებოდა ყოფილიყო.

პროგრესულად განწყობილმა მოწინავე სვანებმა ისარგებლეს შალიანის ხატის ასეთი გავლენით ხალხზე და ერთხელ მთელი ზედა სვანეთი დააფიცეს გადაკიდებული გვარების შესარიგებლად და იმის სათქმელად, თუ რომელმა სვანმა უკანასკნელ სამი წლის განმავლობაში რა ბოროტება ჩაიდინა, თავის „მტერს“ (მოსისხლეს) რა ზარალი მიაყენა, რას უდრიდა ეს ზარალი (თვითონვე უნდა შეეფასებინა ისე, რომ

მას არ დაწყვეტოდა გული დაზარალებულის როლში რომ ყოფილიყო, და დაზარალებულნი გაესტუმრებინა. ფიცის ტექსტიც საშინელი იყო:

— თუ მე ტყუილი ვთქვა, ვერ გამოვიხსნა თავი შალიანის რისხვიდან. როგორც პირადად მე, ისე ჩემი ძე და მომავალი წყეულიმც იყოს მანამ, სანამ ამ ტყუილის საპატიებლად შალიანის ხატს არ მივართვა იმდენი თეთრი ცხვარი, რამდენი წვეთი წყალიც ერთი წლის განმავლობაში ციდან წვიმის სახით დაეცემა დედამიწას...

სამი ათასზე მეტი ჩადენილი ბოროტმოქმედება გაამჟღავნეს თავიანთი პირით სევანებმა და დაზარალებულებს გაუსწორდნენ:

— ივანე ჯაჭვლიანის ცხენი რომ მკვდარი იპოვეს ამა და ამ ადგილას, ის ცხენი მე მოვუკალი მას, — თქვა ერთმა. ჩემი შეფასებით ის ხუთი აციში (აციში — ექვსი მანეთი) ღირდა. მე ვისტუმრებ ივანეს.

— მე გადაუჩეხე პეტრე დევდარიანს ძროხა კლდეში. ჩემი აზრით, ის სამ-ნახევარი აციში ღირდა. მიიღოს პეტრემ ჩემგან მაგ ღირებულების თხები და ცხვრები, — თქვა კოსტა ნავერიანმა.

— კოსტა ნავერიანის ჯორს მე გამოვლადრე კისერი, ის კი ამდენი ღირდა და მოვახდინოთ ურთიერთანგარიშსწორება მე და კოსტამ, — განაცხადა პეტრე დევდარიანმა.

საბოლოო ანგარიშით, შესაძლებელია, დიდად არავინ დაზარალებულა ამ ანგარიშსწორების დროს, რადგან აღმოჩნდა, რომ თითოეულს იმდენი ზარალი მიუყენებია სხვისთვის, რამდენიც მას მიაყენეს სხვებმა; ამიტომ ანგარიშსწორებაც უმტკივნეულოდ ჩატარდა, მაგრამ სარგებლობა ის მოჰყვა ამ შერიგებას, რომ შემდეგ შეწყდა დაფიცებულთა შორის მტრობა, შუღლი და ურთიერთისათვის ზარალის მიყენება.

თუ შალიანის ხატის საშუალებით ხალხისთვის ერთგვარად სასარგებლო საქმე გაკეთდა, ამავე ხატის მეშვეობით

სვანეთის თავდაზნაურობა და სამღვდლოება პირდაპირ საშინელებებს სჩადიოდნენ.

საკმარისი იყო რომელიმე დადემუქელიანს ან ხუცესს რაიმე ებრძანებინა გლეხისათვის, ის კი ცდილიყო თავიდან აეშორებინა ბრძანების შესრულება, რომ საცოდავ გლეხკაცს შალიანის ხატზე გადაცემით დაემუქებოდნენ. მშრომელ სვანს, რომელსაც სწავლა-განათლება არ ჰქონდა, გაბატონებული კლასები, რელიგიის საშუალებით, კიდევ უფრო დუხ-პირ მდგომარეობაში აგდებდნენ. იქნებ ერთი მიზეზთაგანი სვანეთში მეოცე საუკუნის ოციან წლებამდე ბატონყმობის ინსტიტუტის შემონარჩუნებისა იყოს რელიგია და, კერძოდ, ეს შალიანის ჭატიც.

სწორედ ამ „სასწაულთმოქმედი“ შალიანის ხატის სანახავად მივეშურებოდით მაღლა მთაზე. ეკვითა და სიამოვნებით სავსე ჩემი გული ზარივით რეკდა. მთის შუა წელში დავტოვეთ ცხენები. აღვირებით მივაბით ნაძვის ვეებერთულა ხეებს და ფეხით განვაგრძეთ ბილიკებით მაღლა სვლა. მივადწიეთ კიდევ მწვერვალს.

წმ. კვირიკესა და ივლიტეს პატარა ეკლესიის დიდი გალავნის ქიშკარი ღია იყო. შევედით ეკლესიის ეზოში ოცზე მეტი მასწავლებელი და ხელმძღვანელი, მათ შორის ჩემი მეუღლე და ორი მასწავლებელი ქალი. ეზოში არავინ იყო. ჩაუბრუნდნენ დარაჯები (კალელების მიერ ყოველწლიურად ფარული კენჭისყრით არჩეული ორი კაცი დარაჯობდა ეკლესიას უფასოდ და თავსაც ბედნიერად თვლიდა, რომ შალიანის ხატს იცავდა) წყლის თუ საკმლის ამოსატანად ჩასულიყვნენ დაბლა, სოფელში:

რამდენიმე კაცი გალავანზე ავიდა და დაბლა სოფელს დაუწყო ცქერა.

სოფლელებმა შეამჩნიეს მაღლა ხალხი. ერთ წუთში ჯოჯოხეთი დატრიალდა... მაღლიდან ჩანდა, რომ ქვევით ჩოჩქოლი, სირბილი, ყვირილი ატყდა... კეტებით, თოფებით, ნაჯახებით შეიარაღდა მთელი სოფელი (მამაკაცები. დედაკა-

ცებს უფლება არ ჰქონდათ წმ. კვირიკესა და ივლიტეს ეკლესიაზე ამოსვლისა). ყველაზე უმაღლეს მე ვიგრძენი, თუ რა უბედურება მოგველოდა. მალე სიკვდილის ფერი დაედო ყველას. გასაქცევი გზაც არსაით იყო. უკან დაბრუნებულთ სათითაოდ დაგვხოცავდნენ ჩვენკენ გააფთრებით გამოქანებული სვანები! გადავწყვიტეთ, ერთად დავეხვედროდით კალელებს ეკლესიის ეზოში მუხლმოდრეკილნი... ყოველი წუთი საათს უდრიდა. კალელები სირბილით ამოდიოდნენ მთაზე, მაგრამ განა ერთი და ორი ასეული მეტრია მთის სიმაღლე! ბევრი დრო უნდოდა ამ მაღალ მწვერვალზე ამოსვლას. აჰა, მოგვიახლოვდნენ! ერთი-ორი წუთი და ჩვენთან გაჩნდებიან, უწყალოდ დაგვხოცავენ, ჩაგვქოლავენ!...

მოხუცმა კირევემა მორბენალთა შორის მამასახლისი რომ დაინახა (ჯაჭვით მიხვდა), პირჯვარი გადაისახა და თქვა: მამასახლისი მთავრობის კაცია, ის გადაგვარჩენსო, მაგრამ იმ მამასახლისმა რომ პირველმა დაგვიმიზნა თოფი, — კირევეი წაიქცა და ყველას ვაი აღმოხდა!..

გაჭირვებამ მომაფიქრებინა და დამაყვირებინა არაჩვეულებრივი ხმით:

— შალბანაშ ხატს ოღე ოხკიდა, ჟერვა მამ ნიჰენარი, ანჰუნრედ ი ეჩუნდვე ნაყერდ სამართალ! (შალიანის ხატსაც ამოუწყვიტია, ვინც არ გვისმენს, მოგვისმინეთ და შემდეგ გაგვასამართლეთ-მეთქი).

— სვანებმა სწრაფად და ინსტინქტურად დაუშვეს თოფები დაბლა...

ამოვისუნთქეთ!.. საქმის ვითარება გავაცანით, შეცდომა ვადიარეთ... პატიება ვთხოვეთ... ცრემლებით ემუდარებოდა სვანებს მოხუცი და ღვთისმორწმუნე კირევეი...

— გვიპატიებია, დაიკარგენით აქედან! პირველ რიგში

უწმინდური ქალები გავიდნენ აქედანო! — დაიძახა უხუცესმა სევანმა... თხებივით გადმოვიდნენ ეზოდან დაფეთებულ ქალები და რამდენიმე მამაკაცი მასწავლებელი. ისინი ელვის სისწრაფით დაეშვნენ დაბლა ბილიკებზე...

მოხუცი კირევი განაგრძობდა პირჯვრის წერას და რუსეთზე ლაპარაკს: — რუსეთში ბევრი სასწაულთმოქმედი ხატი გვაქვს. ჩვენ შორიდან ჩამოსულებს ყველას ვაძლევთ საშუალებას ჩვენს ხატს ემთხვიოს, სანთელი აუნთოს... მე შორიდან მოვსულვარ თქვენი დიდი ხატის წინაშე მუხლის მოსადრეკად, სამთხვევად, სანთლის ასანთებად!.. გთხოვთ, მომცეთ ამის საშუალებაო...

სევანებმა ითათბირეს. ჩვენდა გასაოცრად, ორ კაცს, კირევს და მე, მოგვცეს ეკლესიაში შესვლის უფლება. ჯერ მივეყვანეს ეზოს იმ მხარეში, სადაც ორი თუ სამი ვეებერთელა ქვაბი დგას (თითოში ორი ძროხა ჩაეტევა), ჩვენგან ფარულად გააღეს პატარა ეკლესია, მოგვაკითხეს და წავგიყვანეს. წმ. კვირიკესა და ივლიტეს პატარა ეკლესია უკვე გაეჩაღებინათ თაფლის სანთლებით. კარებში ორი თოფიანი კაცი იდგა. შიგ ორი უხუცესი სვანი შეგვიძღვა. შესვლისთანავე თვალში მოგვხვდა ვეებერთელა (ოთხი არშინი სიმალლისა, ორი არშინი განის და სათანადო სიმსხოს მოოქროვილი და ძვირფასი თვლებით მოქედილი) ვერცხლის ჯვარი, იქვე განზე ტახტი (თამარ დედოფლის არისო) და უამრავი ოქროსა და ვერცხლის ჯვარ-ხატი, რიცხვით 172. ეკლესიის საკურთხევლის ძალიან პატარა ოთახის გვირაბიდან ამოიტანეს და გვაჩვენეს შალიანის ხატი, — სახარების წიგნსა ჰგავდა, გასაოცრად მოკაზმულ-მოქედილი.

შიშითა და ძლიერი შთაბეჭდილებებით დათენთილ-დაქანცულნი დავეშვით დაბლა, სოფელში. დამე კალის სკოლაში გავათიეთ და მეორე დღეს ლატვარი გადმოვიარეთ, შემდეგ — ქვედა სვანეთი და ცაგერში ჩამოვედით.

ზოგი ექსკურსანტი თავისი გაჩენის დღეს იწყევლიდა, ბუზ-  
ლუნებდა, „აწი მე კაცად არ გამოვდგებიო“, იწყევლებოდა;  
ზოგი არ ამქლავებდა თავის მდგომარეობას, ზოგს კი უხა-  
როდა და კმაყოფილიც იყო, ასე მშვიდობიანად რომ დამთავ-  
რდა ჩვენი ექსკურსია შალიანის ხატის სანახავად.

— ბლალოჩინი ნიუარაძე ჩამოსახრობიაო, — გულის-  
ტკივილით იტყვოდა ხოლმე დროგამოშვებით კირეევი.

## 6

ცაგერის ორკლასიანი სასწავლებლის გამგის სახელზე  
მოდირდა ზედა სვანეთის მასწავლებლების ჯამაგირი და  
ჩვენც მისგან ვღებულობდით მას, როცა ცაგერში ჩავედო-  
დით. ეს ხდებოდა იმის გამო, რომ ზედა სვანეთში ჩასასვ-  
ლელი გზები, მათი უხეირობისა და უპატრონობის გამო, იკე-  
ტებოდა არა მარტო ზამთარში, არამედ შემოდგომასა და გა-  
ზაფხულზეც. სამი-ოთხი თვე იყო წელიწადში (ზაფხული),  
როცა ფოსტა კანტიკუნტად მუშაობდა და სვანეთში ჩასვლა  
და სვანეთიდან გადმოსვლა ასე თუ ისე შეიძლებოდა. „ასე  
თუ ისე“ — ვამბობ იმიტომ, რომ იმ ხანებშიაც ან უნდა გა-  
დაგვევლოთ ლატფარის მთის მძიმე გზა, ან ინგურის ერთობ  
სახიფათო ხეობით გამოსულიყავით სვანეთიდან ზუგდიდის  
მიმართულებით.

ქვედა სვანეთსა და ზედა სვანეთს ყოფს უზარმაზარი  
ლატფარის მთა. სოფ. კალიდან (ზედა სვანეთი) სოფ. ჩილუ-  
რამდე (ქვედა სვანეთი) ოცდაათ კილომეტრზე მეტი, მძიმე-  
ზე მძიმე გზა ლატფარის მთაზე გადადიოდა. ნახევარი გზა  
სულ მაღლა-მაღლა მიდის მთაში, ნახევარი კი დაბლა ეშვე-  
ბა; მასზე გაჭირვებით გადასვლა შეიძლებოდა მხოლოდ  
ზაფხულის თვეებში, ისიც ხან ხიფათითაც. დანარჩენი დრო  
გზა თოვლით იფარებოდა და მგზავრობაც შეუძლებელი ხდე-

ბოდა. 1913 წლის სექტემბერში ვიმგზავრე ცოლ-შვილით ამ გზაზე. თოვლი მოდიოდა და გზას ფარავდა. თვალში გამოხედვას გვიშლიდა თოვლი და ნამქერი. მგზავრები ცხენებზე ვიჯექით და ნაბდები გვეხურა. მე ხელში მეკავა ჩემი ორი წლის ბავშვი. ლატფარის მთის თითქმის მესამედი გზა გავლილი მქონდა, როცა შევამჩნიე, რომ ბავშვს ჩასძინებოდა, გაყინულიყო და თითქოს სუნთქვაც შეეწყვიტა. ხელით შევეხე, შევანძარიე, გაშეშებულყო. შეშფოთებულმა შევლავთხოვე თანამგზავრ სვანებს. ისინი გადმოხტნენ ცხენებიდან, ჩამომართვეს ბავშვი, სახე, ხელ-ფეხი დაუზილეს, მაგრამ არაფერი გამოვიღა. ერთმა მათგანმა დაიძახა: დავბრუნდეთ უკანო, ბავშვი სირბილით ჩავიყვანოთ დაბლა, იქნებ მოსულიერდესო! ერთი ყოჩალი სვანი მიარბენინებდა ბავშვს, დანარჩენები ყველა მას მივდევიდით. ერთი თუ ორი კილომეტრი ჩავირბინეთ და ბავშვის ტირილი შემოგვესმა. მშველელი განაგრძობდა. თავქვე სირბილს. ასე გავიარეთ ხუთი კილომეტრი, ვიდრე ლატფარის კალთის კარებებს მივალწევდით. იქ ცეცხლიც დაგვხვდა და შოთა სიკვდილს გადაარჩა. ის ღამე იმ კარავში გავათიეთ. გადავწყვიტე, სამუდამოდ დავბრუნებულყოყავი უკან, იმერეთში, სვანები მეუბნებოდნენ: ვნახოთ, ხვალ იქნებ კარგი დღე დადგეს და შესაძლებელი გახდეს ბავშვის უვნებლად გადაყვანა ლატფარის მთაზეო. მეორე დღე მართლაც მშვენიერი, მზიანი დადგა. სვანებმა დამძლიეს და გადაწყვეტილება შემაცვლევინეს. უვნებლივ გადავედით ლატფარის მთაზე.

## 7

სვანეთში ყოფნისას, პედაგოგიურ საქმიანობასთან ერთად, ვაკვირდებოდი სვანთა ზნე-ჩვეულებებს, ცხოვრების პირობებს, ამ კუთხეს ყოველნაირად ვსწავლობდი და ლექსებსა და სტატიებს ვბეჭდავდი ქართულ და რუსულ ჟურნალ-გაზეთებში.

თავისუფალი სვანეთის აჯანყებისა და ხალდეს დანგრევის მოწმეები და მონაწილენი ცოცხლები იყვნენ სვანეთში ჩემი ყოფნის დროს. მათი უშუალო დაკითხვისა და სანდო წყაროების გამოყენებით შევეცადე დამედგინა და ამეწერა ეს ისტორიული ფაქტი .აი ისიც:

„სვანეთი რუსეთს 1853 წელს შეუერთდა. მთელი სვანეთი სამ უმთავრეს ნაწილად იყოფა: სადადიანო, თავისუფალ და სადადეშქელიანო სვანეთად. უზარმაზარი ლატფარის მთა სვანეთის ტერიტორიას ორად ჰყოფს; ქვედაში მდინარე ცხენისწყლის პირად სადადიანო სვანეთია, ზედაში კი, მდინარე ინგურის ხეობაში — თავისუფალი და სადადეშქელიანო სვანეთია. თვით სიტყვა სადადიანოც კარგად გვეუბნება, რომ ქვედა სვანეთის ბატონ-პატრონი დადიანები არიან, სადადეშქელიანოსი კი მეთხუთმეტე საუკუნიდან — დადეშქელიანებია. თავისუფალ სვანეთის ისტორიას არ ახსოვს ბატონობა. ქვედა, ანუ სადადიანო სვანეთზე არაფერს ვიტყვი, პირველ ყოვლისა იმიტომ, რომ მას კარგად არ ვიცნობ და რამდენადაც კი ვიცნობ ქვედა სვანები ბევრად არ განსხვავდებიან მათ მეზობელ ლეჩხუმლებისაგან, გარდა იმისა, რომ სწავლა-განათლების მხრით ბევრად ჩამორჩენილი არიან ლეჩხუმლებზე, განსაკუთრებით ორი — ლენტეხისა და ჩოლურის საზოგადოებანი. მესამესა და უკანასკნელ საზოგადოებას ქვედა სვანეთისა კი, სახელდობრ, ლაშხეთს, არა უშავს რა. მშვენიერი მდებარეობა, სამი სკოლა... და ყოველ ფეხის ნაბიჯზე მკავე წყალი.

ზედა სვანეთის მცხოვრებნი სადადეშქელიანო და უბატონო სვანები, დიდად განსხვავდებიან ერთნი მეორიდან. სადადეშქელიანოს მონობის ერთგვარი დალი აზის, სულ სხვა მიმართულებისა და ხასიათის არიან თავისუფალი სვანები... ესენი გახლავთ ლალი, ამაყი, გაბედული, პირში მთქმელი, თავისუფალი და მამაცი ადამიანები... „არც არავის ყმად ვყოფილვარ, არც არავინ ყმად მყოლიაო“, სწორედ მათ შეუძლიათ სთქვან. როგორც ზევითაც ვთქვით, სვანეთის



რუსეთთან შეერთება 1853 წ. მოხდა. სადადეშქელიანო და სადადიანო სვანები უფრო გულგრილად შეხვდნენ ამ გარემოებას, ვიდრე თავისუფალი სვანეთი. პირველად საიმისო არაფერი მომხდარა, მაგრამ მერე და მერე ვერ იგუა, გაფიცულა და ბევრი უსიამოვნება მიიყენა მეფის რუსეთის მთავრობას თავისუფალმა სვანეთმა. თუ რაიმე უსიამოვნების განცდა და შეტაკება მოუხდა მთავრობას სვანეთთან, მხოლოდ და მხოლოდ თავისუფალთან. სადადიანო და სადადეშქელიანო სვანებთან კი სრულიად არაფერი. პირიქით ხშირად ამათ თავისუფალი სვანეთის დასამშვიდებლად ხმარობდა რუსის მთავრობა.

1875 წლის დასაწყისში ზედა სვანეთის ბოქაულმა თავჯორჯაძემ მთავრობის მოწერილობის ძალით მთელი ზედა სვანეთის (მათ შორის, რასაკვირველია, თავისუფალი სვანეთის) სახნავ-სათესი მიწების ზომვა დაიწყო. ამ გარემოებამ თავისუფალი სვანეთი ექვში შეიყვანა — „ვაითუ მთავრობა მიწის გადასახადის შემოღებას ფიქრობდესო“. სვანების შეკითხვაზე, თუ რად ზომავთ ჩვენს მიწებსო, თავად ჯორჯაძემ მოკლედ უპასუხა: „მთავრობა მთხოვს და ვზომავ, მორჩა და გათავდაო“... ამან უფრო დააეკვიანა გულუბრყვილო ხალხი: დაიწყო მითქმა-მოთქმა, არეულობა, უთანხმოება. ერთ მშვენიერ დღეს მთელმა თავისუფალმა სვანეთმა, რომელიც შვიდი საზოგადოებიდან შედგება, სოფ. კალას ერთ ვეებერთელა მინდორზე მოიყარა თავი... მოლაპარაკედ მულახელი ყაზბულატი შერვაშიძე იქნა არჩეული. იგი მინდორზე მალალ ქვაზე ავიდა და დაიწყო: „ასეთი შეკრებულემა, როგორსაც ეხლა ვხედავ, წინათაც ხშირათ იყო ჩვენში... ყოველთვის ამას საერთო საქმე და ინტერესი იწვევდა. ამ კრებაზე ჩემზე უზუცესიც ბევრია და ისინი უკეთ გეტყვიან თქვენ, რომ ყველა, ვინც კი ჩვენს დამორჩილებასა და დაჩაგვრას მოინდომებდა, ჩვენივე საერთო ძალით უწყალოდ ილუპებოდა. თოფი და ხანჯალი მუდამ ყოფილან ჩვენს დამცველებად. უბედურებიდან ღმერთმა დაგვიფაროს, არა გვაქვს სურვილი იარაღს მივმართოთ და რუსებს შევეჯახოთ. პირველ ყოვლისა ჩვენ სიცოცხ-

ლე გვწყურია და არა სიკვდილი. რუსის ჯარი დიდია, ჩვენ ცოტანი ვართ... მათთან შეტაკებას ვერ გავუძლებთ... ისინი ჩვენ გაგვსრისავენ, მაგრამ ჩვენ ხომ არ მიგვყავს საქმე იქამდე? თქვენს ხელში არ გვინდა ვიყოთ-თქო, ჩვენ ხომ არ ვეუბნებით მთავრობას? ამის თქმა ჩვენ წინათაც შეგვეძლო — აი მაშინ, როცა მტერი და მოყვარე ერთად გვირჩევდა და გვარწმუნებდა: „რუსებს შეუერთდით, მათ ხელში ბედნიერნი იქნებით, ისინი თქვენ ცხოვრებას წინ წასწევინ, გააუმჯობესებინა“... იმ ხანებში ჩვენ მათ დავეუჯერეთ!.. მე თითონ ნამესტნიკის ვარანცოვის მონათლული ვარ და ასეთე ისე ვიცნობ რუსის მოხელეებს. ყველა გვარწმუნებდა — „მთავრობა გაგაბედნიერებთო“.. ჩვენც დავიჯერეთ და სწორედ მიტომ შევეუერთდით რუსეთს და არა ძალით და გვიმორჩილა ვინმემ. წინააღმდეგობა ჩვენ არ გავიწევიან, თუმცადა ეს კი შეგვეძლო. თუკი ჩვენმა მეზობელმა შეიარაღებული წინააღმდეგობა გაუწია რუსებს, ნუთუ არ შეგვეძლო თოფის სროლით შევხვედროდით. შორეულ ჩრდილოეთიდან მოსულ სტუმრებს?.. მაგრამ არა!.. პირიქით, მთავრობის ყოველგვარი წინადადება შევასრულეთ; რასაკვირველია, იმ იმედით, რომ ისინი ჩვენს ცხოვრებას წინ წასწევდნენ. ბოქაულები გამოგვიგზავნეს — მივიღეთ... მღვდლები გამოგვიგზავნეს — მივიღეთ... მთავრობის მოთხოვნილებით მამასახლისები ავირჩიეთ და, წარმოიდგინეთ, ბოლოს იმაზედაც კი დავთანხმდით, რომ თითოეულ სვანის ოჯახს ხაზინისთვის მანეთი და ექვსი შაური გვეძლია... უნდა გამოეტყუდე, ამ გადასახადის შემოღებამ პირველად ძლიერ გამაკვირვა, ნამეტურ ყველა იმ დაპირებების შემდეგ, რაც ჩემის ყურით მომინამენია. ყურები გამოგვიყრუეს — „თქვენს მდგომარეობას გააუმჯობესებთო“, და პირიქით დაგვადგეს გადასახადი. ეს მე იმას მაგონებს, თუ როგორ მიჰმართა ცხვარმა თხას, მატყლი მიზიარეო... ყველა ეს ასეა და ეხლა გვეუბნებიან, თქვენი ადგილები უნდა დავზომოთო. ეგ რისთვის? რატომ? ამაზე, როგორც თქვენც იცით, ბოქაულმა, მოკლედ და ბუნდოვ-

ნად გვიპასუხა: „ასეთია მთავრობის განკარგულებამ... ჩვენში კი ელვის სისწრაფით ვრცელდება ხმა, — მთავრობა ახალი გადასახადის შემოღებას აპირებსო... მართალია ეს თუ არა, არ ვიცი, მაგრამ, თუ ეგ ხმა მართალი გამოდგა, რა-ღად გვინდა თავი ცოცხალი! სჯობს ჩვენივე ძვლებით მოვეკეწოთ და სისხლით მოვრწყვათ ჩვენი ადგილები, ვიდრე ასეთი დამცირება და შევიწროება განვიცადოთ... ყოველ შემთხვევაში ასე ადვილადაც ნუ დავუჯერებთ, ჩემო კეთილებო, ამ ხმებს! აქ სამკედრო-სასიცოცხლო საქმე წყდება და ამისთვის ვეცადოთ აუჩქარებლად, დინჯად საქმის კარგად გაგებას. მოვახსენოთ მთავრობას ისე, როგორც ეხლა გელაპარაკეთ, და პასუხს მოვეუცადოთ“<sup>1</sup>.

ყაზბულატი ძირს ჩამოვიდა და ტრიბუნაზე მოხუცი გირგვილიანი გამოჩნდა... „ყაზბულატის სიტყვებს, — თქვა მან — მე მხოლოდ იმას დაეუმატებ, რომ ასეთ შემთხვევაში ჩვენი წინაპრები წმ. კვირიკესა და ივლიტეს ეკლესიაზე ფიცს ღებულობდნენ; ასეც მოვიქცეთ... წავიდეთ, ფიცი დავდოთ, რომ ერთმანეთს ვუერთგულვებით... დავიფიცოთ, რომ თუ საჭირო იქნება, ყველა ისე, როგორც ერთი კაცი, მივალთ მტერზე. დავიფიცოთ, რომ მოღალატეს ხალხის წინ დავსჯით, დავსჯით სასტიკად... ბედნიერებაში და მწუხარებაშიც ჩვენ ყველა ერთნი უნდა ვიყოთ“... ორატორი ტრიბუნიდან ჩამოვიდა და ეგ ზღვა ხალხი წმ. კვირიკეს ეკლესიისკენ დაიძრა. აღნიშნული ეკლესია ერთი ვერსის მანძილზეა საკრებულო ადგილიდან... მალე ეკლესიის ეზო ხალხით გაიჟედა. სპეტაკ თოვლივით გათეთრებულმა მოხუცმა ფანგანმა ეკლესიიდან შალიანის ხატი (რომელიც ყველა ხატზე ძლიერ სწამს სვანს) გამოასვენა და უკანასკნელი ორატორის სიტყვები გაიმეორა. ხალხმა ხმამაღლა და გარკვევით დაიგრიალა: „ამინ!“ გრძელ ჯოხს ორმა სვანმა აჭეთ-იჭით მოჰკიდა ხელი და ასწია მაღლა. თითოეულმა სვანმა ფიცის დასამტკიცებლად ჯოხის

<sup>1</sup> „Из недавнего прошлого Сванетии“, А. Гарсеванов.

ქვეშ გაიარა. ცოტა ხანში ხალხიც დაიშალა. რეზოლუცია კრებისა, ცხადია, ასეთი იყო; ხმები, მთავრობას მიწის გადასახადის შემოღება სურსო, თუ ტყეხილი გამოდგებოდა — არაფერი და, თუ მართალი, უსიკვდილოდ არ უნდა დაეთმოთ. ბეჩოში კი, სადაც მაშინ და ახლაც პოლიციის მოხელენი დგანან, ბოქაულ ჯორჯაძეს კრების რეზოლუცია ისე მიუვიდა, თითქოს თავისუფალ სვანებს გადაეწყვიტათ ბოქაულის პოსტის (რომელიც იმ ხანებში სამას კაცს აღემატებოდა) ამოწყვეტა. შეშინდა ბოქაული, დადემქელიანებს მიმართა „გვიშველეთო, ვილუპებითო“. დადემქელიანებმა პოლიციის საშველად თავიანთი გლეხები გამოაწყვეს. ამ გარემოებამ თავისუფალი სვანების მეორედ შეკრება გამოიწვია. სვანებმა გაიგეს ისიც, რომ ბოქაულმა მთავრობას მოხსენება გაუგზავნა, სადაც გაზვიადებულად იყო ყველაფერი აწერილი და სთხოვა, ჯარით მოგვეშველეთ, თორემ თავისუფალი სვანები ამოვლეტას გვიპირებენო. აღელვებულმა სვანებმა ადგილობრივ პოლიციის მოქმედებების აწონ-დაწონის შემდეგ მართლაც გადაწყვიტეს ბოქაულის „პოსტის“ ამოვლეტა. დაიძრნენ კიდეც. მაგრამ რაღაც სასწაულით ეგ ზღვა ხალხი შეჩერდა. შეაჩერა თავ. თენგის დადემქელიანის სიტყვებმა, რომელიც მაშინ ბოქაულის თანამემწედ იყო. იქვე მოლაპარაკება მოხდა და გადაწყდა: თავისუფალი სვანეთის ორი საზოგადოება უნდა გაჩერებულყო ბალის მთის ძირში, რომ ბეჩოდან თავისუფალ სვანეთში ერთი პოლიციის მოხელეც არ შემოეშვათ. თავისუფალ სვანეთისავე დანარჩენ ხუთ საზოგადოებას კი უნდა ეყარაულა ლატვარის მთის ძირში, რომ შეიარაღებული შეტაკება გაეწიათ და არ შემოეშვათ თავისუფალ სვანეთში ქუთაისიდან მომავალი რუსის ჯარი. იმ ხანებში ლეჩხუმის მაზრის უფროსს ბ-ნ გრინიოვსკის ცაგერში შეეპყრო ექვსი სვანი მაშინდელ გუბერნატორის მალაფევის ბრძანებით, რომელიც სვანეთში წამოსასვლელად დიდი ჯარით ჩამოსულიყო ცაგერში. ეს ექვსი კაცი გამოგზავნილ იქნა თავიანთ თანამემამულე თავისუფალ სვანებთან

გუბერნატორის შემდეგი ბრძანების გადასაცემად: „მთავრობას არავითარი ახალი გადასახადის შემოღების განზრახვა არა აქვს... გთხოვთ დაწყნარდეთ და თქვენი წარმომადგენლები ჩემთან მოსალაპარაკებლად გამოგზავნოთ ცაგერში“. თავისუფალმა სვანეთმა ათი კაცი, მათ შორის ყაზბულატ შერვაშიძე, ცაგერს გაგზავნა გუბერნატორთან მოსალაპარაკებლად. წარმომადგენლებს ჯერ მაზრის უფროსი გრინიოვსკი გამოეგება; იგი მეტად ფიცხად შეხვდა, განსაკუთრებით ყაზბულატ შერვაშიძეს.

— სირცხვილია, სხვა რომ არა იყოს რა, — ეუბნება გრინიოვსკი ყაზბულატს, — 15 წელიწადია სახელმწიფო სამსახურში ხარ (მამასახლისად იყო), ორი მედალიც გაქვს და დაწყნარების მაგივრად, პირიქით აღელვებ ხალხს. წადი და ეხლავე მოხსენი ყარაულები ლატფარს!..

ლაპარაკი დიდხანს გაგრძელდა, მაგრამ დაწვრილებით აღნუსხვით არ დავღალავ პატივცემულ მკითხველს... ამას კი ვიტყვი, რომ ყაზბულატმა დიდი ყურადღება არ მიაქცია მაზრის უფროსის სიტყვებს, გარდა იმისა, რომ უთხრა: „ლატფარზე ყარაულების მოხსნა თავისუფალი სვანეთის საერთო კრების საქმეა და არა ერთი კაცისაო“. წარმომადგენლები გუბერნატორს გამოეცხადდნენ. აქვე უნდა აღინიშნოს, რომ მაშინდელი გუბერნატორი, მალაფაევი, სვანების შეტყობით და ხსოვნით, მეტად ტკბილი, დინჯი, კარგი ტაქტისა და დიპლომატი კაცი იყო... გუბერნატორმა პატივისცემითა და ლმობიერად მიიღო სვანების წარმომადგენლები და აჯანყების მიზეზს ეკითხება:

— ვინ გითხრათ, თითქოს ჩვენ ახალი გადასახადის შემოღებას ვფიქრობდეთ?

— რაჟა-ლეჩხუმში გაიგეს ჩვენთანებმა. — უპასუხებს ყაზბულატი.

— გიცხადებთ, რომ ყველა ეს მტკნარი სიტყუა. რატომ დაუჯერეთ ამ უნიადაგო ხმებს? ჯერ უნდა გაეგოთ, საქმე თუ

რაში იყო... თქვენ კი უსაბუთოდ დაუჯერეთ მოკორილ ხმებს!

— ჩვენ გვაქვს საბუთი, თუ რისთვის დაუჯერეთ ამ ხმებს, — აწყვეტილებს გუბერნატორს სიტყვას ყაზბულატი, — რამდენიმე წლის წინათ ჩვენში ხმა გავრცელდა, მთავრობას „საოჯახო“ გადასახადის შემოღება სურსო, ჩვენ ეს არ გვჯეროდა, მაგრამ საუბედუროდ მართალი გამოდგა. ეხლა ჩვენ ამ ხმებს ასე შევხედეთ. თუ ის ხმა, — თითოეულ ოჯახს წლიურად მანეთსა და ექვს შაურს შემოაწერენო, — არ გვჯეროდა და მართალი გამოდგა, ეხლაც რად უნდა არ დავიჯეროთ, მართალი გამოდგება-თქო. ლეჩხუმში ჩვენიანებს არწმუნებდნენ, რომ მთავრობა არა მარტო ქცევა მიწაზე შემოიღებს გადასახადს ხუთ-ხუთ შაურს, სხვა ბევრ რამეებსაც გადაგახდევინებენ და იმ თქვენს ციხე-კოშკებსაც დაგინგრევენო. რასაკვირველია, ძნელია ამეების დაჯერება, ყოველ შემთხვევაში, ჩვენ გული გვტკივა ამის გაგონებითაც კი და, თუ მართლა თქვენ ასე მოქცევა გსურთ, ბარემ გავწყვიტეთ ყველა, ჩვენ ეს გვირჩევნია, შემდეგ კი არც იარაღი დაგვკირდება და არც ჩვენი ციხე-კოშკები!..

— მე თქვენ ჰკვიან კაცად გთვლით, — სერიოზული კილოთი ეუბნება გუბერნატორი ყაზბულატს, — და მიკვირს, როგორ ადვილად დაგიჯერებიათ თქვენ ეგ ზღაპრები!

— ჩვენ გულით გვინდა არ გვჯეროდეს, მაგრამ ახალი გადასახადის შემოღება...

— რა გადასახადის! — ოდნავ გაჯავრებულის კილოთი გააწყვეტინა ყაზბულატს გუბერნატორმა, — თქვენი გადასახადი პირველ ყოვლისა ისაა, რომ თითო ღერი სანთელი აუნთოთ ხატს და მადლობა შესწიროთ განგებას, რომ თქვენ რუსის ხალხში ხართ! იცით, რამდენ ფულს ხარჯავს თქვენზე ხაზინა? ბოქაული, მისი თანაშემწე, კანცელარია, სამღვდელოება — ყველა ეს ხომ მთავრობის ხარჯით გყავთ, იცით თუ არა? — არ იცით! თქვენი გადასახადი მესამედსაც არ შეადგენს ამ თანხისას, რომელსაც თქვენზე ხაზინა ხარჯავს!



— ეგ იმიტომ, — უპასუხებს ყაზბულატი, — რომ ყველა ჩამოთვლილი პირი მთავრობისათვისაა საჭირო! რაც შეგვეხება ჩვენ, მართალი უნდა მოგახსენოთ, იოტის ოდენა სარგებლობასაც ვერ ვხედავთ მათში!.. სევანებმა მომანდეს და უნდა გითხრათ, რომ მთავრობის მიერ შემოღებული „საოჯახო“ გადასახადი მეტად მძიმე შეიქმნა ჩვენთვის... ჩვენზე თვით თამარ მეფესაც არ დაუდვია გადასახადი...

— მართალია, — უპასუხებს გუბერნატორი, — თამარ მეფეს თქვენზე გადასახადი არ დაუდვია, მაგრამ სამაგიეროდ მას სალდათად მიჰყავდით. ამის გარდა, თამარი თქვენში ჯარსაც სტოვებდა სარჩენად, როცა ეს მისთვის საჭირო იყო...

— არა! ეს ასე არ იყო, — უპასუხა სევანმა. — ყოველწლიურად თამარ მეფესთან მიდიოდნენ სევანები თავიანთი უქვეშევრდომილესი გრძნობის გამოსაცხადებლად. თამარი კი ჩვენს გაგზავნილ კაცებს კეშმარიტ მეფურად ასაჩუქრებდა, ის ძვირფას საჩუქრებით ისტუმრებდა ჩვენს წინაპართ...

— მივატოვოთ ეხლა ამაზე ლაპარაკი! მე თვითონ სევანეთში მოვდივარ და იქ გამოვარკვიოთ ყველაფერი! — უთხრა ყაზბულატს გუბერნატორმა.

— ჯარიც თქვენთან წამოვა? — იკითხა სევანმა.

— დიახ! — იყო გუბერნატორის პასუხი.

— კი, მაგრამ თქვენ ხომ ახალი გადასახადის შემოღებას არ ფიქრობთ? მამ ჯარი რად გინდათ?

— თქვენ რას გიშლით ჯარის წამოსვლა?.. ესენი ბეჩოში საზრდოს წაიღებენ. თქვენგანაც ბევრ რამეს იყიდიან და ფულს მოგცემენ!..

— ჩვენც თქვენთან წამოვიდეთ? — შეეკითხა ყაზბულატი.

— ჩვენთან უნდა წამოხვიდეთ! — იყო პასუხი.

— მამ ნება მიბოძეთ, ერთი ჩვენთაგანი წინ გავუშვა, რომ ხალხმა არ იფიქროს, ვითომ ჩვენ დატყვევებული ვიყოთ, თორემ ცუდი შედეგი მოყვება! — გააფრთხილა ყაზბულატმა გუბერნატორი.



— ეგ არაფერია! ყოველ შემთხვევაში, ამას მერე გადავწყვეტთ, თქვენ კი სულ ჩვენთან იარეთ... რაც გზაში საკმელსასამელზე, ან სხვა რამეზე ფული დაგკირდებათ, მე მომმართეთ და მოგცემთ. ოღონდ ჩვენთან იარეთ! არსად დაგვცილდეთ!

ერთი დღით ადრე გუბერნატორმა მაზრის უფროსი ბ-ნი გრინიოვსკი რამდენიმე პირის თანხლებით წინდაწინ სვანეთში გამოუშვა. ამიტომ გრინიოვსკიმაც ერთი დღით გუბერნატორზე ადრე მოაწია ლატფარის მთის იმ ადგილას, სადაც თავისუფალი სვანები იარაღებით იყვნენ გაჩერებულნი. მათი მიზანი, როგორც ვიცით, ის იყო, რომ ქუთაისიდან არავინ შემოეშვათ სვანეთში. ჯერ გრინიოვსკი ისედაც საკმაოდ სძულდათ სვანებს, და მერე არც იცოდნენ, თუ რისთვის მოდიოდა. ამიტომ რა გასაკვირველია, რომ ოფლში გაღვარულ ცხენებსა და კაცებს წუთით დასვენების ნებაც არ მისცეს! რა ჰქნას მაზრის უფროსმა? იმ ჯარით, რომელიც მას ახლავს, ვერაფერს უზამს. ამას გარდა, უკან გუბერნატორი მოდის და ეხლანდელ მის სვანებთან შეტაკებას უტაქტობად ჩამოართმევენ. დაბრუნებული მაზრის უფროსი სვანეთში მომავალ გუბერნატორს ლატფარის წვერზე მეჭვდა და მოახსენა, თავისუფალ სვანეთში ფეხი არ შემოდგათ, თორემ დაგზოცავენო. ცოტა არ იყოს ჩაფიქრდა გუბერნატორი; ის მხოლოდ ეხლა მიხვდა, რომ ყაზბულატ შერვაშიძის წინადადება, ერთი ჩვენთაგანი წინდაწინ გაგვიშვიო, აუცილებელი რამ იყო. მალაფევეს გულით უნდოდა სვანებთან შეტაკება არ მოჰხდომოდა, იმიტომ, როდესაც ყაზბულატ შერვაშიძისა და მისი ამხანაგების წინდაწინ გამოშვება გადაწყვიტა, ყაზბულატს ემუდარებოდა: „დაამშვიდე საზოგადოება, თუკი ეს შესაძლებელია! დაარწმუნე შენი მეგობრები, თანამოძმენი და ნათესაეები, რომ მიწის გადასახადის შემოღება სვანების მტრების გამოგონებაა, რომ ეს სიმაართეს მოკლებულია. არავითარი გადასახადის შემოღებას არ ეფიქრობთ. ჯარი მიტომ კი არ მოგვყავს სვანეთში, რომ შე-

ტაკებას ვაპირებთ თქვენთან... არა, ღმერთმა დაგვიფაროს... ჩვენ თქვენთვის სიკეთე გვსურს და არა ამოკლელთა“... ყაზბულატი და მისი ამხანაგები წამოვიდნენ. რამდენიმე საათის შემდეგ გუბერნატორმა განკარგულება მოახდინა, ჯარი დაქსაქსულიყო და ცალ-ცალკე წასულიყო, მალე თვითონაც გაუდგა გზას. იმავე საღამოს ჩავიდა კალაში, სადაც სვანები იყვნენ დაბინავებულნი. ცოტა მოშორებით გაჩერდა, დაბინავდა და ღამე გაათია. მეორე დღეს ე. ი. 1875 წ. 20 ივლისს დაიწყო მოლაპარაკება თავისუფალ სვანებსა და გუბერნატორის შორის. მოლაპარაკება ორ დღესა და ორ ღამეს გაგრძელდა. ხან ისე გამწვავდებოდა ხოლმე დამოკიდებულება, რომ სვანები თოფების ჩახმახს ფეხზე შეაყენებდნენ და ჯარისკენ მიიწეოდნენ, მაგრამ გუბერნატორი ძლიერ მოხერხებულისა და ტკბილი სიტყვით ამშვიდებდა აბობოქრებულ ხალხს. ახალი არაფერი თქმულა. შეტაკება არ მომხდარა. გუბერნატორსა და რუსის ჯარს, რომელსაც გენერალი ციტოვიჩი უფროსობდა, ხალხმა გზა დაუცალა და უვნებლად გაუშვა ბეჩოსკენ. ბეჩოში გუბერნატორი ერთ კვირას დარჩა, ბოქაულ ჯორჯაძეს მოსთხოვა აჯანყების მოთავეთა სია. სიაში 16 კაცი მოხვდა. მათ შორის, რა თქმა უნდა, ყაზბულატიც. ეგ 16 კაცი გუბერნატორმა ბეჩოში დაიბარა. გამოცხადდა 12. მალაფევემა ლმობიერად განუმარტა მოთავეებს, თუ როგორ სასტიკად სჯის რუსის კანონი წყლის ამღვრევთ... და თან დასძინა: მე ვეცდები ვიშუამდგომლო ნამესტნიკის წინაშე, რომ თქვენ არ დაგსაჯონ, მხოლოდ დაგარიგებენ და გამოგიშვებენ... ეხლა კი ჩემთან ქუთაისში უნდა წამოხვიდეთო!“ ეს ვერაფრად ესიამოვნათ სვანებს... შეიქმნა მითქმა-მოთქმა. ფაციფუცი... გუბერნატორი ატყობს, ძალით ვერაფერს გახდება, და ისევ ტკბილ სიტყვებს მოუხშირია! „მე ღრმად მწამს, რომ თქვენ არ დაგსაჯიან... წამოდიო... მე მიტომ გეზევწებით, რომ თქვენს მაგივრად ვშიშობ, ვაითუ უარის თქმა ცუდად ჩამოგართვან, შეტაკება მოუვიდეს ჯარს თქვენთან... მერე ამას რისთვის სჩადინხართ? წავიდეთ ერთად. გზაში

საქმელ-სასმელი არ გაგიჟირდებათ... სამ დღეში უკანვე მშვიდობით დაბრუნდებით... მამაშვილურად გირჩევთ დამიჯეროთ და ჩემთან წამოხვიდეთ... არავითარი ცუდი თქვენ არ მოგელითო“ და სხვა. ამაზე ყაზბულატ შერვაშიძემ სთქვა: „თუ ჩემი ქუთაისში წამოსვლა საჭიროა, მოვდივარ. მე მწამს, რომ ნამესტნიკი არ დაგვსჯის ჩვენ. ჩვენ თავი დამნაშავედ არ მიგვაჩნია და მართალს არავითარი კანონისა არ უნდა ეშინოდეს... ვიმეორებ, მე მწამს, ნამესტნიკი და არც რუსის კანონი არ დაგვსჯის, რადგან არავითარი ცოდვა არ მიგვიძღვის. ჩვენ ჩვენი ქვეყნის საკეთილდღეოდ არ შეგვეძლო არ მოვექცეულიყავით ისე, როგორც მოვიქცით... და არ მესმის, აქ რა დანაშაული უნდა მიგვიძღოდეს!“.. ყაზბულატის წრფელმა და გულუბრყვილო აღსარებამ დანარჩენი მისი თანამოძმენიც დაარწმუნა და... 29 ივლისს გუბერნატორი, 12 მოთავე და რუსის ჯარი ქუთაისისკენ გაემგზავრნენ. ლატალში ერთი მოთავეც შემოიერთეს, ასე რომ სვანეთში მხოლოდ სამი მოთაველა რჩებოდა, რომლის ნებით ან ძალით გამოგზავნა ადგილობრივ პოლიციას დაევალა. გუბერნატორის მიერ ქუთაისში ჩაყვანილ 13 მეთაურთ, გუბერნატორისავე შუამდგომლობით, დიდი სასჯელი არა, მაგრამ თითოეულ მათგანს ზოგს ხუთი-ექვსი თვის და ზოგსაც წლის ციხე შეხედათ. ცამეტივე, მათ შორის ყაზბულატიც, ციხეში გამოესალმნენ სიცოცხლეს... ერთმა წელმაც გაიარა და სვანეთში დარჩენილი სამი მეთაური ადგილობრივმა პოლიციამ ვერ დაიჭირა... გაზვიადებული მოხსენებები ყოველ თვიურად მიდიოდა უმაღლეს მთავრობას. ბოლოს მაზრის უფროსს, ბ-ნ გრინოვსკის უმაღლეს მთავრობიდან მიეცა უფლება ჯარი წამოეყვანა სვანეთში ამ სამი კაცის შესაპყრობად და სხვების ჩასაჩუმებლად. პირველად მულახს ესტუმრა. მამის მაგივრად ორი მისი შვილი დაიჭირა და მიაღვა სოფელ ხალდეს, სადაც დანარჩენი ორი მეთაური ცხოვრობდა. ჯარს მაიორი ლაუსი უფროსობდა. არავინ მოიყვანა მეთაურები. საქმე რთულდებოდა. ამ დროს სვანეთის ბოქაულად ახლად დანიშნულმა

თავ. ალექსანდრე მიქელაძემ სვანებთან შეტაკების ასაცილებლად მაზრის უფროსს მოახსენა, ერთი კვირის ნება მიბოძეთ, თქვენ წაბრძანდით და ორ მეთაურს ცაგერში თვითონ ჩამოგიყვანო... გრინიოვსკიმ უარი გამოუცხადა. მან მკაცრად უთხრა მიქელაძეს: „თავადო, სვანებთან შეტაკებას ვიწყებ, თქვენ კი შეგიძლიათ არ წამოხვიდეთ! ესეც უნდა იცოდეთ, რომ ყველა თქვენსავით მშიშარა არ არისო!“ მიქელაძეს, რომელიც, სვანების ხსოვნით, ძლიერ ლმობიერი კაცი იყო, ეს სიტყვები დანასავით მოჰხვდა გულში. თავის ესაუღს უბრძანა ცხენი მომიყვანეო. ამ დროს მაიორი ლაუსიც შეჯდა ცხენზე... დაინახა ეს გრინიოვსკიმ თუ არა, მოახტა ცხენს და სოფელ ხალდესკენ გაექანა. მას უკან გამოყვინენ მაიორი ლაუსი, ექიმი ბელსკი, ბოქაული მიქელაძე, თარჯიმანი ბაქრაძე, ასათიანი, მამასახლისი, ჯარი და ბევრი სხვები. სვანებმა ეს შეამჩნიეს და მზადებას შეუდგნენ. მაგრამ ჯერ კიდევ დანამღვილებით არავინ იცოდა, შეტაკებას მოასწავებდა ეს, თუ მოლაპარაკებით დამთავრდებოდა საქმე. ამიტომ მომავალი ორი კაცი შემოეგება. იმ დროს, როდესაც მაიორი ლაუსი ციხის ძირთან მიდიოდა, ციხეში (კოშკში) მყოფ ბავშვებმა გადმოიხედეს. კოშკიდან პატარა ქვა გადმოვარდა და ლაუსს დაეცა! ამან გადაწყვიტა ბედი! მაიორი გაბრაზდა და მხლებლებს უბრძანა, იქვე მდგომი ორი სვანი მოეკლათ. დაიწყო სროლა, რომლის დროსაც მოკლულ იქნენ მაიორი ლაუსი და ექიმი ბელსკი; დაიხოცნენ ჯარისკაცებიც. თარჯიმანი ბაქრაძე სვანურ სახლში დამალულიყო, როცა გაუგეს, გადმოხტა, ფეხი მოიტეხა და გაპარვაც მოასწრო... გრინიოვსკიც მოჰკლეს!.. სოფ. ხალდეს მცხოვრებმა თავისუფალმა სვანებმა კარგად იცოდნენ, რომ ამით სისხლის ღვრა არ დამთავრებულა, კარგად იცოდნენ, რომ მათ უსაშინელესი შეტაკება მოელოდა მალე რუსის ჯართან. ამისთვის ჯარის გაფანტვის უმალ მზადებას შეუდგნენ: ქალები და ბავშვები გამოქვავებულეებში გახიზნეს. ხალდეს მოწითული კაცები, სულ ცხრაშეტი კაცი, გამოემზადა ტყვიებით, თოფებით, საზრდო-

თი და თავთავიანთ ციხეში ავიდა... ერთ თვეში ქუთაისის მაზრის უფროსი და დიდძალი ჯარი ხალდეს მიადგა. ჯარი მთის ზარბაზნებითა და ასაფეთქებელი წამლებით მოვიდა. 1876 წლის 27 მარტიამობისთვის დაიწყო სროლა... თვით მდებარეობა ხალდეს ისეთი აქვს, რომ ძნელად თუ აიღებს მას მისული მტერი... მთავრობამ ისევ სხვა ხერხებს მიმართა... ისევ სხვა სვანები გამოიყვანა ხალდელებთან საბრძოლველად და ქეთაურობა გავლენიან პირებს მისცა. ჯარი სოფელში შევიდა. სოფელს ცეცხლი წაუჯიღეს, ქვის შენობებს ლაღუმები გაუკეთეს და ააფეთქეს.

მიწასთან გასწორდა მთელი ხალდე... ბევრი სისხლი დაიღვარა... ამ დიდძალ სისხლის ღვრაში სვანების მხრით სულ ოთხი მოკვდა, ორი ერთი თვის წინათ, მაიორ ლაუსის სიცოცხლეში, და ორიც ეხლა ნანგრევებს მოჰყვა. 17 კაცი გაიქცა. საჭირო იყო გაქცეული კაცების შეპყრობა. საქმეში კიდევ გავლენიანი პირები ჩაერივნენ. ჯარი ქუთაისისკენ დაბრუნდა. გავლენიანმა პირებმა კი აღუთქვეს მთავრობას, დავიჭერთ და მოგიყვანთო... და მართლაც შესძლეს. დატუსაღებულებს ციმბირი გადუწყვიტეს...

1880 წელს ბრძანება მოვიდა: სიტყვა ხალდე მოსპობილიაო. მის ნაცვლად სოფელს „ნოვო იფრალი“ დაერქვასო (იფრალი სოფელია ხალდეს ნანგრევებიდან ორი ვერსის მანძილზე), გადასახლებულების ცოლებსა და ბავშვებს უფლება ეძლევათ „ნოვო იფრალში“ (ესე იგი ხალდეში) დასახლდნენო... გაიარა დრო და ჟამმა. დანგრეული ქვები ერთმანეთზე შეადგეს, შევიდნენ შიგ, ცეცხლი გააჩაღეს, აქა-



იქ მოსახლეობა გაიმართა. ხალდეს კი სახელად ისევ ზალდე შერჩა. რამდენიმე წლის წინათ იმ 17 კაციდან, რომლებიც ციმბირში გადაასახლეს, ორი (ვადა გათავებული) უკან დაბრუნდა. ერთი მოკვდა და მეორე, სახელად როფა ჩოფლიანი, დღესაც ცოცხალია და ჯერ კიდევ ჯანსაღად არის...

(ვარლამ იმერელი, გაზ. „სახალხო ფურცელი“, 1914 წ. 20 ნომბერი, № 143, გვ. 2,3 და 1914 წ. 21 ნომბერი, № 144, გვ. 2).

## 8

კავკასიის სასწავლო ოლქმა კულინარიის ერთთვიანი კურსები მოაწყო ქ. ქუთაისში სახალხო სკოლების მასწავლებელთათვის. ამ კურსებზე დასავლეთ საქართველოს სხვადასხვა რაიონიდან გაწვეული იყო, რამდენადაც მახსოვს, სამოცზე მეტი მასწავლებელი, მათ შორის მეც. კურსანტებს საერთო საცხოვრებელი ქუთაისის პირველი კლასიკური გიმნაზიის შენობაში გვექონდა. იმავე შენობაში მიმდინარეობდა მეცადინეობა. ადამიანის საქმელ-სასმელის დამზადებასა და ნაირნაირი პროდუქტების დაკონსერვებაზე ლექციებს კითხულობდა აკადემიკოსი ერნსტ ზომერი, მალალი, ქაღაროსანი, სადა ადამიანი, პროდუქტების დაკონსერვების დიდი სპეციალისტი. კურსების მეცადინეობა დაიწყო 1914 წლის 4 დეკემბერს და დამთავრდა 1915 წლის 4 იანვარს.

კურსანტები ვიწერდით ლექციის შინაარსს, სათანადო რეცეპტებს, პრაქტიკულად ვაკონსერვებდით ნაირნაირ პროდუქტებს, ვამზადებდით ესენციებს, ძმარს, ტკბილ სასმელებს, ვაკეთებდით დესერტებს. ერთი თვის მეცადინეობის შედეგად თითოეულმა ჩვენგანმა კარგად იცოდა ეს საქმე.

## 9

1915 წელს ცაგერში ვმუშაობდი (ზემო სვანეთიდან გადმომიყვანეს). ცაგერი სამაზრო ცენტრი იყო ლეჩხუმის მახ-

რისა. იმ დროს ცაგერი პატარა დაბად ითვლებოდა სამი-  
ოთხი უსწორმასწორო და უსუფთაო ქუჩით, რამდენიმე ათე-  
ული დუქნით (ფურნე, სამიკიტნოები, ფართლის, ბაკალისა  
და საწვრილმანო სავაჭროები, სახარაზო, უნაგირების სახე-  
ლოსნო, საპარიკმახეროები). ყურადღებას იპყრობდა დაბის  
ცენტრში შემოღობილ ეზოში მდგარი „ნაობახტი“ (საპატიმ-  
რო). ცაგერში ცხოვრობდნენ მაზრის უფროსი, მისი თანა-  
შემწე, პოლიციის მოხელეები და ურიადნიკ-სტრაჟნიკები.  
ყველგან და ყველაფერში იგრძნობოდა, რომ ეს ქვეყანა  
მუფის მოხელეებისა და თავადების იყო. თავადაზნაურობის  
არსებობა ძლიერად იგრძნობოდა ცაგერში. მისი მაზრის გავ-  
ლენიანი თავადები: დადემქელიანები, გელოვანები, გარდაფ-  
ხაძეები, „ბუზმენტებსა“ და „სირმებში“ ჩამჯდარნი, დას-  
რიალებდნენ ცაგერში; ცა ქუდად არ მიაჩნდათ მათ და დე-  
დამიწა ქალამნად. წვრილ-წვრილი აზნაურებიც — მდივნები,  
ჩიქოვანები საგრძნობლად კუდაბზიკობდნენ.

## 10

ცაგერის შემდეგ ხონის საქალაქო სასწავლებლის მასწავ-  
ლებლად ვიმუშავე ერთ ხანს, საიდანაც ბათუმის ოლქის  
ქ. ართვინში გადამიყვანეს ექვსკლასიანი საქალაქო სასწავ-  
ლებლის მასწავლებლად. ამ ლამაზ ქალაქში, რომლის მთის  
კალთებზე მიშენებული იყო ერთ-ორ-სამ და ოთხსართუ-  
ლიანი კოხტა შენობები, ოთხი თვე დავყავი.

როცა ქ. ართვინს ვუახლოვდებოდი მანქანით, სოხუმში  
მომავონდა. რა სანახაობასაც ხედავს კაცი, როცა ის ზღვი-  
დან სოხუმს უცქერს, დაახლოებით ანალოგიურ შთაბეჭდი-  
ლებას ღებულობს, როცა ქალაქ ართვინს უახლოვდება. სო-  
ხუმსა და ართვინს შორის დიდი განსხვავება ვნახე, როცა  
ქალაქში შევედი და სახლები დავათვალიერე, ართვინის გა-  
რეგნულად ასე ლამაზ შენობებში დიდი უსუფთაობა, მოუწ-  
ყობლობა და უგემურობა იყო.

აქარლები, სომხები, ჯარი, — აი უმთავრესი მცხოვრებნი იმ დროის ქალაქ ართვინისა. ჩემს დროს ბლომად იყვნენ იქ ჯარისკაცები, ისინი 'ყაზარმებში ცხოვრობდნენ. ართვინის საქალაქო სასწავლებელში, ისე როგორც ხონის და რუსეთის იმპერიის სხვა ადგილების საქალაქო სასწავლებლებში, ყველა საგანს, როგორც წესი, რუსულ ენაზე ვასწავლიდით. ართვინში რამდენიმე ქართველს (თორმეტ კაცს) ერთგვარი წრე გვექონდა შეკრული და ქართულ საქმეს ვემსახურებოდით.

1917 წლის 1 იანვარს ართვინიდან გადამიყვანეს სოფ. კულაშის გიმნაზიის მეხუთე კლასის მასწავლებლად; ვანყოფილება მომცეს აგრეთვე კულაშისავე ნორმალურ ორკლასიან სასწავლებელში, სადაც მე ჩემს სიცოცხლეში პირველად დაიწყე მასწავლებლობა და ორი წელი ვიმუშავე.

კულაშში მომისწრო თებერვლის რევოლუციამ.

კულაშში რევოლუციის პირველ დღეებში ცხოვრობდა გადასახლებიდან დაბრუნებული (თუ გამოქცეულა), ცნობილი ბოლშევიკი, თბილისის ქარხანაში მიხეილ კალინინთან ერთად ნამუშევარი, შემდეგ არალეგალურ სტამბებში მუშაობით სახელგანთქმული რევოლუციონერი ვანო სტურუა. იშვიათად მინახავს კაცი ისეთი სპეტაკი, ფაქიზი, სადა, უბრალო, დიდ ქირგადატანილი, როგორც იყო ვანო სტურუა.

ვანო სოფ. კულაშის მცხოვრები იყო, სახელდობრ კულაშის ერთ-ერთი კუთხის—ნაბაკევისა. ნაციხარი, ნაციმბირალი, ღარიბი ოჯახის შვილი, უაღრესად პატიოსანი მოქალაქე ვანო სტურუა ისე დამიახლოვდა და მეც ისე დაეუახლოვდი მას, რომ არა იშვიათად ჩემს ხელფასს ვინაწილებდით სიყვარულითა და ძმურად. თებერვლის რევოლუციის პირველ დღეებში კულაშში, ისე როგორც მთელ საქართველოში, მენშევიკებმა დაიწყეს ბატონობა. წესრიგი ვერ დაამყარეს, ადგილი ჰქონ-



და ქურდობას, ძარცვა-გლეჯას და თავდასხმებს. კულაში ბაზრის, ებრაელების მაღაზიების „პოგრომიც“ მოხდა. დარბევის მოწყობას, უმთავრესად, ფრონტიდან გამოქცეული ჯარისკაცები მეთაურობდნენ. მენშევიკებმა ვანო სტურუას დასწამეს „პოგრომის მოწყობა“. ვანომ სამედიცინო სასამართლოში გამოაწვია მენშევიკების ადგილობრივი კომიტეტი. სამედიცინო სასამართლო, რომლის სხდომებს დიდძალი საზოგადოება ესწრებოდა, ვანომ ტრიბუნად გაიხადა და მისთვის სასურველი დადგენილებაც გამოატანინა.

## IX

### სტუდენტობის წლები. თბილისში მუშაობა

#### I

ცხრა წლის სტაჟი მქონდა მასწავლებლობისა, როცა კულა-შიდან სათანადო განცხადებით ჩემი დოკუმენტები გამოვგზავნე თბილისის უნივერსიტეტში სიბრძნისმეტყველების ფაკულტეტზე სტუდენტად ჩარიცხვის მიზნით. ჩამრიცხეს კიდეც. 1918 წელს ცოლითა და ორი შვილით გადმოვსახლდი თბილისში და სწავლა განვაგრძე. 1923 წელს დავამთავრე უნივერსიტეტის კურსი.

როცა უნივერსიტეტის სტუდენტი ვიყავი, მჭადის და პურის ნაკლებობა იყო თბილისში, თანაც მატერიალურად დიდ სივიწროვეს განვიცდიდი; ჩემს მდგომარეობაში არა ერთი და ორი სტუდენტი იმყოფებოდა.

1920 წელს მოვითათბირეთ რამდენიმე კაცმა, გადავწყვიტეთ აგველო დასამუშავებლად სახნავ-სათესი მიწები ყარაიაში. შევეკარით წრე, დავარქვით მას „კომუნა“. „კომუნის“ წევრთა შორის იყვნენ გიორგი ინასარიძე (დღეს სამედიცინო სამსახურის პოლკოვნიკი, ქირურგი), იორამ შვანგირაძე (დღესაც მუშაობს, ექიმი), კოტე ნიკოლაიშვილი (დღეს სტალინის სახელობის უნივერსიტეტის დოცენტი, ეკონომისტი) და სხვები. „კომუნამ“ თავმჯდომარედ მე ამირჩია.

ყარაიაში ავიღეთ მიწა, დავხანით და პური და სიმინდი დავთესეთ. ჩვენი ფართობი, მგონი, შვიდი ჰექტარი იყო.

1920 წელს დათესილი საზამთრო პური 1921 წელს ამო-  
ბზინდა. სიმინდიც დაეთესეთ იმავე გაზაფხულზე. მაინცადა-  
მაინც დიდ მოსავალს არ ველოდით, რადგან სათანადოდ ვერ  
ვრწყავდით ჩვენს ყანას.

## 2

1921 წლის გაზაფხულზე XI არმიის ცხენებმა ყანა გა-  
დაგვითელეს. ჩვენი კომუნის ერთ-ერთი წევრი (ნიკოლაიშვი-  
ლი) სერგო ორჯონიკიძის ახლობელი იყო; იმის წათამამებით  
განცხადება დავწერეთ, ჩვენი შტამპ-ბეჭედიც დავაკარით და  
მივუტანეთ სერგო ორჯონიკიძეს. ორჯონიკიძემ წაიკითხა ჩვე-  
ნი განცხადება, ზეპირადაც გამოგვკითხა ცოტა რამ, სხვა სა-  
კითხებზედაც გვებაასა, ჩაიც დაგვალეუინა (ოჯახში მივუტა-  
ნეთ განცხადება) და ჩვენს არზას დააწერა: — „Начальнику  
Упродарма товарищу Одно (ოდნო გვარი იყო). Наши ло-  
шадки потравили кукурузу первой „коммуны“ студентом  
Тбилисского Университета. Прошу расследовать и доло-  
жить мне“.

ჩვენი განცხადება სერგოს რეზოლუციით გადავეცით ოდ-  
ნოს. მან კაცი გამოყო და გაგვატანა ყარაიაში ზარალს ად-  
გილზე შესამოწმებლად. მან დაჰკითხა ყარაიის სადგურის  
უფროსი და რამდენიმე ადგილობრივი მცხოვრები, დაათვა-  
ლიერა ჩვენი „ყანები“, დაახლოებით დაზომა ფართობი.  
დაადგინა, კარგი მოსავლის შემთხვევაში რამდენი ფუთი პუ-  
რი და სიმინდი შეგვეძლო მიგველო ჩვენი ფართობიდან.  
ფულზე გადაიყვანა, შეაფასა ჩვენი სიმინდი, მოსალოდნელი  
მოსავალი, პური და ყველაფერი დაწვრილებით მოახსენა  
ოდნოს. ოდნომ თავის მხრივ სათანადო წარწერა გააკეთა  
ჩვენს განცხადებაზე და გაგვატანა ორჯონიკიძესთან. ამხანა-  
გმა სერგომ მღშათა და გლეხთა ინსპექციაში გაგვატანა ეს  
ჩვენი საქმე. იქაც რალაც წააწერეს და ისევ ორჯონიკიძესთან  
გამოგვატანეს. წარწერებით აქრელებული ჩვენი განცხადება

მივართვით სერგო ორჯონიკიძეს, რომელმაც დაადო საბოლოო რეზოლუცია: „Выдать сорок два миллиона пятьсот тысяч рублей. С. Орджоникидзе“.

დიდი მადლობა გადავუხადე სტუდენტების სახელით ამხანაგ სერგოს და თან ვთხოვე ნებართვა, სამეგრელოში შეგვეყიდა და თბილისში ჩამოგვეტანა კომუნის წევრ-სტუდენტებისათვის ერთი ვაგონი — ათასი ფუთი სიმინდი. განკარგულება გასცა და ხელზე მოგვცეს სათანადო ნებართვაც.

### 3

სტუდენტობის დროს ჯერ განათლების სამინისტროში და შემდეგ თბილისის პირველ უმაღლეს პირველდაწყებით სკოლაში ვმუშაობდი. არ მემუშავა—არ შემეძლო, რადგან მარჩნალი არავინ მყავდა და არც უნივერსიტეტი იძლეოდა სტიპენდიას.

ერთობ კრელი აყო ჩვენი უნივერსიტეტის იმდროინდელი სტუდენტობა როგორც ხნოვანების, ისე ცოდნა-გამოცდილების მხრივ: რუსეთის იმპერიის ამა თუ იმ უნივერსიტეტის სხვადასხვა ფაკულტეტის ყოფილი სტუდენტები, ნაირნაირი მომზადებისა და სტაჟის მასწავლებლები, მღვდლები, საშუალო სკოლის კურსდამთავრებული ახალგაზრდები არეული იყვნენ ერთმანეთში. ყველა დარგის სპეციალისტებს (მათ შორის ექიმებსაც) ამზადებდა მაშინ ახალჩამოყალიბებული უნივერსიტეტი. ჩვენი პირველი რექტორი პეტრე მელიქიშვილი იყო, შემდეგ — ივანე ჯავახიშვილი.

სტუდენტებს, გარდა იმისა, რომ ფაკულტეტების მიხედვით ჰყავდათ სტუდენტთა გამგეობები და სარევიზიო კომისიები, მთელ უნივერსიტეტსაც ჰყავდა სტუდენტთა გაერთიანებული გამგეობა და სარევიზიო საბჭო; სარევიზიო საბჭოში შვიდი კაცი შედიოდა. ამ სარევიზიო საბჭოს თავმჯდომარედ ვიყავი მე ჩემი სტუდენტობის მთელ პერიოდში.

ჩემს დროს (1918 — 1923 წწ.) დისციპლინის საკითხი არც კი იდგა უნივერსიტეტში: ყველა სტუდენტი, ასე თუ ისე, მომწიფებული იყო, სერიოზული და ცდილობდა, რაც შეიძლება მეტი ცოდნა მიეღო. პროფესორ-ლექტორებსაც დიდი მონდომება და საქმისადმი სიყვარული ახასიათებდათ. ერთმანეთი გვიყვარდა და პატივისცემით ვეპყრობოდით ურთიერთს.

ჩვენი პროფესორები დაუღალავად მუშაობდნენ. ჩვენც ეუფრთხილდებოდით მათ ჯანმრთელობას. ბრმა შემთხვევამ გამოგვაცალა ხელიდან ნიქიერი და საყვარელი პროფესორი იოსებ ყიფშიძე, ცნობილი ენათმეცნიერი, ავტორი ფუნდამენტური ნაშრომისა მეგრული ენის შესახებ, დაუღალავი და ნაყოფიერი მკვლევარი, უნივერსიტეტის ერთ-ერთი დამაარსებელი, ივანე ჯავახიშვილის „მარჯვენა ხელი“, უანგარო და სპეტაკი მოქალაქე. ბევრი სამგლოვიარო წერილი დაიბეჭდა იმ დროის ჟურნალ-გაზეთებში, მათ შორის ჩემი წერილიც. „სიკვდილი უგულო ქურდია, მან ჩვენი ნორჩი უნივერსიტეტის კედლებშიც შემოიხედა და წაგვართვა ლამაზი სული ნიქიერი მეცნიერისა“, — ასე ვიწყებდი წერილს. ცნობილმა მკვლევარმა სერგო გორგაძემ შემდეგ ვრცელი შრომა გამოაქვეყნა იოსებ ყიფშიძის სამეცნიერო მოღვაწეობის შესახებ, სადაც მოყვანილია ამონაწერები ჩემი წერილიდან ი. ყიფშიძის გარშემო. დიდი იყო იოსებ ყიფშიძის უდროოდ დაკარგვით გამოწვეული დანაკლისი ახალგაზრდა ქართული უნივერსიტეტისათვის. ი. ყიფშიძე ტიფმა იმსხვერპლა.

პროფ. იოსებ ყიფშიძე შეცვალა ნიქიერმა მკვლევარმა აკაკი შანიძემ, რომელიც პირველხანად სომხურ ფილოლოგიაში კითხულობდა ლექციებს.

#### 4

თბილისის უმაღლეს პირველდაწყებით სასწავლებელში (ყოფ. პირველი საქალაქო სასწავლებელი, არაგვის ქუჩაზე, სადაც სტუდენტობის დროს ვიყავი მასწავლებლად) გამგედ იყო აფრასიონ ჯაფარიძე, რაქველი კაცი, პატიოსანი, წესიე-

ჩი, სათნო, ახოვანი, ლამაზი. 1923 წლამდე მას ნახევარი საუკუნე ენუშავა მასწავლებლის მძიმე და პასუხსაგებ პოსტზე, ემუშავა ნაყოფიერად, სახელოვნად.

გადაწვევით აფრასიონ ჯაფარიძისათვის — ვალმოხდილი პედაგოგისათვის — იუბილე გადაგვებადა. ჩამოვაყალიბეთ ჯაფარიძის პედაგოგიურ ასპარეზზე 50 წლის მოღვაწეობის იუბილის მომწყობი კომისია. სათანადო მუშაობის ჩატარების შემდეგ 1923 წ. გაზეთ „კომუნისტში“ დავბეჭდეთ მომართვამოწოდება ყველა პედაგოგისადმი, რათა მათ ამა თუ იმ სახით მიეღოთ მონაწილეობა მასწავლებლის იუბილეში. მოწოდებამ სასურველი შედეგი გამოიღო. არა მარტო თბილისი, არამედ საქართველოს ბევრი რაიონიც გამოეხმაურა პედაგოგიურ სარბიელზე უანგაროდ და სახელოვნად მომუშავე ამ ადამიანის იუბილეს.

რამდენი წერგია მქონდა იმ დროს! მასწავლებლის იუბილის მოწყობა მაშინ პირველი შემთხვევა იყო ჩვენს სინამდვილეში. ვშიშობდი: ვაითუ ცოტა ხალხი დაგვესწროს ჩემი, წყნარი, უბრალო მასწავლებლის პატივსაცემად გამართულ საღამოზე-მეთქი! ჩემი და ჩემი ამხანაგების შიში მით უფრო დიდი იყო, რომ იუბილის ჩასატარებლად ავირჩიეთ არა რომელიმე პატარა დარბაზი, არამედ რუსთაველას თეატრი! ჩანს, ნიადავი ისე კარგად მომზადდა, რომ თეატრი არათუ გაიჭედა იუბილარისადმი პატივისცემის აღსანიშნავად, არამედ ბევრი გულნატკენი უკანვე გაბრუნდა, რადგან ტევა არ იყო და დარბაზში ვერ მოხვდა.

მასწავლებლის ამ პირველი იუბილის დღე ჩემთვის არა მარტო იმითაა დაუვიწყარი, რომ მის ჯეროვნად მომზადებას სული და გული ჩავაქსოვე, არამედ იმით, რომ იმ საღამოს, რვა საათზე რომ იუბილე უნდა გამეხსნა და შესავალი სატყუვა მეთქვა, — 5 საათზე, ე. ი. 3 საათით ადრე, გარდამეცვალა უმცროსი ვაჟი — აჩიკო.

მხცოვანმა იუბილარმა და საიუბილეო კომიტეტის წევრებ-

მა ჯერ ჩემი მწუხარება გაიზიარეს და შემდეგ რუსთაველის თეატრს მიაშურეს.

5

რადგან იუბილეზე ჩამოვარდა ლაპარაკი, აქვე ვიტყვი შემდეგს.

როგორც ვიცით, 1910 წელს დაარსდა ჟურნალი „თეატრი და ცხოვრება“, მისი რედაქტორ-გამომცემელი იყო დაუღალავი მოღვაწე ლიტერატორი იოსებ იმედაშვილი. ამ ჟურნალის თანამშრომლები ძირითადად საზოგადოების დაბალი ფენებიდან იყვნენ. ჟურნალმა გულწრფელად შეიტანა თავისი წვლილი ჩვენი ხალხის გათვითცნობიერებისა და განათლების საქმეში. ასეთი ჟურნალის პატივსაცემად და მისა 15 წლის ღვაწლის აღსანიშნავად 1925 წელს შეიქმნა საიუბილეო კომიტეტი. კომიტეტის თავმჯდომარე იყო რესპუბლიკის სახალხო არტისტი ვასო აბაშიძე, თავმჯდომარის მოადგილედ ვიყავი მე. კომიტეტში შედიოდნენ. ვალ. გუნია, ი. გრიშაშვილი, ვ. ბარნოვი, მოსე თოიძე, შიო მღვიმელი, ნინო ჩხეიძე, მარიამ საფაროვ-აბაშიძისა, ალ. წუწუნავა, მ. ჭიაურელი, ზაქ. ჭიჭინაძე და სხვ.

იუბილე კარგად ჩატარდა 1925 წლის 1 ივნისს რუსთაველის თეატრში. ბევრი ტკბილი სიტყვა ითქვა სადამოზე, დიდი სითბო იგრძნობოდა დარბაზში.

იუბილის დღისათვის გამოვიდა ჟურნალის სპეციალური ნომერი, რომელშიც ბევრი საყურადღებო წერილი და მისაღმება დაიბეჭდა. ჟურნალის უკანასკნელ გვერდზე მოთავსებულია მაშინ ცეცხლისაგან დაზარალებული (დღეს კი აღდგენილი) მათხოჯის სახალხო სახლის სურათი და დეპეშა საოჯურათ — „სალამი პროვინციიდან“.

თბილისის მუშათა უნივერსიტეტმა, სადაც (1930 -- 1936 წწ.) სასწავლო ნაწილის გამგედ ვმუშაობდი, დიდი ზემოთ გადაუხადა 40 წლის ნაყოფიერი პედაგოგიური მოშაობის აღსანიშნავი იუბილე ყველასთვის საყვარელ მასწავლებელს გიორგი ჭყონიას.

თბილისის პირველი უმაღლესი პირველდაწყებითი სკოლის უფროსი კლასების ორმოცამდე მოწაფე წავიყვანეთ საექსკურსიოდ ბათუმში. სამი თუ ოთხი მასწავლებელი ვახლდით, მაგრამ მაინც გაგვიჭირდა მათი მოვლა. მატარებელში 80 დაუძღვლებელი ადამიანის პატრონობა არც ისე ადვილი აღმოჩნდა. ბათუმში სახელოსნო მასწავლებლის შენობაში დავბინავდით სამი დღით. დავათვალიერეთ ქალაქი და ახლომახლო აგარაკები. ერთ დღეს გემით გავემგზავრეთ საქართველოს საზღვრის — სარფის სანაზავად. მივადექით საზღვარს. სარფს ხევი ჩაუდის შუაში და სოფელს ორ ნაწილად ყოფს. ნახევარი სოფლისა ჩვენია, ნახევარი — თურქეთისა. გემიდან ჩამოვედით და სოფ. სარფის ჩვენს ნახევარში შევედით. დავათვალიერეთ ის და მეორე ნახევარსაც ვუცქეროდით ათასნაირ ფიქრებში გართულნი! და დისგან დაუცილებია უსამართლობას და ბიძაშვილი ბიძაშვილისაგან. ერთი ძმა რომ თავისი სოფლის ერთ ნახევარში, საბჭოთა კავშირში ცხოვრობს, მეორე ძმა დედა-საქართველოდან მოუგლეჯიათ და თურქეთის მემკვიდრედ გამოუცხადებიათ... ძმები ჩუმ-ჩუმად ესალმებოდნენ ერთმანეთს.

## 7

შოი მღვიმელს ხშირად ვხვდებოდით ჟურნალ „განათლებლის“ რედაქციაში. ლუარსაბ ბოცვაძე თავის ჟურნალში წმინდა პედაგოგიური ხასიათის სტატიებთან ერთად ფართო ადგილს უთმობდა მხატვრული ლიტერატურის ნიმუშებს. „განათლებლის“ ფურცლებზე იბეჭდებოდა აკაკის, ვაჟა-ფშაველას, იროდიონ ევლოშვილის, თედო რაზიკაშვილის, გ. ქუჩიშვილის, ნინო ნაკაშიძის, დავ. თურდოსპირელის, გ. ტაბიძის, გ. ლეონიძის, ს. შანშიაშვილისა და სხვების ქმნილებები („განათლებაში“ ხშირად ბეჭდავდა თავის ლექსებს და მინიატურებს ჩემი უმცროსი ძმა, მასწავლებელი ლავრენტი ძიძიგულ-



რი). აქვე ვთანამშრომლობდი მეც. რედაქციაში მეტად თბილი, მღვობრული და შემოქმედებითი ატმოსფერო სუფევდა. რედაქცია ცდილობდა ჟურნალში მთელი საქართველოს სასკოლო ცხოვრება აესახა, პედაგოგიური პრობლემები დაესვა და გადაეწყვიტა, გამოხმაურებოდა საზოგადოებრივ ცხოვრებას და თან ისეთი მხატვრული ნაწარმოებები ებეჭდა, რომლებსაც ასე თუ ისე დიდაქტიური მნიშვნელობა ჰქონდა.

შიო მღვიმელი ერთი ყველაზე აქტიური და საპატიო თანამშრომელთაგანი იყო როგორც „განათლების“, ისე საბავშვო ჟურნალების რედაქციებისა. მუდამ მოღიძარი, ტკბილმოუბარი ქალარა შიო კეთილშობილების განსახიერება იყო.

ყველას განსაკუთრებით გვიყვარდა იგი; როცა ჩვენი (ჩემი და ა. გვახარიას) „პირველი წიგნისთვის“ რაიმე დაგვიკირდებოდა, უმალ შიოს მივმართავდით. ისიც ხალისით ასრულებდა სამუშაოს და მასთან შეთანხმებით იშვიათად თუ მოგვიხდებოდა რაიმეს შეცვლა. ყოველი მისი ლექსი უბრალოდ, გასაგებად ესაუბრებოდა ბავშვებს მათთვის საინტერესო ამა თუ იმ საკითხზე.

„ნე როდი მამეწონება

სიტყვა, ნათქვამი უმაღლა...

იმიტომ გკოცნი პირშია,

გადმოგეხვევი ძმურადა!...

ცნობილმა ქართველმა პოეტმა ვაჟა-ფშაველამ ასეთი სტრიქონებით მიმართა შიო მღვიმელს. ჩვენი ბედნიერი კვეყნის ბავშვები დღესაც მას მოფერებით „ძია შიოს“ ეძახიან.

მოწიფულობაში შიო ბევრნაირ მოვალეობას ასრულებდა წერა-კითხვის გამავრცელებელ საზოგადოებაში, სადაც ის მსახურობდა. სხვათა შორის, მის მოვალეობას შეადგენდა წიგნების გაყიდვაც. ბავშვებს უყვარდათ ის, მაგრამ ახლა მოწიფეებს უფრო მეტად შეუყვარდათ იგი. გაკვეთილების შემდეგ შეცვივდებოდნენ ხოლმე ბავშვები პატარა მაღაზიაში, ყრიაბულით შემოეხვეოდნენ შიოს. შიოც ალერსიანად, ღიმილით

ხვდებოდა მათ. შიოს ლექსები მეტად ხიბლავდა ნორჩ მკითხველებს, მშობლებიც გრძნობდნენ და ხელავდნენ, რომ შიო მათი ბავშვების ძვირფასი აღმზრდელი იყო.

1916 წელს ქართველმა საზოგადოებამ შიოს სალიტერატურო მოღვაწეობის 30 წლის იუბილე გადაუხადა. ზეიმი ჩატარდა თბილისსა და ქუთაისში.

საბჭოთა საზოგადოებრიობამ შიოს ორმოცი წლის სალიტერატურო მოღვაწეობის იუბილე გადაუხადა. საბჭოთა ხელისუფლებამ მას დამსახურებული მწერლის სახელწოდება მიანიჭა და პერსონალური პენსია დაუნიშნა.

ოპერის თეატრი ვერ იტევდა მისალოცად და სანახავად ჩამოსულ პიონერებს. შიო სცენაზე იჯდა თეთრად გამოწყობილი, წითელყელსახვევებიან, მხიარულად მომზირალ ბავშვთა შორის. ათასზე მეტმა ბავშვმა უმღერა შიოს ჰიმნი, ათასზე მეტი ბავშვი აღფრთოვანებით უკრავდა მას ქებისა და აღერსის გამომხატველ ტაშს.

ეს ზეიმი შიოს ცხოვრებაში უდიდესი დღესასწაული იყო.

1933 წლის 28 დეკემბერს ღრმად მოხუცებული შიო გარდაიცვალა.

1934 წლის 2 იანვარი მოწყენილი დღე იყო: სუსტი ქარი ქროდა, ოდნავ წვიმდა და თითქოს თოვლიც მოდიოდა.

დაღონებული და თვალცრემლიანი მივაცილებდი მწერალთა სასახლიდან დიდუბის პანთეონამდე ვალმოხდილი, საყვარელი პოეტის ცხედარს და გულნატკენი ვამბობდი ჩემთვის:

— ეჰ, ეჰ!.. დამკრძალავმა კომისიამ ვერ შეძლო მოეხდინა იმგვარი მობილიზაცია ახალგაზრდებისა, რომ ამ პროცესის შესახებ კაცს ეთქვა: მთელი საქართველოსა და კერაოდ მისი დედაქალაქის, თბილისის თითქმის ყველა პიონერსა და ნორჩ მოსწავლეებს (შიო მღვიმელის ამ ცოცხალ ყვავილებს) ერთად მოუყრიათ თავი აქ, რათა უკანასკნელი პატივი სცენ მათებრ პატარა ტანისა და დიდი მოყვარული გულის პატრონ ძია შიოსო!..

ყოველთვის დიდი სიყვარულით ვიგონებ ჩემს უფროს

შეგობარსა და საყვარელ პოეტს, ჩემი სახელმძღვანელოების  
ძუღმივ თანამშრომელს, ბავშვთა გულის მესაიდუმლეს შიო  
მღვიმელს.

8

რევოლუციის პირველ წლებში ი. გოგებაშვილის „ღეღა  
ენით“ ასწავლიდნენ წერა-კითხვას, შემდეგ ი. ზედგენიძისა  
და თ. კიკვაძის სახელმძღვანელოებით, ხოლო 1924—1925  
წლებში დაიბადა და განვითარდა მავნებლური აზრი წერა-  
კითხვის უწიგნოდ სწავლების შესახებ. ვინაიდან ეს მნიშვნე-  
ლოვანი მოვლენა იყო წერა-კითხვის სწავლების ისტორიაში,  
თავს ნებას მივცემ მოკლედ მაინც შევჩერდე მასზე. იმ ხანებ-  
ში შედგა, დაიბეჭდა და სკოლებს დაურიგდა (როგორც ერთ-  
გვარი „სახელმძღვანელო“ თუ საშუალება წერა-კითხვისა  
უწიგნოდ სწავლებისათვის) ფერებში დახატული თორმეტი  
პლაკატი სათანადო წარწერებით. ამ სურათების აღწერით, მათ  
შესახებ საუბრების მოწყობით და იქვე დაბლა მოთავსებული  
წარწერის მიხედვით უნდა ესწავლებინათ მასწავლებლებს  
ბავშვებისათვის წერა-კითხვა.

აი, ამ პლაკატების სახელწოდებანი.

1. ს კ ა (ამ პლაკატით სამი ასო-ბგერა უნდა შეესწავლათ:  
ა, კ, ს).

2. კ ა ლ ო (ორი ასო-ბგერა უნდა შეესწავლათ: ლ, ო).

3. ს კ ო ლ ა (ამ სიტყვაში უცნობი ასო-ბგერა სულ არაა).

4. ბ ა ღ ი (შესასწავლია ასო-ბგერები: ბ, ი, ღ).

5. ყ ა ნ ა (შესასწავლია ორი ასო-ბგერა: ყ, ნ).

6. ვ ე ნ ა ხ ი (უცნობი ასო-ბგერებია: ვ, ე, ხ).

7. ს ი ს უ ფ თ ა ვ ე ს ი ც ა ვ ე ნ ი (ამ სიტყვებში ოთხი ახა-  
ლი ასო-ბგერაა: უ, ფ, თ, ც).

8. შ ე ნ ა ქ რ ო გ ო რ შ ე მ ო ი პ ა რ ე? (შესასწავლია:  
შ, ქ, რ, გ, მ, პ).

9. რ ა თ შ ე ქ ა მ ე, შ ე წ უ წ კ ო? (უცნობია: ქ, წ).

10. ჰ ა ი, ჰ ა ი, ძ ე რ ა მ წ ი წ ი ლ ა მ ო ი ტ ა ც ა! (შესას-  
წავლია: ჰ, ძ, ტ).

11. ჩიტები ყივილით გადასაფრენად ემზადებიან (გასაცნობია: ჩ, დ, უ, ზ).

12. ჯუ-ჯუ-ჯუ! (შესასწავლი იყო ასო-ბგერა ჯ).

ამ პლაკატებით ანბანისა და წერა-კითხვის სწავლება დიდ სირთულეებთან იყო დაკავშირებული. სხვას რომ ყველაფერს თავი დავანებოთ, კერძოდ იმასაც, რომ ამ პლაკატების სახელწოდებათა გარდა, სხვა საკითხავი ტექსტი მოსწავლეებს არ ჰქონდათ, — ხან სამი ასო-ბგერა ისწავლებოდა ერთად, ერთ დღეს, ხან — ექვსი, ხან სულ არა! — არავითარი ნორმა არ იყო აქ დაცული, რაც პედაგოგიურად ყოვლად დაუშვებელია. დიდაქტიკის მთავარი მოთხოვნა (სწავლებისას ადვილიდან ძნელზე თანდათანობით გადასვლა) სავსებით უგულებელყოფილია. გასაკვირი არ იყო, რომ ამ პლაკატების ხმარების მოკლე პერიოდში სულ დაიბნა ჩვენი მასწავლებლობა.

განათლების სახალხო კომისარიატი დაუინებით მოითხოვდა ამ პლაკატებით წერა-კითხვის სწავლებას. უნდა ითქვას, რომ დასახელებული პლაკატები ანბანის შესასწავლ ერთადერთ წყაროდ არ გამოდგებოდა, თორემ, როგორც სასაუბრო სურათები, ისინი ძვირფას მასალას წარმოადგენდნენ. მათი აღწერით, მასწავლებელსა და მოსწავლეებს შორის გამართული კითხვა-პასუხით, საუბრით, თხრობით ბავშვები გავარჯიშდებოდნენ როგორც კითხვებზე პასუხის გაცემაში, ისე სურათის ამოკითხვასა და თხრობაში.

საჭირო იყო სათანადო წიგნის (სახელმძღვანელოს) მიცემაც სკოლებისათვის და მოხსენიებული პლაკატების სასაუბროდ დატოვება. ამ მიზნით მე და ა. გვახარიაშვილი შევადგინეთ პირველი კლასის ახალი სახელმძღვანელო წიგნი სახელწოდებით: „პირველი წიგნი“, ნაწილი პირველი, „პირველი წიგნი“, ნაწილი მეორე.

„პირველი წიგნის“ პირველ ნაწილში შევიტახეთ ყველა შემოთნახსენები თორმეტი პლაკატი, მაგრამ ამ პლაკატებით გათვალისწინებული შესასწავლი ასო-ბგერები (გარდა პირველი პლაკატისა) დავშალეთ და გავანაწილეთ დიდაქტიკური

დებულების — ადვილიდან ძნელზე თანდათან გადასვლის შეძლებისდაგვარად დაცვით.

პლაკატები წიგნში შევიტანეთ მხოლოდ სასაუბროდ, ერთ-მანეთს დავაშორეთ არა თანაბარი შუალედით: ზოგნი ახლოს მოვათავსეთ ერთმანეთთან და ზოგნიც დიდი დაცილებით, იმდენად, რამდენადაც მათ შუალედებში ჩვენ გავითვალისწინეთ ამა თუ იმ ასო-ბგერის ცალ-ცალკე შესწავლა (სათანადო წინადადებებით, მოთხრობით და ლექსით). ეს ადვილებდა მომდევნო პლაკატის სახელწოდების წაკითხვას და შემდეგ სათანადო საუბრის გამართვას.

„პირველი წიგნი“ დაასურათეს მაშინ ახალგაზრდა, ნიკიერმა და ცნობილმა მხატვრებმა აპოლონ ქუთათელაძემ და სამსონ ნადარეიშვილმა პროფესორ რუსუდან ნიკოლაძის რედაქტორობით.

ფერებში დასურათებული და კარგად გამოცემული ჩვენი (ა. გვახარიასი და ჩემი) „პირველი წიგნი“ ახალი იყო თავისი დადებითი და უარყოფითი მხარეებით და იმ უცნაურობებითაც, რაც მის პირველ გამოცემებს ახასიათებდა, სახელდობრ:

1. საკითხავი წიგნი არა იშვიათად დაბეჭდილი იყო შპალერზე, ცისფერ და წითელ ფონზე (იხ. გვ. 26, 41, 43, 60).
2. რიგ შემთხვევაში ტექსტი დაბეჭდილი იყო მკრთალად მოცემული სათანადო სურათის ფონზე.
3. ხელნაწერები მოცემული იყო არა სანიმუშო და კალიგრაფიულად სწორად შესრულებული, არამედ განგებ ბავშვების ხელით დაწერილი (იხ. გვ. 15, 7, 11, 15, 27, 48, 49).
4. ხელნაწერზე იდო კალმისტარი და ზედ გადადიოდა ხოკო (იხ. გვ. 15, 49).
5. ჩვენი ანბანის ოცდაცამეტ შავად დაწერილ ასოს და სასვენ ნიშნებს ლურჯი და წითელი ფეხები ჰქონდა გამოზომული, ადამიანების სილუეტებს ჰგავდნენ და „დახტოდნენ“, „მოძრაობდნენ“ (იხ. გვ. 47, 52, 53).
6. წითლად დახატული ვაშლი და მსხალი დაჭრილი იყო

და დაბლა ნაირ-ნაირი ფიგურები ჰქონდა მოცემული სახატავ-სახაზავად (იხ. გვ. 52, 53).

7. ციფრები გათვალსაჩინოებულნი იყო, ისინი მათი რაოდენობის ფეხების მქონე ფრინველ-ცხოველებს ეკავათ; ციფრებსაც ფეხები ჰქონდათ და „მოძრაობდნენ“ (იხ. გვ. 54, 55, 68).

8. ბავშვების ნაირ-ნაირ ნახატებს სათანადო წარწერები ჰქონდა (იხ. გვ. 27, 56, 57).

9. დამატებაში მოცემული იყო დასაფარებელი და ამოსაჰრელი ასოები.

ასეთივე „სიახლე“, თავისებურება და ახირებულება ნაწილობრივ ახასიათებდა „პირველი წიგნის“ მეორე ნაწილსაც (შიგ სასიძლეო ნოტებიც გვქონდა — გვ. 177 და სხვ.).

„პირველი წიგნის“ პირველი ნაწილი 84 გვერდს შეიცავდა; ის ფერებში დაიბეჭდა; იმავე წიგნის მეორე ნაწილი 228-გვერდიანი იყო, ერთ ფერში დაბეჭდილი. „პირველი წიგნის“ პირველი გამოცემა განხორციელდა 1926 წელს; თითოეული ნაწილი გამოვიდა სამოც-სამოცი ათასი ტირაჟით. ექვსი თვის შემდეგ განმეორდა გამოცემა, ოღონდ ორივე ნაწილი ერთად, ერთ წიგნად გამოიცა, 40.000 ტირაჟით.

მეორე გამოცემისათვის წიგნში მცირეოდენი ცვლილებები შევიტანეთ. მაგალითად, კერძოდ იმ ადგილისათვის, სადაც „ფეხებიანი ასოები და ციფრები „კატა-თავგობიას“ თამაშობდნენ, ლექსი დაეწერინეთ ი. გრიშაშვილს. შემდეგ და შემდეგ, როგორც ცნობილია, „პირველი წიგნი“ წლების მანძილზე ცვლილებებს განიცდიდა; გზადაგზა ეცვლებოდა სახელწოდებაც: „პირველი წიგნი“, „ანბანი“, „ქართული ენა“, „დედა-ენა“.

მშობლიური ენის ჩვენი სახელმძღვანელოს როგორც პირველმა, ისე მეორე ნაწილმა მთავრობის მიერ გამოცხადებულ 1937 წლის კონკურსში გაიმარჯვა და დაწესებული პრემიაც მიიღო. 1926 წლიდან 1944 წლამდე ამ სახელმძღვანელოს პირველი ნაწილი ცხრამეტჯერ დაიბეჭდა, ხოლო მეორე ნა-

წილი — თვრამეტჯერ. ორივე ნაწილის საერთო ტირაჟი ორ მილიონ ეგზემპლარს გადასცილდა.

ბევრი რეცენზია დაიბეჭდა ჩვენს სახელმძღვანელოებზე, უამრავი წერილი მოგვივიდა ავტორებს რაიონებიდან, რის საფუძველზე და პირადი დაკვირვების შედეგად თანდათან ვაუმჯობესებდით წიგნს. კერძოდ, 1944 წ. დაბეჭდილ მე-19 გამოცემაში ხუთი სასაუბრო სურათი და ხუთი სხვადასხვა ნახაზა მოცემული წინასაანბანო პერიოდისათვის; მთელ სა-ანბანო პერიოდში ყოველი ნორმალური (გასარჩევი) სიტყვის სურათის მარცხნივ კიდევ სურათია, რომლის სახელწოდება იწყება იმ დღეს შესასწავლი ასო-ბგერით; შესასწავლი ასო ნაბეჭდი სახით არას მოცემული; იმავე, ნორმალური სიტყვის სურათის მარჯვნივაც სურათია, რომლის სახელწოდებაც იმ დღეს შესასწავლი ასო-ბგერით იწყება და ის ასო ხელნაწერის სახით არის მოცემული; ყოველ გადაშლილ ორ გვერდზე ისწავლება ერთი ასო-ბგერა, რათა მხედველობის არეში ბავშვს უცნობი ასო არ შეხედეს; ყოველი გადაშლილი ორი გვერდის პირველ გვერდზე იმ დღეს შესწავლილი ასოს ნიმუშია რვეულის ფონზე, მე-2 გვერდზე კი — სიტყვის ან სიტყვების წერის ნიმუში, იმავე ფონზე; მე-12 გვერდზე როგორც სინთეზის, ისე ანალიზის ნიმუშებია მოცემული; წიგნში წარმოდგენილია სწავლების სხვადასხვა ხერხი: სიტყვიდან პირველი ასო-ბგერის ჩამოცილებით, ან სიტყვის თავში ასო-ბგერის მომატების გზით ახალი სიტყვების მიღება; ერთი და იმავე მარცვლისათვის თავში თუ ბოლოში სხვადასხვა მარცვლების მომატებით სხვადასხვა სიტყვის მიღება; მოძრავი ასოთი სარგებლობა; რებუსები: მარცვალი და რიცხვი, მარცვალი და სურათი; სამკუთხედის ან ოთხკუთხედის კუთხეებში მოთავსებული მარცვლების ერთი მიმართულებით წაკითხვით სხვა სიტყვის მიღება, მეორე მიმართულებით წაკითხვით — სხვა სიტყვებისა; ყოველ გვერდზე არა მარტო ბეჭდურ ტექსტში ხდება იქამდე ნასწავლი ყველა ასო-ბგერის განმეორება, არამედ უეჭველად ხელნაწერ ნიმუშშიაც არის წინა დღით ნას-

წავლი ასო-ბგერა; წიგნისათვის საგანგებოდ და მიზნობრივად იყო შერჩეული ყოველი ფრაზა, ლექსი, გამოცანა, ანღაზა...

9

ბევრი რამ საინტერესო და მოსაგონებელი მაქვს ჩემს „პირველ წიგნთან“ დაკავშირებით, მაგრამ აქ მხოლოდ ერთს დავასახელებ: ასე მეჩვენება, ჩვენს სახელოვან პოეტს სოსია გრიშაშვილს საბავშვო ლექსების წერა ჩვენმა „პირველმა წიგნმა“ (პირველი კლასის სახელმძღვანელო წიგნმა) დააწყებინა. სახელმძღვანელოს მასალის გასახალისებლად ლექსი დაგვჭირდა; ლექსის დასაწერად ჩემს ძველ მეგობარს სოსო გრიშაშვილს მივმართე, თან აპოლონ ქუთათელაძისა და სამსონ ნადარეიშვილის მიერ დახატული ანბანთ თამაში ვაჩვენე. სოსომ თანხმობა მომცა და რამდენიმე დღის შემდეგ წარმომიდგინა ლექსი „ანბანის სიმღერა“. შემდეგ ამავე წიგნის მეორე ნაწილისათვის მან კიდევ ოთხი ლექსი დაგვიწერა. სიძნელე ამ ლექსების დაწერისა ის იყო, რომ მათი შინაარსი ჩვენ (სახელმძღვანელო წიგნის ავტორებს) წინასწარ გვქონდა განსაზღვრული პატარა (რვა წლის) ბავშვებისათვის. ჩვენი ჩანაფიქრის მიხედვით ჯერ ა. ქუთათელაძესა და ს. ნადარეიშვილს დავახატვინეთ წლის დროები: „შემოდგომა“, „ზამთარი“, „გაზაფხული“ და „ზაფხული“ და შემდეგ ვთხოვეთ ი. გრიშაშვილს გაელექსა ეს სურათები, რაც ბრწყინვალედ შეასრულა. ეს იყო პოეტის პირველი ცდები საბავშვო ლიტერატურაში. აქედან მოყოლებული, იოსებ გრიშაშვილი სისტემატურად წერს საბავშვო ლექსებს და ამ დარგშიაც შესანიშნავად ემსახურება ჩვენს ქვეყანას.

ისეთი ლექსის დაწერაც შევუკვეთეთ საყვარელ პოეტს, რომლის წამკითხავს ქართული ანბანის ყველა ასო-ბგერა არ ეცოდინებოდა, მაგალითად, ერთხელ ვთხოვეთ, ისეთი ლექსი დაეწერა, რომელშიც ასოები ქ, ც, ძ, წ, ჯ, და ჰ არ იქნება გამოყენებული. (ლექსი გათვალისწინებული იყო იმ პერიოდისთვის, როცა ბავშვებს ზემოთ მოტანილი ასოები ჯერ კიდევ არ ექნებოდათ შესწავლილი).



ეს ძნელი საქმე სოსომ სამ დღეში გააკეთა, დაგვიწერა ლექსი „პატარა ოსტატები“.

იოსებ გრიშაშვილის შემოქმედების ის ნაწილი, რომელიც ბავშვებს შეეხება, ცალკე შესწავლის ღირსია. პოეტის ყოველი სტრიქონი, ყოველი ტაეპი გამსჭვალულია ერთი აზრით: ელაპარაკოს მოზარდს მისთვის გასაგები ენით და ჩაუნერგოს პატრიოტიზმის გრძნობა, შრომის, სწავლის ინტერესი, აღზარდოს იგი დედასამშობლოს ღირსეულ მოქალაქედ.

სასწავლო ნაწილის გამგედ ვმუშაობდი თბილისის მუშათა უნივერსიტეტში, სადაც სწავლობდა უამრავი მუშა და კოლმეურნე საქართველოს ყოველი კუთხიდან, რის გამოც მუშათა განათლების ეს კერა, თუ შეიძლება ასე ითქვას, ერთგვარი ცნობათა ბიუროც იყო მთელი საქართველოსთვის. „ვეფხისტყაოსნის“ ერთ-ერთი უძველესი ხელნაწერის შეძენის შესაძლებლობა დადგა. მე ეს გარემოება ოფიციალურად ვაცნობე განათლების კომისარიატს და ვთხოვე ამ საქმისთვის გაეგზავნა კაცი ნოქალაქევეში. კომისარიატმა ამ „უმნიშვნელო“ საქმისთვის ვერ მოიცალა და „ხელნაწერიც“ გაქრა: რის გამო გაზეთში მოვათავსე ასეთი მოწოდება:

„სპარსული თუ სპასური“?

რამდენიმე თვის წინათ ერთმა ნაცნობმა მოქალაქემ მითხრა: დიდი ხანი არაა, რაც მე და ჩემი ამხანაგი დავბრუნდით სამეგრელოდან. იქ ერთ ოჯახში (მგონი, ნოქალაქევის რაიონი დაასახელა) აღმოვაჩინეთ „ვეფხისტყაოსანის“ ძველთაძველი ხელნაწერი, წავიკითხეთ კიდევ ზოგიერთი ადგილი და დავრწმუნდით, რომ დიდი განსხვავებაა ცნობილ ტექსტსა და ახლად აღმოჩენილ „ვეფხისტყაოსნის“ ტექსტს შორის.

მაგალითისთვის გეტყვით: იქ, სადაც ცნობილ ტექსტში ვკითხულობთ: „ესე ამბავი სპარსული ქართულად ნათარგმანები“... და სხვა, ახლად აღმოჩენილ „ვეფხისტყაოსანში“ სწერია: „ესე ამბავი სპასური სახალხოთ ნათარგმანები“... და სხვ.

მე ეს აღმოჩენა მნიშვნელოვნად მივიჩნიე და აღტაცებულ-  
მა ვუთხარი: იმ ხანებში „სპა“ ხომ ჯარს ნიშნავს! სპა-  
ს უ რ ი (სპაური) საჯარო, მხედრული! თარგმნა, ე. ი. ახსნა-  
განმარტება! მაშასადამე, გამოდის: „ესე ამბავი საჯა-  
რო ვპოვე და სახალხო დ განვმარტე, გა-  
ვლექსე“.

ამ წერილის მიზანია: მოვაგონო, ვინაც რაიმე იცის ასეთი  
ხელნაწერი „ვეფხისტყაოსნის“ არსებობის შესახებ ახლა,  
როდესაც საბჭოთა ქვეყანა საქ. კ. პ. (ბ) ცეკას ისტორიული  
დადგენილებით რუსთაველის იუბილესათვის ემზადება და  
„ვეფხისტყაოსნის“ ტექსტის დადგენა ხდება, ხელი შეუწყობ  
ხსენებული „ვეფხისტყაოსნის“ წარმოდგენას (გაზ. „კომუნის-  
ტური განათლება“, 1934 წ. № 100).

## 10

საქართველოს სახალხო განათლების სახელმწიფო მუზე-  
უმის დირექტორი გახლდით (1947—1951 წლებში), როცა  
მუზეუმის მიერ შედგენილი და განათლების სამინისტროს  
კოლეგიის მიერ დამტკიცებული გეგმის მიხედვით რიგი პი-  
რები მუზეუმისთვის წერდნენ სათანადო მიმოხილვებს, ნარ-  
კვევებს, მოგონებებს. მათ შორის მეც, გეგმის თანახმად,  
დავწერე შრომა, სათაურით: „ორმოცი წელი პედაგოგიურ-  
საზოგადოებრივ ასპარეზზე“, რომლიდანაც ამოღებულ იქნა  
მოგონებების ნაწილი და დაიბეჭდა წინამდებარე წიგნის სახით.

1949 თუ 50 წელში გამოვიდა წიგნი „გამოჩენილი ექიმე-  
ბი“, რამაც მომცა იდეა ანალოგიური წიგნი შეგვედგინა მუ-  
ზეუმში თვალსაჩინო მასწავლებლებზე და გამოგვეცა ოთხ  
ტომად. მუზეუმის მთელი კოლექტივი გავვიტაცა ამ აზრმა  
და, მიუხედავად ერთგვარი დაბრკოლებებისა, ხელშეკრულე-  
ბით შევეყარი მუზეუმის მეცნიერ მუშაკებს სოლომონ ცაი-  
შვილსა და მიხეილ კეკელიძეს — შეეგროვებინათ სათანადო  
მასალები და ძირითადად დაეწერათ ეს საჭირო წიგნები. გან-  
ზრახული იყო იმთავითვე, რომ ნარკვევებს ზოგი პედაგოგის



ქართველთა შორის წერა-კითხვის გამავრცელებელთა საზოგადოების გამგეობის სხდომა 1880 წლის 29 იანვარს  
სხედან (მარცხნიდან მარჯვნივ): გრ. ორბელიანი, რამ. ერისთავი (გამგეობის ხაზინდარი), იაქ. გუგუშვილი, ნიკ. ცხეველი, დიმ. ყიფიანი (გამგეობის თავმჯდომარე), ივ. მაიაშვილი, ში. გაბაშვილი, ილ. სარჯი-  
შვილი, ილია აკისაშვილი (სამსახურის მდიანი), აკაკი ხერეთეთი, მის. თუმანიშვილი.  
დგანან: ი. გამყრელიძე, გიორგი წერეთელი, თეოდორე ჯანაშია, ილია ჭავჭავაძე (თავმჯდომარის მიადგ. სუ)  
გ. თულაშვილი, სერგეი მესხი, გ. უთურგიაძე.

შესახებ დაწერდნენ პროფ. გ. თავიშვილი, პროფ. დ. ლორთქიფანიძე, დოც. ვ. ქაჯაია და სხვები. ცაიშვილმა და კეკელიძემ ეს კარგი საქმე გააკეთეს და სხვა ამხანაგების მონაწილეობით და რედაქტორობით პირველი ორი ტომი უკვე დაიბეჭდა.

ერთობ განუზომელია ღვაწლი ქართველთა შორის წერაკითხვის გამავრცელებელი საზოგადოებისა. ეს საზოგადოება ქართველი ერის განათლების სამინისტრო იყო ცარიზმის ეპოქის ეროვნული გადაგვარებისა და სისხლის წვიმების პირობებში.

სათანადო მასალებისა და სქემის მიხედვით მხატვარმა ანდრო ასტახიშვილმა გაუკეთა მუზეუმს მხატვრული რუკა, რომელზედაც აღნუსხულია ქ. შ. წ. კ. გ. საზოგადოების განყოფილებები, სკოლები და ბიბლიოთეკა-სამკითხველოები, როგორც საქართველოში, ისე მის გარეთ.

შევაგროვეთ და აღვადგინეთ ყველა საჭირო მასალა და დეტალი იმისათვის, რომ შეგვექმნა მართალი სურათი წერაკითხვის გამავრცელებელი საზოგადოების გამგეობის ერთ-ერთი სხდომისა. დიდი შრომა გასწიეს ამ მიმართულებით ჩემთან ერთად მუზეუმის მეცნიერ მუშაკებმა არკადი ხუნდაძემ და სოლომონ ცაიშვილმა, აგრეთვე მარო მაქავარიანმა და ანიკო სამადაშვილმა.

ჩვენ (მე, ცაიშვილმა და ხუნდაძემ) ვიკისრეთ რედაქტორობა ამ საპასუხისმგებლო სურათისა: რიგი თვეების განმავლობაში თითქმის ყოველდღე დავდიოდით ცნობილ მხატვარ პროფ. აპოლონ ქუთათელაძის სახელოსნოში (სასტუმრო „ინტურისტის“ ერთ-ერთ დიდ ოთახში), მიგვეჩინდა საჭირო მასალები, ვაზუსტებდით ამა თუ იმ დეტალს, რის შედეგად მივიღეთ დიდი მხატვრული ფერადი ტილო ქართველთა შორის წერაკითხვის გამავრცელებელი საზოგადოების სხდომისა, რომლის ასლის ლითოგრაფიული წესით დაბეჭდვა და ოჯახებსა და დაწესებულებებში გავრცელება კარგი ეროვნული საქმე იქნებოდა.

## სახალხო სახლის მშენებლობა სოფელში

1921 წლის მეორე ნახევარში თუ 1922 წლის პირველ ნახევარში (კარგად არ მახსოვს) შეიკრიბნენ სოფელ მათხოჯის მოწინავე გლეხები და ინტელიგენცია, კრებას, შეიძლება ითქვას, არავინ დაჰკლებია! დღის წესრიგში იყო უკვე დაწყებული და დროებით შეჩერებული მათხოჯის სახალხო სახლის მშენებლობის განახლება.

ამ საქმისთვის აირჩიეს საბჭო, რომელშიაც შევიდნენ მოწინავე მუშები, გლეხები, მშრომელი ინტელიგენტები, როგორც კომპარტიის წევრები, ისე უპარტიო ბოლშევიკები და კომკავშირლები. საბჭოში აირჩიეს აგრეთვე მათხოჯის ახლომახლო მდებარე სოფლების რევკომის თავმჯდომარეები და პარტიული ორგანიზაციების მდივნები. კრებამ დაავალა საბჭოს გაეთვალისწინებია ისეთი სახალხო სახლის აშენება, რომელშიაც მოთავსდებოდა არა მარტო ბიბლიოთეკა-სამკითხველო და კლუბი, არამედ საშუალო სკოლა. აფთიაქი. ფოსტატელეგრაფი, წიგნის მაღაზია და სხვა კულტურული დაწესებულებანი. საბჭომ თავმჯდომარედ ამირჩია მე, რის შემდეგ მათხოჯლების საერთო კრებამ დაადგინა, რომ სოფელი არა მარტო უსასყიდლოდ იმუშავებდა ამ მშენებლობაზე (სილის, ქვის, აგურის თავიანთი ღრმებით მოზიდვით). არამედ ფულად თანხასაც გაიღებდა შესაძლებლობის მიხედვით, ოღონდ საბ-

კომ იკისროს ამ საქმის ორგანიზაცია: კირისა და აგურის დასამზადებელი ქარხნების გამართვა, სვანეთში ხე-ტყის მოჭრა და ცხენისწყლით მათხოჯში ჩამოცურება, მშენებლობის სასარგებლოდ საღამო-წარმოდგენების გამართვა, მათხოჯის ამ მშენებლობის დამხმარე კომიტეტების ჩამოყალიბება, კეთილპირთაგან შემოწირულებათა შეგროვება, მუშათა და გლეხთა მთავრობის წინაშე სათანადო შუამდგომლობათა აღძვრა, დახმარების მიღება, 2-3 ოჯახის ერთი ადგილიდან მეორე (საფონდო მიწებზე) გადასახლება, ამით მშენებლობისათვის საჭირო ფართობისა და ეზოს გამოყოფა, ოსტატების დაქირავება, მასალების შეძენა, მშენებლობის დაწყება-დამთავრება და მისი ექსპლოატაციაში გადაცემა. აღსანიშნავია, რომ ფაქტიურად იმ დროისათვის არც ერთი დაწესებულება, რომელიც იმ შენობაში უნდა მოთავსებულიყო, სოფელს ჯერ კიდევ არ ჰქონდა, იგულისხმებოდა, რომ მათი გახსნის შუამდგომლობანიც მთავრობის წინაშე ხსენებულ საბჭოს უნდა აღძვრა.

მე 1918 წლიდან თბილისში ვცხოვრობდი და ვმუშაობდი, რის გამო ამ მძიმე საქმის ხელმძღვანელობა თბილისიდან უნდა გამეწია, ხშირად ჩავსულიყავი ჩემს სოფელში და ყოველი წერილმანისათვის მიმექცია სათანადო ყურადღება. საბჭოს წევრებიდან გამოიყო პრეზიდენტი შვიდი კაცის შემადგენლობით, მათ შორის — გიორგი ჩიმაკაძე (ჩემი პირველი მოადგილე, კაცი ფრიად პატიოსანი), მასწავლებელი ნესტორ ძიძიგური (ჩემი მეორე მოადგილე, ჩემი უფროსი ძმა), დურგალი პავლე მელაძე (მესამე მოადგილე, საზოგადო საქმის ენთუზიასტი), მასწავლებელი ელეფთერ მელაძე (მდივან-მონაგარი) და სხვ.

მოვიწვიეთ დროებით ზონში (ახლა წულუკიძე) ჩამოსახლებული ინჟინერი-არქიტექტორი პრეისი. შევადგინეთ ამ ვეებერთელა შენობის პროექტი და ხარჯთაღრიცხვა. კარგი პროექტი გაკეთდა. ხარჯთაღრიცხვის ჯამი სამ მილიარდ

(3.000.000.000) მანეთს უდრიდა (დღეს ეს შენობა ორ მილიონ მანეთზე მეტი ღირს).

მათხოველების საერთო კრებამ დაადგინა, რომ ის შეძლებს ხუთასი მილიონი მანეთი გაიღოს ფულად, დანარჩენი ორი მილიარდ ხუთასი მილიონი მანეთი კი მათხოჯის გარეთ უნდა გვეშოვა. ამოცანა დიდი იყო. პირველი ნაბიჯი, რომელიც გადავდგით, შემდეგი იყო: ჩვენი მდგომარეობა გავაგებინეთ თბილისში ფილიპე მახარაძის თავმჯდომარეობით არსებულ საზოგადოებას, რომელსაც ერქვა: „პომგოლა“ („პომოშჩი გოლოდაიუშჩიმ“). ამ საზოგადოებაში (გამგეობაში) ოცდახუთი კაცი შედიოდა. ჩვენს თხოვნას ეს საზოგადოება დადებითად გამოეხმაურა და ორმოცდაათი მილიონი მანეთი მოგვცა. ტომრებში ჩავაწყვე ხუთიათასმანეთებიანი ბონები და ჩავიტანე მათხოჯში. მანამდე აშენებული ქვის ორი კედელი დავანგრით და ახალი პროექტის მიხედვით გავთხარეთ საძირკველი.

მოსახლეობამ ქვების, ხრეშისა და სილის მოზიდვა დაიწყო ცხენისწყლიდან და მშენებლობას შეეუდღეკით. ხალხმაც დაიწყო აგრეთვე თავისი ფულადი წვლილის შემოტანა. ხუთასი მილიონის გასანაწილებლად არჩეული იყო საგანგებო კომისია 17 კაცის შემადგენლობით. ამ კომისიამ ზოგი ოჯახი სულ გაათავისუფლა გადასახადისაგან, ზოგს სამასი, ზოგს ხუთასი, ზოგს რვაასი და ზოგსაც მილიონ ორასი ათასი მანეთი შეაწერა სახალხო სახლის მშენებლობისათვის გადასახადად.

მშენებლობა გაჩაღდა. დამხმარე კომიტეტები ჩამოყალიბდა. ფოთში, ბათუმში, ქუთაისში, სოხუმში, თბილისში, . . . მოსკოვში, ხარბინში და სხვაგან. იმ ხანად ფული განმტკიცდა და საბჭოთა ჩერკონეცმა ოქროს კურსი მიიღო.

საშა გეგეჭკორის მიერ ხელმოწერილი ქალაქი მედო უბეში, რომლის ძალითაც უფლება მქონდა, რომელ ქალაქშიაც მინდოდა, მომეწვია მათხოველების და მათი მოკეთებების კრება და გვემსჯელა საშუალებების გამოსანახავად. ხშირი სტუმარი ვიყავი სერგო ორჯონიკიძისა; ბევრი დახმარება გაგვიწია მან.

— კარგ დროს მოხვედი, ვარლამ! — მითხრა ერთხელ, როცა მის კაბინეტში შევდიოდი (ჯაფარიძის ქუჩაზე, „ზაკ-კრაიკომში“, რომლის მდივანიც ის იყო). ზარი დარეკა და თანამშრომელი მოიხმო. — მოიტანე ის ოქრო, დღეს რომ ვაქარს ჩამოართვეს! რამდენია?

— ხუთი ათასი მანეთია, — უპასუხა თანამშრომელმა. — ამხანაგ ძიძიგურს მიეცი, — მათხოჯის სახალხო სახლისათვის!

— ამხანაგო სერგო, სახალხო სახლის ბუხვალტერი სოფელში ამ ოქროს ვერც გადაახურდავებს, იქნებ ანგარიშიც აებნეს, ზოგში მეტი მიიღოს, ზოგში ნაკლები! ხომ არ შეიძლება უბრძანოთ ბანკს, გადაგვიცვალოს ჩერვონცებში? (ჩერვონცები მაშინ ახალი შემოსული იყო).

— ეს კარგი აზრი მოგივიდა! — მიპასუხა ამხ. ორჯონიკიძემ, უცებ აიღო ტელეფონი და ბანკს დაურეკა: — ხუთი ათასი მანეთი ოქრო გავციცვალეთ ჩერვონცებშიო.

ბევრი დრო არ გასულა. ბანკის თანამშრომელი მოვიდა და ჩერვონცები მოგვიტანა. — ცხრა მანეთი და ათი შაური თითოეულ თუმანში.

— ეს რაა, ნაკლებს გვაძლევთ? — ვკითხე მე.

სერგომაც დაუმატა, თუმანში თუმანი მოგვეცითო.

— დღევანდელი ნიხრი ასეთია. თუ თვის დასასრულამდე შეიცვალა, შეიძლება მოხერხდეს განსხვავების მოცემამო! — უპასუხა სერგოს. (თვის ბოლოს მართლაც მოგვცეს დამატებით 158 მან. და 50 კაპ.).

ამხ. სერგო ორჯონიკიძე დიდი თანაგრძნობით ეკიდებოდა მათხოჯის სახალხო სახლის მშენებლობას, ის მუდამ მშენებლობის კურსში იყო და მისი მეშვეობით ხშირ დახმარებას ვღებულობდით საქართველოსა და ამიერკავკასიის მთავრობებისაგან.

ერთსულოვნად მუშაობდა მთელი მათხოჯი. მათხოჯის გარეთ მომუშავე მათხოჯლები საქირო პროპაგანდას ეწეოდნენ სახლის მშენებლობის სასარგებლოდ და შემოწირულებებს გზავნიდნენ. ღია ბარათებად დავბეჭდეთ მათხოჯის სახალხო



სახლის შენობის პროექტი, ზედ ასეთი წარწერა გაეუკეთეთ ქართულ, რუსულ და ფრანგულ ენებზე: „მათხოჯის სახალხო სახლი“. ღია ბარათის ფასი ერთი მანეთი იყო და ის არა მარტო საქართველოში, არამედ მოსკოვსა და კავშირის სხვა ქალაქებშიც სალდებოდა. მისმა შემძენმა იცოდა, რომ ერთ მანეთს იხდის მათხოჯის სახალხო სახლის მშენებლობის სასარგებლოდ. შენობა დღითიდღე მალლა-მალლა მიდიოდა. 1925 წლის დასაწყისისათვის ყველა კორპუსის კედლების ამოყვანა დამთავრდა, მთელი შენობა თუნუქით დაიხურა და სახურავი შეიღება.

სერგო ორჯონიკიძეს ვთხოვეთ ჩამოფრენილიყო მათხოჯში. თანხმობა განმიცხადა, თუ ეს ტექნიკურად მოსახერხებელი იქნებოდა. მე წინასწარ ჩავედი მათხოჯში, სახალხო სახლის ახლოს, რატიანების ეზოს გადაღმა, ცხენიწყლის პირას ვეებერთელა მინდორი გავასუფთავებინე ხალხს; მათაც უხაროდათ, რომ „რევოლუციის რაინდი“, საყვარელი სერგო სპეციალური თვითმფრინავით ჩამოფრინდებოდა მათხოჯში და ხალხის ინიციატივითა და შრომით გაკეთებულ ვეებერთელა შენობას დაათვალიერებდა. ასეთი შენობა იმ ხანებში იშვიათი იყო სოფლად, სოფლელების ინიციატივით გაკეთებული. მათხოჯიდან დაბრუნებულმა მოვახსენე სერგოს, რომ ორი იმ ზომის მინდორი, რა ზომაც თბილისიდან წავიღე, გაშენდილია და მზად არის სახალხო სახლის ახლო. ვუცდიდით შესაფერის დღეს და ამხანაგ სერგოს მოცლას ამ მგზავრობისათვის. იმ ხანებში თოვლიც მოვიდა და ამანაც გადადო გადაფრენის დღე.

## 2

1925 წლის 25 თებერვალს ნაშუადღევის 2-3 საათზე დე პეშა მივიღე მათხოჯიდან: „სახალხო სახლი იწვის. შალვა ფირცხალავა“.

ელდა მეცა. ნახევარ საათს თვალი არ მომიშორებია ამ

ხუთი სიტყვისათვის: ნუთუ მართალია ეს? იქნებ ჩემი ჩასვლა უნდათ მათხოჯში და ამ გზით მიწვევენ? იქნებ ვინმე ასე მწარედ ხუმრობს? იქნებ მატყუებს? ნუთუ მართლა ასეთი საწინელება მოხდა?!

ტელეფონით შევატყობინე დეპეშის შინაარსი ამხანაგ სერგო ორჯონიკიძეს. გასაგებია, რომ დიდად შეწუხდა და მითხრა: შედი მთავარ ტელეგრაფში, პირდაპირი მავთულით გამოიძახე ხონის რაიალმასკომის თავმჯდომარე და დაუსვი ეს კითხვები (ექვსი კითხვა მიკარნახა). მე ახლავე მივცემ განკარგულებას მთავარ ტელეგრაფს, გალაპარაკონ ხონთანო.

იმ წუთში გავექანე ტელეგრაფისაკენ, ვინახულე უფროსი, რომელსაც ამხანაგი სერგო უკვე დალაპარაკებოდა. მან მიმიყვანა ტელეგრაფის აპარატთან; კითხვები გადავეცი; აპარატმა გადასცა ხონს და რამდენიმე წუთში პასუხები მივიღეთ რაიალმასკომის თავმჯდომარისაგან. უკანასკნელ კითხვაზე, თუ რა მდგომარეობაშია ამჟამად ცეცხლი, გვიპასუხა: მართალია, მთელი ხონი ფეხით, ეტლებით გაექანა მათხოჯისაკენ. მაგრამ ჩვენ მილიცია, მოსამსახურეები და ჯარის ნაწილები არ გავუშვით, რადგან ვიფიქრეთ, იქნებ მენშევიკების გამოსვლას ჰქონდეს ადგილი, სურდეთ ძალები ხონიდან გაიტყუონ და ხონი ჩაიგღონ ხელშიო. ამიტომ კარგად არ ვიცი, მაგრამ ზოგი მათხოჯიდან დაბრუნებული ამბობს, — სახურავი უკვე ჩავარდაო. ხონის ცეცხლმქრობი რაზმი მათხოჯშია. ქუთაისისა და სამტრედიის რაზმებიც მათხოჯლებს გაუწვევიათო.

იმ ღამეს მატარებელში ვიჯექი და მათხოჯისაკენ მივეშურებოდი გონებადაკარგული. ამხანაგმა სერგო ორჯონიკიძემ განკარგულება მისცა ქუთაისის მაზრის აღმასკომის თავმჯდომარეს სპეციალისტები და ინჟინრები გაეგზავნა მათხოჯში, შეემოწმებინათ ზარალი, კედლების ვარგისიანობა, შეედგინათ აქტი და გადმოეცათ ჩემთვის.

იმაზე საშინელი და ძლიერი წუხილი ხალხისა მე არასოდეს მინახავს, როგორიც მათხოჯში ვნახე. ქალი, კაცი, ბავშვი, მოხუცი გულამოსკენით კენესოდნენ. ყველა სახალხო სახლთან

იყო და ამ ვეებერთელა მკვდარს ტიროდა. ჩემი მანქანა რომ ჩავიდა, ისეთი საშინელი კივილი შეიქნა, რომ გული შემიწუხდა. ეზოებიდან გამორბოდნენ შინ დარჩენილი გოგო-ბიჭები; ქუთაისიდან ჩამოსული სპეციალისტებიც იქ დამხვდნენ — ნახევარი საათით ჩაესწროთ ჩემთვის. შეამოწმეს შენობა. დაადგინეს, რომ კედლები გამოდგება ზევდან ეოათი მეტრი სიმაღლის ნაშენობის გადანგრევისა და ძის შავიერ ახლის აშენებას შემდეგ. სახლის ხე-ტყის მასალა, კარები, ფანჯრების ჩარჩოები, დვირეები, იატაკები და ქერები სულ დამწვარიყო. ფანჯრებში ჩასასმელად მომზადებული ოცი თუ ოცდაათი ყუთი მინა დადუღებულიყო და რაღაცნაირ მასად ქცეულიყო. გადარჩენილიყო მხოლოდ საბუთები და საქმეები, რადგან ისინი, შენობის დაუმთავრებლობის გამო, საბჭოს მდივან-მონაგარიშე მელაძის ოჯახში იყო.

მიტინგი გავხსენი, მაგრამ ვერც მე ვილაპარაკე და ვერც სხვებმა. ფსიქიკურმა ტრავმამ ყველა იმგვარად დაგვიმორჩილა, რომ, რაიმეს სათქმელად გავაღებდით თუ არა პირს, ქვითინი აგვივარდებოდა და ცრემლები გვახრჩობდა.

გამოირკვა, რომ ეს დიდი უბედურება უბრალო შემთხვევის და ახალგაზრდების დაუდევრობის შედეგი იყო. 25 თებერვალს, დილით, ოთხი მათხოჯელი კომკავშირელი შესულყო სახალხო სახლის შენობაში, სადაც ღურგლები მუშაობდნენ, იატაკად დასაგებ და ქერად გასაკეთებელ ფიცრებსა და ლამფებს აშალაშინებდნენ. ახალგაზრდებს უთქვამთ ჩემი მოადგილეებისათვის, გიორგი ჩიმაკაძისა და პავლე მელაძისათვის: დღეს საზეიმო დღეა და მუშაობა არ შეიძლება, გაათავასუფლეთ ოსტატებო. გაუთავისუფლებიათ. ყველანი აქეთ-იქით წასულან. ახალგაზრდებს რაღაც.თათბირი ჰქონიათ ბურბუშელით სავსე ერთ-ერთ ოთახში. პაპიროსს ეწეოდნენ თურმე. პაპიროსის ნამწვავი ჩავარდნილა ჯერ კიდევ დაუგებელ იატაკქვეშ. მათი იქ ყოფნის დროს ამოვარდნილა ალი დაბლიდან. ცდილან ჩაექროთ ცეცხლი. ვერ ჩაუქრიათ. სამი მათგანი ფანჯრიდან გადახტარა, ერთი—კარებით გაპა-

ჩულა. ხოლო გვიან, როცა ცეცხლი ძალიან გაჩაღებულა, ერთ მათგანს თოფი გამოუტანია თავისი სახლიდან, სროლა და ყვირილი აუტეხია ხალხის შესაკრებად და ცეცხლის ჩასაქრობად, ვითომდა პირველად მაშინ შეამჩნია ცეცხლი ხალხი შეკრებილა, მაგრამ, აბა, ცარიელი ხელით რას გახდებოდნენ უკვე გაძლიერებულ ცეცხლთან. ტელეფონით გამოუძახიათ ხონიდან, სამტრედიიდან და ქუთაისიდან ცეცხლმკრობი რაზმები. ცეცხლი ელვის სისწრაფით ვითარდებოდა თურმე. ცეცხლმა ყველაფერი შთანთქა, გარდა შიშველი კედლებისა.

მოხსენებული ოთხი ახალგაზრდა დააპატიმრეს, მაგრამ მალე, ფ. მახარაძის განკარგულებით, გაათავისუფლეს, როგორც უნებლიე დამნაშავენი.

### 3

თბილისში საკავშირო ცაკ-ის სესია გახსნილიყო. სხდომები ოპერის თეატრში მიმდინარეობდა დილა-საღამოობით. მთელი ჩვენი მთავრობაც სულ იქ იყო და ვერ მოვახერხე ვერც ამხ. სერგო ორჯონიკიძისა და ვერც სხვისი ნახვა, ვინც მე მაინტერესებდა. გაზეთებს მივეცი მცირე ცნობა, რის საფუძველზე ამიერკავკასიის მთავრობის თავმჯდომარეს მამია ორახელაშვილს საკავშირო ცაკ-ის წინაშე გაკეთებული მოხსენების დროს, სხვათა შორის, უცნობებია სტუმრებისათვის, რომ დეპეშებმა დღეს ცუდი ამბავი მოგვიტანა, დაიწვა ვეებერთელა სახალხო სახლი, სოფელ მათხოჯის გლეხების ინიციატივითა და შრომით აგებულიო...

შევედი ოპერის თეატრში და ვინახულე საკავშირო ცაკის თავმჯდომარე მიხეილ ივანეს ძე კალინინი. მდგომარეობის გაცნობის შემდეგ ამხანაგმა კალინინმა მოისურვა მათხოჯში წასვლა. 1925 წლის 5 მარტს ღამის პირველ საათზე მატარებელში ჩავჯექით და თბილისიდან მათხოჯისაკენ გავეშურეთ. მე მეგონა მათხოჯში მ. ი. კალინინი წამოვიდო-

და იმ ოციოდე კაცის თანხლებით, რომლებიც მის ირგვლივ ფუსფუსებდნენ. შემდეგ გამოირკვა ჩემთვის, რომ ასზე მეტი ქალი და კაცი მოდის მათხოჯში.

გარდა მთავრობის წევრებისა, კალინინს მოჰყვებიან სხვადასხვა ეურნალ-გაზეთებისა და ორგანოების წარმომადგენლები.

რა უბრალო, სადა, გონებამახვილი და საყვარელი კაცი იყო მიხვილ ივანეს ძე. გორამდეც არ ვიყავით მისული, უკვე გამიშინაურდა, სითბო მაგრძნობინა, დამიახლოვა, შემიჩვია. ხან ოხუნჯობდა, ხან ნაირნაირ კითხვებს მაძლევდა. მასთან ვიჯექი კუბეში, სხვადასხვა ამბებს მაყოლებდა, მაგრამ ჩემი გონებიდან მათხოჯის სახალხო სახლი არ ამოდითა.

დღით ჩავედით ქუთაისში. სადგურის ბაქანზე საპატიო ყარაული და ორკესტრი დახვდა საკავშირო ცაკ-ის თავმჯდომარეს მ. ი. კალინინს. სადგურის უკან ტრიბუნა იყო აღმართული და ზღვა ხალხი ელოდა. მისალმებებისა და კალინინის მოკლე სიტყვის შემდეგ საპატიო სტუმარს დაათვალიერებინეს ქალაქი. მე არ მიცილებდა გვერდიდან. აღლუმიც მიიღო. ბევრი რამ დაათვალიერა, მაინცდამაინც არ მოიწონა, როცა ახლად დანგრეულ ტაძართან მიიყვანეს: „მეტი არაფერი საქმე გქონდათ გასაკეთებელიო?“ — ჰკითხა ქუთაისის მაზრის აღმასკომის თავმჯდომარეს. ერთ-ერთი მოხუცი გლეხი სათხოვნელად მივიდა კალინინთან: გთხოვთ დატოვოთ განკარგულება, აწი არ დამიჭირონ, ცხრა დღე ვიჯექი „ნაობახტშიო“.

ვინ ჩაგსვა ან რისთვისო. სასოფლო საბჭოს თავმჯდომარემ, იმისათვის რომ ღმერთი მწამსო.

— ახალთაობის ხალხს ხომ არ ებრძვი?

— არა, ისინი კარგ საქმეს აკეთებენ.

— ქუთაისის აღმასკომის თავმჯდომარე! — მიიხმო კალინინმა ლორთქიფანიძე, — თვრამეტი დღით ჩასვი სოფსაბჭოს თავმჯდომარე (გააორკეცა მოხუცის ციხეში ჯდომის დღეები).

ნაშუადღევს 4 საათი შესრულებული იყო, როცა ქუთა-

ისის აღმასკომის თავმჯდომარემ სადილზე მიიპატიჟა სტუმრები.

4

არაფერი არ მახარებდა. მკლავდა ფიქრები: ჩემმა სოფელმა არ იცის, რომ ამდენი საპატიო პირი ესტუმრება. გუშინ საღამოს, როცა ეს გადაწყდა, დეპეშის გაგზავნაც ვერ მოვასწარი. ანდა რა უნდა მიმეწერა და რამდენი რამ უნდა მიმეწერა? ისიც ვიფიქრე, დეპეშას უთუოდ ჩვენ ჩავუსწრებთ-მეთქი, და არც კი მოვინდომე მისი გაგზავნა. ნეტავ გამეგზავნა, იქნებ ჩაესწრო. ცოტა სარგებლობას მაინც მოიტანდა!.. რად მინდა, რომ გამოვკვიმულვარ ამ მშვენიერ სუფრაზე?!

უცებ ვკითხე კალინინს: -

— მიხეილ ივანეს ძე! როგორ ფიქრობთ, დავრჩებით ამაღამ ქუთაისში თუ ღლესვე გავემგზავრებით მათხოჯში?

— თქვენი აზრი? — მკითხა მან.

— როგორც თქვენ გნებავთ! ახლა უკვე ხუთი საათია, სადილად ახლა დაბრძანდით, ორი-სამი საათი მაინც დარჩებით სუფრაზე. ახლა ადრე დამდება, იქნებ გაგიკვირდეთ ღამით ოცდაათი კილომეტრის გავლა, ვიდრე მათხოჯში ჩავიდოდეთ? როგორც გნებავთ! გნებავთ, წავიდეთ!..

— დავრჩეთ ამაღამ ქუთაისში და დილით გავემგზავროთ! — თქვა მან. მეც ეს მინდოდა. ამის შემდეგ ვუთხარი:

— ნება მიბოძეთ, მე ახლა წავიდე მათხოჯში და დილით ისევ დავბრუნდე თქვენთან!...

— არა, არა, მე შენ არ გაგიშვებ!

გავუმეორე თხოვნა. მოვახსენე, რომ ჩემმა სოფელმა არ იცის, რომ მას საბჭოთა სოციალისტურ რესპუბლიკათა კავშირის ცაკ-ის თავმჯდომარე ესტუმრება. მინდა წინასწარ შევატყობინო და, თუ თქვენ მიბრძანებთ, ისევ დავბრუნდები ქუთაისში და გეახლებით გზაში!..

— კარგი, გაგიშვებ! ჯერ ჩვენ შენს სადღეგრძელოს დავლევთ, შენ ე მაგ დიდი ქიქა გაავსე და გამოცალე!..

გულზე მომეშვა. შესაძლებლობა მეძლეოდა ცოტათი მაინც შემემზადებინა სოფელი.

— დილით გეახლოთ ქუთაისში, თუ მათხოჯში დაგზავდეთ? — ვკითხე ერთი საათის შემდეგ, როცა სუფრიდან ადგომისა და გამგზავრების საშუალება მომეცა.

— არა, შენ ნუ დაბრუნდები, იქ დაგვხვდი!

— ხვალ რომელ საათზე წამობრძანდებით?

— რომელზე სჯობს?

— თერთმეტ-თორმეტ საათზე, ორი საათის შემდეგ მათხოჯში იქნებით!

— კარგი!

ღროებით გამოვემშვიდობე სტუმრებს. მაზრის აღმასკომის თავმჯდომარემ მსუბუქი მანქანა გამომიყო. ჩაუჯექი და გულის ფანცქალით გავსწიე მათხოჯისაკენ. ქუთაისიდან ხონამდე მიმავალ შარაგზას ქვებისაგან წმენდდა ხალხი.

ხონის აღმასკომის თავმჯდომარეს და რაიკომის მდივანს (რომლებიც დაბის დასუფთავებას ხელმძღვანელობდნენ შუალაშეში) ვუთხარი: როგორც იცით, კალინინი მათხოჯში მიდის, სურს ცეცხლისაგან დაზარალებული სოფელი ნახოს, მისი ნამოქმედარი დაათვალიეროს, დაეხმაროს და გაამხნეოს, კერძოდ, ხონში მას არაფერი საქმე არა აქვს და, ვფიქრობ, არც გაჩერდება. მათხოჯი ხონის რაიონში შედის და იგივე ხონია. ამიტომ გთხოვდით, გაგეცათ განკარგულება: მთელი ნახახულების საზოგადოება, რომელშიაც შედის სოფ. მათხოჯი და, თუ ყველა არა, ნაწილი მაინც ხონიდან, ხვალ დღის პირველი-ორი საათისათვის მათხოჯის სახალხო სკოლასთან მოვიდეს მრავალრიცხოვან მიტინგზე, სადაც კალინინი უთუოდ სიტყვას იტყვის-მეთქი.

ასე მიპასუხეს: კარგი, ვნახოთ, თქვენ ახლა წაბრძანდით მათხოჯში და მოემზადეთო.

მეორე დღეს პირველი საათი ახლოვდებოდა და არც ნახახულევის საზოგადოებიდან და არც ხონიდან კაცი არ ჩანდა. დაუურეკე ხონს, რაშია საქმე-მეთქი? მიპასუხეს: ხონელები ხონში შეხვდებიან კალინინსო. დაუურეკე ნახახულევს, მიპასუხეს: ხონიდან განკარგულება მივიღეთ, ნახახულევის კანცელარიაზე მოვიყაროთ თავი და იქ დავხვდეთ მოსკოვიდან ჩამოსულ დიდ სტუმარსო! მოწაფეები მაინც გამოგზავნეთ-მეთქი. არ შეიძლება, აქ უნდა დახვდნენო! მათხოჯელი მოწაფეები მაინც გამოგზავნეთ ნახახულევის სკოლიდან-მეთქი! არც ეს შეიძლებაო.

ცეცხლი შემომეკიდა! ძალ-ღონე არა მქონდა ამ სიმახინჯესთან შესაბრძოლებლად და არც სამაგისო დრო იყო.

სწრაფად მოვიხმე ჩემთან 20-25 კაცი და ვთხოვე — ზოგი ცხენით, ზოგი ფეხით წასულიყო ცხენისწყლის გაღმა სამეგრელოს სოფლებში — ქვედა ხუნწში, ზედა ხუნწში, ლეციცხვიაიში, ბუმბუას ხიდზე, ნოლაში, დიდღვაბუნაში, გორდში... ყველგან, ყველგან შეეტყობინებინათ ხალხისათვის — კალინინი ჩამოდის მათხოჯში, დიდი მიტინგი იქნება და მოდით-მეთქი! ისიც უთხარიო, კალინინს ვთხოვოთ, ცხენისწყალზე ხიდი აგვიგოს-თქო!

თვალის დახამხამებაში გაქრნენ, ვინ სად წავიდა და ვინ სად! დანარჩენები განვაგრძობდით საქარო სამზადისს. თავიანთ სახლებს ასუფთავებდნენ დიასახლისები, საბნებსა და ლეიბებს. ფერთხავდნენ და საწოლ ლოგინებს ამზადებდნენ, ვინიციბაა სტუმრებმა სადილისა და ვახშმის შემდეგ დაძინება მოისურვონ და მთელი ღამე ნადიმში არ გაატარონო. დრო ნელ-ნელა მიდიოდა. ცხენისწყლის გაღმიდან ჯგუფ-ჯგუფად გამოდიოდა ხალხი დროშებით, დაირებით, მუსიკით, ლოზუნგებით!.. მალე მთელი სოფელი აივსო ხალხით. მათხოჯში ფეხის დასადგამი ადგილი ცარიელი არ იყო. სახალხო სახლის ვეებერთელა ეზო გაივსო ხალხით. მათხოჯიდან ნახა-



ხულევაშდე გზის ორივე მხარეზე, საიდანაც კალინინი უნდა ჩამოსულიყო, ზღვა ხალხი განლაგდა.

## 6

ოთხი საათი შესრულებული იყო, როცა მეწინავე მანქანა ჩამოვიდა მათხოჯში. მიკითხა, მითხრა, თხუთმეტ-ოც წუთში აქ იქნებიანო, და სწრაფად გაბრუნდა უკან.

ხუთის ნახევარზე მათხოჯში შემოვიდნენ მანქანები: ერთი, ორი, სამი... ოცდახუთი. სახალხო სახლის წინ, პირდაპირ მთავარ კარებთან გაჩერდა მანქანა, რომელშიაც კალინინი იჯდა. ვეახელი, ხელი მოვკიდე და ჩამოვიყვანე (შევიყვანე კარებში, გავატარე ტალანში).

ეზოში გავედით, იქ ზღვა ხალხი ელოდებოდა საპატიო სტუმარს. ტრიბუნაზე ავედით.

მიტიხგი გავხსენი. მოკლე სიტყვა ვთქვი ქართულ ენაზე. ილაპარაკეს მომზადებულმა მოხუცმა გლეხებმა, ქალმა, მასწავლებელმა, მოსწავლემ. ვანო სტურუამ გადათარგმნა ყველას სიტყვა ერთად, რაც ჩვენ დაგვაკლდა — დაამატა, რაც მეტი ვთქვით — გამოტოვა და ერთი ისეთი შინაარსიანი და ლამაზი სიტყვა წარმოთქვა, რომ, როგორც იტყვიან, „წყალი არ გაუვიდოდა“.

კალინინმა მთხოვა სიტყვა. გამოვაცხადე:

— სიტყვა ეძლევა სრულიად რუსეთის სოციალისტური ფედერაციული რესპუბლიკის სტაროსტას და საკავშირო ცენტრალური აღმასრულებელი კომიტეტის თავმჯდომარეს, დიდი რუსი ხალხის სახელოვან შვილს მიხეილ ივანეს ძე კალინინს! — (ტაშის გრიალი, უთუოდ, მეზობელ სოფლებში ისმოდა).

კალინინმა დიდხანს ილაპარაკა, დაასრულა იმით, რომ თქვა: ჩანს, მათხოჯისათვის ნაადრევია ასეთი დიდი სახლის აგება, თქვენ შენება შეგძლებიათ, მაგრამ მოვლა არაო. ასეთი დიდი შენობის აგება იქ, სადაც მძლავრი ცეცხლმქრობი რაზმი არ არის, საშიშია, თუ ამდენი ოთახი და ამ ტევადო-

ბის შენობა სჭირდება თქვენს სოფელს, ის ერთადერთ შენობად კი არ უნდა აგეგოთ, არამედ ცალ-ცალკე, ოთხ-ხუთ შენობადო. ცოტათი დაგვტუქსა, მაგრამ დახმარება აღგვიტყვა და გული გაგვიხარა.

კალინინის სიტყვა ხალხს ქართულად გადაუთარგმნა ფილიპე მახარაძემ და თავისი სიტყვაც იმავე სტილით განაგრძო.

— სიტყვა ეძლევა ძველ მუშას, კალინინის ამხანაგს, ცნობილ ვანო სტურუას!..

ვანოსაც ტაშით შეეგებნენ. ვანომ იქუხა: — ამხანაგებო, მეზობლებო, თანამემამულენო!.. თქვენ გმირები ხართ! თქვენ იმათგანი ხართ, რომლებმაც გაიგეთ დიდი ოქტომბრის რევოლუციის აზრი, გადადგით პირველი აუცილებელი ნაბიჯები საკლარო თავის გათვითცნობიერებისა და განათლებრსათვის. მეფის მთავრობა ასეთ საქმეში არ დაგეხმარებოდათ, ჩვენ აქვერთხან ვართ, ამ კარგი და საშვილიშვილო საქმის კეთების დროს გვერდში ამოგიდგებით, დაგეხმარებით. ამხანაგმა კალინინმა სამართლიანად მოგიწოდათ, რომ თქვენს გმირულ შრომასთან ერთად მეტი სიფხიზლის გამოჩენა გჭირდებათ! პროდ. რეაქტიკური ზომების მიღებაა საჭირო, რომ გაკეთებული არ გაუფუჭდეს, არ განადგურდეს, არ დაიღუპოს, უნდა მოუაროთ!.. თუმცა ისიც უნდა ითქვას, რომ მარცხი ხდება ხანდახან! თქვენც მარცხი მოგსვლიათ! გული არ წაგიხდეთ, სულით არ დაეცეთ, არ დაძაბუნდეთ! კიდევ მეტი ენერგიით შეუდექით საქმეს, ამ შენობის აღდგენას! მუშათა და გლეხთა მთავრობა, თქვენი მთავრობა თქვენთან იქნება, ყოველმხრივ დაგეხმარებათ და ერთად ვიზეიმებთ თქვენი საერთო სახლის დამთავრებისა და გახსნის დღეს! გაუმარჯოს მათხოველებს! გაუმარჯოს ჩვენს სოციალისტურ სახელმწიფოს! გაუმარჯოს მუშათა და გლეხთა მთავრობას!.. (მქუხარე ტაში).

მიტინგი დავამთავრეთ. მოკლე სიტყვით ვთქვი, რომ მარცხი მოგვივიდა, მაგრამ დღეს მაინც უფრო მდიდარი ვართ,

ვიდრე ხუთი წლის წინათ ვიყავით: მაშინ არაფერი გვქონდა, დღეს ამ ვეებერთელა შენობის კედლები მაინც გვაქვს და მისი დიდი ეზო! ხალხის კვლავინდებლური მონდომება, ფართო მასების თანაგრძნობა და მთავრობის დახმარება ჩვენ ამ საქმეს სახელოვნად დაგვაგვირგვინებინებს...

— გაუმარჯოს ჩვენს სტუმრებს კალინინის მეთაურობით!

— გაუმარჯოს მუშათა და გლეხთა მთავრობას!

საკმაოდ შეღამებული იყო, როცა მიტინგი დაიხურა. მიხეილ ივანეს ძეს და მის მხლებლებს გაუძეხი ჩემი სახლისაკენ. საგანგებოდ შერჩეული პირები ეპატიებოდნენ ჩემს სახლში მეზობელი სოფლებიდან ჩამოსულ, (აგრეთვე ადგილობრივ) მოხუცებს და საპატიო პირთ. წამობრძანდნენ მოპატიუებულები, სამასზე მეტმა კაცმა და ქალმა მოიყარა თავი. ორსართულიანი და შვიდოთახიანი ჩემი სახლის ყველა ოთახსა და აივნებზე სუფრები იყო გაშლილი. ეზოში ოცდახუთი მანქანა იდგა; მანქანებში შოფრებსა და ახალგაზრდებს გავლმართეთ პურ-მარილი. ყოველ მანქანაზე მთელი ღამის განმავლობაში ანათებდა საკუთარი სინათლე, კრაქი და სტეარინის სანთლები. ყოველ ოთახს საკუთარი თამადა ჰყავდა. კალინინი, მახარაძე, სტურუა, თოდრია და სხვები, 40-50 კაცი და ქალი ზედა სართულის გაშლილ დარბაზში ისხდნენ და ილხენდნენ. ოთხი თამადა გამოიკვალა იმ ღამეს დარბაზმა, რომელშიაც კალინინი იჯდა, არა მარტო იმიტომ, რომ ერთმა თამადამ ვერ შეძლო საღამოს რვა საათიდან გათენებამდე თამადობა, არამედ უფრო იმიტომ, რომ ნაირ-ნაირობა იყო საჭირო და ბევრს უნდოდა თამადობის ნიქი გამოეჩინა კალინინის წინაშე და თავისებური სილამაზით, ლხინით წარემართა სუფრა. ჯერ კოლია წულუკიძე იყო თამადად. ის შეცვალა ბიძაჩემმა, თეთრწვერა ლამაზმა კაცმა, სპირილონ ძიძიგურმა, რომელმაც „ვეფხისტყაოსანი“ ზეპირად იცოდა და მშვენიერი ტკბილი მომღერალი იყო. ბიძაჩემს შეეჯიბრა მოხუცი ერისტო მელაძე. გათენებისას ვანო სტურუამ აიღო ქიქა,

თავი თამადად გამოაცხადა და თქვა: რვა მარტი უკვე გათენდა, დღეს ქალების დღეა, პირველ სადღეგრძელოს მათ ვუძღვნი. გაუმარჯოს ქალს, რომელიც ოქტომბრის რევოლუციამ უფლებებით მამაკაცებთან გაათანასწორაო!..

მთელმა ღამემ დიდი მხიარულებით ჩაიარა. ნაშუალამევის პირველ საათზე მიხეილ ივანეს ძემ მითხრა: „გარმოშკა“ თუ გაქეთო. იმ წუთშივე გაჩნდა. სოფლელი დედაკაცები კობტად უკრავდნენ დაირასა და „გარმონს“. პირველად კალინინმა ოცეკვა. ტაშის გრიალი მთელ მათხოჯში ისმოდა. შემდეგ სხვებმაც იცეკვეს. სოფლელები ცეკვავდნენ კობტად, სოფლურად. იყო ხმაშეწყობილი სიმღერა. ნაირნაირი სადღეგრძელოები, მოხდენილი სიტყვები. ისე გათენდა, დაღლა არავის უგრძენია. ოთახები ოთახებს ეჯიბრებოდნენ სიმღერასა და მოლხენაში, ეზო — შენობას, შენობა — ეზოს...

დილის ექვსი საათი იქნებოდა, როცა კალინინმა მითხრა: თუ შესაძლებელია, სადმე ცოტა ხნით დავისვენო, დავიძინო. იქვე, ჩემი სახლის გვერდით, ბიძაჩემის სახლში გადავიყვანე მისთვის მოსასვენებლად მოწყობილ ოთახში. რადგან მთავარი სტუმარი მოვასვენე და სხვები ადგალებიდან არ აძროდნენ, მეც დავწეკი ბიძაჩემის მეორე ოთახში, მასპინძლობით ერთობ დაღლილი და დაქანცული, „თვალისწასადებად“, ცოტა ხნით მაინც მოსასვენებლად; ჩანს, ღრმად ჩამეძინა, რადგან კალინინმა მანამ ვერ გამაღვიძა, სანამ საბანი სულ არ გადამხადა. სწრაფად დავიწყე ტანისამოსის ჩაცმა. კალინინი სახლიდან გავიდა. ჩაცმის შემდეგ მოვიკითხე დიდი სტუმარი, მითხრეს, იგი ახლა ბიძაშენის სამზარეულოში არისო. შევედი ოდა-სახლის უკან დადგმულ პატარა სამზარეულოში. შევედი — შუა ცეცხლი ანთია; მის ერთ მხარეს „ჯორკოზე“ (სამზარეულოს „სკამზე“) ღრმა მოხუცი ბიცოლაჩემი ზის და ქოთნიდან ყველს იყვანს, მის პირდაპირ „ჯორკოზე“ კალინინი ზის და ერთმანეთს ხელებით ელაპარაკებიან (კალინინმა, გარდა ორი სიტყვისა, ქართული არ იცოდა, ბიცოლაჩემმა — რუსული). სამზად სახლში იმ დროს შევედი, როცა

ხელებით ელაპარაკებოდა ბიცოლა როგზანსა და ქოთანზე მიუთითებდა.

— ცუნცულა გინდა? — ჰკითხა ბიცოლამ კალინინს, თან თოთო ყველის ნაწყვეტი ამოუღო ქოთნიდან და მისცა. კალინინმა გამოართვა, პირში ჩაიდგა და „უჰ, უჰ“-ს ძახილით ჰკამდა. ბიცოლამ იფიქრა, მოეწონათ:

— კიდევ გინდა ცუნცულა? ჰა!

— ბიცოლა, ეს პრეზიდენტი! — ვუთხარი მე.

— რაა, შვილო, „ეზიდენტი“?

— მეფის მაგიერი!

იჰ, მეფეს რა უნდა ჩემს „კუხნაში?!“

კალინინმა მთხოვა, გადამეთარგმნა დიალოგი. გადავუთარგმნე. იცინა ბევრი.

მიხეილ ივანეს ძე გადმოვიყვანე ჩემს ეზოში. ეზო სავესე აყო მთვრალი და უძინარი ხალხით. სუფრებიდან თითქმის ყველანი ამდგარიყვნენ და ეზოში გამოსულიყვნენ. მოხალისენი თავმოხდილ ჭურებთან იდგნენ და ჩვენებური „ხრიკები“ სვამდნენ ღვინოს. ბევრს ეძინა ეზოში მდგარ მანქანებში. ზოგს სუფრებზე ჩამოსძინებოდა და იქვე დარჩენილიყო, ზოგიც ჭაზე იბანდა პირს. მათხოჯის მეზობელი სოფლებიდან ჩამოსული სტუმრები თავიანთ სახლებში წასულიყვნენ. დიასახლისები ასუფთავებდნენ ძველ სუფრებს და ახალს აწყობდნენ.

მაღე საუზმეზე მივიპატიყეთ სტუმრები.

საუზმე ერთი თუ ორი საათი გაგრძელდა. კალინინი ადგა, მადლობა თქვა, წარმატება უსურვა ჩვენს საქმეს, მოისურვა ერთხელ კიდევ ნახვა სახალხო სახლისა და ცხენისწყლის ნაპირების დათვალიერებაც. ჩავსხედით მანქანებში. ჩაუთარეთ სახალხო სახლს, განვაგრძეთ გზა ჩრდილოეთისაკენ. ორისამი კილომეტრის გავლის შემდეგ, როცა სოფელი გათავდა, შემოაბრუნეს მანქანები და უკან დავბრუნდით. მანქანები შევაჩერეთ სახალხო სახლთან, კალინინი გადმოვიღე მანქანიდან,


ეზოში შევიდა, სახლს შემოუარა, ჩაჯდა მანქანაში და ხონი-საკენ გასწია.

7

მიხეილ ივანეს ძემ სიტყვიერი განკარგულება მისცა საქართველოსა და ამიერკავკასიის მთავრობებს, დახმარებოდნენ მათხოჯლებს სახალხო სახლის აღდგენასა და დაწყებული მშენებლობის დამთავრებაში. თვითონ მოსკოვიდან მათხოჯს გამოუგზავნა ათი ათასი მანეთი (ჩერვონციტ) რუსეთის სოციალისტური ფედერატიული რესპუბლიკის ცენტრალური აღმასრულებელი კომიტეტის სახელით და ათი ათასი მანეთი (ჩერვონციტ) — საკავშირო ცაკ-ის სახელით. ამ თანხამ და მისმა განკარგულებამ საქართველოსა და ამიერკავკასიის მთავრობებისადმი ფეხზე წამოაყენა წაქცეული საქმე და მათხოჯლების მუშაობამ და ფართო საზოგადოების დახმარება-შემოწირულებამ დაავიროვნეს ის. შენობის დაწვის შემდეგ ხუთი წლის მუშაობა შეიქნა საჭირო, რომ ცეცხლისაგან მიყენებული ზარალი (ას ოცი ათასი მანეთი ჩერვონციტით) აგვენაზღაურებინა, მშენებლობა განგვეგრძო და სახლი დაგვემთავრებინა.

8

სახალხო სახლის მშენებლობა დასასრულს უახლოვდებოდა. გრძელი და ვიწრო აივნებისათვის რკინის მოაჯირები თბილისში გავაკეთებინეთ და მათხოჯში ჩავეყვანეთ მათი აღვილზე გამმართავი ზეინკლების ბრიგადა ალექსანდრე ლონგურაშვილის მეთაურობით. მინების ჩასმის ოსტატი ოც თუ ოცდაათ ყუთ შუშასთან ერთად თბილისიდან მათხოჯს გაემგზავრა, ცნობილ მხატვარს პროფესორ ლანსერეს თეატრის ფარდის ესკიზი გავაკეთებინეთ. ამ ესკიზის აღვილზე შესრულება და თეატრის მხატვრულად გაფორმება ვთხოვეთ ჩემი



„პირველი წიგნის“ მხატვარს, ჩემს მეგობარს აპოლონ ქუთათელაძეს, მხატვარ სევერიან კეცხოველს და რეჟისორ ნიკოლოზ კახიძეს. თეატრისა და ბალის სკამები იმ დღეებში გადავგზავნეთ თბილისიდან მათხოჯში.

თბილისიდან ჩაყვანილი ოსტატები კვირაობით და პეკობით ცხოვრობდნენ მათხოჯში და მუშაობდნენ სახალხო სახლზე. კერძოდ, აპოლონ ქუთათელაძე, სევერიან კეცხოველი და კოლია კახიძე თვრამეტ დღეს უსასყიდლოდ მუშაობდნენ, დახატეს თეატრის ფარდა, კედლები, უხელმძღვანელეს დარბაზის მოწყობას, სკამების განლაგებას, ადგილებზე მათ დამაგრებას და სხვ.

მათხოჯის სახალხო სახლისა და მისი ეზოს მშენებლობა დამთავრდა. სახლის გახსნის დღე შევეუთანხმეთ საქართველოს მთავრობას, — შევეუფარდეთ ოქტომბრის რევოლუციის დღესასწაულს: სახლის გახსნის დღედ დანიშნა 1929 წლის 8 ნოემბერი.

## 9

შევუდექით სახლის გახსნისათვის საჭირო მზადებას. გახსნაზე მისაპატიჟებელი ბარათებიც დავბეჭდეთ და დავუგზავნეთ ყველას.

მიხეილ ივანეს ძე კალინინს გავუგზავნეთ მოსაპატიჟებელი დეპეშა.

გახსნის დღემდე ერთი კვირით ადრე ჩავედი მათხოჯში წინასწარი სამზადისის ჩასატარებლად. ჯერ ხონის რაიკომში შევედი და ახალდანიშნული მდივანი ვინახულე. შევატყობინე, რომ მათხოჯის სახალხო სახლის გახსნის დღედ დანიშნულია 8 ნოემბერი და ისიც ვუთხარი, რომ ეს საკითხი შეთანხმებულია საქართველოს კპ(ბ) ცენტრალურ კომიტეტთან და მთავრობასთან. გადაირია, უჩვენოდ ვინ მოგცათ მაგის ნებავი, მაგრამ რას გახდებოდა. წინადადება მომცა, სახლის გახსნამდე მშენებელ საბჭოს და სარევიზიო კომისიას სა-



ანგარიშო მოხსენება გაეკეთებინა რაიკომის ბიუროს სხდო-  
მაზე.

დანიშნულ დროს მათხოჯის სახალხო სახლის მთელი პრე-  
ზიდიუმი ჩავიდა დილიენით მათხოჯიდან ხონში; დილი-  
ენი გვიციდოდა უკან წასაყვანად.

ვრცელი მოხსენება გავაკეთე. შემდეგ ილაპარაკა სარევი-  
ზიო კომისიის თავმჯდომარემ ალექსანდრე ბარაბაძემაც.

ნაშუადღევის პირველი თუ ორი საათი იქნებოდა, როცა  
მათხოვლები ჩვენს დილიენში ჩავსვდით და მათხოვში  
დავბრუნდით. სახლის გახსნამდე ერთი თუ ორი დღე რჩე-  
ბოდა და მოსაგვარებელი ბევრი რამ გვქონდა.

## 10

რვა ნოემბერს დილით, ათ-თერთმეტ საათზე საქართვე-  
ლოს მთავრობის თავმჯდომარე ამხანაგი ფილიპე მახარაძე,  
რამდენიმე სახალხო კომისარი და სხვა სტუმრები ჩამოვიდ-  
ნენ.

ჯერ მათხოჯის სახალხო სახლის მშენებელი საბჭოს გა-  
ფართოებული სხდომა ჩაატარეთ სახლის კლუბის დარბაზში,  
შემდეგ მიტინგი, რომელსაც ზღვა ხალხი დაესწრო. მიტინგი  
გახსნა რაიალმასკომის თავმჯდომარემ ნადარეიშვილმა. ფი-  
ლიპე მახარაძემ თავისი სიტყვის დასასრულს აცნობა საზო-  
გადოებას, რომ, მთავრობის დადგენილებით, სოფელი მათ-  
ხოჯი გამოყოფილია ნახაზულევის სასოფლო საბჭოდან და  
ამიერიდან მათხოჯს უფლება ენიჭება თავისი სასოფლო საბ-  
ჭო აირჩიოს. სასულე ორკესტრი გრიალებდა. სახალხო სახლში  
მიკროფონები იდგა და გახსნისადმი მიძღვნილ მიტინგზე წარ-  
მოთქმული სიტყვები მთელ საქართველოს ესმოდა.

იმ დღეს ყველა მათხოველს თავისი სადილი, იმ ვარა-  
უდით, რომ ორი-სამი სტუმარი თავის პურმარჩილზე მიეპა-  
ტიებინა, მოტანილი ჰქონდა სახალხო სახლში. მათხოველ-

ბი და მათი სტუმრები სადილობდნენ და მოილხენდნენ სახლის ეზოსა და ოთახებში. დიდი სუფრა გაშლილი იყო თეატრის დარბაზში; თამაშობდა ფილიპე მახარაძე.

მათხოჯის სახალხო სახლის გახსნა გადაიღო კინომ. თბილისის კინოთეატრები ქრონიკაში კარგა ხანს უჩვენებდნენ საზოგადოებას სახლის გახსნას.

დღეს მათხოჯის სახალხო სახლსა და მის წინ (ქუჩის გადაღმა) დადგმულ შენობაში მოთავსებულია: საშუალო სკოლა, თეატრი, ფოსტა-ტელეგრაფი, აფთიაქი, სამედიცინო პუნქტი, კოოპერატივი, წიგნის მაღაზია, სასოფლო საბჭო...

მათხოჯის სახალხო სახლი სოფლის კულტურულ დაწესებულებათა ერთ-ერთი ისეთი დიდი შენობაა, რომლის აგება სოფელთა ინიციატივით შესაძლებელი გახდა საქართველოში საბჭოთა ხელისუფლების დამყარების პირველი დღეებიდანვე. ასეთი ღონისძიების გატარებაზე ძველ დროს ფიქრიც კი ზედმეტი იყო. ამის თვალნათლივი მაგალითი, თუ გნებავთ, იმავე მათხოჯის სახალხო სახლის აშენების იდეაა, რომელიც 1912 წლიდან 1921 წლამდე მხოლოდ იდეად დარჩა და მის რეალურ საქმედ ქცევას არა ეშველა რა.

## ნიკო ნიკოლაძე (1843—1928)

ხონის საოსტატო (სამასწავლებლო) სემინარიაში ჩემი მოწაფეობის დროს (1905-1909 წწ.) რამდენიმეჯერ მინახავს ნიკო ნიკოლაძე, მისი განათლებული დები (კატო და ანიკო) და შვილები (რუსუდან, გიორგი, თამარი). ისინი სტუმრად ჩამოდიოდნენ სემინარიის დირექტორ ალექსი ბესარიონის ძე კიკინაძესთან, რომელსაც ცოლად ჰყავდა ნიკოს უმცროსი და, ეფროსინე იაკობის ასული, ქალი ფრიად განსწავლული, ჰკვიანი და სათნო.

სამასწავლებლო სემინარიის მოსწავლეები უბრალო ხალხის შვილები ვიყავით, თავდაპირველად საზოგადოებაში ხეირიანად თავის დაქერისა და წესიერი ქცევის კულტურა არა გვქონდა. უბრალო ჩაის დაღევა რა არის, იმასაც კი ვერ ვახერხებდით უმარცხოდ. პირველ ხანებში ერთობ ბევრი ჩაის კიქა გვიტყდებოდა შაქრის გასადნობად კოვზის უშნოდ მოქნევის გამო. ჩვენი აღმზრდელი ალექსი კიკინაძე პირველი სამი წლის განმავლობაში შინაურულად და შინაურებში გვიწერგავდა სათანადო ჩვევებს. მეოთხე წელიწადს გამოსაშვები კლასის მოსწავლეები ყოველ შაბათ საღამოს მასთან (მის ბინაზე სემინარიის შენობაშივე) იყვნენ მიწვეული „ერთ ფინჯან ჩაიზე“, სადაც (თითქოს საგანგებოდ იყო მოწყობილი) მომავალი მასწავლებლები ხვდებოდნენ ალექსი ბესარიონის ძის სტუმრებს, რომელთა შორის, გარდა ადგილობრივ ცნობილ მასწავლებელ-აღმზრდელების და წარჩინებული პირებისა, სხვადასხვა დროს იყვნენ მგოსანი აკაკი წერეთელი და მწე-

რალი და საზოგადო მოღვაწე ნიკო ნიკოლაძე, მასი დისშვილი კაკი წერეთელი, ხონის მეცენატი ივანე შარაშიძე, ცნობილი ექიმი ივანე გომართელი, რუსული გაზეთის რედაქტორი პართენ გოთუა, ანარქისტი მიხაკო წერეთელი, ბოლშევიკი სერგო ქავთარაძე, კომპოზიტორი კოტე ფოცხვერაშვილი, სახელმძღვანელო პედაგოგები იოსებ ოცხელი, დები ნიკოლაძეები, ილარიონ ლორთქიფანიძე და სხვ.

ნაირნაირი იყო იმ შაბათების პროგრამა: კამათი, ბაასი, ცეკვა, დეკლამაცია, ბილიარდი, ნარდი, ბანქო, მუსიკა (გიტარა, ვიოლინო, როიალი), გაზეთის, ჟურნალის თუ ლიტერატურული ნაწარმოების კითხვა-გარჩევა, მოგონებბაასი. მსჯელობა საკითხებზე: რა პროფილის სკოლა უფრო სპირდება ჩვენს ქვეყანას (ზოგადსაგანმანათლებლო, სასოფლო-სამეურნეო, ტექნიკური), ჩვენი ქვეყნის წარსული, აწმყო, მომავალი და სხვ. საათნახევრისა თუ ორი საათის ასე გატარების შემდეგ დიასახლისი — ეუროსინე იაკობის ასული გულთბილად ეტყოდა ყველას: „გთხოვთ ჩაისე“! წარმოიდგინეთ, რა ერთნატელი დაუვლიდა სემინარიელებს ტანში ამ სიტყვებზე... ხომ გაწაფული იყვენენ ისინი იმ დალოცვილი ჩაის დალევაში — აქაიქ ვისიმე ჭიქა მაინც გაიბზარებოდა, ან ზოგი ჩაის უშაქროდაც კი დალევდა, რადგან დაშაქრისათვის საჭიროა წამოღგე, საშაქრე აილო, სხვებსაც მიაწოდო, გვერდით მჯდომ მანდილოსანსაც თავაზიანად ემსახურო... ტკბილეული სავსე იყო სუფრაზე, ღვინოცა და ხილიც საკმაო, მაგრამ პირველ ხანებში ზოგი სემინარიელი მშიერ-მწყურვალე დგებოდა სუფრიდან, შემდეგ და შემდეგ კი, ცხადია, ეჩვეოდა განათლებულ საზოგადოებაში თავისუფლად მოქცევას და სათანადოდ თავის დაქერას.

1908-1909 სასწავლო წლის შაბათობით მეც ვიყავი საყვარელი აღმზრდელ-დირექტორის სტუმართა შორის და არაერთხელ მქონდა ბედნიერება მონაწილეობა მიმელო ბაასსა, თბრობასა, დეკლამაციასა და კამათში, რის ნიმუშებსაც თვალნათლივ ვხედავდით და ვითვისებდით სუფრასა და სუფრის



გარეთ არა მარტო ჩვენი თანატოლი სტუდენტების: ბესიკის (დირექტორის შვილი), რუსუდანის, გიორგის (ნიკო ნიკოლაძის შვილები) და მათი ამხანაგების გამოსვლებში, არამედ დიდებიც მუდამ ცხოველ მონაწილეობას იღებდნენ ასეთ (სემინარიელებისათვის დაუვიწყარ) შეკრებებში და სანიმუშო ქცევით მაგალითს გვაძლევდნენ. აი, ამ ატმოსფეროში ვიწვრთნებოდით მომავალი მასწავლებლები, ალექსი კიკინაძის აღსაზრდელები.

ნიკო ნიკოლაძის შესახებ უნდა ითქვას, რომ იმ დროს ყოველმა სემინარიელმა იცოდა, რომ ის („ნ. სკანდელი“, „რიონელი“, „ნ. არავინ“, „ქეთაისის მექორე“...) დიდი ფიგურა იყო; ნ. გ. ჩერნიშევსკის პირადი ნაცნობი და მეგობარი, ა. ი. გერცენის ჯგუფის თვალსაჩინო წევრი ემიგრაციაში, საზღვარგარეთ ნამყოფი, ქართული, რუსული და ევროპული პრესის თვალსაჩინო მოღვაწე, პოპულარული ჟურნალ-გაზეთების რედაქტორი, ილია ჭავჭავაძისა და აკაკი წერეთლის მეგობარი და თანამებრძოლი, დიდი ლიტერატორი და პუბლიცისტი, ახოვანი, ლამაზი, ქართული სახის კაცი, ენერგიით სავსე, დაუღებარი ადამიანი.

აი, ეს სახელოვანი, ყველა ღირსებით შემკული პიროვნება, მსკოვანი (თითოეულ ჩვენგანზე 45-50 წლით უფროსი) თავს ისე გვიტოლებდა, ისე უბრალოდ და სადად გველაპარაკებოდა, რომ იფიქრებდი: დიდსა და პატარა კაცს შორის დისტანცია არ ყოფილაო.

„ამხანაგური“ საუბრებიდან და მეგობრული რჩევა-დარიგებიდან ნათლად იგრძნობოდა, თუ რაოდენ დიდად იყო დაინტერესებული ნიკო ნიკოლაძე თითოეული ჩვენგანის (მომავალი მასწავლებლის) მსოფლმხედველობით, მომზადებით, განზრახვებით, სოფლად ჩვენი მომავალი პრაქტიკული მუშაობის გეგმით.

დიდი პატივისცემით, სიყვარულითა და ნდობით სარგებლობდა ნიკო ნიკოლაძე ხონის საზოგადოებაში: ფოთის გამშენიერებას, ნავსადგურის გაკეთებას, ცხენისწყლიდან სარ-

წყავე არხების გამოყვანას და მრავალ სხვა სიკეთეს მის სა-  
ხელს უკავშირებდნენ. ყოველი ჩამოსვლისას ხონში მას ბუ-  
ზივით ეხვეოდა ხალხი — სარწყავი არხების მშენებლობის  
რწმუნებულნი იყვნენ ისინი, მომხმარებელნი თუ ნაირნაირ  
საკითხებზე რჩევა-დარიგების მთხოვნელნი.

დიდი პოპულარობა და საყოველთაო პატივისცემა სახე-  
ლოვანი ცოლისძმისა, ჩანს, დიდად ახარებდა ალექსი ჭიჭინა-  
ძეს.

ერთხელ, როცა ნიკო ნიკოლაძის მიერ ქვეყნის საკეთილ-  
დღეოდ გაკეთებული საქმეებით აღფრთოვანებული მის დიდ-  
კაცობაზე ვლადიმეროვსკის, ალექსი ჭიჭინაძემ გვიამბო, თუ  
როგორ იკრიბებოდნენ ალექსის მშობლების ოჯახში სტუ-  
დენტები და უნივერსიტეტის ახალკურსდამთავრებული  
ახალგაზრდები, რა გატაცებითა და გაცხარებით მსჯელობ-  
დნენ და კამათობდნენ ისინი ხალხისადმი უკეთესი სამსახურის  
გზებისა და საშუალებების გამონახვის მიზნით; გაახსენა  
ისიც, თუ როგორ ტოლებად და ღვიძლ ძმებად თვლიდნენ  
ახალგაზრდები ერთმანეთს წლოვანებისა და მით უფრო, წოდე-  
ბის განურჩევლად და, ბოლოს, ღიმილით დასძინა:

— მახსოვს, ერთხელ ნიკომ მეგობრულად გადამხვია ხე-  
ლი და ისე უსმენდა ამხანაგების კამათს. დედაჩემმა შემოი-  
ხედა დარბაზში და, დაინახა თუ არა, რომ ნიკოს ცალი მკლავი  
ჩემს ბეჭებზე ედო, გამიხმო ჩუმიდ მეორე ოთახში და დედა-  
შვილური წყრომით მითხრა: „სწორედ არ მომწონს მე ეს!..  
ის რა შენი ტოლია, ამხანაგურად რომ ჩამოგწოლია მხრებზე?  
შენც რად უყადრებ, შვილო, თავს? რატომ ივიწყებ, რომ შენ  
აზნაური ხარ და ის გლეხია? სად ჭიჭინაძე და სად ნიკოლაძე?..

ალექსი ბესარიონის ძეს არ უთქვამს, რომელ წელში  
ჰქონდა ადგილი ამ სასაცილო ამბავს (იქნებ თქვა და მე არ  
მახსოვდეს), მაგრამ, ცხადია, ეს იქნებოდა 1884 წელზე ად-  
რე (როცა ალექსიმ ცოლად შეირთო ნიკოს და, უმადლესი  
სასწავლებლების ახალკურსდამთავრებული ჭკვიანი და კე-  
ლუცი ფროსიკო).

ზონის გარდა, სხვაგანაც ბევრჯერ მინახავს ნიკო ნიკოლაძე, ერთხელ მის საყვარელ სოფელ დიდ ჯიხაიშშიაც, სადაც მას, როგორც იტყვიან ხოლმე, „ხალხი კჳუას ეკითხებოდა“. სიცოცხლის უკანასკნელ ხანებში ლონდონიდან ახლად დაბრუნებულ ნიკო ნიკოლაძეს ხშირად ვნახულობდი თბილისში.

ჩემი და ა. გვახარიას „პირველი წიგნის“ (ნაწილი I და II) რედაქტორი იყო ნიკო ნიკოლაძის ასული პროფესორი რუსუდან ნიკოლაძე.

ჩვენი წიგნის მხატვრულად გაფორმების საკითხთან დაკავშირებით წიგნის ავტორები და მხატვრები (სახვითი ხელოვნების პროფესორი აპ. ქუთათელაძე და დოცენტი სამს. ნადარეიშვილი), რომლებიც, იმ ხანებში (1925 — 1926 წწ.) ჯერ კიდევ ახალგაზრდები, ცოდნის გაღრმავების მიზნით საზღვარგარეთ წასასვლელად ემზადებოდნენ, თითქმის ყოველ დღე ვიკრიბებოდით ნიკოლაძიანთ ოჯახში (აკაკი წერეთლის ქუჩაზე, № 21), სადაც ერთად ცხოვრობდნენ ნიკო ნიკოლაძე, მისი მეუღლე ოლღა გურაშვილის ქალი, მათი შვილები (კერძოდ, ჩვენი წიგნის რედაქტორიც) — და სიძეები — პროფ. მიხეილ პოლიეექტოვი და ამჟამად აკადემიკოსი ნიკო მუსხელიშვილი.

ნიკო ნიკოლაძის მრავალრიცხოვანი ოჯახი არა მარტო სალონი იყო ამ სიტყვის შესანიშნავი გაგებით, არამედ — აკადემიაც. ნიკოს ოჯახი შედგებოდა სხვადასხვა დარგის ისეთი დიდი სპეციალისტებისაგან და, უწინარეს ყოვლისა, თვითონ ნიკო იყო ისე მრავალმხრივ განვითარებული და ფრიად განათლებული ადამიანი, რომ მის ოჯახში წარმეტებით მუშავდებოდა საკითხები როგორც საინჟინრო და მათემატიკური, ისე ისტორიული და პედაგოგიური ტერმინოლოგიებისა. ნიკოს ოჯახში ირჩეოდა ჩვენი ახალგაზრდა უნივერსიტეტის მრავალი საჭირბოროტო საკითხი, აგრეთვე იმართებოდა მსჯელობა გამომცემლობა „ქართული წიგნის“, ლიტერატურის, მართლმსაჯულების, მუსიკისა და სახვითი ხელოვნების საკითხებზე.



იმ ხანებში კაცი ამ ოჯახში ხშირად ნახავდა ნიკო ნიკოლაძის განუყრელ მეგობარს, თბილისის უნივერსიტეტის პირველ რექტორს პროფ. პეტრე მელიქიშვილს, აგრეთვე პროფ. ლუარსაბ ანდრონიკაშვილს, ცნობილ მხატვარ გიგო გაბაშვილს, პოეტ ი. გრიშაშვილს, გამოჩენილ მკვლევარს პავლე ინგოროყვას, პოეტ ალექსანდრე აბაშელს, კომპოზიტორ არაყიშვილს და ამა თუ იმ დარგის ბევრ სხვა დიდ სპეციალისტს, ჩვენი ახალგაზრდა რესპუბლიკის ბედით გულწრფელად დაინტერესებულ პირებს.

ნიკო ნიკოლაძესთან ჩემი უკანასკნელი შეხვედრის დროს გამართული ბაასის შინაარსთან დაკავშირებით, საჭიროა წიგნის მკითხველს მოვავაგონო, რომ მე ხონის რაიონის სოფელ მათხოჯის სახალხო სახლის მშენებელი საბჭოს თავმჯდომარე ვიყავი (1922-1930 წწ.) და, ვიდრე ამ დიდი შენობის (რომელშიაც უნდა მოთავსებულიყო სკოლა, ფოსტა-ტელეგრაფი, აფთიაქი, საექიმო პუნქტი, წიგნის მალაზია და სოფლის სხვა დაწესებულებანი) აგება არ დამთავრდა, მათხოჯს საკუთარი სასოფლო-საბჭო არ ჰყავდა (ის შედიოდა ნახახულევის სასოფლო საბჭოში); ამიტომ ფაქტობრივად სასოფლო საბჭოს ფუნქციასაც ხშირად ითავსებდა მშენებელი საბჭო, რომელშიაც 34 კაცი შედიოდა.

ჩვენი შუამდგომლობა-ინიციატივითა და პასუხისმგებელი ამხანაგების მხარდაჭერით ამიერკავკასიის რკინიგზის სამმართველომ და მისმა მთავარმა სატყეო განყოფილებამ დააყენეს საკითხი, რომ გაყვანილი ყოფილიყო რკინიგზა სამტრედიიდან სოფ. მათხოჯამდე, სადაც ცხენისწყლიდან ამოაქვთ ქვემო სვანეთის უღრან ტყეებში დამზადებული მორები (ყოველწლიურად რამდენიმე ათეული ათასი კუბური მეტრი ხე-ტყე), რომლებსაც შემდეგ ურმებითა და მანქანებით ეზიდებიან რკინიგზამდე.

საბჭოთა მთავრობამ ეს საკითხი დადებითად გადაწყვიტა და „სამტრედია-მათხოჯის“ რკინიგზის მშენებლობა პირობითად შეიტანა პირველ ხუთწლიან გეგმაში.

რკინიგზის სამმართველომ დაგეგმა სამუშაოები, შეისწავლა რკინიგზის ლიანდაგის დასაგები ხაზი სამტრედიიდან მათხოჯამდე, დაასო გზაზე სათანადო ნიშნები, დაგეგმა სადგურები და დაიწყო მუშაობის დაწყების ყოველდღიური მოლოდინი.

ნიკო ნიკოლაძეს გაეგო, რომ „სამტრედია-მათხოჯის“ რკინიგზის გაყვანის საკითხთან გარკვეული კავშირი მქონდა; დამიბარა თავის ბინაზე და თითქმის ორი საათი მიმტკიცებდა და მარწმუნებდა, რომ უმჯობესია რკინიგზა მათხოჯში გაყვანილ იქნეს არა სამტრედიიდან, არამედ იანეთიდან<sup>1</sup>.

აქ საჭირო არაა გავიხსენოთ ის დეტალები, რომლებსაც იგი იყენებდა თავისი წინადადების სისწორის ნათელსაყოფად; გამონაგარიშებული ჰქონდა რკინიგზის მანძილი სამტრედიიდან მათხოჯამდე და იანეთიდან მათხოჯამდე. რკინიგზის სიგრძე იანეთიდან მათხოჯამდე (დიდ ჯიხაიშზე გავლით) რამდენიმე კილომეტრით უფრო მოკლე იყო, ვიდრე სამტრედიიდან მათხოჯამდე.

— მაშასადამე, — ამტკიცებდა პატივცემული ნიკო, — გზაში მგზავრს ნაკლები დრო დასჭირდება, თუ ეს გზა გაყვანილი იქნება არა სამტრედიიდან, არამედ იანეთიდანო.

მას გამოთვლილი ჰქონდა ისიც, თუ რამდენი წუთით უფრო ადრე ჩავიდოდა სადგურ იანეთიდან რკინიგზით გასული მგზავრი მათხოჯში სამტრედიიდან რკინიგზით გასულ მგზავრთან შედარებით.

მგზავრის გზაში ყოფნის დროის ეკონომიასთან ერთად ნი-

---

<sup>1</sup> ცნობილია, რომ ნიკო ნიკოლაძემ რკინიგზის საკითხებიც კი ჩინებულად იცოდა. 1882-1886 წწ. ნიკო პეტერბურგში ცხოვრობდა და „საპასუხისმგებლო თანამდებობა ეჭირა ლიბავა-რომენის რკინიგზის სამმართველოში. ვარდა ამისა, იგი ირიცხებოდა ამიერკავკასიის რკინიგზის სამმართველოს წევრად და ერთ-ერთი აქტიური მუშაკთაგანი იყო მისი მონაწილეობით იწერებოდა პროექტები და სხვ. იგი დაჯილდოებული იყო ოქროს ეტონით და უფლება ჰქონდა უფასოდ ემოგზაურა (მთელი რუსეთის) რკინიგზის ხაზზე“. (იხ. ა. გრიშაშვილი, ა. ცაგარელის წერილები ნიკო ნიკოლაძისადმი, „ლიტერატურული გაზეთი“, 1956 წ. 23 მარტი).

კო ნიკოლაძეს გამოანგარიშებული ჰქონდა ისიც, თუ რამდენი კაპიკით იაფი ელირებოდა რკინიგზის სამგზავრო ბილეთი იანეთიდან მათხოჯამდე, ვიდრე სამტრედიიდან მათხოჯამდე.

მიუხედავად იმისა, რომ მე თავიდანვე მოვახსენე პატივცემულ ნიკოს: ამ საქმისთვის ძალიან პატარა კაცი ვარ და არ შემიძლია თუნდაც ოდნავ საგრძნობი გავლენა მოვახდინო მათხოჯამდე გასაყვანი რკინიგზის მიმართულების შეცვლაზე-მეთქი, მაინც განვაგრძობდი ნიკოს აზრის საწინააღმდეგო თვალსაზრისის დაცვას და ვცდილობდი დროის ეკონომიისა და იაფად მგზავრობის საბუთების გაბათილებას. ჩემი არგუმენტები იყო: 1) სამტრედია დიდი და ცოცხალი პუნქტია და ხშირად სჭირდება სამტრედიაში-ჩასვლა მათხოჯელ და მის ახლომახლო მდებარე სოფლების მცხოვრებთ; 2) მათხოჯელი და მეზობელი სოფლების მცხოვრებნი ყოველთვის თბილისში კი არ მოდიან და ან თბილისიდან კი არ მოდიან, არამედ მიდიან ფოთში, ბათუმში, ან ბრუნდებიან ამ ადგილებიდან და ეს მგზავრობა უფრო მოსახერხებელია სამტრედიაზე გავლით; 3) ხე-ტყის (რის გამოც მთავრობას გაჰყავს რკინიგზა) სახერხი მთავარი ქარხანა სამტრედიაშია (საპილაოში) და სხვ.

ნიკო ნიკოლაძე თავის აზრს იცავდა, რისთვისაც მან მოხაზა, აწერა და ურთიერთს შეადარა ჰავა, ბუნება და ეკონომიკა, ერთი მხრივ, უკვე დამტკიცებული ხაზისა (სამტრედიიდან) და; მეორე მხრივ, მისი პროექტით (იანეთიდან) მათხოჯამდე გასაყვანი ხაზის ახლომახლო სოფლების და ადგილებისა.

ეს იყო რამდენიმე თვით თუ ერთი წლით ადრე ამ დიდი ადამიანის გარდაცვალებამდე.

გარდაიცვალა ის 1928 წელს, 85 წლის ასაკში, როდესაც ყველა კბილი თავისი ჰქონდა და უსათვალეზოდ კითხულობდა. ეს შესანიშნავი ადამიანი ისეთი აგებულების იყო და ცხოვრების ისეთი რეჟიმი ჰქონდა (ვგულისხმობ: ყოველ საღამოს, როგორც წესი, თერთმეტ სათზე დაწოლას და დილით ადრე ადგომას), რომ, თუ არა წყეული კიბო, იგი კიდევ დიდხანს იცოცხლებდა.

## შხვედრა ნიკო მართან

1913 თუ 1914 წლის ზაფხულის არდადეგებზე, როცა ზემო სვანეთიდან იმერეთისაკენ მოვდიოდი, ღამის გათევა მომიხდა ქვემო სვანეთის სოფელ ლენტეხში, სკოლის შენობაში.



იქვე დამხვდა ცაგერიდან იმ დღეს წამოსული და ზიშო სვანეთში მიმავალი აკად. ნიკო მარი, ოთარ დადემქელაძის (მეის სვანეთში აღრე არ მინახავს, რადგან უმთავრესად პეტერბურგში ცხოვრობდა), ოთარ დადემქელიანის ცოლი, ფრანგის ქალი, მაღალი, არისტოკრატიული წრიდან. თან ჰყავდათ ძაღლი. იგი ხან თავის კნენის ეთამაშებოდა და ხან თავადს

უქნევდა კუდს. ნიკო მარი თავის თანამგზავრებს ელაპარაკებოდა და დროგამოშვებით აბეზარ ძაღლს გადაუსვამდა თავზე ხელს, თითქოს ეუბნებოდა: გვაცალე ბაასიო. ყველაფერში ჩანდა, რომ მარი და ცოლ-ქმარი დადემქელიანები ახლო მეგობრები იყვნენ. ეს სამეფული სკოლის აივანზე იჯდა, როცა ცხენი მოვაყენე აივანს, გადმოვხტი და ავედი სკოლის დაბალ კიბეებზე. ჩემმა იმ ღამის მასპინძელმა, სკოლის გამგემ, მისი დაუპატიჟებელი სტუმრები გაგვაცნო ერთმანეთს. მარი იქამდე

არ მენახა პირად. ერთი პატარა წერილი მქონდა იმ ხანებში დაბეჭდილი გაზეთში; წერილში ვცდილობდი დამემტკიცებინა, რომ ქვედა სვანეთიდან ლეჩხუმ-იმერეთისაკენ მიმდინარე წყლის სახელწოდება — „ცხენის წყალი“ არ უნდა იყოს სწორი, მიუხედავად იმისა, რომ აკად. მარი ერთი ლეგენდის (რომლის მიხედვითაც უცხოელებს ცხენები დახრჩობოდათ ამ მდინარის გადალახვის დროს) მოშველიებით ამტკიცებს, რომ სწორია „ცხენის“ წყალი. მე კი, ჯერ-ერთი, იმ საბუთით, რომ ეს მდინარე ქვედა სვანეთის სოფელ „ცენიდან“ (იმ დროს ცენში მხოლოდ ორი მოსახლე იყო) იღებს სათავეს, და, მეორე, იმ ტომ. რომ ქვედა სვანეთში მას „ცენის“ წყალს („ცენის ქალი“) ეძახიან და არა „ცხენის წყალს“ და არა „ჩაეის ქალი“ — ვამტკიცებდი, რომ იმერეთში და ოფიციალურ საბუთებში გავრცელებული ამ მდინარის სახელწოდება და მარის არგუმენტით განმტკიცებული ეს ყალბი სახელი არ უნდა იყოს მართალი. ახლაც მწამს, რომ სვანეთიდან მომდინარე „ცენის“ წყალს სახელწოდება დაუმაზინჯდა: ცაგერის დაბლა მცხოვრებმა ლეჩხუმელებმა და იმერლებმა სიტყვა „ცენის“ გაუგებრობის გამო სიტყვა „ცხენი“ გააბატონეს და, ამგვარად, „ცენის წყლის“ მაგივრად მივიღეთ „ცხენის წყალი“. ლენტეხში მინდოდა ამ თემაზე ზეპირადაც შეეკამათებოდი მარს, მაგრამ რაღაც მეუხერხულა და თან შესაფერისი მომენტი ვერ გამოვნახე. მარსა და დადეშქელიანებს აინტერესებდათ, როგორი ამინდია ზემო სვანეთში, სურსათ-სანოვაგე ადვილად იშოვება თუ არა და სხვა ასეთები.

მიუხედავად იმისა, რომ მარი დადეშქელიანების სტუმარი იყო და ისინი მას ბინას ყოველთვის უშოვიდნენ, მე მთხოვა მაინც: ვინიციბაა მულახშიც დამჭირდეს ჩასვლა და მუშაობა, წერილი გამატანეთ თქვენს მოადგილესთან: სკოლაში ბინა მომცესო. მეც სიამოვნებით შევეუსრულე მას ეს თხოვნა და მივწერე ივანე გუჯეჯიანს: ჩემი ბინა გაელო ნიკო მარისათვის და, რამდენ ხანსაც დაჭირდებოდა, ეცხოვრა მას შიგ.

ამის შემდეგ გავიდა 16-17 წელიწადი, 1930 წლის 22 აგვისტოს 10-12 მასწავლებელი (ათანასე ხარაბაძე, აკაკი კაჭაბიძე, სოლომონ ლორთქიფანიძე, ევგენი დევიძე და სხვები) ვსადილობდით თბილისის ერთ-ერთ რესტორანში — „ოლიმპიაში“. სასადილო გაჰყვდილი იყო ხალხით. აქა-იქ სუფოასთან იდგნენ სასადილოდ შემოსულნი და უცდიდნენ რიგს. რაგში მყოფთა შორის დავინახე ნიკო მარი თავისი ცოლით. იმ წამშივე წავჩურჩულე ამხანაგებს: შეხედეთ, აგერ ნიკო მარი-მეთქი. ჩვენ უკვე დანაყრებული ვიყავით. თამადა ვიყავი და ამხანაგებმა მითხრეს. თუ პირადად იცნობ მარს, ჩვენს სუფრაზე მოიპატიოე და გაგვაცანი კიდეცო. სიამოვნებით და დაუყოვნებლივ შევასრულე ამხანაგების სურვილი: „ბატონო ნიკო, გთხოვთ გვეწვიოთ, ჩვენთან მობრძანდეთ!“ მარმა ღიმილისა და მადლობის გამომეტყველებით გამომხედა. ამ დროს წამოდგნენ სუფრის მეორე თავში (სადაც მარი იდგა) ჩემი ამხანაგები, გაიწ-გამოიწიეს, მარს და მის ბეუღლეს ადგილი დაუთმეს. სწრაფად მოვატანიინეთ სერვიზი მათთვის, შემწვარი სულგუნი და წიწილები შევუკვეთეთ. ნიკო მარის და მისი ბეუღლის შემოსწრების სადღეგრძელოსა და მოკლე მისასალმებელ სიტყვაში გავაცანი სტუმრებს იმ სუფრაზე მსხდომნი — სახელმძღვანელო წიგნების ავტორები და სახელმძღვანელო მასწავლებლები.

— აკადემიკოსებად ასარჩევი ხალხი აქ ყოფილა და მე კი კანდიდატებს სხვაგან ვეძებდი, — იოხუნჯა მარმა. (იმ ხანებში საკავშირო აკადემიის თბილისის ინსტიტუტს საქართველოს მეცნიერებათა აკადემიად გადაკეთებას უპირებდნენ და ჩვენთვისაც კარგად იყო ცნობილი, რომ ამ საკითხის გამო ლენინგრადიდან მარი იყო ჩამოსული).

გაცხოველებული სჯა-ბაასი გამოიწვია მომავალი აკადემიისათვის კანდიდატების შერჩევის საკითხმა. ნიკო მარი ცხოველ მონაწილეობას იღებდა კამათში და დასასრულ კმაყოფილება გამოთქვა იმის გამო, რომ საქართველო ეგზომ დაინტე-

რესებულია აკადემიის გახსნითა და ღირსეული კანდიდატების შერჩევით.

1931 წელს ზაფხულში მოსკოვში ჩავედი. მეორე დღეს ლენინგრადში ვაპირებდი გამგზავრებას, მინდოდა მარი პენახა, პირადი საქმე მქონდა მასთან. ლენინგრადიდან ჩამოსული მატარებლიდან ერთი ჩემი ნაცნობი გადმოვიდა (ადრე თბილისში მუშაობდა), მივესალმეთ ერთმანეთს. შემდეგ ვკითხე: „ლენინგრადიდან მობრძანდებით, არა?“ „ღიახ!“ „მაინტერესებს, მარი თუა ლენინგრადში?“ „მარი? აი ახლა ჩამოვიდა ლენინგრადიდან!“

— ხომ არ იცით, ვისთან გაჩერდება ან სად შეიძლება მისი ნახვა?

— მას აქაც აქვს საკუთარი ბინა. შემიძლია მოგცეთ მისი მართი და ტელეფონის ნომერიც.

— მადლობელი ვიქნები. — მომცა. დავურეკე ბინაზე, ჯერ კიდევ მისული არ იყო. ნახევარი საათის შემდეგ დარეკეთო, ზრპასუხა ვილაყ ქალმა. საღამოს რვის ნახევარზე დავრეკე. ხმა თვითონ მარმა გამცა. მე მას ჩემი სახელი დ გვარი ვუთხარი, ამ დილით ჩამოვედი თბილისიდან, თქვენი ნახვა მინდა პირადად და თუ შეიძლება გნახოთ-მეთქი.

— მაპატიეთ, მაპატიეთ, — მითხრა მან, ჩვენ ერთმანეთს უკანასკნელად სად შევხვდით, რესტორანში ხომ არა, რესტორანში ხომ არა?

— დიახ, დიახ! — ვუპასუხე მე.

— სად ხართ ამჟამად, ახლავე მოდით! მოდით ახლავე!

— კურსკის ვაგზლიდან ვრეკავ, ტაქსის ავიყვან და გვახლებით-მეთქი.

მართლაც ასე მოვიქეცი. მივედი. დავრეკე. თვითონ გამილოკარები. თავშალი მოედვა ზურგზე. წამიყვანა ოთახში.

— რა ამბავია საქართველოში? ვემდური საქართველოს! — მითხრა უცებ. — გახსოვთ, შარშან დადგენილება იყო, გაზეთებშიაც გამოცხადდა, მეცნიერებათა აკადემია უნდა გახსნილიყო! ვერ ჩამოყალიბდა, ვერ გაკეთდა ეს საქმე...

ნიკო მარი დაღლილ-დაქანცული იყო თუ ვინმეზე გულ-მოსულ-გულნატყენი, ხან ერთობ გაცხარებული და გაცხოველებული ლაპარაკობდა, თითქოს ვიღაცას რაღაცაში ედავებამეუქრებო, ხან კი სულ დაუშვებდა ხმას და უღონოდ ლაპარაკობდა, ხან უცებ მოსვამდა გაციებულ ჩაის და იმ დროს მეც მომაგონებდა: მიირთვიო, მიირთვათო! ხან მოულოდნელად მეტყოდა: კიდევ მიირთვი კონიაკი, ნამცხვარს თქვენ სულ არ მოკიდეთ ხელიო...

— სალამი გადაეცი საქართველოს, — მითხრა ღამის პირველ თუ ორ საათზე, როცა მისი ბინიდან გამოვედი.

— რა ორიგინალური კაცია! — ვფიქრობდი გულში, როცა შინ მივედიოდი.

შემდეგაც რამდენჯერმე მინახავს მარი, როცა ის ლექციას კითხულობდა. კითხვის პროცესში აბობოქრდებოდა, ცეცხლოვანი ტონი ახასიათებდა. ტრიბუნიდან რომ ჩამოვიდოდა და სკამზე დაჯდებოდა, ძალ-ღონე ისე ერთბაშად გამოეცლებოდა, ისე მოეშვებოდა, რომ ასი წლის მოხუცი გეგონებოდათ. ამ მდგომარეობაში მყოფიც, თუკი რასმე ისეთს მოკრავდა ყურს, რომ არ მოეწონებოდა, სწრაფად აენთებოდა.



## ილიას მკვლელის გასამართლება

ჩემი მეხსიერებიდან არასოდეს ამოიშლება ის ათი დღე (1941 წლის 25 დეკემბრიდან 1942 წლის 5 იანვრამდე), როცა თბილისში, უმაღლესი სასამართლოს დახურულ კარებში ილია ქავჭავაძის (1837 — 1907) მკვლელის — გიგოლა ბერბიჭაშვილის გასამართლება მიმდინარეობდა.

ვფიქრობ, იმ ხანებში სამამულო ომის პირველი და მწვავე თვეები რომ არ ყოფილიყო, გასამართლება ღია კარებში მოეწყობოდა და მაშინ რა დარბაზი დაიტევდა მოზღვავეებულ ხალხს! ორმოციოდე საშვი იყო სულ და ერთი მათგანის მიღება მარგუნა ბედმა.

საბრალდებულო სკამზე იჯდა 64 წლის კაცი, საშუალო ტანის, გამხდარი, ფართო მზარ-ბეჭიანი, ხმელი და თხელი სხისა, ჭაღარა გიგოლა ბერბიჭაშვილი.

სასამართლოს თავმჯდომარის პირველი კითხვა იყო ბრალდებულისადმი:

— სცნობთ თუ არა თავს დამნაშავედ?

— იმდენად, რამდენადაც... — და მოჰყვა ბერბიჭაშვილი წილაღობილას.

— თქვენ სიტყვა მოგეცემათ შემდეგ (და არა ერაზხელ). ახლა მიპასუხეთ: ჰო, თუ არა?

— საქმე ისაა, რომ, როცა მე პარტიზანელი ვიყავი და ტყეში ვცხოვრობდი, როცა ვებრძოდი თვითმპყრობელობას... (და განაგრძო).

— გიმეორებთ კითხვას: სცნობთ თუ არა თავს დამნაშავედ?

— კიდევაც ვგრძნობ და კიდევაც არა...

— კარგი. ჩანს, არ გინდათ თქვათ არც კი, არც არა! გვიამბეთ თქვენი თავგადასავალი, თქვით რისი თქმაც გინდოდეთ!

— მე აღრე დამეხოცნენ მშობლები. ბიძასთან ვცხოვრობდი. ის მამადლიდა ლუკმა-პურს. ავდექ და გავიქეცი მისგან. შევეკედლე ტყეში რამდენიმე კაცს, რომლებიც ტყეს წვავდნენ, ნახშირს ამზადებდნენ და ქალაქში დაქონდათ გასაყიდად. ერთი ვირი ჩამაბარეს. დავტვირთავდი ვირს და ტყიდან „ხაზეინების“ ნახშირს ვზიდავდი გასაყიდად. 1901 წელს სალდათად წამიყვანეს, საიდანაც 1904 წელს დაებრუნდი და ისევ ჩემს ძველ „ხაზეინებს“ — მენახშირეებს, მივაკითხე და მათთან დავიწყე მუშაობა. კვლავაც ვირით ვეზიდებოდი ნახშირს თბილისში გასაყიდად. თბილისში „ზემელთან“ ერთი პატარა დუქანი იყო, იქ ერთი კაცი (რომელსაც ხშირად გამოვუვლიდი ხოლმე ნახშირის გაყიდვის შემდეგ) მომცემდა პროკლამაციებს, — ჩავაწყობდი იმ პროკლამაციებს ნახშირის გადელში, ზემოდან რაქე-რუმეებს დავაყრიდი და ისე მიმქონდა ტყეში; იქიდან ჩუმ-ჩუმად ვურიგებდი გლეხებს ამ პროკლამაციებს. მე პარტიზანთა რაზმის წევრი ვიყავი, წითელი პარტიზანელის მოწმობა მქონდა. 1905 წელს დამიჭირა პოლიციამ და დუშეთის სამაზრო ციხეში დამამწყვდია. ციხე გავტეხე და გამოვიქეცი. მას შემდეგ ტყეში ვიმალებოდი. ერთხელ, ეს იყო 1907 წელს, როცა ტანისამოსი დამეფლითა, ახლის შესაძენად ჩუმად მინდოდა ჩავსულიყავი თბილისში და საგურამოზე გამოვიარე. საღამო იყო. გზაში შემხვდა ერთი ჩემი ნაცნობი — ხიზანიშვილი. მან ჩემი ამბები გამოიკითხა და შემდეგ მითხრა: ამაღამ ილია ქავჭავაძის სახლის ზემოთ, ტყეში, რამდენიმე კაცს კრება გვაქვს და დაგვესწარიო. არ მინდოდა, მაგრამ ძალით წამიყვანა. კრებაზე 10-12 კაცი იყო; თავმჯდომარეობდა ვილაც ჯაში. როგორც იქვე გავიგე, ეს ჯაში ილია ქავჭავაძის მოურავი ყოფილა. მან წაიკითხა ილია ქავჭავაძის წინააღმდეგ



გაზეთში დაბეჭდილი წერილი, ილაპარაკეს ერთმა, ორმა, სამმა. ჯაშმა თქვა: მე დღეს ვარ აქ და ხვალ არა და მაინცდამაინც რა მენადვლება, მაგრამ თქვენ აქაურები ხართ, აქედან ვერსად წახვალთ და კნიაზ ილიას წვლებას მანამ ვერ გადაურჩებით, სანამ მას არ მოკლავთ. მოკალით და მოისვენებთ, — მისი მოკვლა რა დიდი საქმეაო.

— რა დროს ამოიყვან თბილისიდან კნიაზსო? — ჰკითხა მან იქვე მყოფ ილიას მეეტლე აფციაურს.

— ნაშუადღევის 1-2 საათზე, — მიუგო მან.

— წიწამურში რა დროს იქნებით.

— დაახლოებით 12 საათზე. იქნებ უფრო ადრეც. კარგად არ ვიცი, რა დროს წამომყვება თბილისიდან კნიაზი. ეს კი ვიცი, რომ დილით უნდა წამოვიდეს და ადრე მისვლა შემო-ბითვალა.

გადაწყდა ილია ჭავჭავაძის მოკვლა. ხუთი კაცი აირჩიეს ამ აქტის შესასრულებლად, მათ შორის მეც. მე უარზე ვიყავი: თქვენი კნიაზია და თქვენ უნდა მოკლათ, მე რა მესაქმება-მეთქი. არ დამიჯერეს და ძალად ჩამაბეს ამ საქმეში. იმ ღამეს წიწამურის ზემოთ ვივახშმეთ ერთ ოჯახში. ღამე წიწამურის ტყეში გავათიეთ. გავინაწილეთ ის არემარე, სადაც ილია უნდა მოგვეკლა, საიდანაც ილიას მეეტლე ეტლს ჯერ მძიმე-მძიმედ წამოიყვანდა და შემდეგ შეაჩერებდა. სამი კაცი მალა უნდა გადამდგარიყო ეტლის გაჩერების ადგილას; მე და ერთი კაციც დაბლა უნდა დავმდგარიყავით, რომ არ გაგვეკცეოდა.

გათენდა. ცოტა დააგვიანდათ მგზავრებს. მგონი პირველ თუ ორ საათზე გამოჩნდა ჭავჭავაძის ეტლი. მეეტლემ დანიშნულ ადგილას შეაჩერა ეტლი — თოფები გავარდა და კნიაზი ეტლიდან გადმოვარდა. მე ზევით ვისროლე...

— მართალი თქვი, შენგან გასროლილი ტყვია მოხვდა ილიას გულსა და შუბლში, შენმა ტყვიებმა განგმირეს ილია? ჩვენ ამის ჩვენება გვაქვს: 1907 წელს გასამართლებულმა შენმა ამხანაგებმა დაწვრილებით თქვეს ყველაფერი; ისინი არ უარ-

ყოფდნენ არც იმას, რაც თვითონ ჩაიდინეს, და არც იმას, რაც სხვებმა, მათ შორის შენ გააკეთე.

— ქვეყნადე რომ გადმოვარდა ეტლიდან, გადმოუვარდა სათვალე და საფულე, მე საფულე ავიღე და იქვე ივანიშვილს მივეცი. საფულეში 600 მანეთი იყო. მე ფული არ წამილია.

— ქვეყნადის მეუღლეს — ოლღა ქვეყნადისას — ვინ ჩაუშტვრია ცხვირ-პირი თოფის კონდახით?

— ჩაუშტვრიეს კი, მაგრამ ვინ — არ დამინახავს!

— პატარა სათვალე დაინახე მიწაზე დავარდნილი და ის ვერ დაინახე? აქაც სტყუი! ხიზანიშვილისა და აფციანურის მიერ 1907 წელს მოცემული ჩვენებით, ოლღა ქვეყნადეს შენ დაულეწე სახე და თავი ისე, როგორც შენგან გასროლილმა ტყვიებმა განგმირეს ილია ქვეყნადე.

— ...

— სხვას რას იტყვი?

— შემდეგ მე გავიქეცი ჩვენი ქვეყნიდან და 1907 წლიდან 1921 წლამდე სპარსეთში ვცხოვრობდი. იქ ვიღებდი მონაწილეობას რევოლუციურ მოძრაობაში, იქაურ აჯანყებებში. 1921 წელს დავბრუნდი საქართველოში და შევედი პარტიაში.

— მაშ, სპარსული ენა გეცოდინება?

— წყალივით ვიცი!

— პარტიაში მიღების დროს თუ აღიარე შენი წარსული?

— არა, არ მითქვამს! რა საჭირო იყო?

— შემდეგ?

— შემდეგ ვმუშაობდი დუშეთში, მუხრანში, თბილისში.

— თუ იცნობდი შენს მსხვერპლს, როცა ჰკლავდი?

— არ ვიცნობდი.

— როგორც ამბობ, ქვეყნისათვის თავდადებული და პარტიზანი იყავი. ნუთუ არ გქონდა გაგონილი ილია ქვეყნადის სახელი, არ წაგიკითხავს მისი ნაწერები: „კაკო ყაჩაღი“, „გლახის ნაამბობი“ და სხვა?

— არ წამიკითხავს და არც გამიგონია მისი სახელი. აკაკი წერეთლის ლექსები კი ვიცოდი.

— ილია ჭავჭავაძე ილიაობას აწყობდა ყოველწლიურად და სხვა სტუმრებთან ერთად მეზობელი სოფლებიდანაც ჰყავდა მოპატიებელი ხალხი. შენი სოფელი სამი-ოთხი კილომეტრით იყო დაშორებული საგურამოს და ნუთუ არავის უხსენებია ილია ჭავჭავაძის სახელი?

— მე მისი სახელი არ გამიგონია.

— კარგი! სპარსეთიდან რომ დაბრუნდი, მაშინ მაინც არ იკითხე — ვინ იყო ის კაცი, რომელიც მოჰკალი?

— არ მიკითხავს.

— შენ ორი შვილი გყავს: ვაჟი და ქალი. შენმა ვაჟმა დაამთავრა ის სკოლა, სადაც ილია ჭავჭავაძე სწავლობდა (ყოფ. პირველი გიმნაზია). ნუთუ შენმა ვაჟმა არ გითხრა, იმ სკოლაში ვსწავლობ, სადაც წინათ სწავლობდა ილია ჭავჭავაძეო?

— არ უთქვამს...

— შენი ქალიწვილი სწავლობდა და დაამთავრა თბილისის მესამე საცდელ-საჩვენებელი სკოლა ილია ჭავჭავაძის სახელობისა. იმ სკოლას ყველა ჭავჭავაძის სკოლას ეძახის. ნუთუ არ ჰკითხე შენს ქალიშვილს: რა გააკეთა ისეთი ილია ჭავჭავაძემ. რომ მისი სახელობის სკოლაც კი გახსნა ჩვენმა მთავრობამ?

— არ მიკითხავს, არ დავინტერესებულვარ!

— 1937 წელს ჩვენმა მთავრობამ შენ მიერ ჩადენილი ვერაგული მკვლელობის 30 წლისთავი და ილიას დაბადებიდან ასი წლისთავი აღნიშნა. შენ მაშინ თანამდებობის კაცი იყავი, — უთუოდ გაზეთებს კითხულობდი, ილია ჭავჭავაძის ღვაწლზე ბევრი დაიწერა ჟურნალ-გაზეთებში, მაშინ მაინც გერ გაიგე, ვინ ყოფილა ილია ჭავჭავაძე?

— მე იმ ადგილებს არ ვკითხულობდი ჟურნალ-გაზეთებში!

— უტიფარი ხარ! კმარა! შემოიყვანეთ მოწმეები პირველად ვიღაც მოხუცი დედაკაცი შემოიყვანეს.

— სახელი და გვარი, მამის სახელი? — ჰკითხეს მას. ჩაიწერეს.

— სად გაიცანი ეს კაცი და როდის?

— ეს კაცი ჩემი მეჯვარე იყო. ჩემი გვირგვინი ეკავა ხელში ჩემი ჯვრისწერის დროს.

— როდის მოხდა ეს?

— 1911 წელს.

— ბერბიკაშვილო, ამტკიცებ: სპარსეთში ვიყავი 1907 წლიდან 1921 წლამდე! 1911 წელს კი ცოლი შეგირთავს საქართველოში რას იტყვი?

— ...

— შემოიყვანეთ შემდეგი!

შემოიყვანეს დაახლოებით ორმოცი წლის კაცი, პასუხისმგებელი მუშაკი. სულ კანკალებდა (ბერბიკაშვილისათვის გადიდებული პენსიის დანიშვნის მიზნით რეკომენდაცია მიუცია სოცუზრუნველყოფის სახალხო კომისარიატში წარსადგენად, წერდა თურმე: პირადად ვიცნობდი 1904 წელს და ვადასტურებ, რომ პარტიზანი იყო).

— სახელი, გვარი, მამის სახელი!

უპასუხა. ჩაიწერეს.

როდის დაიბადეთ?

— 1901 წელს.

— მერედა 3 წლის ბავშვს გქონდა ურთიერთობა დანაცნობობა პარტიზანებთან?! მართალი თქვით, როდის გაეცანით ბერბიკაშვილი?

— 1918 წელს ვნახე პირველად ალექსანდროვის ბაღში, „მიტინგის დახვრეტის“ დროს.

— ბერბიკაშვილო, აკი სპარსეთში იყავი 1918 წელს?

—

შემოვიდა საგანგებოდ გამოძახებული პროფესორი, სპარსული ენის სპეციალისტი იუსტინე აბულაძე, რომელსაც უნდა შეემოწმებინა, თუ რამდენად „წყალივით“ იცის სპარსული სპარსეთში ვითომდა 13 წელს ნაცხოვრებმა ბერბიკაშვილმა.

— პროფესორო, გთხოვთ ებაასოთ სპარსულ (ფარსულ) ენაზე ბერბიკაშვილს და მოგვცეთ დასკვნა, თუ რამდენად იცის მან სპარსული!

პროფესორმა იუსტინე აბულაძემ „გამოსცადა“ ბრალდებული და დასკვნაც მიიღო: არც ერთი სიტყვა არ იცის სპარსული (ფარსული), — იცის აზერბაიჯანული ენა.

მოწმეთა შორის იყო ილია ჭავჭავაძის მკვლელობის მონაწილე და ორგანიზატორის, ჯაშის ცოლი. მისი დაკითხვით და სხვა მასალებით გამოირკვა, რომ ჯაში ყოფილა ნაირნაირ პარტიაში—სოციალ-დემოკრატების, სოციალისტ-რევოლუციონერების, ანარქისტების... იგი იყო პროვოკატორი, ხაზინის გაძარცვის ორგანიზატორი, ბასრი კალმის მქონე—ავტორი რუსულ-ქართულ პრესაში გამოქვეყნებული სტატიებისა... ეს ბინძური ადამიანი 1922 წელს ცოლის ძმას მოუკლავს ნაძარცვი ფულის გაუზიარებლობის და სხვა ამგვარი მიზეზების გამო...

— შემოიყვანეთ მოწმე ფაღავა! — შემოვიდა 80-82 წლის ხმელი, მალალი, ლამაზი სახის მოხუცებული, რომელიც ღუშეთის მაზრის უფროსი ყოფილა 1907 წელს, ილია ჭავჭავაძის მკვლელობის დროს.

— მოახსენეთ სასამართლოს, რა იცით ამ საქმის გარშემო!

— როცა ღუშეთის მაზრის უფროსად დამნიშნეს, ჩავიბარე მაზრა და საქმეები. გადმომცეს ერთი საიდუმლო, შიფრიანი მოწერილობა, რომლითაც მაზრის უფროსს ევალებოდა თვალყური ედევნებინა ილია ჭავჭავაძისათვის და სათანადო ცნობები ეგზავნა გუბერნატორისა და ჟანდარმთა სამმართველოსათვის. მართალია, მაზრის უფროსი ვიყავი, მაგრამ ქართველი ვიყავი და „თითო ლურსმანი ყველა ქართველს გვესო გულში!“ დიდ ილიას კარგად ვიცნობდი, დიდად ვაფასებდი მას და დროგამოშვებით ვშველოდი კიდევაც ამ საამაყო ქართველს. ერთხელ, თბილისის ჟანდარმერიის შენობასთან მიახლოების დროს, თვალი მოვკარი, რომ ჟანდარმერიის ჰიშკრიდან გამოვიდა ილიას მოურავი ჯაში. მას ხელში გახსნილი პორტფელი ეჭირა, შიგ რალაც ქალაღდს სდებდა, პორტფელში იხედებოდა და ისე გადავიდა ქუჩის მეორე მხარეზე, რომ მე არ დავუხახივარ. გავქვავდი ერთ ადგილას!.. თითქმის იმ წუთში იმავე



ქიშკრიდან გამოვიდა ერთი ჩემი ნაცნობი ვახმისტრი, რომელიც მცხეთაში მუშაობდა. სასწრაფოდ მიეუახლოვდი ვახმისტრს, მისალმებისთანავე დავინახე გზაზე მიმავალი ჯაში და ვკითხვე:

— Кто этот человек, с портфелем? Вы его не знаете?

— Знаю! Управляющий именем князя Чавчавадзе!

— Он же отсюда вышел, интересно, какое у него дело в жандармском управлении?!

— Он у нас работает! — გულბრყვილოდ მითხრა მან. მეწყინა. ჩემი დაფარვა რას უშველის ილია ქავჭავაძეს, როდესაც მას სახლში ჟანდარმერიის აგენტი ჰყოლია-მეთქი, — ვიფიქრე და გადავწყვიტე, როგორმე მეგრძნობინებინა ან პირდაპირ გამეფრთხილებინა ილია, რომ მისი მოურავი „ოხრანკის“ აგენტია. გული მეუბნებოდა, რაც შეიძლება მალე გამეფრთხილებინა ილია. ნუთუ ქართველი ადამიანი აბეზღებს ილიას და მის საწინააღმდეგო ცნობებს აწვდის ჟანდარმერიას?! არა, ილია უთუოდ უნდა გავაფრთხილო!!!

მეორე დღეს, როცა თბილისიდან დუშეთს მივდიოდი, ილიას გავუარე საგურამოში; განგებ „შემოვითრიე ფეხი“, რომ ილიას ეთქვა ჩემთვის: აწ გვიანაა, ამაღამ ჩემთან მოისვენეთ და დილით წაბრძანდით დუშეთშიო. მინდოდა შესაფერისი შემთხვევა გამომენახა ამ მძიმე ამბის სათქმელად. მართლაც, იმ ღამეს ილიამ არ გამიშვა. ღამით სამი კაცი ვისხედით ვახშმად: ილია, მე და კიდევ ერთი ქავჭავაძე. უცებ სასადილო ოთახში კარი გაიღო და ჯაში შემოვიდა. რალაც მაინცდამაინც არცთუ საჭირო კითხვა მისცა ილიას. ილიამ იგრძნო, რომ მისი შემოსვლის მიზანი ის არ იყო, რასაც ეკითხებოდა.

— დამაცადეთ, დამაცადეთ! — გაბრანებით უთხრა თავის მოურავს და დანა-ჩანგალი გააგდო ხელიდან. ჯაში გავიდა. ვისარგებლე შემთხვევით და ილიას ვუთხარი:

— მაგ ჯაში ვერ უნდა იყოს პატიოსანი კაცი! — ილიამ ყურადღება არ მიაქცია ამ ჩემს სიტყვებს. მე განვაგრძე ჯაშის ირგვლივ ლაპარაკი. მოვახსენე პირდაპირ: გუშინ გავიგე, რომ „ოხრანკის“ აგენტი უნდა იყოს-მეთქი.

— ესეც შესაძლებელია! მისგან არათერია გასაკვირველი! მაგრამ, ეჰ, ახლა ყველაფერი გვიანდა არის!..

ისე ცუდ ხასიათზე დადგა ერთბაშად ილია, რომ ერთ ხანს არც ერთს არ ამოგვიღია ხმა.

ამის შემდეგ ორი კვირაც არ გასულა, რომ დუშეთში, ჩემს კაბინეტში ყოფნის დროს, შემატყობინეს: ილია ქავეკავაძე მოკლეს წიწამურშიო. თავზარდაცემული დავჯექე ცხენზე და რაზმის თანხლებით ელვის სისწრაფით მივიქერ მკვლელობის ადგილას. ვხედავ, შარაგზაზე ასვენია ტყვიით განგმირული ილია, იქვე მოკლულია მისი მზარეული; ილიას მეუღლე — ოლა სახედაჩეჩვილი და თავგატეხილი უგრძნობლად გდია მიწაზე. ალყა შემოვარტყი ტყეს. ბოროტმოქმედთა აღმოსაჩენად აქეთ-იქით დავგზავნე ჩემი მხლებლები. მიცვალებულები და ილიას მეუღლე ურემზე მოვათავსეთ და საგურამოსაკენ გავსწიეთ... ჯაში ფუსფუსებდა, „წუხდა“, „თავს იკლავდა“ — ეს რა უბედურება მოხდაო? ჩემმა კაცებმა უცხო ვერავენ ნახეს იმ არეძარეში. ილიას მეეტლე ამბობდა: თავდამსხმელები თეთრ ხალათებში იყვნენ, სამხედრო. პირებს ჰგავდნენო.

ილიას მეუღლისათვის პირველი დახმარების აღმოჩენისა და მიცვალებულების სახლში დასვენების შემდეგ შევედი სოფლის კანცელარიაში, დავიბარე სხვადასხვა პირები, დაკითხვა დავიწყე. ჩემმა „ურიადნიკმა“ მითხრა: ერთი მოხუცებული კაცია ვილაც და მთხოვეს მოგახსენოთ, რომ თქვენი ნახვა უნდაო.

— შემოიყვანეთ! — ვუპასუხე მე. შემოვიდა, ასე, 65-70 წლის მოხუცი.

— რა გინდათ? — შევეკითხე. ეტყობოდა, მოხუცს არ უნდოდა ელაპარაკა სხვისი თანდასწრებით. მდივანი დავითხოვე ოთახიდან.

— ბატონო, — დაიწყო მან, — თქვენ, მგონი, ილიას მკვლელებს ეძებთ! გეტყვით, ოლონდ, თუ გამეცით, გადამწვავენ, ცოლ-შვილს ამიწიოკებენ.

— პირობა მივეცი, არ გამეთქვა, — დასძინა ფალავამ. — სინდისს ვფიცავ, პირობა შევუსრულე, თუმცა 1907 წელს სასამართლოში ძალიან დამპირდა მისი დასახელება; მიცემული სიტყვის გამო თავი შევიკავე მისი სახელისა და გვარის ხსენებისაგან. ამ საიდუმლოებას ახლა ვამხელ მხოლოდ...

— მოხუცმა მითხრა, — განაგრძო ფალავამ: — ჯაშმა მოაწყო ეს საზიზღარი საქმე. ილიას მკვლელები არიან ყაჩაღი გიგოლა ბერბიკაშვილი, ილიას მელორე ხიზანიშვილი, ნამამასახლისარი ივანიშვილი (მგონია, არ მეშლება გვარი) და აფციურიო. მადლობა ვუთხარი და გავისტუმრე მოხუცი. რამდენიმე კაცი ისე დავკითხე — თვალის ასახვევად და გზის ასაბნევად, თორემ მე უკვე ვიცოდი იმ პატიოსანი მოხუცის მეოხებით ნამდვილი მკვლელების სახელები და გვარები. სოფლის კანცელარია დავტოვე და ილიას სახლში შევედი. ჯაშს, ვითომდა სხვათა შორის, ვკითხე:

— ილიას რომ ერთი მელორე ჰყავდა, მგონია, ხიზანიშვილი, სად არის ახლა ის? მოდი, ერთი დაუძახე, მინდა გავგზავნო სადღაც!

— იმან წუხელ და გაათხოვა, — მთხოვა, ორი დღით გამეთავისუფლებინა და მეც გაეუშვი. მართალია, რალა დროს ქორწილი იყო, მაგრამ ბედი მოადგა სოფლელ კაცს. კარზე და მეც არ შევეუშალე ხელი...

— კარგი გიქნია, — ასეთ დროს უარს როგორ ეტყოდის სადაურია? ჯაშმა დამისახელა მისი სოფელი; იქვე, ახლოს იყო. მე ლაპარაკი სხვა თემაზე გადავიტანე. ცოტა ხნის შერდეგ გამოვემშვიდობე მას — დუშეთში მივდივარ-მეთქი, ნამდვილად კი ხიზანიშვილის ოჯახისაკენ გავემართე. მივედი, ვხედავ, სიწყნარეა მის სახლსა და ეზოში; ხის ძირში დედაბერი იჯდა (როგორც შემდეგ გამოირკვა, ხიზანიშვილის დედა), მატყლს ართავდა; იქვე მისი ძალი იწვა და კუდს აქნევდა.

— რას ჩამოგიყრიათ ყურები! წუხელ ქორწილი გქონიათ და ასე მალე გაათავეთ ყველაფერი? — ვკითხე დედაბერს.

— რისი ქორწილი, დიდო ბატონო, რა ქორწილი?

— სად არის შენი შვილი?

— აგერ გადავიდა მეზობლისას! აი, აგერ, მოდის კიდევ! — ხიზანიშვილს არ ეამა ჩემი დანახვა, მაგრამ ეს არ დაიმჩნია და „მხიარულად“ მომესალმა. თოფი ჰქონდა მხარზე გადაკიდებული.

— მოიტა აქეთ ეგ თოფი! — ვუთხარი მსწრაფლ. თოფი გადმომცა. — ეს რა არის, სისხლი რომ აცხია?

— კურდღელი მოვკალი, ბატონო.

— შეჰკარით! — ვუბრძანე სტრაჟნიკებს. გაბაწრეს ხიზანიშვილი და ღუშეთში ჩავიყვანეთ.

ღუშეთში ჩასვლისთანავე დაშიფრული დეპეშა გავუგზავნე თბილისის გუბერნატორს, ვატყობინებდი: ილია ჭავჭავაძის მკვლელობაში ჟანდარმერიის აგენტი ჯაში არის ჩარეული და მისი დაჭერის სანქციას გთხოვთ-მეთქი.

არ გასულა რამდენიმე დღე და თბილისში გამომიძახეს. იქ გამოირკვა, რომ ჩემს გუბერნატორს ჟანდარმთა უფროსისათვის გადაეგზავნა ჩემი დეპეშა და იქ მიბარებდნენ. გამოცვხადდი ჟანდარმერიაში. უფროსს მოახსენეს ჩემი მისვლა. შევედი კაბინეტში. შესვლისთანავე მომახალა.

— Это Вы, князь Пагава, обвиняете жандармерию в убийстве князя Чавчавадзе?

— Помилуйте, не жандармерию, а агента жандармерии — Джаши!

— А это не равносильно? Продолжайте, князь, продолжайте, потом посмотрим!

ჟანდარმთა უფროსისაგან გამოვედი იმ რწმენით, რომ მე ვემსხვერპლები ამ საქმეს. უბედურება ის იყო, რომ ლოთ ვახშისტრს შეეძლო უარი ეთქვა, რომ მე მისგან გავიგე ჯაშის აგენტობა... ამის თქმის უფლებაც არ ჰქონდა მას. მაშ საიდან ვიცი, რომ ჯაში აგენტია? მცხეთაში ჩასვლისთანავე ვინახულე ვახშისტრი. სუფრაზე მივიპატიჟე, შევათვრე და ვითომ სხვათა შორის ვკითხე:

— Помните, Вы мне сказали, что Джаши агент? Мне теперь не нужна, но если когда либо понадобится справка, не смогу ли я достать какой либо документ, удостоверяющий, что Джаши действительно агент жандармерии?

— Ерунда, князь — მითხრა მან, — он же в жандармерии ежемесячно получает жалование! Я украду старую ведомость за какой либо месяц и отдам Вам! Только не выдавайте меня... თქვა და შეასრულა... სამი დღის შემდეგ მქონდა ქანდარმერიის უწყისი, რომელშიაც ჯამაგირის მიღებაზე ხელს აწერდა ჯაში.

პეტერბურგში იმპერატორის სასახლეში ნათლია მყავდა — „კამერდინერ დვორა ეგო იმპერატორსკოგო ველიჩესტვა კნიაზ შარვაშიძე“. შევატყობინე ჩემი გაჭირვება. მიპასუხა: ილია ჭავჭავაძის მკვლეელი არ დაზოგო, ვინც უნდა იყოს. პასუხს მე ვაგებო...

ამ საბუთებით შეიარაღებულმა დეპეშა გაუფუგზავნე თბილისის სამხედრო გუბერნატორს, რომელიც გადაკიდებული იყო სამოქალაქო გუბერნატორთან, ჩემს უშუალო უფროსთან: ი. ჭავჭავაძის მკვლელობაში გარეულია ქანდარმერიის აგენტი ჯაში და გთხოვთ მისი დაპატიმრების სანქციას-მეთქი. მიპასუხა:

— Арестуйте убийцу Чавчавадзе Джаши и арестованного считайте за мною!

— ჯაში დავაპატიმრე. სამ თვეს ვაწარმოებდი გამოძიებას დუშეთში. დავამთავრე გამოძიება და საქმეები პატიმრებთან ერთად გადმოვგზავნე თბილისში.

აქვე უნდა ვთქვა, რომ ბერბიჭაშვილის ძებნას გადავყვევი. ას მანეთზე მეტი სხვადასხვა აგენტებს მივეცი. მეტყობდნენ, ამა თუ იმ ცხვარში იმალებოდა. მივდიოდი, ვერ ვნახულობდი. მაზრაში არსებული საბუთებიდან ვიცოდი, რომ რევოლუციის გაჩაქრაჟზე, 1905 წელს, როცა ხალხმა ერთგვარი თავისუფლება ჩაიგდო ხელში, სასოფლო „სხდომებს“ გამოჰქონდათ გადაწყვეტილებანი ამა თუ იმ მავნე პირის ციმბირში გადასახლების

შესახებ და სათანადო დადგენილებებს უგზავნიდნენ მთავრობის ადგილობრივ მოხელეებს. ეს უკანასკნელნიც იძულებული იყვნენ რიგ შემთხვევაში ანგარიში გაეწიათ ხალხის „პრიგოვორისათვის“ (დადგენილებებისათვის) ქურდებისა და ყაჩაღების გადასახლების შესახებ; ხშირად სოფლებს, თავიანთი მამასახლისის მეშვეობით, მაზრაში მოჰყავდათ დაქერილი ავაზაკები შორს გადასახლების ან ციხეში დამწყვდევის მიზნით. ბერბიჭაშვილიც, როგორც ხალხის შემადრწუნებელი და ყაჩაღი, დაუჭერია სოფელს, დაუდგენია მთავრობისათვის ეთხოვა მისი გაციმბირება და სათანადოდ გაფორმებული ქალაქდებით („პრიგოვორით“) ტუსადი გადაუციათ ღუშეთის მაზრის უფროსისათვის. მაზრის უფროსს ერთ ხანს ის ციხეში ჰყოლია, შემდეგ კი ბერბიჭაშვილი თავის აგენტად გაუხდია და ციხიდან გაუშვია. მას შემდეგ მთავრობის აგენტს გიგოლა ბერბიჭაშვილს — ბევრი ცული საქმე ჩაუდენია, მაგალითად. ორი ოჯახი დაურბევია მხოლოდ იმის გამო, რომ ქალი არ მიუთხოვებიათ მისთვის. ბევრი საზიზღარი საქმე აქვს ჩადენილი ბერბიჭაშვილს. დიდი ილიას მოკვლა ხომ აპოთეოზია „მისი საგმირო“ საქმეებისა!..

— ბრალდებულ ბერბიჭაშვილო, თუ გაქვს რაიმე წეკითხვა მოწმე ფალავას მიმართ? — დაარღვია ცოტაოდენი პაუზა თავმჯდომარემ.

— არა მაქვს! — არხეინად უპასუხა ბერბიჭაშვილმა.

რამდენიმე მოწმე დაკითხეს კიდევ. ყველამ აჩვენა, რომ ბერბიჭაშვილი იყო ბინძური ადამიანი, ქურდაბაცაცა, მძარცველი, აგენტი.

— ბერბიჭაშვილო, მოახსენე სასამართლოს: რა ფერისა და რა ზომის იყო წითელი პარტიზანობის მანდატი, რომელიც შენ გქონდა: წიგნაკი იყო ის თუ ჩვეულებრივი ქალაქი? გვითხარა აგრეთვე, ვინ აწერდა ხელს შენს მანდატს?

მიედ-მოედო რაღაცეებს ბერბიჭაშვილი, რომელიც, ჩანს, არ ელოდა ასეთ კითხვას. მან „აღწერა“ მანდატი და თქვა: ჩემს მანდატს ხელს კობახიძე აწერდაო, და დაახასიათა — ვინ

იყო ის კობახიძე (თუ არ ვცდები, ეს გვარი დაასახელა).

— ბრალდებულო, ჩანს, შენ არათუ არ გქონია წითელი პარტიზანის მანდატი, თვალითაც არ გინახავს არასოდეს! იკვებნი — წითელი პარტიზანი ვიყავიო, და ისიც კი არ გცოდნია, რომ პარტიზანის მანდატს არაეინ არ აწერდა ხელს და არც შეიძლებოდა ვინმეს მოეწერა: მას ხომ დაიპერდა მეფის მთავრობა მანდატის ხელში ჩაგდების შემთხვევაში! მანდატს ორგანიზაციის ბეჭედი ჰქონდა დასმული მხოლოდ, რაც შენ არც კი გცოდნია!

სასამართლოს რვა სხდომაზე ბევრი რამ ითქვა, საქმის ბევრი დეტალი გამოირკვა. გამოქვეყნდა სხვადასხვა საინტერესო საბუთი, ცნობა იმის დასამტკიცებლად, რომ ი. ჭავჭავაძე საშიში კაცი იყო თვითმყრობელობისათვის და მისი „თავიდან მოცილება“ უნდოდა მეფის ჟანდარმერიას. არა ერთხელ მიუწერიათ ჟანდარმებსა და ცენზორებს პეტერბურგისათვის, რომ ილია ჭავჭავაძე ეროვნულ-განმათავისუფლებელი მოძრაობის ლიდერია საქართველოში, მის ბინაზე საეჭვო და საშიში პირები იკრიბებიან, რომ ილია ჭავჭავაძე ცდილობს შეაპაროს ცენზორებს მთავრობის საწინააღმდეგო წერილებიო და სხვა.

ილია ჭავჭავაძის მკვლელობა ჟანდარმერიის აგენტებმა რომ მოაწყვეს და რომ ჟანდარმერიამ იცოდა — სად და რომელ საათზე მოკლავდნენ ილიას, — იქიდან ჩანს, რომ დანიშნულ დღესა და საათზე დეპეშა გაიგზავნა პეტერბურგში ილიას მოკვლის შესახებ, თუმცა დეპეშის გაგზავნის წუთებში ილია ჯერ კიდევ მოკლული არ იყო. (ჩანს, დეპეშის ავტორმა ვერ გაითვალისწინა ის, რომ ი. ჭავჭავაძეს გზაში დაავიანდებოდა და მკვლელობის ადგილას ერთი თუ ორი საათით გვიან მივიდოდა). ნათელი გახდა ისიც, რომ ჟანდარმერიამ მოახერხა ისე მოეკლა ილია, რომ მისი მკვლელობა სოციალ-დემოკრატიული პარტიისათვის დაებრალეზინა. ამ მიზნით ჩაითრიეს საზიზღარ საქმეში ბრძემბი: ხიზანიშვილი და აფციანური. ზოგიერთ გაზეთში დაბეჭდილმა წერილმაც შეუწყო ამას ხელი.

— არ გასულა დიდი დრო მას შემდეგ, რაც პატიმრები და

საქმეები გავგზავნე ღუშეთიდან თბილისში, — განაგრძო მოწმე ფალავამ, — როცა მეფის მთავრობის მიერ განთავისუფლებული ჯაში ღუშეთიდან თბილისისაკენ მიმავალს შემხვდა საგურამოში და გამომწვევი კილოთი უტიფრად მითხრა: თქვენ გინდოდათ მე დაგელუბეთ, მაგრამ არ გამოგივიდათო! — ახლა რომ მხედავთ მოხუცებულობისაგან გაჩაჩახაკებულს, ასე კი არ ვიყავი მაშინ, — განაგრძო ფალავამ, — მინდოდა შუაზე გამეგლიჯა, მაგრამ თავი შევიკავე... 1907 წელს სასამართლოს სკამზე იჯდა მხოლოდ ორი მკვლეელი (ხიზანიშვილი და აფციაური); მკვლელობის ორგანიზატორი და სულის ჩამდგმელი ჯაში აშკარად „გამოძვრა“. ნამამასახლისარ ივანიშვილს, დაკითხვის შემდეგ ციხეში რომ მიჰყავდათ, უთხრეს — გაიქეცი, მცველები თოფს არ გესვრიანო. გაიქცა, ესროლეს, მოკლეს. მესამე აგენტს, რომლის ტყვეითაც მოკვდა ილია — გ. ბერბიჭაშვილს — ხელს არ უშლიდნენ დამალულიყო. ერთ ხანს ის მართლაც იყო ცოტა ხნით სპარსეთში, შემდეგ ხან ბაქოს გუბერნიაში იმალებოდა და ხან მთაში, ცხვარში. მოხერხებული კაცი იყო და ვერსად მივაგენი მის კვალს. 1907 წ. სასამართლოს სხდომის დროს ხიზანიშვილის თუ აფციაურის დამცველი წამოდგა და თავმჯდომარეს მოახსენა: მთავარ დამნაშავეს ვერ ვხედავ საბრალდებულო სკამზე! ნება მიბოძეთ რამდენიმე სიტყვა მოგახსენოთ ამის შესახებო. სასამართლოს თავმჯდომარემ, აი ასე რომ იჯდა, როგორც თქვენ ახლა ბრძანდებით, თითი ასე ქნა (ფალავამ თავი დააქნია) — ადვოკატი მიუახლოვდა თავმჯდომარეს, რომელმაც მას რაღაც უთხრა. შემდეგ დაჯდა თავისთვის და ხმა გაიკმინდა... დახვრიტეს ბრმა იარაღები — ხიზანიშვილი და აფციაური და საქმე ამით დამთავრდა.

სასამართლოს შემდგომ სხდომაზე ილაპარაკეს დამცველმა და პროკურორმა.

დამცველმა დაახასიათა ილია ჭავჭავაძე როგორც ნაციონალურ-განმათავისუფლებელი მოძრაობის დიდი მედროშე, ხაზი გაუსვა მის ღვაწლსა და დამსახურებას, წარმოგვიდგინა ბერბიჭაშვილი როგორც უტიფარი ადამიანი, რომელიც არც



ახლა ინანიებს თავის დანაშაულს; მთელს პროცესზე თავი ისე უჭირავს, თითქოს საგმირო საქმე აქვს ჩადენილი. მიკიბულ-მოკიბული, მიხვეულ-მოხვეული ლაყბობა, თავისი დანაშაულის შეუგნებლობა — აი, რა ახასიათებს მას. მაგრამ, იმედი მაქვს, — განაგრძობდა დამცველი, — ბრალდებული უკანასკნელ სიტყვაში მაინც მოინანიებს ცოდვას და სთხოვს სასამართლოს, რომ ეს მას სიბრმავით მოუვიდა და შეიწყალონ.

დამცველის შემდეგ ილაპარაკა პროკურორმა. მან მიწასთან გაასწორა ნაძირალა ბერბიჭაშვილი: ილიას საფლავზე ვარდი და იანი ამოვლენ, ქვეყანას დაამშვენებენ, შაშენი და ბულბულნი აჭიკჭიკდებიან, ხოლო ბერბიჭაშვილის საფლავს ნაგავი დაფარავს და ჭია-ღუები დაესევიანო, — თქვა მან.

სასამართლოს დადგენილებით ბრალდებული გიორგი პეტრეს ძე ბერბიჭაშვილი ცნობილ იქნა დამნაშავედ და მიესაჯა სასჯელის უმაღლესი ზომა — დახვრეტა.

## პარლამ დიდიზურის წიგნები

1. „Четырѣхлетка“. III და IV კლასების რუსული ენის სახელმძღვანელო. 1926 წ. (თანაავტორი. 6 ფორმა. გამოიცა 3-ჯერ).
2. „პირველი წიგნი“. ნაწილი პირველი (ანბანი), I კლასის სახელმძღვანელო. 1926 წ.
3. „პირველი წიგნი“. ნაწილი მეორე (ანბანის შემდეგ საკითხავი წიგნი). I კლასის სახელმძღვანელო. 1926 წ.  
სახელმძღვანელოს ორივე ნაწილი (ა. გვახარია თანაავტორობით) — მეათე გამოცემის შემდეგ „ანბანისა“ და ბოლოს „დედაენის“ სახელწოდებით — სულ გამოიცა 19-ჯერ: 1926 — 1943 წ. წ.
4. „ანბანი“. I კლასის სახელმძღვანელო. 1936 წ. .
5. „დედაენა“. ნაწილი პირველი (ანბანი). I კლასის სახელმძღვანელო. 1938 წ.
6. „დედაენა“. ნაწილი მეორე (ანბანის შემდეგ საკითხავი წიგნი). I კლასის სახელმძღვანელო. 1938 წ.
7. „რამდენიმე კლასთან ერთდროულად მუშაობის ძირითადი საკითხები და გაკვეთილების კონსპექტები“. 1939 წ. (3 ფორმა).
8. „ქართული ენა“. ნაწილი პირველი, ნაწილი მეორე. სოფლის ახალგაზრდობის სკოლის სახელმძღვანელო. 1946 წ. (25 ფორმა).
9. „რამდენიმე კლასთან ერთდროულად მუშაობა“. 1946 წ. (თანაავტორი. 16 ფორმა).
10. „ქართული ენის სწავლება დაწყებით სკოლაში“. 1951 წ. (17 ფორმა. გამოიცა 3-ჯერ).
11. „კლასკომპლექტში მუშაობის ორგანიზაცია და მეთოდები“. 1955 წ. (7 ფორმა).
12. „ქართული ენის სწავლების საკითხები“. 1956 წ. (14 ფორმა).
13. „მასწავლებლის მოგონებები“. 1957 წ. (10 ფორმა).
14. „ქართული ენის სწავლების მეთოდიკა“ (იბეჭდება საქ. სსრ პედაგოგიკურ მეცნიერებათა ინსტიტუტის მიერ. 25 ფორმა).

გარდა ჩამოთვლილი წიგნებისა, ვ. დიდიზურის მიერ გამოქვეყნებულია ას ორმოცდაათზე მეტი სტატია, გამოკვლევა, რეცენზია და სხვა მეთოდური ხასიათის წერილი ამ უკანასკნელი 48 წლის მანძილზე.

## ს ა რ ჩ ე ვ ი

	83.
თ ა ვ ი I	ბავშვობის წლები. ნახაზულების ორკლასიანი სკოლა. მასწავლებლები. ხონის სასწავლებლები . . . . . 5
თ ა ვ ი II	ქუთაისის სამასწავლებლო სემინარიის ხონში დაფუძნების მიზეზები. სემინარიის რეჟიმი. პირველი დირექტორები . . . . . 20
თ ა ვ ი III	მეფის საწინააღმდეგო მოძრაობა ხონსა და მის რაიონში 32
თ ა ვ ი IV	სემინარიის ახალი დირექტორი. რეჟიმი. მასწავლებლები 40
თ ა ვ ი V	რეაქციის წლები 67
თ ა ვ ი VI	აკაკი წერეთელთან . . . . . 82
თ ა ვ ი VII	მასწავლებლობის პირველი წლები . . . . . 96
თ ა ვ ი VIII	მუშაობა ზემო სვანეთში (მულახი), ლეჩხუმში (ცაგერი), იმერეთსა (ხონი, კულაში) და აჭარაში (ქალაქი ართვინი) . 123
თ ა ვ ი IX	სტუდენტობის წლები. თბილისში მუშაობა 174
თ ა ვ ი X	სახალხო სახლის მშენებლობა სოფელში 193
თ ა ვ ი XI	ნიკო ნიკოლაძე (1843 — 1928) 215
თ ა ვ ი XII	შეხვედრა ნიკო მართან 224
თ ა ვ ი XIII	ილიას მკვლელის გასამართლება 229

რედაქტორი გ. თავნიშვილი  
გამომცემლობის რედაქტორი ქ. ქუჩუაშვილი  
მხატვარი თ. ხიკორსკაია  
ტექნიკური შ. ლოლობერიძე  
კორექტორი მ. გიორგაძე

გადაეცა წარმოებას 4-11-57 წ. ხელმოწერილია  
დასაბეჭდად 20-IX-57 წ. ანაწყოების ზომა  
5,5×8,5 ქალაღის ზომა 84×108. სასტამბო  
ფორმათა რაოდენობა 15,5. სააღრიცხვო ფორმა-  
თა რაოდენობა 10,25. ტირაჟი 18.000.  
უე 00087. შეკ. № 755. ფასი 7 მან. 60 კაპ.

**Варлам Давидович Дзидзигури**  
**Воспоминания учителя**  
(На грузинском языке)  
худ. Т. Сикорская

**Министерство Просвещения ГССР**  
**Детюнидات**  
**Тбилиси**  
**1957**